

ভলিউম ২ দ্বিতীয় খণ্ড **তিন গোয়েন্দা** ১০, ১১, ১২ রকিব হাসান



সেবা প্রকাশনী

ISBN 984-16-1282-8

প্রকাশকঃ

কাজী আনোয়ার হোসেন

সেবা প্রকাশনী

২৪/৪ সেগুনবাগিচা, ঢাকা ১০০০ প্রকাশক কর্তৃক সর্বস্বত্ব সংরক্ষিত

প্রথম প্রকাশঃ জুলাই, ১৯৯৪

প্রচ্ছদ পরিকল্পনাঃ আসাদুজ্জার্যান

মুদ্রাকরঃ

কাজী আনোয়ার হোসেন

সেগুনবাগান প্রেস

२०/० (अक्टानाहित

২৪/৪ সেগুনবাগিচা, ঢাকা ১০০০

যোগাযোগের ঠিকানা

সেবা প্ৰকাশনী

২৪/৪ সেগুনবাগিচা, ঢাকা ১০০০ জি পি. ও.বক্স নং ৮৫০

দ্রালাপনঃ ৮৩৪১৮৪

পরিবেশক প্রজাপতি প্রকাশন

২৪/৪ সেগুনবাগিচা, ঢাকা ১০০০

শো-রুমঃ সেবা প্রকাশনী

ঠ৬/১০ বাংলাবাজার, ঢাকা ১১০০

প্রজীপতি প্রকাশন ৩৮/২ক বাংলাবাজার, ঢাকা ১১০০

Volume-2

Part-2

TIN GOYENDA SERIES

By: Rakib Hazsan



জলদস্যুর দ্বীপ-১ ৫—৬৯ জলদস্যুর দ্বীপ-২ ৭০—১৩২ সবুজ ভৃত ১৩৩—২০৬



জলদস্যুর দ্বীপ ১

প্রথম প্রকাশ ঃ আগস্ট, ১৯৮৭

মৃদু চেউরে দুলছে দুটো জাহাজ—একটা বিটিশ, নাম সাউথ আটলান্টিক, অন্যটা স্প্যানিশ, নাম সাস্তা মারিয়া, গারে গা ঘষা লেগে আওয়াজ উঠছে কাঁচিকোচ, শোনা যাচ্ছে শেকলের ঝনাৎঝন। মোটা দড়ি দিয়ে একটার সঙ্গে আরেকটা বেঁধে রাখা হয়েছে, কখনও টানটান হয়ে যাচ্ছে দড়ি, ছেঁড়ে ছেঁড়ে অবস্থা, তার পরেই আবার একেবারে ঢিল

হয়ে যাচ্ছে।

মাথার ওপর মস্ত খোলা আকাশ গাঢ় নীল, গুধু অনেক পশ্চিমে হিসপ্যানিওলা পর্বতের ধোঁয়াটে চূড়ার মাথায় তুলোর মত খানিকটা শাদা মেঘ, গীরে গীরে ভেসে আসছে এদিকে। জাহাজদুটোকে ঘিরে চক্কর দিচ্ছে একটা অ্যালবেট্রস, তুর্যারগুত্র ছড়ানো বিশাল ডানা স্থির, সামান্যতম কাঁপনও নেই পালকগুলোতে, কি এক অডুত কৌশলে বাতাসে ভেসে রয়েছে পাখিটা, নিচে কাচের মত পরিষ্কার পানিতে তার ছায়া ভেঙে যাচ্ছে ডলফিনের দাপাদাপিতে। কাছাকাছিই রয়েছে ঝাঁকটা, কখনও জাহাক্রের একেবারে কাছে চলে আসছে, পরক্ষণেই একে অন্যকে তাড়া করে সরে যাচ্ছে তাবার দরে।

জ্যান্ত এই ছবির সঙ্গে মানিয়ে গেছে চমৎকার স্প্যানিশ জাহাজটা—রাজকীয় একটা কাঠের গ্যালিয়ন, লাল আর রূপালী রঙ করা কাউন্টার, পেছনের উচু পূপ গোনালি, কিছু পাল মাখনরঙা, কিছু টকটকে লাল।

অন্য জাহাজটা ঠিক তেমনি বৈমানান, বড় একটা ক্যানভাস, ষেটা দিয়ে কামান চিকে রাখা হড, সেটা এখন দলেমুচড়ে পড়ে রয়েছে ভাঙা প্রধান মাস্তুলের গোড়ার, তাতে অসংখ্য গুলির ফুটো। জাহাজের উজ্জ্বল রঙ জারগায় জারগায় মিলিন করে দিয়েছে কেনো রক্তের কালচে দাগ। ডেকে জমাট রক্তের মাঝে বেকায়দা ওসিতে পড়ে রয়েছে নাবিকদের লাশ, কেউ শূন্য চোখে তাকিয়ে রয়েহে আকাশের দিকে, কেউ মুখ ওঁজে পড়ে আছে ডেকে, কেউবা আবার চেয়ে আছে যেন গ্যালিয়নের পতাকাদেও উড়তে থাকা ভয়য়র পতাকাটার দিকে, তাতে আঁকা মানুষের হাড়ের একটা ক্রস, ক্রসের ওপর মড়ার খুলি—জলদস্যুর প্রতীকচিহ্ন। অতি সাধারণ একটা দশ্য ছিল এটা শতশত বছর আগে, ইংল্যাণ্ডের রাজা দ্বিতীয় চার্লসের আমলে।

সাউথ আটলান্টিক আড়াইশোঁ টনী জাহাজ, স্প্যানিশ মেঈন থেকে বাড়ি ফিরছিল, ইংল্যাণ্ডে, পথে দেখা হয়ে যায় সাস্তা মারিয়ার সঙ্গে। সাস্তা মারিয়া তখন ওই অঞ্চলের সাগরের ত্রাস লুই ভেকেইনির দখলে। লোকে বলে, লুই ডেকেইনি মানুথ না, মানুষর্মণী খোদ ইবলিস, পায়ে ফরাসী ওলন্দাজের মিশ্র রক্ত, নাবিকেরা তার নাম গুনলেই আঁতকে উঠত তখন। কাউকে রেহাই দিত না। ডেকেইনি. এমনকি শিশু আর বৃদ্ধরাও নিস্তার পেত না তার হাত থেকে, নিষ্ঠুরভাবে খুন হয়ে যেত। সেই ডাকাতের কবলে পড়ল ব্রিটিশ জাহাজটা।

সেদিন ভোরে দিগন্তে দেখা দিল সান্তা মারিয়া, দূর থেকে দেখেই, চিনল সাউথ আটলান্টিকের ক্যাপ্টেন রিচার্ড হ্যারিসন। চমকে উঠল। মহাদানব দেখা দিয়েছে, নিস্তার পাওয়া মুশকিল! তাদের ভাগ্য খারাপ, হঠাৎ করেই বাতাস পড়ে গেল এই সময়, গতি কমে গেল জাহাজের। সান্তা মারিয়া জাহাজ বড়, তার পালও বড়, পালে হাওয়া বেশি লাগে, ফলে ব্রিটিশ জাহাজের চেয়ে গতি বেশি এখন তার।

দ্রুত এগিয়ে আসছে জলদস্যুর জাহাজ। বুঝে গেল ক্যাপ্টেন হ্যারিসন, তার দিন শেষ হয়ে এসেছে। ঈশ্বরের কাছে অনুগ্রহ ভিক্ষা চাইল, নাবিকদের ভেকে ছোটখাট একটা বক্তৃতা দিল, তাদেরকে বলল, মরতেই যখন হবে, বিনা লড়াইয়ে মরবে না, বীরের মত লড়ে যাবে শেষ অবধি, যে ক'টা ডাকাতকে শেষ করে দেয়া যায়, তা-ই লাভ।

বীরের মতই লড়ল হ্যারিসন আর তার দল। কিন্তু টিকল না বেশিক্ষণ। শিলপিল করে জাহাজে উঠে এল ডাকাতের দল, ঘিরে ফেলল। তারপর গুরু হলো পাইকারী গণহত্যা। ক্যাপ্টেনের হাতে খোলা তলোয়ার, মুখে ঈশ্বরের নাম। একে একে মারা গেল ব্রিটিশ জাহাজের সব নাবিক, পেছন খেকে মাথায় আঘাত খেয়ে হুমডি খেয়ে ডেকে পড়ে গেল হ্যারিসন…

মরল না ক্যাপ্টেন। তার সঙ্গীসাথীরা কেউ জীবিত নেই। ক্যাপ্টেনের চ্যাঙ ধরে হিড়হিড় করে সারা ডেকে টেনে হিচড়ে কস্ট দিতে লাগল কয়েক ডাকাত মিলে, অন্যেরা লুটপাট চালাল জাহাজে। এরপর তাকে জিজ্ঞাসাবাদের জন্যে আনা হলো ডেকেইনির সামনে। স্প্যানিশ মেইই থেকে সহসা আর কোন জাহাজ ছাড়বে কিনা, ছাড়লে কোনদিকে যাবে, জানতে চাইল ডেকেইন। কিন্তু মুখে খিল এটে রইল ক্যাপ্টেন, কোন জবাবই দিল না। চাবুক দিয়ে তাকে যেডাবে খুশি পেটাল ডাকাতেরা, ক্যাপ্টেন অটল, টু শব্দ করল না। শেষে ডাকাতরাই বিরক্ত হয়ে হাল ছেড়ে দিল। হাত পিছমোড়া করে বেঁধে, জাহাজের গা থেকে বের করে রাখা চওড়া একটা তক্তার ওপর দাঁড়ে করিয়ে দেয়া হলো তাকে। কিন্তু ক্যাপ্টেনের চেহারায় মৃত্যুডয় নেই, 'মেরে ফেলো বা যাই করো, খোড়াই কেয়ার করি!' এমনি ভাব ফুটে রয়েছে।

তার চেহারার এই ড্যাম কেয়ার ভাব দেখে চমকে গেছে ডাকাতেরা, থমথমে নীরবতা বিরাজ করতে লাগুল। গুধু মাছখেক্যে পাখির চিৎকার আর চেউয়ের মৃদু বিড়বিড় ছাড়া আর কোন শব্দ নেই।

খুনী লুই ডেকেইনি, যার অনেকগুলো ভয়ংকর নাম, সে-ও ভুরু কুঁচকে তাকিয়ে আছে ক্যাপ্টেনের দিকে। তার নাম গুনলেই লোকে আতকে ওঠে, চেহারা দেখে ভিরমি খায়, স্প্যানিশ মেইনের আতঙ্ক সেই দানব লুইয়ের সামনেও এতখানি অটল থাকছে কি করে লোকটা, এত আত্মবিশ্বাস কিসের! জানে মরবে, তবুও এত শাস্ত রয়েছে কি করে ওই ইংরেজ ক্যাপ্টেন? কেমন যেন সন্দেহ জাগতে গুরু করেছে ডেকেইনির মনে। ব্যাপারটা কি?

কোন্দতে ঘাড় ঘুরিয়ে অনেক নিচের সাগুরের দিকে চাইল একবার ক্যাপ্টেন, তারপর তাকাল আবার ডাকাতদের মুখের দিকে। তাদের চোখে ঘুণা নেই, ভয় নেই, রয়েছে কেমন একটা দ্বিধা, জয়ের আনন্দ ফুটতে পারছে না ঠিকমত। ওদের দৃষ্টি স্থির ক্যাপ্টেনের কপালের দিকে। বন্দির ডুরুর ওপরে একটা রক্তাক্ত কাটা জখমের ওপরে উপরের আরেকটা জখম থেকে এক ফোঁটা রক্ত গড়িয়ে নামছে, ধীরে ধীরে সৃষ্টি হচ্ছে একটা ক্রশ।

অণ্ডন্ত সঙ্কেত। গুঞ্জন উঠল ডাকাতদের মাঝে, অডুত গুঞ্জন, বহুদূরের পাথুরে সৈকতে সাগরের ঢেউ ভাঙল যেন কিছুক্ষণ। তারপর হঠাৎ করেই থেমে গেল শব্দ, কথা বলে উঠেছে ক্যাপ্টেন।

'নরকের কুত্তার দল!' চেঁচিয়ে বলল ক্যাপ্টেন, 'তোদের সময় ঘনিয়ে এসেছে। আরেক পূর্ণিমা দেখার সুযোগ পাবি না কেউ!'

রোদতপ্ত বাতাস চিরে দিল যেন ডাকাতদের মিলিত চিৎকার।

'গুলি করো!' ভয়ার্ভ কণ্ঠে চেঁচিয়ে উঠল কয়লার মত কালো এক নিগ্রো। 'পেররো! ভামো আ ভার!' চাপা গলায় গর্জে উঠল আরের স্প্যানিয়ার্ড। 'গোড়ালিতে দড়ি বেঁধে উল্টো করে লটকে দাও!' গোঁ গোঁ করল একচোখো এক দানব।

'উডল--উডল চালাও, শিক্ষা হয়ে যাবে ব্যাটার!' পরামর্শ দিল আরেকজন। 'চুপ!' দস্যু-সর্দারের তীক্ষ্ণ কণ্ঠ যেন চাবুক মেরে নীরব করে দিল সবাইকে। সে তাকিয়ে রয়েছে ইংরেজ ক্যাপ্টেনের শাস্ত হাসিহাসি মুখের দিকে। আশ্চর্য! মৃত্যুকে সামনে দেখেও ভয় পার্চ্ছে না কেন লোকটা!

আমার জাহাজ খেকে যেসব মোহর নিয়ে তোমার মোহরের সঙ্গে মিশিয়েছ,' ডেকেইনিকে বলল ক্যাপ্টেন, 'তার মধ্যে বিশেষ একটা ডাবলুন রয়েছে, মন্ত্রপৃত অভিশপ্ত মোহর। তোমাদের ভাগ্য নির্ধারিত হয়ে গেল ডেকেইনি, মরেছ তোমরা। জোসেপ বউন-এর নাম নিশ্চয় গুনেছ, লালচুলো সেই বিখ্যাত দস্যু, ছায়ার মত যার গতিবিধি ছিল, গত হপ্তায় পোর্ট রয়ালে ধরে আনা হয়েছিলো তাকে। ওই মোহরটা ছিল তার পকেটে। মৃত্যুর আগে কি করেছে সে জানো? ফাঁসিকাঠে দাঁড়িয়ে মোহরটাতে তিনবার থুখু ছিটিয়ে অভিশাপ দিয়েছে সে—যার হাতেই যাবে ওই মোহর, ধ্বংস হয়ে যাবে সে, খুব দ্রুত।'

কেঁপে উঠল কুসংস্কারে আছিন্ন নাবিকেরা, আবার উঠল ভয়ার্ত গুঞ্জন।

'সেই মোহরটা এই জাহাজেই আছে, ইংল্যাণ্ডে রাজার কাছে নিরে যাচ্ছিলাম,' বলে গেল ক্যাপ্টেন, 'আমার অবস্থা তো দেখতেই পাচ্ছ। সাত দিনের বেশি টিকলাম না, তারমানে বউনের অভিশাপ কাজ করেছে। তোমাদেরও সময় ঘনিয়ে আসছে, রেহাই পাবে না কিছুতেই। তোমার ধনের সঙ্গে মোহর এখন মিশে গেছে। বাঁচতে হলে এখন সব মোহর ঢেলে ফেলে দিতে হবে সাগরে, সেটা করার কলজে তোমার হবে না। কাজেই মরেছ!'

জবান বন্ধ হয়ে গেছে ডাকাতদের। থমথমে হয়ে গেছে চেহারা, মনে মনে ঈশ্বরের নাম নিচ্ছে কেউ কেউ. সবার মুখেই স্পষ্ট ভয়। নীল আকাশের দিকে নীল চোখ ভূলল ক্যাপ্টেন হ্যান্থিসন! ঈশ্বর, আমার ডাক শুনতে পাচ্ছ। বউনের অভিশাপের সঙ্গে মিলিয়ে অভিশাপ দিহ্ছি আমি, মোহরের ধ্বংস-ক্ষমতা জ্বোরালো করো, আরপ্ত আরপ্ত অনেক বেশি জোরালো, যতক্ষণ না…'

গর্জে উঠল ডেকেইনির পিস্তল, আগুনের একটা হলকা ছুটে এসে ঢুকে গেল ক্যাপ্টেনের বুকে।

কথা থেমে গেছে হ্যারিসনের, আকাশের দিকেই চেয়ে রয়েছে নীল চোখের তারা, ঠোঁট নড়ল সামান্য, তারপর স্থির হয়ে গেল। উল্টে ডিগবাজি খেয়ে দেহটা ঝপাং করে পড়ল পানিতে।

ছুটে এসে দাঁড়াল ডাকাতেরা রেলিঙের ধারে। লাশটা দেখা যাচ্ছে না, ডুবে গেছে, পানিতে অদ্ভুত একটা গোল ঢেউয়ের চক্র ক্রমেই ছড়িয়ে যাচ্ছে, ঠিক মাঝখান থেকে ফুট ফুট করে উঠছে লালচে বুদবুদ। মাস্তুল আর পালের দড়িতে বাড়ি খেয়ে গোঙানি তুলল এক ঝলক বাতাস।

'কি…িকি হলো!' আঁতকে উঠল ডেকেইনি, মুখ রক্তশুন্য।

'বোধহয় অ্যালবেট্রস…' মুখ তুলে চেয়েই থেমে পেল কোয়ার্টার মাস্টার ব্ল্যাক জিউস। 'কই! নেই তো। কখন চলে গেছে! …আরে, দেখো, দেখো!'

দেখে স্তব্ধ হয়ে গেল ডাকাতেরা। পশ্চিম দিগন্তে, উত্তর্ম-দক্ষিণ ছেয়ে দিয়েছে যেন গাঢ় বেগুনী একটা চওড়া মেঘলা, আকাশের নীল ঢেকে দিয়েছে, খুব নিচু দিয়ে ধেয়ে আসছে যেন ওদেরকেই গ্রাস করার জন্যে।

জ্লদি! চেঁচিয়ে আদেশ দিল ডেকেইনি, জলদি জাহাজে গিয়ে উঠো। সব্বাই! কোলা ব্যাঙের স্বর বেরোল তার কণ্ঠ থেকে, ঠোঁট গুকিয়ে কাঠ।

হারিকেনের প্রথম ঝাপটায়ই ব্রিটিশ জাহাজের সঙ্গে বাঁধন ছিন্ন হরে গেল ডেকেইনির জাহাজের। প্রচণ্ড ঝটকা দিয়ে ফুলে উঠল সামনের পাল, দড়ির টানে যেন উড়ে গিয়ে সাগরে পড়ল দু জন ডাকাত, চোখের পলকে হারিয়ে গেল ফেনায়িত চেউয়ের তলায়। কাকতালীয় ঘটনাই বোধহয়, এই দুজন বেশি কষ্ট দিয়েছিল ইংরেজ ক্যাপ্টেনকে। ব্যাপায়টা অন্য নাবিকদের চোখ এড়াল না। ওরা ধরে নিল, এতে ঈশ্বরের হাত রয়েছে। আবার ঝাপটা দিল ঝড়ো বাতাস, এত জোরে বাতাস বইতে আগে কখনও দেখেনি ডাকাতেরা। সাস্তা মারিয়ার নাক ঘুরে গেল সাঁই করে, হালকা একটা শোলা যেন এতবড় জাহাজটা। পাহাড় সমান চেউ ফুঁসে উঠল, আছড়ে পড়ল জাহাজের ওপর, প্রধান মাস্তলের প্রায় অর্ধেকটাই ডুবে গেল সে চেউয়ে, অনেক কষ্টে যেন নাকানি-চোবানি খাওয়া ইদুরের মত ভেসে উঠল আবার জাহাজ।

সাত দিন সাত রাত ধরে বইল ভয়াবহ ঝড়, নয়জন ডাকাত মরল, বাকি যারা রইল জাহাজের পানি সেচা তো দ্রের কথা, তাদের দাঁড়ানোরও ক্ষমতা নেই আর। টলতে টলতে ক্যাপ্টেনের কাছে এসে বলল কোয়ার্টার মাস্টারঃ সমস্ত মোহর ফেলে দিন, নইলে বাঁচব না একজনও। রাজি হলো না ডেকেইনি।

চেঁচিয়ে শাসাতে শুরু করন ব্যাক জিউস, পেছনে অন্যেরা এসে দাঁড়াল, তারাও কণ্ঠ মেলাল কোয়ার্টার মাস্টারের সঙ্গে। জিউসকে শুলি করে মারলেন ডেকেইনি।

আট দিনের দিন বাতাস পড়ে পেল, কাচের মত স্থির শান্ত পানিতে চুপচাপ ডেসে রইল জাহাজ। অবস্থা কাহিল। খাবার আর'পানির সমস্যা দেখা দিল। পানিতে নোনা পানি মিশে গেছে, মাংস আর রুটি পচে ফুলে উঠেছে, পোকা কিলবিল করছে তাতে, খাওয়ার অযোগ্য। বিড় বিড় করে কার উদ্দেশ্যে গাল দিল ডাকাতেরা, কে জানে।

সম্বে নাগাদ দুটো দলে ভাগ হয়ে গেল ওরা। একদল চায়, সমস্ত মোহর পানিতে ফেলে দেয়া হোক, তাতে জীবন বাঁচলেও বাঁচতে পারে; আরেক দল অত ভয় পেল না, তারা ডেকেইনিকে সমর্থন করল। তর্ক-বিতর্ক থেকে মারাত্মক লড়াই, তারপর খুনজখম, খতম করে দেয়া হলো বিদ্রোহীদের। জনদস্যুর নিয়ম অনুযায়ী সাগরে ফেলা হলো লাশগুলো। স্থির সাগর আর স্থির রইল না, জাহাজের আশপাশে কিলবিল করতে লাগল শ'রে শ'রে হাঙর।

পরের ছয় দিনে আরও অনেক দল পাল্টাল, বিদ্রোহী হয়ে উঠল, আগের সঙ্গীদের পরিণতি হলো এদেরও। যারা মরল, তারা বরং বেঁচে গেল। যারা বেঁচে রইল, তাদের খাবার নেই, পানি নেই, তৃষ্ণায় ছাতি ফাটে ফাটে। অগত্যা রামের বোতল খুলে গলায় ঢালল কড়া মদ, কণ্ঠনালী জ্বালিয়ে দিল যেন তরল আগুন, ডেকে গড়াগড়ি খেতে লাগল সবাই। নেশার ঘোরে অন্তত খিদের কস্ট আর তৃষ্ণা ডুলে রইল। দুর্বল কণ্ঠে বিখ্যাত জলদস্য মরগানের গান ধরলঃ

ইফ দেয়ার বি ফিউ অ্যামাংস্ট আস আওয়ার হার্টস আর ডেরি গ্রেট; অ্যাও ইচ উইল হ্যাড মোর প্লাণার, অ্যাও ইচ উইল হ্যাড মোর প্লেট।

কিন্তু পরের দিনই আর হার্ট' ততবড় থাকল না. নেশা ছুটে গেছে ক্ষুধাতৃষ্ণা পাগল করে তুলল যেন ওদের। শিস দিয়ে সঙ্গীদের চাঙা করে তোলার ব্যর্থ চেষ্টা করল লুই ডেকেইনি। কাচের মতই সমতল রয়েছে এখনও সাগর। শিস দিয়েই বাতাসকেও আমন্ত্রণ জানাল ডেকেইনি, কিন্তু বাতাসও সাড়া দিল না তার ভাকে।

সাগরকে রক্তাক্ত করে দিয়ে যেন মন্ত একটা রক্তলাল সূর্য অন্ত গেল সেদিন, মাথায় লাল একটা বড় রুমাল বেধে একজন সহকারীকে ডাকল সর্দার। সারাদিন রাম গিলেছে, গলা শুকিয়ে সিরিশ কাগজের মত খসখসে হয়ে আছে, জানাল সঙ্গীদেরকে। আরও এক বোতল এনে দেয়ার অনুরোধ করল। বোতল এনে দিল লোকটা। কিন্তু মুখে তুলল না সর্দার, রেলিঙে হাত রেখে শাস্ত চোখে তাকিয়ে রয়েছে সাগরের দিকে। হাতটার দিকে ভালডাবে নজর পড়তেই চমকে উঠল লোকটা, চোখ বড় বড় হয়ে গেল, সর্দারের হাতের উল্টো পিঠে শাদা খুলো লেগে রয়েছে যেন, একটা গোল দাগ!

ডেকেইনির এই সহকারী পোড়খাওয়া নাবিক, অনেক দেখেছে অনেক গুনেছে, জাতে ফরাসী। ছুটে গেল সে সহকারীদের কাছে। মুখ ছাই, চোখ ঠিকরে বেরোবে যেন, বলন, 'ওকে—প্রেগে ধরেছে!' এটুকু বলেই চুপ হয়ে গেল।

ভয়েল, এক-হাত-ওয়ালা এক কামানবাজ লাফিয়ে উঠে দাঁড়াল, গাল দিয়ে উঠল অস্ফুট স্বরে, অনেক সাগর ঘুরেছে সে, অভিজ্ঞতা আছে অনেক, জানে এখন কি করা দরকার! টান মেরে খাপ থেকে ছুরি বের করল, কিন্তু খপ করে তার হাত চেপে ধরল ফরাসী ডাকাত, কাঁধের ওপর দিয়ে একনার চট করে তাকিয়ে দেখল ডেকেইনি দেখছে কিনা।

সে-রাতে, নেশায় বিভোর হয়ে আছে ডেকেইনি, এই সময় চুপি চুপি নৌকা নামাল তার অবশিষ্ট নাবিকরা—এই একটি মাত্র নৌকাই ঝড়ের কবল খেকে রেহাই পেয়েছে, জ্যোৎস্না-উজ্জ্বল সাগরে ধীরে ধীরে দাঁড় বেয়ে পালাল ওরা, জানে না, কড়া রোদ নৌকার কাঠের সর্বনাশ করে দিয়েছে, প্রতিটি জোড়া প্রায় আলগা। তবে সেটা জানল শিগপিরই। পুরো তিনটি দিন অমানুষিক পরিশ্রম করল ওরা, পালা করে কেউ দাঁড় বাইল, কেউ পানি সিঁচল, তারপর তাদেরকে তুলে নিল একটা স্প্যানিশ জাহাজ। কয়েকটা প্রশ্ন করেই জেনে নিল ক্যাপ্টেন, ওরা কারা। আর একটি কথা না বলে দুস্যুদেরকে নিয়ে পিয়ে খুলিয়ে দিল ফাঁসিতে।

জেগে উঠে দেখন ডেকেইনি, সবাই চলে গেছে তাকে ফেলে, একটা রামের বোতলও রেখে যায়নি। সারাটা দিন অভুত এক তন্দ্রার ঘোরে কেটে গেল তার, রাতে আবার ঝড় এল, তুমুল ঝড়। খানিকক্ষণ একাই জাহাজটাকে সামলানোর চেষ্টা করল, কিন্তু হাল ছেড়ে দিতে হলো শিগগিরই। প্রচণ্ড ক্লান্তিতে ডেঙে পড়ছে শরীর, হাঁপাতে হাঁপাতে কেবিনে এসে ঢুকল সে।

যুম ভাঙলে খেয়াল করল ডেকেইনি, ঢেউয়ের দোলা খেমে গেছে, জাহাজ প্রায় স্থির। অবাকই লাগল তার। ডেকে বেরিয়ে হাঁ হয়ে গেল। একটা দ্বীপের ধারে চলে এসেছে জাহাজ, অনেক বড় দ্বীপ, এমাখা-ওমাথা দেখা যায় না। একটা প্রাকৃতিক বন্দরে চুকেছে জাহাজ, চারদিকে পাহাড়, কি করে চুকল এখানে? ভাল করে দেখল না, চারদিকে পাহাড় নয়, একদিকে খোলা আছে, পথটা এত সরু, কোনমতে চুকতে পেরেছে জাহাজ।

তিনদিক থেকে पितে রাখা ধূসর পাথুরে পাহাড়ের খাড়া দেয়াল, জাহাজটা বতখানি উঁচু ঠিক ওওখানি, হাত বাড়ালেই ছোঁয়া যায় দেয়াল, ইচ্ছে করলে জাহাজ খেকে লাফিরে নামা যায় ওখানে, অবশেষে নামলও ডেকেইনি। সরু একটা পিরিপথমত রয়েছে সাগরেরে দিকে সাগর দেখতে পাচ্ছে না, তবে ঢেউয়ের শব্দ কানে আসছে, ওই পথেই ঝড়ের সময় ঢুকেছে জাহাজ, এসে পড়েছে পাহাড়ঘেরা ছোঁটু খাড়িতে। জায়গা ভালই, কিন্তু প্রথমে দেখা দরকার; ঘন জঙ্গলে মানুষখেকো আদিবাসীরা লুকিয়ে আছে কিনা। পানির ধার ঘেঁষে থাকা জঙ্গলে ঢুকে পড়ল ডেকেইনি, দেখে গুনে নিচিত হলো, আর কোন মানুষ নেই। পাহাড়ের বেশ ওপরে একটা পাথরে আরাম করে বসে চারপাশটা দেখল সে, খুশি হলো, চমৎকার জায়গা। মরগানের গানটা মনে শুড়তে হাসল মনে। এখন সে ছাড়া আর কেউ

নেই মোহরের ভাগ নেয়ার, যা আছে সব তার একার। আর হঁয়ে, জাহাজটা খাড়িতে চুকতে যথন পেরেছে, এখান থেকে বেরোতেও পারবে। সে একাই চালিয়ে নিয়ে যেতে পারবে জাহাজ, তবে তার আগে শরীরের শক্তি ফিরিয়ে অনতে হবে। নিশুর খারার আর পানি আছে দ্বীপে। প্রচুর খারার নিয়ে তুলতে পারবে জাহাজে, পিপেগুলোতে পানি, তারপর কোন এক সুদিন দেখে পাল তুলে দিয়ে খোলা সাগরে ভেসে পড়লেই হলো। দেখিয়ে ছাড়বে সে তার সঙ্গীদেরকে, যদি কেউ বেঁচে থাকে তখনও, সে একাই একশো, তাদের মত কাপুরুষ নয়।

কোন জায়গায় রয়েছে, ম্যাপ দেখে অনুমান করল ডেকেইনি। খাবার আর পানি পাওয়া গেছে, পেট ঠাণ্ডা, ফলে মাথাও ঠাণ্ডা। ভাবতে ভাবতে হঠাৎ মেরুদণ্ড বেয়ে ঠাণ্ডা ভয়ের একটা স্রোত নেমে গেল তার। আন্চর্য! এতক্ষণ মনে পড়েনি কেন? সেই অভিশপ্ত মোহর! ওটা রয়েছে মোহরের স্তুপে! বয়পায়টাকে কুসংস্কার বলে আর হেসে উড়িয়ে দিতে পারছে না এখন। ওরকম সাংঘাতিক একটা জিনিস নিয়ে আবার লাগরে ভাসতে লাহস হলো না তার। উপায়? সহজ একটা উপায় আছে। সব মোহরণ্ডলো দ্বীপেরই কোখাও লুকিয়ে রেখে যাবে। তারপর ভাল মজবুত আরেকটা জাহাজ আর দুঃসাহসী একদল নাবিক নিয়ে আবার ফিরে আসবে, এবার এমন লোক আনবে, যারা আগের নাবিকদের মত কাপুরুষ নয়।

পর্ত খুঁড়ে তাতে মোহর লুকিয়ে রাখত তখন লোকে, কিন্তু ডেকেইনি অত খাট্রনির দরকার মনে করল না। পাহাড়ের গারে একটা গর্ত খুঁজে বের করল, গোটা তিনেক পিপে একটার ওপর আরেকটা রাখা যাবে গর্তে। মোহরের স্পর্শ উক্তেশনা জাগায় তার, কিন্তু এখন লাগছে ভয়, অস্বস্তি, প্রায় প্রতি খাবলা মোহর থেকেই একটি মোহর তুলে নিয়ে সাবধানে দেখছে, মনে হচ্ছে এটাই বুঝি সেই অভিশপ্ত মোহর! ক্যানভাসের ওপর মোহর রেখে; চারটে কোনা এক করে বেঁধে পোঁটলা বানাল সে। একটা খালি পিপে রেখে এল গর্তে, তারপর পোঁটলা কাধে করে নিয়ে চলল।

পৌটলার সমস্ত মোহর পিপেয় ঢেলে আরও নিতে এল। নিয়ে গেল আরেক পোটলা। জাহাজে মোহরের স্তপ যতই ছোট হয়ে আসছে, মন ভারমুক্ত হয়ে যাচ্ছে

তার, হারামী মোহরটা বোধহয় চলে পেল জাহাজ থেকে, আর কোন ক্ষতি করতে পারবে না।

আশুন ঢালছে যেন সূর্য। কাজ করতে করতে ঘেমে নেয়ে গেল ডেকেইনি। কিন্তু অবশেষে শেষ হলো মোহর স্থানান্তর। কাজ শেষ করে, পাহাড়ে উঠে আরেকবার ভালমত দেখল ঢারপাশটা, দিক চিহ্ন গেঁথে নিচ্ছে মনে। ফিরে এলে সহজেই যাতে গর্তটা খুঁজে পায়।

জাহাজে এসে কেবিনে ঢুকে কাগজ-কলম বের করন। নিখুঁত একটা ম্যাপ এঁকে নেবে, শুধু চোখের আন্দাজের ওপর জরসা রাখতে চায় না। প্রায়ই ঝড় বয় এদিকে, সে যখন ফিরে আসবে, দ্বীপের এখনকার চেহারা তখন না-ও থাকতে পারে, তাই যেসব জিনিস সহজে নষ্ট হওয়ার আশঙ্কা নেই, ওগুলোকেই প্রধান চিহ্ন ধরে এঁকে ফেলল ম্যাপ।

হঠাৎই খেয়াল করল যেন সে বড় বেশি নীরব অঞ্চলটা! উত্তাপ নেমে যাচ্ছে

দ্রুত, বাইরে প্রথর রোদ অখচ শীত লাগছে তার, গায়ে কাঁটা দিচ্ছে। আবার অস্বন্তি ফিরে এল মনে। হংপিগের গতি বাড়ল। জোর করে মন থেকে ভয় তাড়াল সে, খুনী লুই আর যাই হোক, কাপুরুষ, একথা যেন কেউ কখনও বলতে না পারে।

ডেকে বেরিরে দেখল, চারদিক নির্জন, সেই আগের মতই। যতদূর চোখ যায়, সন্দেইজনক কিছু দেখা যাচ্ছে না, পার্থরে আছড়ে পড়া চেউরের মৃদু শুমরানি ছাড়া আর কোন শব্দও নেই। আপন মনেই মাথা বাাকিয়ে আবার কেবিনে চুকতে যাবে, চমকে উঠল একটা তীক্ষ্ণ শব্দে।

ঠিক জাহাজের ওপরেই ভেসে রয়েছে মন্ত একটা অ্যালবেট্রস! অতি পরিচিত মনে হলো পাখিটাকে। মুখ খেকে রক্ত সরে পেল ডেকেইনির। সত্যি দেখছে তো, নাকি কল্পনা? ওই পাখিটাকেই দেখেছিল না 'সাউথ আটলান্টিক' দখল করার সময়? আরে দূর, যত্তসব কুসংস্কার!—মনকে বোঝাল সে। কোমর খেকে পিন্তল খুলে নিয়ে তুলল পাখিটাকে গুলি করার জন্যে।

তিকেইনির মনের কথা পরিষ্কার পড়তে পারছে যেন পাখিটা, ছায়ার মত নিঃশব্দে দ্রুত ডেসে সরে গেল সীমার বাইরে।

পাখিটার আসার অপেক্ষায় রইল ডেকেইনি।

সীমার বাইরে খানিকক্ষণ ভেসে বেড়াল অ্যালবেট্রস, ধীরে ধীরে এগিয়ে আসতে লাগল আবার। মাঝে মাঝে বিষণ্ণ কণ্ঠে ডেকে উঠছে, মাথা নাড়ছে জ্ঞানী মানুষের ভঙ্গিতে।

জারে থুখু ফেলল ডেকেইনি, ভয় তাড়াচ্ছে আসলে মন খেকে। জীবনে এই প্রথমবার সতি্য ভয় পেয়েছে সে। দুই লাফে কেবিনে এসে চুকল আবার, মোটা একটা মোমের গায়ে পিন্তলটা কক-করা অবস্থায়ই ঠেস দিয়ে রেখে পালকের কলম তুলে নিল, দুঁতিন টানে একৈ শেষ করল ম্যাপটা। কালি ঝাড়তে গিয়েই ঘটল ঘটনাটা। তার জামার আন্তিনের একটা খাঁজ খেকে চুন্ন করে টেবিলে পড়ল একটা জিনিস। ঘড়াস করে বুকের খাঁচায় বাড়ি মারল ভেকেইনির হাংপিও, দম বন্ধ করে ফেলেছে, ঠিকরে বেরিয়ে আসকে মেন চোখ। একটা সোনার মোহর।

কর্মেক মুহূর্ত মোহরটার দিকে চেয়ে রইল ডেকেইনি, বিশ্বাস করতে পারছে না। অস্কুট একটা শব্দ করে নাফিয়ে উঠে দাড়াল, মোহরটার দিক থেকে চোথ সরাছে না। মন্ত্রমুদ্ধ করে কেলেছে যেন তাকে জিনিসটা। সে জানে, ওটা কি! কোনভাবে এই সাংঘাতিক জিনিসটা তার আন্তিনের খাজে আটকে গিয়েছিল, ফেন ইচ্ছে করেই, মোহরটা যেন জীবন্ত, জানে-বোঝে সব কিছুই। অনুমান করল ডেকেইনি, এটাই সেই অভিশপ্ত মোহর, যার গায়ে তিনবার থুথু হিটিয়েছিল বাউন। কিন্তু কেন তার হাতায় আটকাল? কেন পিপেতে পুড়ল না?

মোহরটার দিকে কাঁপা কাঁপা হাত বাড়াল ডেকেইনি, খেয়ালই করল না, টেবিল ঘেঁষে দাঁড়িয়েছে সে, তার শরীরের কাঁপুনিতে টেবিল কাঁপছে, মোমের গায়ে ঠেশ দিয়ে রাখা পিস্তলটা ধারে ধীরে নড়ছে, ঘুরে যাচ্ছে নলের মুখ। তারসামা হারিয়ে একসময় খটাশ করে পড়ল পিশুল, গর্জে উঠল। রক্তলাল একটা আন্তনের শিখা ছিটকে বেরোল কালো নলের মুখ খেকে, সোজা ছুটে এল ছেকেইনির বুক

লক্ষ্য করে। পোড়া বারুদের গন্ধ বাতাসে।

পুরো তিন সৈকেণ্ড যেন কিছুই টের পেল না ডেকেইনি, বুকের কাছে তীক্ষ্ণ একটা ব্যথা শুরু হলো, বাড়ানো ডান হাতটা বাড়ানোই থেকে পেল, চোখ মোহরের দিকে স্থির, কোনরকম প্রতিক্রিয়া নেই তার মাঝে। ব্যথা শুরু হতেই বাঁ হাত চেপে ধরল বুকে, ধীরে ধীরে হাতটা তুলে আনল চোখের কাছে। রক্ত! এতক্ষণে যেন বুঝতে পারল সে, শুলি খেরেছে! রক্ত সরে পেল মুখ থেকে, ঝড়ো-বাতাসে-লতার-মত কেঁপে উঠল তার শরীর, ধপ করে বসে পড়ল চেয়ারে। দুই হাত চেপে ধরেছে ক্ষতস্থানে, দেখতে পাচ্ছে, গল গল করে বেরিয়ে যাচ্ছে তাজা রক্ত, জীবনীশক্তি নিঙড়ে বের করে নিয়ে যাচ্ছে। কোন উপায় নেই…ঠেকানোর কোন উপায় নেই…

ধীরে, অতি ধীরে সামনের দিকে ঝুলে পড়তে শুরু করল তার মাথা, চোখে রাজ্যের ঘুম, দু'হাত টেনিলে বিছিয়ে তাতে কাত করে মাথা রেখে নীরবে যেন ঘুমিয়ে পড়ল দস্যু-সর্দার। হাতের রক্ত গালে লেগেছে, তাতে একটা মাছি বনল। নড়ল না ডেকেইনি, তাড়ানোর কোন চেষ্টা নেই। আরামে বসে রক্ত চুষতে থাকল মাছিটা। ওটার দেখাদেখি আরেকটা এসে বসল, আরেকটা, আরও একটা—দেখতে দেখতে মাছির জটলা জমে গেল, তবুও নড়ল না এককালের মহাপরাক্রমশালী দস্যু, খুনী লুই।

কৈবিনের খোলা জানালায় চকিতের জন্যে একটা শাদা ছাগা দেখা পেল, জানালার একেবারে ধার ঘেঁষে উড়ে গেল অ্যালবেট্রসটা, তীক্ষ্ণ চিৎকার করে উঠল। এসবের কিছুই দেখল না, শুনল লুই ডেকেইনি। গাঢ় নীল আকাশে ধবধবে শাদা ডানা মেলে দিয়ে উড়ে চলল পাখিটা, দূর হতে দূরে, মিলিসে গেল একসময় দিগন্তে।

ইংরেজ ক্যাপ্টেন রিচার্ড হ্যারিসনের মৃত্যুর পর ডেকেইনির জাহান্দে যত অঘটন ঘটেছে, সেগুলোর অভিশপ্ত মোহরের জন্যে না-ও হতে পারে। অভিশাপের ফলেই ঝড় এসেছে, 'এটা মনে করারও তেমন কোন কারণ নেই, ঝড়টা হরতো এমনিতেই আসত, কারণ হঠাৎ করে বাতাস পড়ে গিয়েছিল—ঝড়ের পূর্বাভাস, যার ফলে পালাতে পারেনি ব্রিটিশ জাহাজটা, বারক জাতীয় জাহাজ ওটা, বাতাস ঠিক থাকলে সাস্তা মারিয়ার চেয়ে গতিবেপ অনেক বেশি হত, ধরতে পারত না হয়তো ডেকেইনি। এমনও হতে পারে, কুসংক্ষারাচ্ছ্ম ডাকাতদের মনে ভয় চুকিয়ে দিখে গেছে ক্যাপটেন হ্যারিসন, আর তাতেই একের পর এক অঘটন ঘটিয়েছে তারা। তবে প্রত্যক্ষভাবে যদিও বা না হয়, পরোক্ষভাবে ওসব অঘটনের জনো মোহরটা হে দায়ী তাতে কোন সন্দেহ নেই।

যাই হোক, বছরের পর বছর পেরোল, প্রকৃতিতে নানারকম পরিবর্তন এল, গেল। কত সূর্য উঠল, ভুবল, বৃষ্টি এল, বাতাস বইল, এত কিছুই হলো, কিন্তু লুই ডেকেইনির পর আর দীর্ঘ দিন কোন মানুষ এল না সেই দ্বীপে। জাহাজটা আর দেখা যায় না এখন, তার ওপর লতাগুন্ম জন্মেছে, ডাল পাতা পড়েছে, ঢাকা পড়ে গেছে গ্যালিয়ন। রাজা দিতীয় জেমস যখন ইংল্যাণ্ডে রাজত্ব করছেন, তখন একদিন ভীষণ ঝড় বইল, ছোট্ট খাঁড়ির যে একটা দিক খোলা ছিল, সেটাও বন্ধ হয়ে গেল পাথর ধসে পড়ে, সাগরের পানি ঢোকার আর কোন পথই রইল না। অদ্ভূত একটা কবরে যেন গোর হয়ে গেল জলদস্যর জাহাজের।

আরও বছর গেল। আরও অনেক জঞ্চালের নিচে চাপা পড়ল ডেকেইনির জাহাজ। রানী অ্যানের যেদিন অভিষেক হলো, তিনি মাথায় মুকুট পরলেন, সেদিন ভেঙে পড়ল জাহাজের সমস্ত মাস্তুল, লতাপাতা ছিড়ে একাকার করল, তারপর ওগুলোও আবার ঢাকা পড়তে শুরু করল নতুন লতা পাতায়। রাজা প্রথম জর্জের আমলে একেবারে অদৃশ্য হয়ে গেল জাহাজ, ওটার আর কোন চিহ্নই দেখা যায় না বাইরে থেকে।

রাজা দ্বিতীয় জর্জের আমলে একটা জাহাজ এসে ভিড়ল দ্বীপে, পানি ফুরিয়ে গেছে, পানি দরকার নাবিকদের। পানি নিয়ে চলে গেল তারা, দ্বীপের গোপন রহস্য গোপনই রয়ে গেল।

রাজা তৃতীয় জর্জের আমলে কয়েকটা জাহাজ এসে ডিড়ল এক সঙ্গে—ইতিমধ্যে একশো বছর পেরিয়ে গেছে, তারাও জানল না দ্বীপের রহস্য। পানি আর খাবার দরকার, জোগাড করে নিয়ে চলে গেল।

বছর গেল। রাজা চতুর্থ জর্জের সময় জাহাজডুবি হয়ে এক নাবিক এসে আশ্রয় নিল ডেকেইনির দ্বীপে। পুরো একটা বছর নিঃসঙ্গ জীবন কাটাল সে ওখানে। কিন্তু এতদিনেও দ্বীপের গোপনীয়তা গোপনই রইল তার কাছে। একদিন একটা জাহাজ এল, সেই জাহাজে করে দেশে ফিরে এল নাবিক ডিখিরির মত মরার জন্যে। কোনদিনই জানল না, সাত রাজার ধন হাতের কাছেই ছিল তার একটি বছর।

বছর পেরোল। রাজা চতুর্থ উইলিয়ামের রাজত্ব শেষ হলো, এলেন রানী ভিক্টোরিয়া, রাজা সপ্তম এডওয়ার্ডও গেলেন, পঞ্চম জর্জ গেলেন, ইংল্যাণ্ডের সিংহাসনে বসলেন রাজা অস্টম এডওয়ার্ড, তখনও দ্বীপ তার গোপনীয়তা ফাঁস করল না রাজকোষের মোহরের একটা মস্ত স্থপ লুকিয়েই রেখে দিল খাঁড়ির কবর!

একদিন রাজা ষষ্ঠ জর্জ বসলেন ইংল্যাণ্ডের সিংহাসনে। তারও অনেক পরে দ্বীপে নামল কয়েকজন মানুষ।

অঙ্গলেষে, প্রায় তিনশো বছর পর গোপনীয়তা ফাঁস না করে আর পারল না জলদস্যুর দ্বীপ।

দুই

চিলেকোঠার জানালার কাচে নাক ঠেকিয়ে যন্দরের কালো পানির দিকে শূন্য চোখে চেয়ে আছে বব কলিনস। নভেম্বরের সন্ধ্যা নামছে, তার জীবনে আরেকটা বিষশ্ন সন্ধ্যা। বাইরে মন খারাপ-করে-দেয়া-ঝিরঝিরে বৃষ্টি। মাত্র পনেরোটা শীতকাল পেছনে ফেলে এসেছে বব, সামনে আরও কত শীত পড়ে রয়েছে কে জানে। ভাবতেই কালো হয়ে গেল তার অপৃষ্ট রক্তশূন্য ফেকাসে মুখ।

সুখ কাকে বলে জানে না বব, সোনালি স্মৃতি হয়ে রয়েছে গুধু হাতে গোণা কয়েকটা ঘণ্টা, সেই যে, দৃর সাগর থেকে অনেক দিন পর যখন দেখা করতে এসেছিল তার নাবিক বাবা, তখনকার স্মৃতি। বাবার পথ চেয়ে আর কখনও দিন গোণার প্রয়োজন হবে না, রোজ সকালে খবরের কাগজের পাতা উল্টে 'সী-ওয়েড' জাহাজটার টাইম-টেবল দেখারও কোন কারণ নেই আর। পানি জমল চোখের কোণে, ফোঁটা বড় হয়ে গাল বেয়ে নামল, চিবুক থেকে ঝরে পড়ল টপটপ, কিন্তু মুছল না বব, পাথর হয়ে গেছে যেন।

এই চিলেকোঠায়ই ববের জন্ম। তার মা যখন মারা গেল তখন তার বয়েস তেরো, বাবা দূর সাগরে, কোন খোজখবর নেই, সেই থেকেই জীবনযুদ্ধে বব একা, খবন্ধের কাগজ বিক্রি করে পেট চালায়। তার ছোট করে ছাঁটা সোনালি চুলে সন্ধ্যার ছায়া, ঘন নীল মায়াময় চোখের তারা নিষ্প্রভ।

খবরের কাপজে জাহাজ দুর্ঘটনার কথা জানল যে-রাতে বব, দুটোখের পাতা এক করতে পারেনি, বিছানায় শুধু এপাশ ওপাশ করেছে সারা রাত। বাবার মঙ্গল কামনা করে ঈশ্বরের কাছে প্রার্থনা করেছে। কয়েক হপ্তা পর এল সুসংবাদ, সী-ওয়েডের দু'তিন জন ভাগ্যবানের মাঝে তার বাবা একজন, সুস্থ হয়ে উঠছে বোসটনের এক হাসপাতালে। তখুনি ছুটে যেতে ইচ্ছে করেছিল তার, কিন্তু গাড়ি ভাড়া জোগাড় করতে পারেনি।

এটা কয়েক হপ্তা আগের ঘটনা। তারপর, এই ঘটাখানেক আগে এসেছে দুঃসংবাদ, খবর নিয়ে এসেছে এক নাবিক, অনেক খুঁজেপেতে বের করেছে ববের চিলেকোঠা। একটা চিঠি নিয়ে এসেছে ববের বাবার কাছ খেকে, ওই তো, ঘরের কোণে পুরানো নড়বড়ে টেরিলটায় পড়ে আছে খামে ভরা চিঠিটা। মুমূর্ব এক নাবিকের শেষ অুনরোধ ফেলতে পারেনি আরেক নাবিক, পৌছে দিয়েছে চিঠিটা। লোকটা দেরি করেনি, দু চারটা কথা বলেই বিদায় নিয়েছে, তার নামও জিজ্ঞেস করা হয়নি।

নাবিকাদনে গেছে, হাসপাতালে মারা বায়নি ববের বাবা, মারা গেছে সাগরতীরের ছোট্ট এক সরাইখানায়। ভাল হয়ে উঠেছে তখন কলিনস, বন্ধুত্ব হুরেছে নাবিকের সঙ্গে, দুজনে মিলে আবার জাহাজে চাকরি খুঁজেছে, পেয়েও গিয়েছিল চাকরি। পরদিনই চলে যেত সরাইখানা ছেড়ে, কিন্তু তার আগেই ঘটে গেল ঘটনা। গভীর রাতে পাশের ঘরে গোঙানি শুনে ঘুম ভেঙে যায় নাবিকের, তাড়াতাড়ি উঠে গিয়ে দেখে বিছানায় পড়ে কাতরাচ্ছে কলিনস, রক্তে মাখামাখি, পিঠে বিধে আছে একটা বড় ছুরি। নাবিককে দেখে কাছে ডাকল, একটা চিঠি হাতে তুলে দিয়ে অনুরোধ করল, ওটা যাতে তার ছেলের কাছে পৌছে দেয়, ববের চিলেকোঠার ঠিকানাও দিল বিড়বিড় করে কোনমতে।

নাবিক কি মিছে কথা বলেছে? কিন্তু কেন বলবে? না, তেমন কোন কারণ খুঁজে পাচ্ছে না বব।

্রতরে চিঠিটা খুলছে না সে, এখনও ক্ষীণ আশা রয়েছে, তার বাবা মারা যায়নি। কিন্তু চিঠি খুলে পড়লেই হয়তো ওই আশাটুকুও থাকবে না। গত এক ঘণ্টায় বার বার চিঠিটা হাতে নিয়েছে সে খোলার জন্যে, কিন্তু শেষ পর্যন্ত পারেনি, আবার নেখে দিয়েছে। ভারি বেশ পুরু চিঠি, খামের ওপর পেনসিলে অস্পষ্টভাবে লেখা রয়েছে ববের নাম-ঠিকানা। বাবার হাতের লেখা চেনে বব, খামের ওপরে লেখার সঙ্গে ঠিক যেন মেলে না। না মেলারই কথা। আহত অসুস্থ একজন লোক লিখতে যে পেরেছে, এই যথেষ্ট, হাত কেঁপেছে, গুটি গুটি কব্রে সুন্দর অক্ষরে লিখবে কিকরে?

জাহাজে ভেঁপুর তীক্ষ্ণ শব্দে চমক ভাঙল ববের, জানালা থেকে নাক সরাল। দেখল, গভীর সাগরে চলাচলকারী একটা ট্র্যাম্প স্টামার ধীরে ধীরে এসে লাগছে বন্দরে, ধূসর অন্ধকারে মস্ত এক জলদানব যেন উঠে এসেছে সাগরের তল থেকে। গায়ে কাটা দিয়ে উঠল ববের, দৃশ্যটা মোটেই সুখকর নয়, এই মুহুর্ব্তে আরও খারাপ লাগছে, বিষশ্নতর করে তুলেছে পরিবেশ। বাইরে বৃষ্টিপাত আরও হীম হয়েছে, ধোঁয়াটে একটা ভেজা চাদর যেন ঝুলে রয়েছে বাতাসে। রাস্ত্রাখাটে প্যাচপ্যাচে কাদা, হুসহুস করে পানি ছিটিয়ে কদাচিত চলে যাচ্ছে একআধটা গাড়ি। বাড়িঘরে আলো জুলে উঠছে, ঘোলাটে হলুদ মিটমিটে আলো।

সিঁড়িতে পার্মের শব্দ হলো। বিরক্তিকর দৃশ্য থেকে চোখ ফেরানোর সুযোগ পেয়ে যেন বেঁচে গেল বব, মনে পড়ল, এমনি এক সন্ধ্যায়ই সিঁড়িতে ভারি বৃটের শব্দ উঠেছিল মচমচ করে, দরজা খুলে গিয়েছিল ঘরে চুকেছিল তার বাবা। মনে আশার দোলা, আহা, এখনও যদি তাই হত!

চিলেকোঠার দরজার কাছে এসে থামল পায়ের শব্দ। কে? নাবিক কি আবার ফিরে এসেছে? তুলে গিয়েছিল কোন কথা বলার জন্যে এসেছে? কি জানি কেন, প্রথমেই চিঠিটার ওপর চোখ পড়ল ববের, এক লাফে গিয়ে খামটা তুলে নিয়ে ফেলে দিল পুরানো কাগজপত্রের স্তুপে। ঠিক এ সময় ঝটকা দিয়ে খুলে গেল দরজা।

লোকটাকে দেখে পিছিয়ে গেল বব। হিমশীতল চোখে তারিয়ে রইল আগন্তক এক মুহুর্ত, তারপর ঘরে ঢুকল। মানুষ না, যেন এক গরিলা। চওড়া কাঁধ, লয়া রোমশ হাত হাটু ছুয়েছে প্রায়, মুঠো খুলছে আর বন্ধ করছে। আধুনিক মানুষের সঙ্গে চেহারার মিল খুবই কম, সভ্য মানুষের পোশাক পরে গুহা থেকে জ্যান্ত হয়ে উঠে এসেছে যেন এক প্রাইগতিহাসিক গুহামানব। বা কানের নিচ থেকে কান্তের মত বাকা হয়ে এসে ঠোটের কোণে মিশেছে গভীর কাটা দাগ। ঘন ভুরু, চুল আর গায়ের রোমের মতই লালচে। ময়লা নীল জারসি দেখেই অনুমান করা যায়, লোকটা নাবিক।

স্থির দৃষ্টিতে একে অন্যকে দেখল দৃ্জনে।
'নাম কি?' খসখসে গলা লোকটার।
'বব…বব কলিনস,' দুরুদুরু করছে বুকের ভেতর, গলা কাঁপছে তার। 'রিক কলিনসের ছানা?' মাখা ঝাঁকাল বব। 'সী-ওয়েডে চাকরি করত।' 'রুলি বার্ট দেখা করতে এসেছিল, নাং'়

'কি নাম বললেন?'

'বার্ট, রলি বার্ট,'নাবিক। একটু আগে এসেছিল?'

'হাা, একজন নাবিক এসেছিল।'

'তোমার বাবার কাছ থেকে কোন চিঠি এনেছে?'

'হ্যা ৷'

'কোথায় ওটা?' কণ্ঠস্বর বদলে গেছে লোকটার হঠাৎ, পিস্তলের ওলি ফাটাল যেন।

'কে…কেন…'

'প্রশ্ন কোরো না!' ধমকে উঠল লোকটা ৷ 'কোথায়?'

'কি করকেন?' সাহস করে জিজ্ঞেস করে ফেলল বব।

'কোখায়!' চেঁচিট্যৈ উঠল লোকটা।

জুলে উঠল ববের নীল চোখ, কঠিন হলো চোয়াল। 'বলব না।'

প্রৈট থেকে ছুরি বের করন লোকটা, বোতাম টিপতেই ক্লিক করে খুলে গেল লম্বা বাঁকানো ফলা। বলবে না, নাং'

ঝকঝকে মারাত্মক ফলাটার দিকে ফেন মন্ত্রমুন্ধের মত চেয়ে রয়েছে বব, সরাতে পারছে না দৃষ্টি।

সামনে বাড়তে শুরু করল নাবিক, সামান্য কুঁজো হয়ে গেছে শরীর, হিংস্র জানোয়ারের মত ঠোঁট ছড়িয়ে গেছে দু'পাশে, বেরিয়ে পড়েছে দুই সারি ক্ষয়ে যাওয়া হলদেটে দাঁত। এগিয়ে আসছে এক পা এক পা করে।

পিছিয়ে এল বব, হাত ঠেকল সেইনের দেয়ালে। ডয়ংকর একটা মুহুর্ত দিশেহারা হয়ে দাঁড়িয়ে রইল সে, পরক্ষণেই ঘরের একমাত্র চেয়ারটা তুলে নিয়ে ছুঁড়ে মারল। চোখের পলকে মাখা নিচু করে কেলল নাবিক, চেয়ারটা গিয়ে লাগল উল্টোদিকের জানালায়।

র্মনঝন শব্দে কাচ ভাঙল, শব্দের রেশ মিলিয়ে যাওয়ার আগেই ছুটে জানালার কাছে এসে বাইরে মুখ বাড়িয়ে চেঁচিয়ে উঠল বব, 'বাঁচাও! বাঁচাও!' নিচের অন্ধকারে কেউ তার চিংকার গুনল কিনা বোঝা গেল না।

नाकिरः वरवत পिছन এসে माँजन नाविक।

শেষ মুহুর্তে পেছনে ফিরে তাকাল বব। ছুরি চালিয়েছে লোকটা। ঝট করে বসে পড়ল সে, কোনমতে ছুরি খাওয়ার হাত থেকে বাঁচল। ভারসাম্য হারিয়ে কাত হয়ে গেছে নাবিক, সুযোগটা কাজে লাগাল বব। নাবিকের বগলের তলা দিয়ে ছুটে গেল দরজার দিকে, তাড়া খাওয়া খরগোশের মত দিকবিদিক হঁশ হারিয়ে লাফিয়ে পড়ল সিড়িতে, একেক লাফে দু'তিনটে করে সিড়ি টপকে নেমে চলল নিচে, অন্ধকারে পা ফুসকে পড়লে যে ঘাড় ভেঙে মরবে, সে খেয়াল নেই।

পেছনে ফিরে তাকানোর সাহস বা সময় কোনটাই নেই ববের, সিঁড়ির একেবারে শেষ মাথায় এসে পড়ল। শূন্য হলঘর, ওপাশে দরজা। এক ছুটে হল পেরোল সে, ধাক্কা দিয়ে খুলে ফেলল ভেজানো দরজা, লাফিয়ে এসে নামল পথে। কোন দিকে তাকানোর ফুরসত নেই, স্মেজ্যু সামনে ছুটল, মোড়ের লাইট পোস্টের কাছে প্রায় সময় একজন পুলিশকে পাহারায় থাকতে দেখেছে, তাকেই এখন দরকার।

দশ গজও যেতে পারল না বব, তার আগেই হুমড়ি খেরে পড়ল কার গায়ে। আবছা অন্ধকারে তার পথ রোধ করে দাঁড়িয়ে আহে তিনজন আনুষ, একজন বড়, অন্য দুজন তারই মত কিশোর। পাশ কাটিয়ে যাওয়ার চেষ্টা করল বব, খপ করে তার হাত চেপে ধরে আটকাল লোকটা। লোহার সাঁড়াশি দিয়ে যেন কেউ কজি জেপে ধরেছে ববের।

'হোকে!' বাজখাই গলা বিশালদেহী দানবটার। 'কি হয়েছে, খোকা? ডুতে তাডা করেছে?'

গলা শুনেই বুঝল বব, চোরডাকাত নয়, ভদ্রলোকের হাতেই পড়েছে। স্বস্তির নিঃশ্বাস ফেলন। হাঁপাতে হাঁপাতে বলন, 'ওখানে—ওখানে, আমার ঘরে একটা লোক…'

'লোকং' হাসল লোকটা। 'লোক তের্লি আর ভূত না, ঘাড় মটকে…'

'আরেকটু হলেই খুন করত আমাকে!' তিক্ত কর্চ্চে বলল বব।

'খুন!' 'হ্যা।'

'কিভাবে?'

'ছুরি মেরে।'

'ওর কথায় রাজি হইনি, তাই।'

'কি করতে বলেছিল?' জিজ্ঞেস করল এক কিশোর।

্র একটা চিঠি। আমার বাবার চিঠি। প্লীজ, তোমরা আমার সঙ্গে চলো। চিঠিটা নিতে দিও না ওকে! অনুনয় করল বব।

'চিঠি!' লোকটার দিকে ফিব্ল কিশোর। 'বোরিস, চলুন তো দেখি, কি ব্যাপার? আসুন, জলদি!' ববের দিকে ফিরে বন্দু, 'চলো, তোমার ঘর দেখাও।'

দ্বিধা করল বব, তারপর বোরিসের হাত থেকে হাত ছাড়িয়ে নিয়ে ঘুরে দাঁড়াল। অন্ধকার সিঁড়ি বেয়ে চিলেকোঠার দরজায় এসে দাঁড়াল চারজনে। দরজা বন্ধ। নিচের ফাঁক দিয়ে মৃদু আলো আসছে। 'এই ঘর!' বনল বব। 'কিন্তু আমি যখন বেরিয়েছিলাম, খোলা ছিল দরজা।

'भत्रका वक्ष करत पिरत्र निक्तत्र कानाना पिरत्र नाकिरत्र भानिरत्रष्ट्।' वनन जारतक কিশোর।

'না, সঙ্ব না!' মাথা নাড়ল বব। চল্লিশ ফুট⊹ুলাফিয়ে নামতে পারবে না।' 'ভেতরেই আছে তাহলে।' চেঁচিয়ে ডাকল বোরিস, 'এই যে, ভেতরের মানুষ! দর্জা খো*লো*!

সাডা নেই।

'এটাই তোমার দর তো, খোকা?' সন্দেহ বোরিসের কণ্ঠে।

'নিক্য়ই ।'

'ভাড়া দাও?'

'নইলে থাকতে দেবে কেন্?'

'সত্যি বলছ?'

'খোদার কসম!'

'হোকে! এই, তোমরা সরে দাঁড়াও।' দু'পা পিছিয়ে এসে ছুটে গিয়ে দরজার

ওপর পড়ল যেন হাতি, মড়মড় করে ভেঙ্গে পড়ল পালা।

টেবিলের কাছে দাঁড়িয়ে আছে গরিলাটা, হাতে একটা চিঠি, মাত্র পেয়েছে বোধহয়। কোরিসকে দেখে কুঁচকে গেছে ঘন ভুরু। হাত বাড়িয়ে তুলতে গেল টেবিলে পড়ে থাকা ছুরিটা।

'খবরদার!' ধমকে উঠল বোরিস। 'ঘাড় মটকে দেব ধরে! এখানে কি করছ?' 'সেটা তোমার ব্যাপার না!' শুয়োরের মত ঘোঁত ঘোঁত করে উঠল গরিলা।

'এই হারামজাদা!' হঠাৎ করেই রেগে গেল সদাশান্ত বোরিস। 'আমার ব্যাপার না তো কি তোর? হারামির বাচ্চা হারামি, এখানে চুকেছিস কেন? রাখ্, চিঠিটা রাখ্!'

े 'যদি না রাখি!' পলায় জোর নেই পরিলার, বুঝতে পারছে, ওই ভালুকের সঙ্গে

লাগতে যাওয়া উচিত হবে না।

'হাত দুটো ভাঙৰ আগে, পা খোঁড়া করব, এরপর নিয়ে যাব পুলিশের কাছে।' তুরির দিকে হাত আয়েকটু বাড়ল গরিলার।

দুই লাখে কাছে চলে এল বোরিস, চেপে ধরল কজি, একটানে সরিয়ে আনল টোনলের কাছ থেকে। কজিতে বেকায়দা এক মোচড় দিতেই চিঠিটা খসে পড়ল নাবিকের হাত থেকে, বাখায় উই করে উঠল। লোকটাকে মাখার ওপর তুলে নিল বোরিস, তারপর আলক্ষাছে ছেড়ে দিল। দড়াম করে মেঝেতে পড়ল গরিলা, কেঁপে উঠল সারা বাড়ি।

কোমরে হাত দিয়ে কোঁকাতে কোঁকাতে কোনমতে বাঁকা হয়ে উঠে দাঁড়াল নাবিক, জানোয়ারের মত দাঁত খিচিয়ে বলল, আ-আমি দেখে নেব তোকে…'

ধরার জন্যে আবার হাত বাড়াল বোরিস।

এক লাফে পিছিয়ে গেল নাবিক। একে একে নজর বোলাল তিন কিশোরের ওণার, বোরিসের দিকে তাকাল আবার। ফিরে চাইল টেবিলে রাখা ছুরির দিকে, মেঝেতে পড়া চিঠির দিকে। দ্বিধা করল। তারপর হেঁটে গেল দরজার দিকে, বারান্দায় বেরিয়ে ফিরে তাকাল। শাসাল, আমি ডুলব না! মনে রাখিস, দৈত্য…!'

ঘুসি বাগিয়ে এক পা বাড়ল বোরিস।

সঙ্গে সঙ্গে ঘূরে গিয়ে সিঁড়িতে নামল নাবিক। দুপদাপ শব্দ তুলে নেমে চলে গেল।

'কি ব্যাপার?' ভুরু নাচাল প্রথম কিশোর ববের দিকে চেয়ে। 'বাড়িতে কেউ নেই নাকি?'

'না,' মাথা নাডুল বব। ভালমত দেখল কিশোরকে। এক বোঝা কোঁকড়ানো

চুলু মাথায়, অপূর্ব সুন্দর দুটো কালো চোখে তীক্ষ্ণ বৃদ্ধির ঝিলিক। বৈড়াতে গেছে।

বাড়ি পাহাডায় রৈখে গেছে আমাকে।'

'এই সুযোগে ডাকাতি করতে এসেছিল ডাকাতটা!' হাসল অন্য কিশোর কুচকুচে কালো মুখে নিষ্পাপ হাসি, স্লান আলোয় ঝকঝক করে উঠল শাদা দাত। 'খাইছে, বোরিস, আপনার সিনেমায় নামা উচিত। যা একখান আছাড় দিয়েছেন না ব্যাটাকে, জনি ওয়াইজমুলার ফেল। সিনেমায় টারজানের অভিনয় দারুণ করতে পারবেন!'

মুসার কথায় কান নেই কিশোর পাশার, নিচু হয়ে তুলে নিল চিঠিটা। ববের

দিকে ফিরে বলল, 'তোমার বাবার চিঠি! নিষ্ঠয় মূল্যবান কোন খবর আছে?'

'মূল্যবান! হাঁা, তা বলতে পারো,' বিষণ্ণ কণ্ঠে বলল বব। 'দুনিয়ায় একটি মাত্র লোক যে আমাকে ভালবাসত, তার হাতের ছোঁয়া তো আছে!'

'মানে?'

'বাবা মারা গেছে!' ঝরঝর করে কেঁদে ফেলল বব। 'তার—শেষ চিঠি!' ববের কাঁধে হাত রাখল মুসা আমান। কথা জোগাল না মুখে।

বব একটু শাস্ত হলে কিশোর জিজ্জেস করল, 'চিঠিটা এখনও খোলনি কেন? সময় পাওনিং'

'পেয়েছি,' ঘাড় নাড়ল বব। 'খুলিনি। খুললেই তো সব আশা শেষ।'

ববের মানসিক অবস্থা বুঝতে পারছে কিশোর। গলায় সহানুভূতি ঢেলে বলল, 'যা ঘটে গেছে, গেছে, তাকে তো মেনে নিতেই হবে। এই দেখো না, আমিও তো তোমারই মত, আমার তো মা-বাবা এক সঙ্গে গেছে! গাড়ি অ্যাকসিডেন্টে

কিশোরের দিকে চেয়ে কি ভাবল বব কে জানে, কিন্তু আর কাঁদল না। চোখ মুছল।

'এখন কি করবে? থাকবে এখানেই?' জিজ্ঞেস করল কিশোর।

'কি জানি! তয় লাগছে! আবার যদি সে ফিরে আসে?'

'তোমার কোন আত্মীয়স্বজন নেই? বন্ধ-বান্ধব?'

'না ।'

'টাকা? হোটেলে থাকার মত?'

'না।'

'এক রাতও না?'

'না।'

হুঁ!' বিড়বিড় করল কিশোর, 'শোচনীয়—হ্যা, তো কোখায় থাকবে আজ রাতে?'

'ভয়ে থাকব গিয়ে বাগানের কোন একটা কুঁড়েতে, যদি খোলা পাই।'

'কোথায়?' ভুক্ন কুঁচকে গেছে মুসার।

'ঝপানে! জিরোনোর জন্যে কুঁড়ে থাকে না, ওণ্ডলোরই কোন একটাতে…'

'ইয়াল্লা! মাথা খারাপ! এই শীতের মধ্যে…'

'ঠেকায় পড়ে আগেও থেকেছি…'

'এক কাজ করো না,' প্রস্তাব রাখল কিশোর, 'চলো, কোন হোটেলে গিয়ে খেয়ে নিই আগে। খিদে পেয়েছে আমার। তোমারও নিন্চয়। তারপর ভেবেচিস্তে ঠিক করা যাবে, কোথায় থাকবে। কি বলো?'

'কিন্তু আমার কাছে তো পরসাকড়ি…'

'সেটা তোমার ভাবতে হবে না,' বাধা দিয়ে বলল কিশোর। আমাকে বন্ধু ভাবতে আপত্তি আছে?'

চুপ হয়ে গেল বব। ধীরে ধীরে আলো ফুটল নীল চোখের তারায়, হাসল, খুব মিষ্টি হাসিটা। 'না, কোন আপত্তি নেই।' হাত বাডিয়ে দিল, 'আমি রব কলিনস।'

আমি কিশোর পাশা। ও আমার বন্ধু, মুসা আমান। আর ও বোরিস

চেকোমাসকি, ব্যাভারিয়ায় বাড়ি।

হেন্সে মস্ত ধক থাবা বাড়িয়ে দিল বোরিস, ববের হাত ধরে ঝাঁকুনি দিল। বোরিসের ধারণা আলতো ঝাঁকুনি দিয়েছে, কিন্তু ববের মনে হলো কার্ধের কাছ থেকে তার হাতটা খসে চলে আসবে।

'আচ্ছা,' কিশোর বলল, 'এদিকে কোন ভাল হোটেল আছে, মানে, ভাল খাবার পাওয়া যায়? আমি ভাই মুসলমান, মুসাও। কিছু মনে কোরো না, গুয়োর-টুয়োর

খেতে পারব না। আছে?'

গাল চুলকাল বব। একটু চিন্তা করে নিয়ে বলল, 'আছে, বন্দরের ধারে। নানা দেশের নানা জাহাজ আসে, অনেক রকম লোক, একেক জন একেক রকম খায়…কিন্তু, দাম অনেক বেশি।'

্কুছ পরোয়া নেই,' হাত নাড়ল কিশোর। 'টাকা আছে আমারু কাছে। চলো,

খিদেয় নাড়ি জুলছে।

তিন

খুশি মনে নতুন বন্ধুদেরকে পথ দেখিয়ে নিয়ে চলল বব, অন্যের পয়সায় ভাল খাওয়া তার ভাগ্যে কমই জুটেছে। কয়েক মিনিট পরেই টেবিল ঘিরে বসল ওরা, পায়ের তলায় নরম কার্পেট, মার্বেল পাথরের তৈরি পুরানো ধাঁচের টেবিল, হালকা আলোয় চকচক করছে। প্রায় প্রতিটি টেবিলে লোক আছে, বেশির ভাগই নাবিক। কড়া তামাকের নীলচে ধোঁয়ায় ভারি হয়ে উঠেছে ঘরের বাতাস, খুব ভাল লাগছে ববের এই কোমল উষ্ণতা। কোণের দিকে মোটামুটি নির্জন একটা জায়গায় বসেছে ওরা।

ফেকাসে চেহারার ওয়েইটার এগিয়ে এল।

'গরুর গোশত ভুনা, ভেরার কাবাব, পনির, মাখন, অর্ডার দিল কিশোর, 'আর, মোটা রুটি। গরম গরম।'

লোকটা চলে যেতেই কিশোর বলন, 'খাবার আসতে সময় লাগবে, এই সুযোগে তোমার বাবার চিঠিটা খুলে ফেলি, কি বলো?'

'কিন্তু—ওটাতো ঘরে—'

হেসে পকেট থেকে মোটা খামটা বের করল কিশোর, 'এই যে। নিচয় মূল্যবান

কিছু রয়েছে এতে, নইলে গরিলাটা খুন করতে আসত না তোমাকে। খুলব:

্র 'খোলো,' মাথা কাত করন বব। 'কিন্তু কিচ্ছু পাবে না। বাবার ধন-দৌলত বিব্যালক্ষিত্র বেশে নক্ষা প্রাধারে।'

নেই যে লুকিয়ে রেখে নকশা পাঠাবে।'

ববের কথা কিশোরের কানে ঢুকল বলে মনে হলো না, হাতের তালুতে নিয়ে খামের ওজন আন্দাজ করছে সে, আপনমনেই মাথা নাড়ল। বৈশ ভারি! কাগজ ছাড়াও ভেতরে…,' খামের মুখ ছিড়তে গুরু করল সে। ছেড়া দিকটা কাত করতেই সোনালি ঝিলিক তলে ঠন করে টেবিলে পড়ল একটা গোল ধাতব জিনিস।

বিদ্যুতের মত ছুটে এল কিশোরের হাত, চাপা দিল জিনিসটা, ঠিক এই সময় এল ওয়েইটার। গীরেসুস্থে প্লেটগুলো সাজিয়ে রেখে শূন্য ট্রে নিয়ে বিদ্যেই হলো। সাবধানে এদিক ওদিক চেয়ে আস্তে করে হাত সরাল কিশোর। শিস শিয়ে উঠল। চাপা গলায় বলল, 'মিস্টার বব, জলদি এটা পকেটে ঢোকাও!' গোল জিনিসটা ঠেলে দিল। 'জলদি! কেউ দেখে ফেলবে!'

'কী!' হাঁ হয়ে গেছে বব, চোখ বড় বড়। 'কি জিনিস!' তোলার কোন চেষ্টা করল না।

'সোনা,' তালুর নিচে আবার ঢাকল জিনিসটা কিশোর।

'সোনা!' চেঁচিয়ে উঠল বব।

'চুপ! আন্তে! শুনছে!'

'ঠাট্টা করছ!' বিশ্বাস করতে পারছে না বব।

'ঠাট্টা নয়, সত্যি ।'

'কি তাহলে? টাকা? ডলারখানেক হবে?'

টাকাই, তবে এক ডলার নয়, অনেক। আর নিউমিজ্ম্যাটিস্ট্রা শেলে তো লুফে নেবে, চাইলে কয়েকশো ডলারও দিয়ে দিতে পারে, যদি তেমন পুরানো হয়।' 'নিউ…নিউ…'

'নিউমিজ্ম্যাটিস্ট্।'

'হ্যা, নিউমিজ্—তা, ওরা আবার কারা?'

भूमा বেচাকেনা করে যারা, তাদেরকে নিউমিজ্ম্যাটিস্ট বলে।

'কোন আমলের জিনিস এটা?' এতক্ষণে কথা বলল মুসা। 'মোহর?'

'কোন আমলের, ভাল করে না দেখলে বলা যাবে না। মোহরই, সম্ভবত ভাবলুন, পুরানো, স্পোনের স্বর্ণমুদ্রা।'

ু হুঁম, খেতে খেতে বলুল বোরিস, 'তা ই হবে। মিউজিয়মে দেখেছি এই

জিনিস। তা, খাবে, নাকি খালি গল্প করবে? জুড়িয়ে গেল তো সব।'

'ঠিক!' মোহরটা দেখে এতই অবাক হয়েছে, সামনে খাবার রেখেও ভুলে পেছে স্বয়ং মুসা আমান। ভুলটা শোধরাতেই যেন তাড়াতাড়ি খাবারের প্লেট টেনে নিয়ে ডবল ডবল করে মুখে পুরতে শুরু করল। আধসের মত গরুর মাংস শেষ করে থামল, গীরে সুস্থে রুটিতে মাখন মাখাতে মাখাতে বলল, 'ভাল জিনিস পাওয়া গেছে! জলদস্যরা এসব লুট করে লুকিয়ে রাখত, না?'

মাথা ঝোঁকাল কিশোর। 'সে-সময় স্প্যানিশ ডাবলুনের দাম ছিল প্রচুর, যে

কোন বন্দরে ডাঙানো যেত। বব, মোহরটা নিয়ে পকেটে ভরো, হাত বন্ধ, খেতে পারছি না। আর চিঠিটাও লুকাও।'

লচ্ছিত হলো বব। তাড়াতাড়ি মোহর আর খামসুদ্ধ চিঠিটা নিয়ে পকেটে

ভরল।

প্লেট টেনে নিতে নিতে বলল কিশোর, 'বব, তোমার বাবাকে যতখানি সাধারণ মানুষ ভাবো, নিক্তয় ততটা সাধারণ ছিলেন না তিনি। নইলে এই দুর্লভ জিনিস কি করে তিনি জোগাড করনেন? চিঠিটা পড়তে দেবে আমাকে?'

'নাও না, এখনি পড়ো,' পকেটে হাত ঢোকাতে গেল বব।

'আরে না না, এখন না,' ববের হাত চেপে ধরল কিশোর। 'এত লোকের সামনে না। কার মনে কি আছে কে জানে!' একটুকরো মাংস চিবিয়ে গিলে নিল। 'আরেক কাজ তো করতে পারি, তুমি আজ রাতে আমার বাড়িতে মেহমান হলে। সেখানেই পড়ব চিঠিটা।

'দারুণ প্রস্তাব! আমার জন্যে এর চেয়ে ভাল আর কি হতে পারে, অন্তত আজ রাতে? কিন্তু তোমাদের কোন অসুবিধে হবে না-তো?'

'বিন্দুমাত্র না। বাড়িতে গুধু চাঁচা আর চাচী, অনেক জায়গা। রবিন আর মুসা তো প্রায়ই থাকে আমার সঙ্গে।

'রবিন?'

আমাদের আরেক বন্ধু, গেলেই দেখবে,' জবাবটা দিল মুসা। খেতে খেতেই কথা চলল, বর বলল, 'ইস যদি এক ব্যাগ ডাবলৃন পেয়ে যেতাম! আমার কি আর সেই কপাল হবে!'

'হয়েও যেতে পারে,' পনিরের বড় একটা টুকরো নিয়ে কামড় বসাল মুসা। 'কার কপালে কি আছে, কে জানে!'

তোমাদের মুখে ফুলচন্দন পড়ুক,' হাসল বব।

'ফুলচন্দ্রের দরকার নেই,' হাত নাড়ল মুসা। আপাতত বড়সাইজের একখানা চকলেট আইসক্রীম দরকার। এই মিয়া, এই, এদিকে, ওয়েইটারকে ডাকল সে আইসক্রীমের অর্ডার দেয়ার জন্যে।

'এই ঠাণ্ডার মধ্যে আইসক্রীম?' বব অবাক।

'ঠাণ্ডা কোথায়?' দু'হাত নাড়ল মুসা। 'আর হলেই বা কি? গরমের মধ্যে চা-কফি খায় না লোকে, ঠাণ্ডার মধ্যে আইসক্রীম খেলে দোষ কি?'

অকাট্য যুক্তি, এরপরে আর কথা চলে না।

্তুমি নাও, আমার লাগবে না,' কিশোর বলল।

'আমারও না.' বলল বব।

বোরিসের দিকে তাকাল মুসা, 'নেবেন?'

'বেশি না, দুটো,' নির্লিপ্ত ভঙ্গিতে বলল বোরিস।॰

ट्टि रक्नेन भूगा, 'আমি একটার বেশি পারব না।' ওয়েইটারের দিকে **ফিরল। 'এই মিয়া, তিনটা। বড় দেখে এনো।'**

'হ্যা, যা বলছিলাম,' আগের কথায় ফিরে এল বব, 'এই মোহরটা কি

জলদস্যদের কাছে পাওয়া গেছে?'

তোমার বাবার চিঠি পড়লেই জানা যাবে,' কিশোর বলল। 'বাক্যানিয়ারদেরও হতে পারে।'

'বাক্যানিয়ার!'

'ওরাও জলদসূ্য, তবে সাধারণ জলদস্যুর সঙ্গে একটু তফাৎ আছে,' ন্যাপকিনে হাত মুছল কিশোর। 'চা খাবে?'

'তা খেতে পারি।'

আইসক্রীম নিয়ে এসেছে ওয়েইটার। তার দিকে চেয়ে বলল কিশোর, 'দু'কাপ' চা, দুধ বেশি।'

'হ্যা.' চেয়ারে আরাম করে হেলান দিয়ে বসল কিশোর, 'বাক্যানিয়াররা আগে जनमगु िं ह्न ना। विकास प्राप्त विन, यथन जाशास्त्रत रहरा नाविक रविन रहा গিয়েছিল, ফলে জাহাজে চাকরি পাওয়া কঠিন হয়ে পড়েছিল। কিন্তু বেশি দিন दिकात वेट्स थाकल ना । दिन किछू देश्दर्क आत कतानी नार्विक, अन्य रिशा निरंश মেকসিকো উপকূলে চলে গেল তারা। তার আশেপাশে তখন স্প্যানিয়ার্ডদের রাজতু। মেকসিকো আর পেরুতে সোনার খনি আবিষ্কার হয়েছিল তারও আগে, ওই সময় হিসপ্যানিওলা—আজকের হাইতি দ্বীপে ছিল স্প্যানিয়ার্ডদের আখড়া। সোনার নাম গুনে লাফিয়ে উঠল তারা। ভাবল, খামোকা বসে থেকে লাভ কি, অনেক দেশের লোক তো যাচ্ছে সোনা খুজতে, তারাই বা ভাগ্যটা একটু যাচাই করে দেখে না কেন? বেরিয়ে পড়ল তারা, তার্দের পোষা গরু-ছাগল আর গুয়োরের দল দ্বীপেই ফেলে রেখে যেতে হলো যানবাহনের অভাবে। মানুষ নেই, ধীরে ধীরে বুনো হয়ে উঠল জানোয়ারগুলো, বংশ বিস্তার করে চলল দ্রুত, আর কিছু দিন থাকলে খাওয়ার অভাবে হয়তো নিজের্দের মাংসুই খেতে গুরু করত ওরা. এত বেশি হয়ে গিয়েছিল, ঠাঁই নাই ঠাঁই নাই অবস্থা। এই সময় গিয়ে হাজির হলো বেকার নাবিকেরা। ওসব জানোয়ার মেরে গোশত শুকিয়ে জাহাজীদের কাছে বিক্রি শুরু করল। খাবার আর পানির অভাব হলেই ওপথে চলাচুলকারী জাহাজ হিসপ্যানিওলায় নোঙর করে, তাদের কাছে মাংস বিক্রি করে বেশ দু'পয়সা কামাই হতে লাগল বেকারদের। ওকনো গরুর মাংসকে ফরাসীরা বলে 'বুকাঁ', বেকারদের নাম রাখা হলো 'বৃকাঁইয়া', এটা থেকেই এসেছে ইংরেজি 'বাক্যানিয়ার' শব্দটা।

যা-ই হোক, বেশ আরামেই আছে বাক্যানিয়াররা, ওরকমই থাকত, যদি স্প্রানিয়ার্ডরা তাদের না ঘাঁটাত। মাথায় ছৃত চেপেছিল ব্যাটাদের, তাই নিরীহ নাবিকগুলোক খোঁচাতে গিয়েছিল। ওটা তখন স্প্যানিয়ার্ডদের এলাকা, তারা মনে করল, তাদের রাজতে অন্য দেশের লোক থাকবে কেন? উচ্ছেদ করো হিসপ্যান্ওলায় উড়ে এসে জুড়ে বসা বিদেশীগুলোকে। ব্যস, এসে খুনজখম শুরু করে দিল। শুরুতে কিছুদিন সহ্য করল বাক্যানিয়াররা, কিন্তু পরে রুখে দাঁড়াল, সে এক প্রচণ্ড রক্তারক্তি কাও। স্প্যানিয়ার্ডরাই জিতল, প্রথমে তাই মনে হয়েছিল অবশ্য। বাক্যানিয়াররা পালিয়ে গিয়ে আশ্রয় নিল কাছের আরেকটা য়ীপে, একটা পাপুরে দ্বীপে, টিলাটক্রর তার লুকানোর জায়গা আছে প্রচুর। দ্বীপটার নাম টয়ুটুগা।

প্রতিশোধের আন্তন দাউ দাউ করে জুলছে তাদের মনে। শুধু ভেবেই ক্ষান্ত রইল না, নৌকা বানানো শুরু করল। শিগগিরই দল বেধে চড়াও হতে শুরু করল স্প্যানিয়ার্ভদের সদাগরী জাহাজের ওপর, লুটপাট তো করলই, যে জাহাজকে আক্রমণ করল, তার একটা লোকও জ্যান্ত রাখল না, সুযোগই দিল না কোনরকম, কচুকাটা করল। জাহাজ জোগাড় হতে লাগল, সেই সঙ্গে অন্ত, রসদ, খাবার-দাবার। খুব শিগগিরই টরটুগায় দুর্ভেদ্য এক দুর্গ বানিয়ে ফেলল ওরা। তারপর আশ্পাশের কয়েকটা দ্বীপে দুর্গ বানাল, খুবই জোরদার করে ফেলল প্রতিরোধ ব্যবস্থা।

'তারপরে যা ঘটার তা-ই ঘটল,' চায়ে চুমুক দিয়ে কাপটা পিরিচে নামিয়ে রাখল কিশোর। দৈশে দেশে গুজব ছড়িয়ে পড়ল, বাক্যানিয়াররা স্প্যানিশ জাহাজ লুট করে সোনার পাহাড় জমিয়ে ফেলছে। ব্যস্ বাঘা বাঘা সব চোর-ডাকাতের ট্নিক নড়ে গেল, দলে দলে ছটে আসতে গুরু করল তারা সোনার পাহাড়ের ভাগ নিতে। বাক্যানিয়াররা স্বাগত জানিয়ে দলে টেনে নিল তাদের, দল ভারি করল, <u> भेकिमानी कदल । प्राप्त त्वटि ज्ञानात ज्ञात ज्ञानात्मात धारद्रकाट्य र्थन ना ज्याद.</u> ডাকাত হওয়ার মজা বুঝে গেছে, ডাকাতই থেকে গেল। প্রায় রাতারাতি গজিয়ে উঠল জলদস্যুদের আরেকটা রাজধানী, জ্যামাইকার পোর্ট রয়্যালে। জান খারাপ করে ছাড়ল স্প্যানিয়ার্ডদের—তাদের তখন ছেড়েদে-মা-কেঁদে-বাঁচি অবস্থা। কিন্তু वाक्यानियाववा ছाড्न ना. फिनटक फिन आवर्ड पूर्वभनीय इट्स डिवेन। जाटन, স্প্যানিশরা ধরতে পারলে পুড়িয়ে মারবে, আর ইংরেজরা ধরলে ফাঁসিতে লটকে দেবে। তাই ধরা পড়ার মত কাজই করল না ওরা। যে জাহাজকেই ধরল, তার লোকজনকে একেবারে শেষ করে দিল। তাদের সঙ্গে কুলিয়ে উঠতে পারল না স্প্যানিশ সরকার, দমন করা তো দুরের কথা। ইংরেজরাও অতিষ্ঠ হয়ে উঠল, কিন্তু কিছু করতে পারল না। এতই শক্তিশালী হয়ে উঠল বাক্যানিয়াররা, জাহাজ আক্রমণ ছেড়ে শেষে স্প্যানিশ মেইনের উপকূলে গিয়ে আক্রমণ চালাল। তাদের দলপতি কুখ্যাত মরগান, আঠারোশো খুনে ডাকাত নিয়ে একবার পানামাতক ধাওয়া করে

'তারপর?' আশ্রহে সামনে ঝুঁকে এল বোরিস, গল্প শোনার আশ্রহ যার একদম নেই, সে-ও আইসক্রীম খাওয়া ভূলে গেছে।

শৈষে ইংরেজ সরকার এক বৃদ্ধি করল,' আবার গুরু করল কিশোর, 'সাধারণ ক্ষমা ঘোষণা করে দিল। যারা দস্যুতা ছেড়ে দিয়ে ইংরেজদের দলৈ যোগ দেবে, তাদেরকে মাপ করে দেবে ইংরেজ সরকার। লোভনীয় প্রস্তাব, অনেকেই সঙ্গে সঙ্গে আত্মসমর্পণ করল ইংরেজদের কাছে, কেউ কেউ গ্রামে বিয়ে-থা করে চাষাবাদ গুরু করল, সূ একজন ব্যবসাও ফাদল, তবে বেশিরভাই যোগ দিল বিটিশ নৌবাহিনীতে। সবচেয়ে বড় খুনেটাকে, মরগানকে নাইট উপাধি দিয়ে জ্যামাইকার গভর্নর বানিয়ে দেয়া হলো। এরপর কি করা উচিত, ভালমতই জানে মরগান, যারা দস্যুতা ছেড়ে তার দলে যোগ দিল না, তাদের স্বাইকেই ধরে নির্বিচারে ফাসিতে লটকে দিল। ইাফ ছেড়ে বাঁচল ওই অঞ্চলে চলাচলকারী জাহাজীরা। কমে এল জলদস্যুতা।

একেবারে বন্ধ হলো স্টীম ইঞ্জিন আসার পর, পালের জাহাজ নিয়ে ওগুলোর সঙ্গে দৌড়ে পারত না ডাকাতেরা, বাধ্য হয়ে ডাকাতি ছাড়তে হলো।'

ইস্, কি আরামেই না ছিল!' ফোঁস করে শ্বাস ফেলল বব। 'গেল ব্যাটারা

ভেড়া বনে!

'আরে!' হেন্সে বলল কিশোর, 'তুমি তো লোক সুবিধের নও।'ডাকাতদের জন্যে দুঃখ করছ।'সুযোগ পেলে হয়ে যেতে নাকি?'

'নিক্যুই। খবরের কাগজ ফেরি করার চেয়ে অনেক ভাল।'

ববের জন্যে দুঃখ হলো কিশোরের। তা ঠিকই বলেছ, কিন্তু ধরা পড়লে যে ফাঁসিতে ঝোলাত? কিংবা পুড়িয়ে মারত?'

'না খেয়ে তিলে তিলে মরার চেয়ে একবারে মরে যাওয়া ভাল না?'

জবার্ব দিতে পারল না কিশোর। বিল এল, প্লেটে কয়েকটা নোট রেখে দিয়ে উঠে দাঁড়াল সে। অন্যেরাও উঠল।

বাইরে বেরিয়ে রাস্তা পেরোতে গিয়েই বাধল বিপত্তি। ববের প্রায় গায়ের ওপর এসে পড়ল একটা লয়ি, হাত ধরে হ্যাচকা টানে তাকে সরিয়ে আনল মুসা, আরেকটু হলেই চাকার নিচে চলে যেত বব।

'আরে! কি ব্যাপার!' উদ্বিশ্ন হয়ে উঠেছে কিশোর। 'এতবড় একটা লরি

আসছে, দেখলে না! গেছিলে তো!

'কি জ।নি!' বেশ নাড়া খেয়েছে ব্যাপারটার বব। 'পথেই তো আমার কাজ, সারাদিন পথে পথে ঘূরি, এমন তো কোনদিন হয়নি! আজ হঠাৎ…' কি করে কি ঘটল, বুঝতে পারুছে না যেন সে-ও।

'অ্যাকসিডেন্ট রোজ হয় না, হঠাৎ করেই একদিন হয়,' সাবধান করল কিশোর। দৈখে শুনে পথ চলো এখন থেকে, নইলে মোহর খরচ করার সুযোগ

পাবে না।

হাত তুলে একটা খালি ট্যাক্সি ডাকল কিশোর। বোরিস আর মুসাকে নিয়ে গ্রাদিকে এসেছিল সে কিছু পুরানো জিনিস দেখতে। ইয়ার্ডের দুটো ট্রাকের একটা খারাপ হয়ে গেছে, আরেকটা নিয়ে বেরিয়েছেন রাশেদ চাচা। আসার সময় বাসে এসেছে। তিনজনে।

্ট্যাক্সিতে উঠল ওরা, বোরিস বসল ড্রাইডারের পাশে, তিন কিশোর পিছনের

সীটে।

গাড়ি ছাড়ল ড্রাইভার, বোধহয় অনেক দূর থেতে হবে বলে গুরুতেই গতি অনেক বাড়িরে দিল। প্রথম থেকেই ড্রাইভারের আচরণ ভাল লাগেনি কিশোরের, এখন তার এই গতি বাড়ানো আরও অপছন্দ করল। নিচু গলায় সঙ্গীদেরকে বলল, 'ব্যাটা নিশ্চয় মাতাল! এই রাস্তায় এত জোরে গাড়ি চালায় কেউ! দেবে ওঁতো লাগিয়ে কোন গাড়ির সঙ্গো!

'খুব খারাপ কথা,' ব্যাপারটাকে হালকাভাবে নিল বব। 'মাত্র টাকা পয়সা আসতে শুরু করেছে, এই সময় যদি মরি…হি-হিহ্!' অ্যাচিত ভাবে কয়েকজন

সত্যিকারের বন্ধুকে পেয়ে সব দুঃখ ফেন ভূলেই গেছে সে।

'খরচ করার সুযোগ দেবে না তোমাকে ব্যাটা!' রেগে উঠছে কিশোর, বোরিস কিছু বলছে না কেন? বোধহয় এই জোরে ছোটা ভালই লাগছে তার। একটা মোড়ে এসে পড়ল গাড়ি, তবুও গতি কমাল না ড্রাইভার, চাকার কর্কশ শব্দ তুলে পিছলে ঘুরে গেল গাড়ির নাক, একে অন্যের ওপর কাত হয়ে পড়ল তিন কিশোর। চেঁচিয়ে উঠল কিশোর, 'বোরিস! আস্তে চালাতে বলুন! মেরে ফেলবে নাকি!'

হেসে উঠল ড্রাইভার, যেন মজার একটা কৌতুক শুনছে, গতি তো কমালই না,

বরং আরও বাড়াল।

আন্চর্য! বোরিস এখনও কিছু বলছে না কেন? কিশোরের মনে হলো, সে নিজেও অযথাই বেশি রেগে যাচ্ছে, কোথায় যেন কি একটা গোলমাল হয়েছে।

অবশেষে দুর্ঘটনা ঘটেই গেল। একটা ট্রাফিক পোস্টের কাছে লাল বাতি অমান্য করল ড্রাইভার, বাঁদিক থেকে আসা একটা প্রাইডেট কারের পেছনে লাগিয়ে দিল ওঁতো। চাকার তীক্ষ্ণ শব্দ, আঁতকে ওঠা মহিলার ভয়ার্তচিৎকার, দু'চারজন প্রধারীর গেল! গেল!' রব শোনা গেল কয়েক মুহূর্ত। ভাগ্য ভাল, প্রাইভেট কারটা উল্টাল না, ওঁতো খেরে ওটার পেছন দিক সরে গেল আধ পাক।

রাগে অন্ধ হয়ে গেছে কিশোর। এক ঝটকায় দরজা খুলে বেরিয়ে এল বাইরে, ড্রাইডারের দরজা খুলে তাকে প্রায় চড়ই মেরে বসে, এই অবস্থা। জীবলে যা কখনও করেনি, তাই করে বসল, মুখ খারাপ করে গাল দিয়ে উঠল ড্রাইডারকে।

ট্রাফিক পুলিশ ছুটে এল। প্রথমেই দেখে নিল, দুটো গাড়ির কেউ আঘাত পেরেছে কিনা। অন্য কারোই তেমন কোন চোট লাগেনি, ট্যাক্সি ড্রাইডারের ছাড়া। তার কপাল কেটে রক্ত পড়ছে। চেহারা ফেকাসে মনে হুলো, খব লচ্ছা পেরেছে।

পুকেট থেকে নোটবুক বৈর করতে করতে বলন পুলিশ, 'কি ব্যাপার? মদ খেয়ে

চালাচ্ছিলে নাকি? দেখি, লাইসেঙ্গ দেখি।

কিশোর বলল, 'মদই খেয়েছে! কত মানা করলাম, আন্তে চালাও, আন্তে চালাও, গুনল না!'

লাইসেন্স বের করে দিয়ে বলল ড্রাইভার, না, স্যার, মদ খাইনি! বিশ্বাস করুন! আজ সারাদিন এক ফোঁটাও না! কি জানি হয়ে গিয়েছিল! জীবনে কখনও এরকম হয়নি! কি যে হয়ে গেল হঠাৎ।'

ভুক কুঁচকে ড্রাইভারের মুখের দিকে তাকিয়ে রইল এক মুহুর্ত পুলিশ। না, মিছে কথা বলছে বলে তো মনে হচ্ছে না। কি ভাবল, তারপর লাইসেসটা ফিরিয়ে দিতে দিতে বলল, 'যাও, ছেড়ে দিলাম। এখন থেকে সাবধানে গাড়ি চালাবে। অসুখ-টসুখ করেনি তো?'

'না, স্যার!' কপালের রক্ত মূহছে ডাইভার। 'সারাদিন গাড়ি চালিয়েছি, বৃষ্টি তো, খেপও পেয়েছি অনেক। এই একটা খেপেই…আসলে!'

'যাও, ওনাদেরকে নামিয়ে দিয়ে সোজা বাড়ি ফিরে যাও,' পরামর্শ দিল পুলিশ। 'বেশি পরিশ্রম করে ফেলেছ, ঘুম পাচ্ছে বোধহয়। যাও,' হাত নাড়ল সে।

গাড়ি ছাড়ল আবার ডাইভার। গতিকো সীমিত রাখন এবার। বলল, 'স্যার, কিছু মনে করকেন না। সত্যি বলছি, মদ খাইনি। আমার মুখ ওঁকে দেখুন।' কিশোরও বিশ্বাস করল তার কথা, গাল দিয়েছিল বলে লচ্ছা পাচ্ছে। চিমটি কাটতে শুরু করেছে নিজের ঠোঁটে, গভীর ভাবনায় ডুবে যাচ্ছে। আনমনেই বলল, 'না, শৌকার দরকার নেই। কিন্তু—হোল্টেল থেকে বেরোনোর পর পরই দু'দুটো অঘটন!'

'ভূতের আসর হয়েছে।' অনেকক্ষণ পর এই প্রথম কথা বলল মুসা।
'ড্রাইডারদের ওপর। লরিটা কি করল, দেখলে না?'

্র 'লরিটা ঠিকই আসছিল,' মনে করিয়ে দিল কিশোর, 'ববই আনমনা হয়ে গিয়েছিল।'

'ਝੁੱ!'

এত কাণ্ড ঘটে গেল, বোরিস হাঁ-না কিচ্ছু বলল না, স্বপ্নের ঘোরে রয়েছে যেন সে। একেবারে চুপ। তার এই ভাবসাব ভাল লাগল না মুসার। সত্যিই কি ভূতের আসর।

চার

তিন গোয়েন্দার হেডকোয়ার্টারে বসে আছে তিন কিশোর। বাকি পথটা নিরাপদেই ফিরেছে ওরা। ফিরেই রবিনের বাড়িতে টেলিফোন করেছে কিশোর। তাকে পায়নি, বাবা-মার সঙ্গে খালার বাড়ি গেছে রবিন, পার্টিতে।

র হয়ে গেছে বব। অল্প কথায় তাকে বলেছে সব মুসা, লেখা-পড়ার ফাঁকে ফাঁকে অবসর সময়ে শখের গোয়েন্দাগিরি করে তারা। দুই সুড়ঙ্গ আর হৈডকোয়ার্টার দেখে তাজ্জব হয়ে গেছে বব। রা সরছে না মুখে।

ডেস্কের ওপাশে নিজের চেয়ারে বসেছে কিশোর, উল্টো দিকে বসেছে মুসা আর বব।

'আর দেরি করে কি হবে?' কিশোর বলল। 'রবিন কখন আসে, ঠিক নেই। এলেও এত রাতে তার মা তাকে এখানে আসতে দেবেন কিনা, সন্দেহ। আমরা পড়ে ফেলি চিঠিটা। সকালে খবর দেব রবিনকে।'

'ঠিক আছে,' সায় জানাল মুসা আর বব।

'বের করো,' ববকে বলল কিশোর।

পকেট থেকে খাসটা বের করল বব। ডেতর থেকে বেরোল কয়েক পাতা আবমরলা কাগজ, ঠিক মত ভাঁজ করার সময় পায়নি লেখক, বোঝাই যাচ্ছে। টেবিলে বিছিয়ে হাত দিয়ে ডলে সেণ্ডলোকে সমান করল সে।

'পড়ো.' বলল কিশোর।

'তুমিই পড়ো,' কাগজন্তলো ঠেলে দিল বব।

'আমি---আচ্ছা,' কাগজগুলো টেনে নিয়ে আরেক দফা সমান করল কিশোর। জোরে জোরে পড়তে গুরু করলঃ

ডিয়ার বব,

হাসপাতালে বসে লিখছি এ-চিঠি, এখানে আমি মোটামূটি নিরাপদ।

মনে হয় না এটা তোমার হাতে পৌছবে, কিন্তু যদি পৌছায়ই, পড়ো ভালমত, আমার পরামর্শ মত কাজ করো, হয়তো কোনদিন প্রচুর ধনসম্পদের মালিক হতে পারবে। আবার বলছি, প্রচুর ধনসম্পদ। সাবধান, কাউকে কিছু বলবে না। চিঠিটা তো দেখাবেই না, তাহলে ধনসম্পদ পাওয়া তো দূরের কথা, প্রাণে বাঁচবে কিনা সম্মেহ। স্রেফ খুন হয়ে যাবে।

খুলেই বলি সব। খুব সুন্দর একটা জাহাজ 'সী-ওয়েড,' ছোট, কিন্তু ভাল। এখন ওটা সাগরের তলায়, সঙ্গে করে নিয়ে গেছে তার বেশিরভাগ নাবিককে। আহা, কি ভাল লোকই না ছিল তারা! সব দোষ ওই শয়তান, মাতাল বিগ হ্যামারের। গরিলার মত শরীর, তেমনি কুৎসিত চেহারা, গালে কাস্তের মত বাঁকা একটা কাটা দাগ আরও বীডৎস, ভয়াবহ করে দিয়েছে মুখ্টাকে। ভীষণ খারাপ লোক, কতখানি খারাপ, তা তার সংস্পর্শে যাঁরা এসেছে তারা ছাড়া আর কেউ বুঝবে না।

সী-ওয়েছে করে সেই আমাদের শেষ যাত্রা। গরিলাটাকে সেদিন জাহাজে উঠতে দেখেই কেন জানি মনে হলো, অঘটন ঘটবে সেবাত্রায়। আমাদের ফার্স্ট মেট অসুস্থ হয়ে পড়ায় তার জায়গায় হ্যামারকে নেয়া হয়েছে। টার্নার খুব ভাল লোক ছিল, নাবিকদের ভালবাসত, অথচ তার জায়গায় এ-কাকে নেয়া হলো! দেখেই অপছন্দ করলাম আমরা, সী-ওয়েডের নাবিকেরা। কিন্তু ক্যান্টেনের সিদ্ধান্ত, আমরা আর কিবলব।

জাহাজ ছাড়ল। যাত্রার গুরুতেই যখন ন্যাব লাইটের দেখা পেলাং না, বুঝলাম, কপালে খারাপী আছে। যাব রিও-তে। এমনিতেই ওদিককার সাগরের বদনাম আছে, যখন তখন ঝড় ওঠে, সেটা প্রমাণ করার জন্যেই যেন উত্তর-পশ্চিম থেকে ধেয়ে এল পাগলা হাওয়া, বড় বড় চেউ উঠল, মোচার খোলার মত দোলাতে গুরু করল জাহাজটাকে। নিচে, নাবিকদের কেবিনে গিয়ে আশ্রয় নিলাম আমরা। গরিলা নামল না, ব্রিজে রয়ে গেল। মাতাল অবস্থায় হাল ধরেছে, ঘুষা লাগিয়ে দিল একটা স্টীমারের সঙ্গে। ডাগ্য ভাল, সামনাসামনি গুতো লাগায়নি, তাহলে ওখানেই হয়তো মরতাম আমরা। ক্যাপ্টেনের শরীর বিশেষ ভাল না, ঘুমের বড়ি খেয়ে নিজের কেবিনে গুয়ে আছেন, তাই বোধহয় ঘষা লাগার শব্দ গুনলেন না। আর ভীষণ ঝড়ের মাঝে কেবিন থেকে ওই শব্দ শোনাও যায়নি বোধহয়।

হ্যামারকে টার্নারের মত বিশ্বাস করা উচিত হয়নি ক্যাপ্টেনের। এই যে একটা দুর্ঘটনা ঘটাল, তারপরও হুঁশ হলো না হ্যামারের, মদ গিলেই চলল। আপন খেয়ালে যেদিকে খুশি ভেসে চলল জাহাজ, গরিলাটার কোন খবরই নেই। সে রাতে সারাটা রাত, আজ্র স্থা অন্তির হয়ে রইলাম আমরা, যে কোন মুহুর্তে যা খুশি ঘটে যেতে পারে। অ্যুমরা ঠিক করলাম সকালে ক্যাপ্টেনকে জানাব হ্যামারের গাফিলতির কথা। তার মাতলামির জন্যে জাহাজসৃদ্ধ সবাই তো আর মরতে পারি না।

কোনমতে রাতটা কাটল। সকালে একজন নাবিক পিয়ে ক্যাপ্টেনকে জানাল। হ্যামারকে ডেকে খুব একচোট ধমকালেন তিনি, ইশিয়ার করে দিলেন, এরপর এ-রকম হলে আর সহ্য করবেন না।

মুখ কালো করে ক্যাপ্টেনের কেবিন থেকে বেরোল গরিলা, তারপর গুরু হলো তার অত্যাচার। সে কী অত্যাচার! পরের পনেরোটা দিন যে কী যন্ত্রণায় কাটল! জাহাজের পরিবেশকে নরক বানিয়ে ছাড়ল শয়তানটা। শক্ষিত হয়ে পড়লাম, বিনা রক্তপাতে বুঝি আর রিওতে পৌছানো সম্ভব হলো না। সে যা গুরু করেছে, যে-কোনো মুহুর্তে যা খুশি ঘটে যেতে পারে। পরিস্থিতি আরও গুরুতর হয়ে উঠল, যখন রহস্যজনক ভাবে সিড়ি থেকে পড়ে গিয়ে মাথায় চোট লেগে অজ্ঞান হয়ে গেলেন ক্যাপ্টেন। ধরাধরি করে তাঁকে কেবিনে নিয়ে গুইয়ে দেয়া হলো। জাহাজের দায়িত্ব পুরোপুরি এখন গরিলার হাতে। আরও মরলাম আমরা। জাহাজ আর জাহাজ রইল না, দোজখ হয়ে উঠল।

আমূল কাহিনী শুরু হলো এরপর। পথ হারাল জাহাজ। জাহাজের গতিপথ ঠিক করার কোন চেষ্টাই করল না হ্যামার, সারাক্ষণ মদ নিয়ে রইল। গত ক'দিন থেকেই আবহাওয়া খারাপ। অবশেষে আঘাত হানল হারিকেন। সে-কী ঝড়! আমার এত দিনের নাবিক-জীবনে এমন ঝড় ভার দেখিনি। দক্ষিণ-পুব থেকে বইল প্রচণ্ড ঝড়, সাগরের চেউ তো না, যেন একেকটা হিমালয় পর্বত। ভাল জাহাজ বলেই টিকে রইল সী-ওয়েড কোনোমতে, নইলে পয়লা ধাকাতে তলিয়ে যাওয়ার কথা। গল গল করে পানি ঢুকছে জাহাজে, হাত-পাম্প দিয়ে সেচে কুলিয়ে উঠতে পায়ছি না আমরা। পানি ঢুকে বয়লারের আশুন গেল নিডে, ইঞ্জিন বন্ধ। চেউয়ের ধাকায় প্রধান মাস্তল ভেঙে ভেসে চলে গেল, সঙ্গে করে নিয়ে গেল অ্যান্টেনা আর কিছু মূল্যবান জিনিস, বিকল হয়ে গেল বেতার যন্ত্র। বিপদ সংকেত যে পাঠাব, সে উপায়ঙ থাকল না। অসহায় ভাবে ভেসে রইলাম আমরা।

পরের চারটে দিন যেন এক ভয়ানক দুঃস্বপ্ন, কোন জাহাজ চোখে পড়ল না। সী-ওয়েভের খোলের জায়গায় জায়গায় ছিদ্র আর ফাটল দেখা দিয়েছে, পানি চুকছে, সেচব আর কত? ধীরে ধীরে ডুবছে জাহাজ, বুঝতে পারছি। কিন্তু ঠেকাব কি করে? আমাদের সবার অবস্থা এত কাহিল, কুটোটি সরানোর শক্তি নেই। চারদিন চার রাত গুণু পানি সেচেছি, ঝড়ের সঙ্গে ঝুঝেছি, শরীর আর চলছে না, আর পাম্প চালাতে পারছি মা, কলে দ্রুত ডুবছে জাহাজ। আর বেশিক্ষণ ভাসিয়ে রাখতে পারব না

যখন বুঝলাম, ুরয়েডের আয়ু শেষ, পানি আর না সেচে নৌকা

নামালাম। প্রথম নৌকাটার নামিরে দিলাম ক্যান্টেনকে। বাতাসের গতিবেগ কমেছে অনেকখানি, কিন্তু ঢেউ বেশ বড় বড়ই রয়েছে। ক্যাপ্টেনের ভাগ্য মন্দ, বিশাল এক ঢেউ এসে নৌকাটাকে তুলে নিয়ে আছাড় মারল জাহাজের গায়ে, এক আছাড়েই চুরমার, চোখের পলকে ফেনা আর ঢেউয়ের তলায় হারিয়ে গেলেন ক্যাপ্টেন। বিমৃঢ়ের মত চেয়ে রইলাম। দড়ি ধরে নৌকায় উঠতে যাচ্ছিল হ্যামার, ঝুলে রইল ওভাবেই, গাল দিতে দিতে ভেকে উঠে এল আবার দড়ি বেয়ে। নৌকায় ক্যাপ্টেনের সঙ্গে যারা উঠেছিল, তাদের একজনকেও দেখা গেল না আর, সবাই তলিয়ে গেছে ঢেউয়ের তলায়।

ডেকে আমার সঙ্গে আর মাত্র চারজন নাবিক বেঁচে আছে। বিগ হ্যামার, পশ্পেইয়ের জিম কারনি, বাবুর্চি হ্যারি লুই, আর কিম কারপেনটার, ওই যে, তোমার কিমচাচা, যে আমার সঙ্গে আমাদের বাসায় বেড়াতে এসেছিল, চিনেছ তো? ছোট্টখাটো লোকটা, পাকানো মস্ত গৌফ ছিল, গিলিংহ্যামে বাড়ি, জানো বোধহয়।

আরেকটা নৌকা আছে জাহাজে, সাবধানে নামালাম ওটা। প্রাণ হাতে করে ডয়ে ডয়ে নামলাম ওতে। আগেরটার অবস্থা দেখেছি, তাই ইশিয়ার রইলাম, ডাড়াতাড়ি সরিয়ে আনলাম ডুবন্ত জাহাজের কাছ থেকে।

পরের পনেরোটা দিল ছোট্র সেই ডিঙিতে যে কি করে কাটল পাঁচজন লোফের, কী যে কষ্ট, বোঝাতে পারব না। হাতে ধরে ঈশ্বর বাঁচিয়েছেন, তাই বেঁচে আছি। পনেরো দিনের দিন দূরে ডাঙা চোখে পড়ল। ক্যারিবিয়ান সাগরের একটা দ্বীপ, নাম প্রভিডেন্স, দ্বীপটা আমার চেনা। এর আগেও ওখানে নেমেছি াকবার, জাহাজে পানি নেয়ার জন্যে। জানা গেল, হ্যামারও চেনে। লম্বাটে একটা দ্বীপ, দৃষ্ট প্রান্তে বিচিত্র চেহারার পাহাড়। গায়ে শক্তি নেই, তবূ ডাঙা দেখে গুণু মনের জোরে দাঁড় ভূলে নিয়ে বেয়ে চললাম। কিন্তু তথ্সও ভাগ্য আর্মাদের ওপর বিরূপ, তীর ঘেঁষে বয়ে চলা তীব্র স্রোত দ্বীপের গায়ে নৌকা ভিড়তে দিল না, টেনে নিয়ে চলন আবার খোলা সাগরে। দাঁড় ফেলে দিয়ে একেবারে নেতিয়ে পড়নাম, যেদিকে খুশি যাক ডিঙি, আর কেয়ার করি না। দক্ষিণ-পশ্চিমে এগিয়ে চলেছে নৌকা। ক্ষুধা তৃষ্ণায় কাহিল আমরা, চোখের সামনে ধীরে ধীরে মিলিয়ে যেতে দেখছি খাবার আর পানির উৎস, তখন আমাদের মনের অবস্থা যে কী, কি করে বোঝাই! ও হ্যা, বলতে ভূলে গেছি, জিম, কারনি মারা গেছে আগেই, সে-রাতে শেষ নিঃশ্বাস ফেলল বেচারা হ্যারি। আমরাও মৃত্যুকে মেনে নিয়ে অপেক্ষা করে আছি, এবার কার পালা আসে!

কিন্তু মরলাম না। স্রোত আমাদেরকে এনে ঠেকাল আরেকটা দ্বীপের গায়ে, আধমরা অবস্থায় নামলাম তীরে। বুঝলাম, আপাতত বেঁচে গেছি। ন্বীপে প্রচুর নারকেল গাছ আছে, গাছের নিচেই পড়ে আছে অনেক, নারকেল। তাড়াতাড়ি নারকেল ভেঙে পানি খেলাম, তারপর খেলাম মিষ্টি শাস। অচেনা দ্বীপ, নাম জানি না, তবে জানলে ভাল হত; কেন, একটু পরেই বুঝবে। স্বস্তির নিঃশ্বাস ফেলে তীরের নরম বালিতেই হাত পা ছড়িয়ে গুয়ে পড়লাম আমরা।

খুব একটা খারাপ থাকতাম না দ্বীপটাতে, বদি গরিলাটা আমাদের সঙ্গে না থাকত। খাবার আর পানি তো পেয়েই গিয়েছিলাম, চুপচাপ এরপর শুধু অপেক্ষা করতাম, ওপথে কোন জাহাজ পেনে কোনভাবে ওটার দৃষ্টি আকর্ষণ করে দেশে ফিরে আসতে পারতাম আবার। কিন্তু আমাদের জান খারাপ করে ছাড়ল বিগ হারামজাদা। নারকেলের পানি পিপাসা মেটাতে পারে, কিন্তু হ্যামারের মদের নেশা আর তো পারে না। মদের জন্যে পাগল হয়ে উঠল সে, এম নিতেই বদমেজাজী, আরও খারাপ হয়ে গেল। তার মেজাজের জ্বালায় তটস্থ করে রাখল আমাদের সারাক্ষণ।

যা-ই হোক, খাই-দাই, হ্যামারের অত্যাচার সহ্য করি, আর দ্বীপটা ঘুরে ঘুরে দেখি আমি। অডুত একটা দ্বীপ। মাইল দশেক লম্বা একটা সপ্তমীর বাঁকা চাঁদ যেন, চাঁদের পেটটা বেশিই মোটা, পাঁচ মাইল মত হবে।

এক মাস কাটিয়ে দিয়েছি খীপে। একদিন সকালে ঘুম খেকে উঠেই মৈজাজ দেখানো শুরু করল হ্যামার, গালাগাল করতে লাগল খাবার পানি এনে রাখিনি বলে। কত আর সওয়া যায়? রেগে গিয়ে বললাম, আমি তার বাপের চাকর নই, দরকার পড়লে নিজে এনে খাকুগে। ব্যস, চোখের পলকে ছুরি বের করে তাড়া করল আমাকে। আমর্ত্রির কাছে কোন অস্ত্র নেই, থাকলেও ওর সঙ্গে পারতাম না, ঝেড়ে দৌড় দিলাম। পেছনে তাড়া করে এলো সে। ছুটতে ছুটতে উঠে এলাম ছোট একটা পাহাড়ে। পেছনে ফিরে তাকানোর সাহস নেই। আমার ধারণা, ঠিক পেছনেই রয়েছে সে, ধরে ফেলল বলে। সামনে ঘাস-লতার জঙ্গল। সোজা ছুটে গেলাম, কয় পা' এগিয়েছি বলতে পারব না, হড়াৎ করে পড়ে গেলাম নিচে। হঠাৎ যেন দু'ফাঁক হয়ে গেল মাটি, গিলে নিয়ে ঠাই দিল আমাকে তার জঠরে। পৌছে গেছি বোধহয় পাতাল রাজ্যে!

চোখ মেলে তাকালাম ভয়ে ভয়ে। আবছা আলো। এ-কি! এ কোখায় এসেছি! স্বপ্প দেখছি না-তো? অনেক পুরুদনা একটা কাঠের জাহাজের স্যালুনে পড়েছি, এই জিনিস তো এখন মিউজিয়মের সামগ্রী। আমি এর ভেতরেই রয়েছি, সত্যি তো? চিমটি কাটলাম হাতে, চুল টেনে দেখলাম। না, জেগেই তো আছি।

বিস্ময়ের ঘোর কাটতেই আবার বাস্তবে ফিরে এলাম। এই জাহাজটা এখানে এল কি করে? তীরের এত ভেতরে? শুকনোয় কখনও জাহাজ চলেতে বলে শুনিনি। তার মানে কি? আবার সব উদ্ভট চিন্তা-ভাবনা আসতে শুরু করল মনে। আমি বোধহয় মরে গেছি। পরলোকে তো যা খুশি ঘটতে পারে, এই যেমন, জাহাজ হয়তো চলে শুকনো দিয়ে। যমদূতের অপেক্ষায় চোখ বন্ধ করে পড়ে রইলাম।

খানিক পরে কিছুই ঘটল না দেখে আবার চোখ মেললাম। দূর, কি সব বাজে কথা ভাবছি!—ধমক লাগালাম নিজেকে। কোথায় এসেছি, ভাল করে দেখিই না কেন। ওপর দিকে তাকালাম। ছাতে একটা গর্ত। বুঝলাম, ওই গর্ত দিয়েই পড়েছি। সাহস ফিরে এল মনে, কিন্তু পরক্ষণেই একটা জিনিস দেখে আত্মা চমকে গেল আমার।

একজন মানুষ! না না, মানুষের কংকাল। পুরানো আমলের নাবিকের পোশাক পরনে, পচে বিবর্ণ হয়ে গেছে কাপড়ের রঙ। একটা ডেক্সের ওপাশে চেয়ারে বসে বিকট ভঙ্গিতে দাঁত খিচিয়ে রেখেছে যেন মাংসচামড়া শূন্য মুণ্টা, কালো চক্ষুকেটার দুটো যেন আমার দিকে চেয়েই শাসাছে।

নিজেকে বোঝালাম, ওটা সাধারণ একটা কন্ধাল মাত্র, ওটাকে এতো ভয় পাওয়ার কিছু নেই। সাহস সঞ্চয় করে উঠে দাঁড়ালাম, পায়ে পায়ে এগিয়ে গেলাম কাছে। কয়েকটা জিনিস পডে আছে টেবিলে, কোনটাই ছঁলাম না. ৩५০০ নিশ্চয় অনুমান করতে পারছ? দাঁডাও, খুলেই বলি সব। বিশাল এক মোমবাতি দাঁডিয়ে আছে রূপোর মোমদানিতে, তিন-চারশো . বছর আগের জিনিস বলে মনে হলো। ওটার পাশে পড়ে আছে একটা পিস্তল, পুরানো আমলের। মিউজিয়মে দেখতে পাবে ওই জিনিস। এক টুকরো কীগজ পড়ে আছে, পুরানো হতে হতে হলদৈ হয়ে গেছে, তার পাশে পালকের কলম। মৃত্যুর আগে বোধহয় ওই কাগজে কিছু লিখছিল লোকটা, কাগজটা দিলাম এই চিঠির সঙ্গে। আরেকটা যে জিনিস দিলাম. সেটাও ছিল টেবিলে। প্রথমে মনে হয়েছিল, একটা মেডাল। হাতে নিয়ে ভাল মত দেখতেই বুঝে গেলাম, সোনার মোহর, স্প্যানিশ ডাবলুন। মিউজিয়মে দেখেছি এর আগে, তাই চিনতে পারলাম। মোহরটা রেখে দিলাম পকেটে। তারপর মন দিয়ে দেখলাম হলদে কাগজের লেখা। একটা নকশা। মাথামুণ্ডু বুঝলাম না কিছু। আরও অনেক সোনার মোহর কৈাথাও লুকিয়ে রাখেনি তো লোকটা? পরে ভালমত দেখব ভেবে, নকশাটা যত্ন করে রেখে দিলাম পকেটে। তারপর ঘুরে ঘুরে দেখতে লাগলাম, আর কি কি আছে জাহাজে।

পুরানো, জীর্ণ জাহাজটাতে আরও কি কি ছিল, বলার সময় এখন নেই। গুধু এটুকু বলতে পারি, দেখলে হাঁ হয়ে যাবে, যেমন আমি হয়েছি। কি নেই জাহাজটায়? আলমারি আর সিন্দুক ভর্তি রয়েছে কাপড়ের স্ত্র্প, সে-কালের নানারকম মৃল্যবান কাপড়, সিল্ক, সার্টিন, ইত্যাদি। এসবও হয়তো লুকিয়ে ফেলত, হয়তো লুকানোর জন্যেই এই দ্বীপে এসেছিল লোকটা, কিন্তু সময় পায়নি, তার আগেই মারা গেছে।

অনেক কিছুই দেখেছি, ভাবলাম, এবার বেরোনো দরকার। কিন্তু বেরোতে গিয়ে দেখলাম, যেখান দিয়ে পড়েছি, সেখান দিয়ে বেরোনো সন্তব নয় কিছুতেই। আবার ৬য় পেয়ে গেলাম। তবে কি এই অছুত জাহাজে ওই কংকালটার সঙ্গেই জ্যান্ত কবর হয়ে গেল আমার? না না, এভাবে মরতে চাই না আমি। বেরোনোর আপ্রাণ চেষ্টা চালালাম। আর কোন উপায় না দেখে ভাঁড়ার থেকে একটা শাবল এনে খুঁচিয়ে ছিদ্র করলাম জাহাজের খোল। হেসো না, হেসো না—জাহাজের কাঠ দীর্ঘদিন সাাতসেতে মাটিতে থাকতে থাকতে পচে গিয়েছে, তাই এত নরম। বড় একটা ফোকর করে, লতার দঙ্গলের ভেতর দিয়ে পথ করে বেরিয়ে এলাম। ভাল করে তাকিয়ে দেখলাম আশপাশটা, আবার এলে যেন চিনতে পারি। এলে তুমিও চিনতে পারবে, হলুদ কাগজটায় চিহ্ন একে দেখিয়ে দিয়েছি।

আগে কোন সময় নিশ্য একটা সরু খাল ছিল ওখানে, নাগর থেকে শ'খানেক গজ ভেতরে একটা খাড়িতে, গিয়ে পড়েছিল। ওই খাল বেয়ে জাহাজটা গিয়ে পড়েছিল খাড়িতে, তবে সেটা অন্দেক আগে, এখন হলে পারত না। এখন একেবারে খটখটে শুকনো। বাইরে থেকে দেখতে পাবে না জাহাজটা, পাহাড়ে ঘিরে রেখেছে, তার ওপর ঘন হয়ে জম্মেছে লতাপাতা। এতোবড় একটা জাহাজকে যেন বেমালুম গিলে নিয়েছে, কেউ ভাবতেই পারবে না আছে ওটা ভেতরে। ঠিক করনাম, যা-ই পাওয়া যায়, আমি আর কিম ভাগ করে নেব। যেদিক দিয়ে বেরিয়েছি, সে পখটা আবার লতাপাতা আর নারকেলের ডাল দিয়ে বন্ধ করে দিলাম এমনভাবে, যেন বোঝা না যায় কিছু। অনেক সময় পেরিয়েছে, এতক্ষণে হয়তো শাস্ত হয়েছে হ্যামার, ভেবে ফিরে এলাম ল্যান্ডনের ধারে, যেখানে আস্তানা গেড়েছি আমরা। বলতে ভুলে গেছি, একটা ছোট সুন্দর ল্যান্ডন ঘাহে দ্বীপের এক ধারে। পাহাড়ের গা থেকে ওখানে উচু একটা পাথর ঠেলে বেরিয়ে ছাতের মত হয়ে আছে, তার নিচেই আমাদের বাসা।

ু চুপচাপ বসে আছে হ্যামার। আমার দিকে কড়া চোখে তাকাল। সাবধান করে দিয়ে বলল, ভবিষ্যতে পানি আনতে ভুল করলে আর ছাড়বে না, খুন করে ফেলবে। বললাম, আর কখনও এমন ভুল হবে না। ঠিক এই সময় একটা অডুত ঘটনা ঘটল। আমার পকেটে একটা ফুটো ছিল, সেই ফুটো দিয়ে মাটিতে পড়ে গেল মোহরটা, হ্যামারের একেবারে চোখের সামনে।

বালিতে পড়ে থাকা চকচকে জিনিসটার দিকে চেয়ে রইল হ্যামার দীর্ঘ এক মুহূর্ত, কোটর থেকে ছিটকে বেরিয়ে আসবে যেন ওর চোখ। 'কোথায় পেয়েছ ওটা?'

'বলব কেন?' মুখ ফসকে বলে ফেললাম।

ধ্বক করে জুলে উঠল হ্যামারের চোখ, কিন্তু সামলে নিল। একেবারে বদলে গেল তার চেহারা, কণ্ঠস্থর। গলায় মধু ঢেলে বলল, 'ডাই আমার, দোস্ত আমার, তৃমি না আমার প্রাণের বন্ধু! একই জাহাজে চাকরি করেছি আমরা, সমস্ত বিপদ ভাগ করে নিয়েছি, আমার জিনিস ডোমার, তোমার জিনিস আমার। তাই না? সকালের কথা ভুলে যাও, মাধার ঠিক ছিল না, কি করতে কি করে ফেলেছি। তা ভাই, কোখায় পেয়েছ এটা?'

'না, মিস্টার হ্যামার,' মাথা নাড়লাম, 'মিষ্টি কথার ভুলছি না। তোমার সঙ্গে আমার দোস্তি নেই, কোনদিন ছিল না। কিছুতেই বলছি না আমি।'

বলবি না!' চেঁচিয়ে উঠল হ্যামার। 'হারামজাদা!' লাফিয়ে উঠে দাঁড়াল সে, হাতে ছুরি।

এক লাফে আমাদের মাঝে এসে পড়ল কিম, ঠেকাতে। ততক্ষণে ছুরি চালিয়েছে হ্যামার, সেটা আমার গায়ে না লেগে লাগল কিমের গলায়। আমি আর হ্যামার যখন কথা বলছিলাম, মোহরটা তুলে নিয়ে দেখছিল কিম, সেটা হাতেই রয়েছে। জবাই করা ছাগল যেন, ফিনকি দিয়ে রক্ত বেরিয়ে এল তার গলা থেকে, ঘড়ঘড় আওয়াজ বেরোছে, শিথিল হাত থেকে খসে পড়ল সোনার মোহর, ওটার পাশেই গড়িয়ে পড়ল বেচারা। রক্তে ভিজে যাছে শাদা বালি। কয়েক মুহুর্ত হাত-পা নাচিয়ে স্থির হয়ে গেল দেহটা।

বোকা বনে গেলাম। হ্যামারের মুখ থেকে রক্ত পরে গেছে, ফেকাসে হয়ে গেছে চেহারা। ছোঁ মেরে মাটি থেকে মোহরটা তুলে নিয়ে চেঁচিয়ে উঠলাম, 'খুন করেছিস ওকে তুই, গরিলার বাচ্চা গরিলা! পার পাবি না। জাহাজে উঠেই ক্যাপ্টেনকে বলে দেব।'

ঝট করে মুখ তুলল হ্যামার, ছুরিটা আবার শক্ত হাতে চেপে ধরে ছুটে এল আমার দিকে। গাল দিয়ে উঠল। আমার মরহুম ক্যাপ্টেন বলতেনঃ গাল দিতে পারে সবাই, ক্ষিপ্ত ভয় পাওয়াতে পারে ক'জন? তার জন্যে তেমন বিষাক্ত জিত থাকা চাই। এই মুহুর্তে আমার সেই কথাটাই মনে পড়ে গেল, হ্যামারের মত বিয়াক্ত জিত ক'জনের আছে। একটা খুন করেছে, এরপর আরু হাত কাপবে না তার, এক সেকেণ্ডও দেরি করলাম না। ঘুরেই দৌড় দিলাম সোজা বনের দিকে। দৌড়ে গিয়ে চুকলাম বনে, এরপর যতদিন ওই দ্বীপে ছিলাম, বন থেকে বেরোইনি। মাঝে মাঝেই দেখেছি, আমাকে খুজছে হ্যামার, সোনার মোহর কোথায় পেরেছি, সেই জায়গা খুজছে। কোনটাই পায়নি। অবশেষে একদিন একটা জাহাজের দেখা পেলাম, আমিই প্রথম দেখেছি, ওটার দৃষ্টিও আকর্ষণ করতে শারলাম। দ্বীপে ভিড়ল জাহাজটা। একটা স্কুনার, নাম আটলান্টিক সিটি। সৈকতে ছুটে গেলাম, হ্যামার এল পরে, দ্বীপের উল্টো

প্রান্তে ছিল, হাঁকডাক শুনে ছুটে এসেছে। না, হ্যামারের কুকাণ্ডের কথা বলিনি ক্যাপ্টেনকে। আর বলবই বা কখন। আমরা জাহাজে ওঠার পর থেকেই একটা না একটা অঘটন ঘটেই চলল। প্রথমেই রাডার খারাপ হয়ে গেল, তারপর মাস্তুল ভেঙে পড়ে মারা গেল দুজন লোক। আরও কত কাও যে ঘটল। যা-ই হোক, অবশেষে যেন ধুঁকতে ধুঁকতে একদিন এসে বোসটনে ভিড়ল আটলান্টিক সিটি। বন্দর থেকে বেরিয়েই পড়লাম গাড়ির তলার। জ্ঞান ফ্রিরতেই দেখি শুয়ে আছি হাসপাতালের বেডে। এখানে বসেই এই চিটি লিখছি। সারাক্ষণ হ্যামারের ভয়ে অস্থির হয়ে আছি। জাহাজে থাকতেই শাসিয়েছে, সোনার সন্ধান না দিলে আমার পিঠে ছুরি বসিয়ে দেবে।

শরীর খারাপ, ভাবছি, ভাল হলেই তোমাকে দেখতে আসব। চাকরিও দরকার। সী-ওয়েড তো পেছে, আরেকটা ভাল জাহাজ আর ভাল ক্যাপ্টেন খুঁজে নেয়া যে কী কঠিন। যদি কোন কারণে আমি আসতে না পারি এ-চিঠি আমার একজন নতুন নাবিক-বন্ধুকে দিয়ে দেব, সেপৌছে দেবে তোমার কাছে।

যদি আমার কিছু ঘটে যায়, তুমি যেও সেই দ্বীপে, যখন পারো। প্রচুর ধনরত্ন লুকানো আছে ওখানে, আমার বিশ্বাস। আর যদি মোহর খুঁজেনা-ই পাও, জাহাজে যা সম্পদ আছে, সেগুলো এনে বিক্রি করলেও বড়লোক হয়ে যাবে। প্রথমে প্রভিডেসে যাবে, সেখান থেকে দক্ষিণ-পশ্চিমে চল্লিশ-পঞ্চাশ মাইল গেলেই পেরে যাবে দ্বীপটা। দেখলেই চিনবে, সপ্তমী চাঁদের আকৃতি, পুরধারে পাহাড়। জাহাজটা পাবে উত্তর প্রান্তে, ওদিকে আরেকটা খুদে দ্বীপ প্রায় গা ঘেঁষে রয়েছে মূল দ্বীপের। ম্যাপ একে দেখিয়ে দিলাম।

এ-মুহূর্তে তোমাকে বড্ড দেখতে ইচ্ছে করছে, বব। প্রথম সুযোগেই তোমাকে দেখতে আসব। আবার বলছি, যদি আমার কিছু হয়ে যায়, বড় হয়ে তুমি কিন্তু যেও সেই দ্বীপে, যেভাবে পারো।

ভাল থেকো, বব, ঈশ্বরের কাছে এই প্রার্থনাই জানাই।

<u>ইতি—</u>

তোমার বাবা।

পাঁচ

চিঠি পর্জ়ী শেষ হওয়ার পরও অনেকক্ষণ কেউ কোন কথা বলতে পারল না। এমনকি মুসা আমান পর্যন্ত চুপ করে আছে। ববের চোখে জল, নীরবে কাঁদছে সে, গাল বেয়ে গুড়িয়ে নামছে অশ্রুধারা।

চিঠিটা আবার ভাঁজ করে রাখছে কিশোর, গুধু তার মৃদু খসখস শব্দ, এছাড়া একেবাবে নীরব হেডকোয়ার্টার। চিঠি ভাঁজ করে রেখে খামের ভেত্র হাত ঢুকিয়ে আরেকটা ছোট ভাঁজ করা কাগজ বের করে আনল সে, হলদেটে কাগজ। মেলল। 'হাা, এই ষে সেই নকশা,' নীরবতা ভাঙল সে।

'বোঝা গেল…,' চোখ মুছতে মুছতে বলল বব, কেন চিঠিটা নিতে এসেছিল। গরিলা হারামজাদা।'

'হ্যা.' মাখা ঝোঁকাল কিশোর।

'সোনার মোহরটার জন্যে.' বলল মুসা।

মাথা নাড়ল কিশোর। 'না। এসেছিল চিঠিটার জন্যে, পড়ে দেখতে চেয়েছিল, কি লেখা আছে। গুগুধন কোথায় আছে. লেখা আছে কি-না।'

'গিয়ে তাহলে খুঁজে বের করে নেবে,' বলল বব।

'পারুক না পারুক, ঢেষ্টা তো অবশ্যই করবে।'

একটু চুপ করে থেকে বব বলন, 'তো, কি মনে হয় তোমার? বাবা কি সত্যিই গুপ্তধনের খোজ পেয়েছিল?'

'আমার কোন সন্দেহ নেই। তোমার বাবাকে তুমি চেনো, তুমি ভাল বলতে পারবে তিনি কেমন লোক ছিলেন। চিঠি পড়ে আমার যা মনে হলো, মিথ্যে বলার লোক তিনি নন। একটা বর্গও মিথ্যে লেখেননি।'

'ঠিকই বলেছ.' সায় দিল বব। 'ফালতু কথা বলত না কখনও বাবা।'

'আমারও তাই ধারণা। আর সত্যি যে তিনি বলুছেন, এই নকশা আর মোহরটাই তার প্রমাণ।'

'সবই তো জানলাম,' মুসা বলল, 'এখন আমরা কি করব?'

'কিছু তো একটা করবঁই,' শান্তকণ্ঠে বলল কিশোর। 'বব, আমার মনে হয়, জলদস্যর জাহাজ আবিষ্কার করে বসেছেন তোমার বাবা। এক সময় ওসব সাগরে **जनम**्रोटफ्त जानारंशाना हिन थुन रविश । काहाकाहि रकान न्यारक हिन ना. जात পার্কলেও তাতে মোহর রাখতে যেত না ভাকাতেরা। অসৎপথে অর্জিত টাকা রাখতে যাবেই বা কোন সাহসে? নিয়ে গিয়ে তাই লুকিয়ে রাখত কোথাও, নির্জন **জারগায়ই বেশি** রাখত। আর কোনদিনই হয়তো গিয়ে ওই ধন তুলে আনার সুযোগ হত না অনেকের। কিন্তু এটা অন্য কেস। কোনভাবে জাহাজটা ঢুকে গিয়েছিল খাঁড়িতে, আটকে গিয়েছিল, যে লোকটা ওতে ছিল, বেরোতে পারেনি আর। যেতাবেই হোক, মারা গেছে সে। বছরের পর বছর পড়ে থেকে পচেছে জাহাজটা, শেওলা আর লতাপাতা আগাছায় ছেয়ে ফেলেছে এক সময়। জানোই তো **গ্রীষ্মণ্ডলীয় আবহাওয়ায় জঙ্গল কি হারে বাড়ে। আর বাইরে থেকে দে**খা যায় না কেন, দেখাচ্ছি,' উঠে গিয়ে ছোট বুকশেলগ থেকে মোটা একটা এনসাইক্রোপিডিয়া বের করে আনল কিশোর, খুলে একটা ছবি বের করল। ববের দিকে ঠেলে দিয়ে বলল, 'এই হলো জাহাজের চেহারা,∮ আজকের লোহার জাহাজ তো না। পাহাড়ের ডেতরে লতাপাতায় ঢাকা থাকলে বের করা খুব মুশকিল। এই জন্যেই হ্যামার এত খুঁজেও পায়নি। তোমার বাবা হঠাৎ করেই তার ভেতরে পড়ে গিয়েছিলেন, নইলে তিনিও কোনদিনই দেখতে পেতেন না জাহাজটা। কিন্তু হ্যামার ব্যাটা সহজে ছেডে দেবে বলে মনে হয় না ।

'কি করে এত শিওর হচ্ছ, হ্যামারই গিয়েছিল স্বামার ঘরে?'

'খুব সহজ ব্যাপার। তোমার বাবা তো খুব ভালমতই বর্ণনা দিয়েছেন তার চেহারার। বার বার উল্লেখ করেছেন গরিলা বলে, তোমার ঘরে যে এসেছিল, সে দেখতে গরিলার মত নয়? গালে কাস্তের মত বাকা কাটা দাগ ছিল না? চেহারা না হয় দুজনের মানুষের প্রায় একরকম হতে পারে, কিন্তু কাটা দাগ?'

.আবার খানিকক্ষণ নীরবতা।

'তোমার কি মনে হয়?' বলল বব। 'হ্যামারই বাবাকে খুন করেছে?'

'মনে হওয়া খুব সঙ্গত। কথায় কথায় ছুরি বের করে সেঁ, কিমকে খুন করেছে, তোমার বাবাকেও খুন করবে বলে হুমকি দিয়েছে বার বার। আর গুপ্তধনের জন্যে মানুষ খুন, এটা নতুন কিছু নয়।

হঁটা, ঠিকই বিলেছ। চিঠি নিয়ে এসেছিল যে নাবিক, সে বলেছে, সরাইখানায় নাকি পিঠে ছুরি বেঁধা অবস্থায় দেখেছে বাবাকে…,' কথা রুদ্ধ হয়ে এল আবার

ববের ।

হ্যামার নিশ্য অনুমান করেছে,' হাতের তালু নাড়ল কিশোর, 'তোমার চিঠিতে নকশা-টকশা কিছু একটা এঁকে পাঠাবেন তোমার বাবা। প্রথমে গিয়েছিল তোমার বাবার ঘরে, সরাইখানায়, কিন্তু তার আগেই ওগুলো হাতবদল করে ফেলেছেন তিনি। রাগের মাখায় তাঁকে খুন করেছে। তারপর এসেছে তোমার কাছে,' কি মনে হতেই তাড়াতাড়ি আবার চিঠি খুলল কিশোর। দেখে নিয়ে বলল, 'চিঠিটা কবে নিয়ে এসেছে বলেছিলে তখন?'

'আজ বিকেলে।'

'হঁ। আরও অনেক আগেই আসার কথা ছিল। অনেক দেরি করে এনেছে নাবিক। এই যে তারিখ,' দেখাল কিশোর, 'তিন মাস আগের। এত দেরি করল কেনং'

'শুনেছি,' সঙ্গে সঙ্গেই বলল বব, 'কেন এত দেরি হরেছে। তিন মাস আগেই নাকি চিঠি দিয়েছিল তাকে বাবা, কিন্তু আসতে দেরি হয়ে গেছে তার নানা কারণে। চিঠিটা সে হাতে নেয়ার পর খেকে নাকি একের পর এক অঘটন ঘটেছে। নানারকম ঝামেলায় জাহাজে চড়তেই দেরি হয়ে গেছে নাবিকের, তারপর যখন রওনা হলো শুরু হলো, দুর্ঘটনা। ঝড়ে পড়ল জাহাজ, প্রপেলারের ব্লেড গেল ভেঙে, এক বন্দর খেকে সেটা সারিয়ে নিয়ে আবার ছাড়ল জাহাজ। কয়েক মাইলও য়ায়নি, কুয়াশার মধ্যে নাকি একটা ট্রলারের সঙ্গে ধাকা লাগাল। ভুবতে ভুবতে কোনমত বন্দরে ফিরে গেল আবার মেরামত করাতে।'

মোলায়েম শিস দিয়ে উঠল কিশোর। 'পুরো 'ব্যাপারটাই জানি কেমন গোলমেলে, খালি পাঁাচ আর পাঁাচ।' মুসার দিকে তাকিয়ে নিল একবার কিশোর, কি জানি হয়েছে আজ গোয়েন্দাসহকারীর, কথা বলাই যেন ভুলে গেছে। বড় বেশি চুপচাপ। ববের দিকে ফিরল আবার গোয়েন্দাপ্রধান। 'চিঠি তো পেলে, জানলেও সব কিছু। কি করবে, ঠিক করেছ?'

'পুলিশের কাছে যাওয়াই তো উচিত।'

'কি বলবে?'

'বলব, বিগ হ্যামার আমার বাবাকে খুন করেছে।'

'কি প্রমাণ আছে তোমার হাতে?'

•আঁ। : তাই তো! - কি করব তাহলে?'

কিছুক্ষণ সামনের দেয়ালের দিকে তাকিয়ে রইল কিশোর, নিচের ঠোঁটে চিমটি কাটল, তারপর ববের দিকে ফিরে বলল, 'হ্যামারের কাছ থেকে দুরে থাকবে। গুপ্তধনের খোঁজে রয়েছে, কাজেই মরিয়া এখন সে। কয়েকটা প্রশ্ন খোঁচাচ্ছে আমাকে। ও তোমার কথা জানল কি করে? তোমার বাবার কাছে গুনেছে? কি করে জানল, তোমাকে চিঠি দিয়েছে তোমার বাবা, তাতে গোপন কথা লেখা আছে?' টেবিলে কনুই রেখে দুইাতের আঙুলের মাখা এক করছে, আবার সরিয়ে আনছে গোয়েন্দাপ্রধান। 'এবার দেখা থাক, কি কি জেনেছি আমরা। এক, ওয়েই ইণ্ডিজের কোন নির্জন দ্বীপে পুরানো একটা জাহাজ লুকিয়ে আছে, যাতে রয়েছে মূল্যবান বস্তু, ওটার আন্দোশেই হয়তো রয়েছে গুপ্তধন। দুই, ব্যাপারটা আমরা যেমন জানি, কো হ্যামারও জানে, গুপ্তধন পাওয়ার জন্যে পাগল হয়ে উঠেছে। তিন, তোমার কাছে একটা চিঠি আছে, তাতে গুপ্তধনের ঠিকানা লেখা আছে—কোনভাবে এটা জেনেছে হ্যামার। সুতরাং, তোমার এখন উচিত কোথাও লুকিয়ে থাকা। ডকের ধারে ওই চিলেকোঠার ছায়া মাডানো ঠিক হবে না। মারা পড়বে।'

অস্বস্তিতে নড়েচড়ে বসল বব। 'কি করব তাহলে?' আবার একই প্রশ্ন। ফাটা বাঁশে লেজ আটকেছে, করি কি এখন! চিঠিটা পুড়িয়ে ফেলি? হ্যামার ধরলে বলব, পুড়িয়ে ফেলেছি।'

'বিশ্বাস করবে?' ভুরু নাচাল মুসা।

অসহায় ভঙ্গিতে চৈয়ারে হেলান দিল বন, টান টান করে দিয়ে এক পায়ের ওপর আরেক পা রাখল। 'না, তা করবে না। মিছে কথা বলছি ভেবে পিটিয়ে হাড়গোড় ভাঙবে। কি করব?'

'গুপ্তধন খঁজে আনার কথা বলছ না কেন একবারও?' কিশোর বলন।

'চাঁদ পেড়ে আনব বললেই কি আর পাড়া যায়?' ফোঁস করে শ্বাস ফেলল বব। 'ছেঁড়া কাঁথায় শুয়ে লাখ টাকার স্বপ্ন! পকেটে নাই কানাকড়ি, খরচ পাব কোথায়?'

মুসার দিকে ফিরল কিশোর। 'সেকেণ্ড, তোমার কি মনে হয়? ওকে সাহায্য করতে পারব আমরা?'

তালুতে তালু ডলল মুসা, ঠাণ্ডা হাত ডলে গরম করছে ফেন। আমরা!… কিছু একটা ভাবছ তুমি কিশোর, বলে ফেলো না।

'গুপ্তধন শিকারে যদি যাই আমরা?'

ফেকাসে হয়ে গেল মুসার চেহারা পলকের জন্যে। 'খাইছে!' তোতলাতে গুরু করল, 'কি-কি-কিভাবে…'

হাসল কিশোর। 'সহজ হবে না যাওয়া। তবে ইচ্ছে করলে যেতে পারি আমরা। তার জন্যে প্রথমেই দরকার, টাকা। অনেক টাকা।'

'কোথায় পাব এত টাকা?'

'চেষ্টা করলে পাব,' ববের দিকে ফিরল কিশোর। 'বব। একটা প্রস্তাব রাখছি। ধরো, টাকা আমি জোগাড় করতে পারলাম, যাওয়াও হলো, ডাবলূনগুলো পেলামও আমরা, ভাগাভাগিটা কিভাবে হবে? তোমার অর্ধেক আমাদের অর্ধেক? খরচাপাতি গিয়ে যা থাকবে সেটাই ভাগ হবে। রাজি?'

আমাকে নিয়ে তামাশা করছ?' বিষণ্ণ কণ্ঠে বলল বব, শার্টের একটা ছেঁড়া জায়গা ডলে সমান করার চেষ্টা করল।

'ছি, কি বলছ। তামাশা করব কেন? সত্যিই বলছি।'

'তোমার যা ইচ্ছে করো, সব কিছুতেই আমি রাজি,' অনুনয় ঝরল ববের কর্ষ্ঠে। 'শুধু এই বিপদ থেকে বাঁচাও। হ্যামারের ছুরি খেয়ে মরতে চাই না আমি।'

'তাহলৈ অর্ধেক ভাগে তুমি রাজি,' আগের কথার খেই ধরল কিশোর। 'তো কাজ গুরু করে দেয়া যায়। এখন প্রথম কাজ, দ্বীপটার অবস্থান জানা…'

'চিঠিতেই তো লেখা আছে∙∙' বাধা দিয়ে বলল মুসা।

'লেখা দিয়ে দ্বীপ খুঁজে পাওয়া যায় না, ম্যাপ দরকার,' হাত তুলল কিশোর। 'এত খুদে দ্বীপ ম্যাপে থাকবে?'

'থাকবে না। কিন্তু প্রতিভেঙ্গ দ্বীপটা থাকা উচিত, নামধাম আছে যখন, বোঝা যাচ্ছে, নাবিকেরা চেনে ওটা। আশেপাশে নিশ্চয় আরও দ্বীপ আছে। এমনিতেই ক্যারিবিয়ানে দ্বীপ বেশি। ছোট, বড়, মাঝারি সব রকমের আছে।'

'হলদে কাগজটায় ঠিকানা লেখা নেই? পথ নির্দেশ?'

না, দেখেছি ভালমত। দ্বীপে নামার পর হয়তো কাজে লাগবে ওটা,' বলল কিশোর, 'অর্থ বের করতে পারি যদি। দেখে তো মনে হচ্ছে, একটা গোলকদাঁধা। মানে না বুঝলে এটা হাতে থাকা না থাকা সমান কথা। আর নকশা ছাড়া গুপ্তধন পাওয়ার আশা প্রায় শূন্য। প্রশান্ত মহাসাগরে কোকোস দ্বীপের নাম গুনেছ? ওখানে গুপ্তধন আছে, ইতিহাস তাই বলে। কথাটা জানাজানি হতেই দলে দলে লোক ছুটন। দ্বীপটা বেশি বড় না, অথচ এত লোকে খুঁজেও একটা মোহর বের করতে পারল না। এক জার্মান থেকেই গেল ওখানে, চষে ফেলল দ্বীপটা। গর্ত বা খুঁড়েছে, মস্ত একটা লড়াইয়ের মাঠেও এত ট্রেঞ্চ খোঁড়া হয় কিনা সন্দেহ। আঠারো বছর থেকেছে লোকটা, হাতে ফোসকা ফেলেছে গুণু, ম্যালেরিয়া বাধিয়েছে, কাজের কাজ কিচ্ছু হয়নি। কাজেই বোঝো।'

'দিছুঁ তো হতাশ কুরে!' হাত নাড়ল মুসা।

'পাবই, এই গ্যারান্টি কে দিল তোমাকে?'

'তাহলে যেতে চাইছ কেন?'

'আশা আছে বলে। ফিফটি ফিফটি চাঙ্গ ধরে নেয়াই ভাল। যাকগে, এখন • ম্যাপ দেখা দরকার। প্লেন আর পাইলট জোগাড় করতে হবে।'

'কি বললে? প্লেন!' বিস্ময়ে দাঁত বেরিয়ে পডেছে ববের।

`হ্যা। কেন, জাহাজে যাব ভাবছিলে নাকি?'

'জাহাজেই তো সুবিধা, নাকিং'

'না, অসুবিধা। নানারকম ঝামেলায় পড়তে হবে। তার চেয়ে প্লেনে যাওয়া

নিরাপদ, সময়ও কম লাগবে, খরচ অবশ্য বেড়ে যাবে অনেক। কিন্তু খরচের কথা মোটেই ভাবছি না।

এত টাকা কোথা থেকে জোগাড় করবে কিশোর, বুঝতে পারছে না মুসা, কিন্তু কিছু জিজ্ঞেসও করল না। কিশোর পাশা যখন বলছে পারবে, নিশ্চয় পারবে।

টাকা খরচ করলে ভাল প্লেন হয়তো পাওয়া যাবে,' ঘাড় চুলকালো কিশোর, কিন্তু ভাল পাইলট পাওয়াই মুশকিল, তাছাড়া বিশ্বন্ত পাইলট। থাক, ওসব নিয়ে পরে ভাবব। আগে ম্যাপে দেখা দরকার, কোথায় যাচ্ছি আমরা।'

'মেরিচাচী রাজি হবেন?' না বলে পারল না মুসা।

'সব চেয়ে কঠিন কাজ ওটাই,' স্বীকার করল কিশোর, 'চাচীকে রাজি করানো,' উঠে দাঁড়াল সে। 'ওঠো, আমার ঘরে যাই। ম্যাপ ওখানে।'

দুই সুড়ক্ষ দিয়ে ওয়ার্কশপে বেরিয়ে এল ওরা। বাইরে অঝোর বর্ষণ। এরকম জরুরী অবস্থার জন্যেই ওয়ার্কশপে দুটো ছাতা রেখে দিয়েছে কিশোর, কাজে লাগল এখন।

নিজের ঘরে এসে ম্যাপ বের করল কিশোর, টেরিলে এনে রাখল। মুসা আর ববের উল্টোদিকের আরেকটা চেয়ারে বসল সে। ম্যাপ খুলে গভীর মনোযোগে দেখল কিছুক্ষণ, আঙুল রাখল এক জারগায়, 'এই যে, প্রভিডেস।' পেসিল দিয়ে হালকা গোল একটা দাগ দিল দ্বীপটাকে ঘিরে। 'এখানে নামতে পারেনি ওরা,' পেসিল এপিয়ে নিয়ে চলল সে দক্ষিণ-পশ্চিমে, আঁকাবাঁকা একটা দাগ পড়ল ম্যাপে, 'গ্রোত ভাসিয়ে নিয়ে গেছে এদিকে, এই যে এই দ্বীপপুঞ্জগুলোর কোন একটাতে।' ছোট ছোট কয়েকটা বিন্দুকে ঘিরে আবার গোল দাগ টানল সে। 'দেখেছ, কত ছোট? কোন কোনটা হয়তো দ্বীপই নয়, নিছক বালির চর, ঝকঝকে শাদা বালি, গাছ নেই, পানি নেই, সামুদ্রিক পাখি আর কচ্ছপ ডিম পাড়ে এসব জায়গায়, মানুষ বাসের অযোগ্য। এখানে, কোন কোনটা আবার বেশ বড়, বিশ-তিরিশ মাইল লম্ন। এসব দ্বীপের কোনটাতেই ঘাঁটি করতে পারব না আমার। রসদ, বিশেষ করে প্লেনের তেল এর কোনটাতেই পাওয়া যাবে না আমার বিশ্বাস। কিংসটন আর জ্যামাইকা এখান খেকে অনেক দুরে, পোর্ট অভ স্পেনও। তাহলেং, মূল ভূখণ্ডের কোন শহর খেকেই গিয়ে ওসব আনতে হবে আমাদের, প্লেনের জন্যে কয়েকশো মাইল অবশ্য কিছু না। কোন শহরটাং' নিজেকেই প্রশ্ন করল গোয়েন্দাপ্রধান।

'ম্যারাবিনা?' ম্যাপের এক জায়গায় আঙুল রাখল মুসা। 'আমিও তাই জার্বার্ড ' কিলোর মাং'। বেটাকাল । 'এটাই মর চেবে ব

'আমিও তাই ভাবছি,' কিশোর মাং'। ঝোঁকাল। 'এটাই সব চেয়ে কাছে হবে।' 'কোথায় ওটাং' জিজ্ঞেস করল বব। 'নাম শুনিনি।'

'সেই।ল আমেরিকায়। এক বিচিত্র শহর,' বলল কিশোর। 'কোস্টারিকা আর হনুরাসের মাঝে যেন আটকে রয়েছে, যেন বিশাল স্যাওউইচের মাঝে মাংসের বড়া,' ধাপাস করে ম্যাপ-বইটা বন্ধ করল সে। 'দক্ষিণ আমেরিকায় যাওয়ার সময় প্যান-অ্যামেরিকান এয়ার রুটেই পড়ে। আইনকানুনের বালাই নেই, খার যেভাবে খুশি চলছে, ক্ষমতায় আসীন কর্তা ব্যক্তিরা লুটে পুটে খাচ্ছে সব। খাকগে, আমাদের কি? আমাদের পেটোল পেলেই হলো। মনে হয়, ওটা ম্যারিন এয়ারপোর্ট, যদি তাই

হয় তাহলে ম্যারিন এয়ারক্র্যাফট দরকার।' 'সী-প্লেন?' ভুরু নাচাল মুসা।

'ফুাইছু-বোট, উডচর হলে সব চাইতে ভাল হবে, জলে-ডাঙায় যেখানে খুশি নামতে পারব। দামী খুব ভাল কোন প্লেন দরকার নেই, আটলান্টিক পাড়ি দিতে যাচ্ছি না, কাজ চলার মত হলেই হলো।' থামল একটু, সে, একে একে দুজনের মুখের দিকে তাকাল। 'তো, আগামীকাল থেকেই কাজ শুরু করে দিতে পারি আমরা?'

কেউ জবাব দেয়ার আগেই দরজা খুলে উঁকি দিলেন মেরিচাচী, তীক্ষ্ণকণ্ঠে বললেন, 'এই কিশোর, কতবার না বলেছি, ম্যাটে জুতো মুছে যাবি? কি করেছিস, দেখতো? এসবের কোনও মানে আছে?'

ভুরু কুঁচকে গেল কিশোরের। 'কি বলছ, চাষ্টা, মুছেই তো ঢুকেছি!'

'মুছে টুকেছিস!' বিশ্বয় ফুটল মেরিচার্চীর কণ্ঠে, জানেন, কিশোর মিখ্যে কথা বলে না। কৈ করল···চোর-টোর না-তো!'

চোখের পাতা কাছাকাছি হলো কিশোরের. উঠে দাঁড়াল। দরজায় এসে দেখল, ম্যাটটার ওপাশে বেশ কয়েকটা ছাপ, পানি আর কাদা লেগে আছে, বড় বড় জুতো-পায়ে একটু আগে দাঁটিয়ে ছিল ওখানে কেউ। 'এখনো বৃষ্টি পড়ছে, না?'

'পড়ছে মানে? মুষলধারে,' বললেন চাচী।

'আর্চর্য!' গাল টুলকাল কিশোর। 'ঠিক আছে, চাচী, তুমি যাও। আমি মুছে ফেলব। চোর-টোরই হবে!'

'হুঁ!' এদিক-ওদিক তাকালেন মেরিচাচী। 'কিছু নিয়ে যায়নি তো…।' ফিরলেন আবার কিশোরের দিকে। 'খাবি না? রাত তো অনেক হলো।'

'না। খেয়ে এসেছি,' বলল কিশোর। পাশে এসে দাঁড়িয়েছে মুসা, তাকে জিজ্ঞেস করলেন, 'তুমি কিছু খাবে?'

'না,' লচ্ছ্জিত হাসি হাসল মুসা। 'তখন অনেক বেশি খেয়ে ফেলেছি।' 'বব, তুমি?'

'না,' মাথা নাড়ল বব।

'কিছই খাবি নাঁ?' আবার বললেন মেরিচাচী।

'নাহ। সার তেমন খিদে পেলে ফ্রিজ থেকে নিয়ে খেতে পারব,' কিশোর বলল।

'ঠিক আছে। রাত বেশি করিস না, শুয়ে পড়,' বলে চলে গেলেন তিনি। মেরিচাচী চলে যেতেই কিশোরের দিকে ফিরল মুসা। 'কি মনে হয়? কার কাজ?'

'এখানে কেউ দাঁড়িয়ে ছিল!' বিড়বিড় করল গোয়েন্দাপ্রধান, 'বেশ কিছুক্ষণ ধরে। ভেতরে আলোচনা চললে বাইরে আড়ি পেতে কেন দাঁড়িয়ে থাকে লোকে?' কি আলোচনা হচ্ছে শোনার জন্যে.' সঙ্গে সঙ্গে জবাব দিল বব।

'ঠিক,' মাথা ঝোঁকাল কিশোর। 'কিন্তু অয়েলক্ষিন পরে কে আসতে পারে? সাধারণ কেউ হলে উলের ওভারকোট পরে আসত। উল পানি শুষে নেয়, কিন্তু যে হারে পড়ে মেঝে ভিজেছে, ওভারকোট হতে পারে না। অয়েলক্ষিন। কারা অয়েলক্ষিন পরে? পুলিশ আর পোস্টম্যান। তাদের কেউই লোকের বাড়িতে উকি মারবে না, এভাবে আড়ি পেতে কথা শোনার চেষ্টা করবে না। তাহলে কে?'

'নাবিক!' চেঁচিয়ে উঠল মুসা।

'বাহ, বৃদ্ধি খুলছে তোমার,' মৃদু হাসল কিশোর।

লাফিয়ে চেয়ার থেকে উঠে দাঁড়াল বব। মানে? হ্যামার অনুসরণ করে এসেছে, এখানেও!

আঁলমারি খুলে নিচের তাক থেকে ছেঁড়া ন্যাকড়া বের করল কিশোর, মোছার জন্যে দরজার কাছে গিয়ে ফিরে তাকাল। সেই বোসটন থেকে আসতে পেরেছে, আর এটুকু পথ আসতে বাধা কি?'

ছয়

প্রেনের জানালা দিয়ে পাঁচ হাজার ফুট নিচের তরঙ্গায়িত উজ্জ্বল নীল সাপরের দিকে তাকাল কিশোর। দূরে পাখুরে তীরে চেউ ডাঙছে, নীলচে-মাখন ফেনার একটা আঁকাবাকা রেখা এগিয়ে গেছে মাইলের পর মাইল, মোড় নিয়ে হারিয়ে গেছে ঘন বেগুনী রঙের আড়ালে। রেখাটার ডানে জঙ্গল, মস্ত এক সবুজ চাদর যেন বিছিয়ে দিয়েছে কেউ।

কিশোরের পাশে পাইলটের সীট, পেছনের দুটো সীটে বব আর মুসা। একঘেয়ে উড়ে চলা আর ভাল লাগছে না ওদের, হাবভাবেই বোঝা যাচ্ছে।

সেই যেদিন প্রথম ববের সঙ্গে দেখা হয়েছে কিশোর আর মুসার, তারপর পুরো একটি মাস কেটে গেছে। অনেক কাজ, সব কিছু গোছগাছ করতে সময় লেগেছে দুই গোয়েন্দার। তিন গোয়েন্দার একজন, রবিন মিলফোর্ড, এই অভিযানে ওদের সঙ্গে আসতে পারেনি, তার নানীর শরীর নাকি খুব খারাপ, বাচেন কি মরেন ঠিক নেই, তাকে দেখতে চেয়েছেন, বাধ্য হয়েই মা-বাবার সঙ্গে আয়ারল্যাণ্ডে যেতে হয়েছে রবিনকে।

খরচের টাকা জোগাড় করতে বিন্দুমাত্র অসুবিধে হয়নি কিশোরের, জিনাকে বলতেই সে টাকা ধার দিতে রাজি হয়েছে। জিনার এখন অনেক টাকা, দ্বীপে সোনার বার যা পাওয়া গিয়েছিল, সেগুলো বিক্রি করা টাকা সব তার নামে ব্যাংকে জমা করে দিয়েছেন তার বাবা। মোহর পাওয়া গেলে, একটা ভাগ জিনাকে নিতে হবে, এই শর্তে তার কাছ খেকে টাকা নিতে রাজি হয়েছে কিশোর। জিনা ভাগ নিতে রাজি হছিল না প্রথমে, কিশোরও তাহলে টাকা নেবে না, অবশেষে হার মানতেই হয়েছে জিনাকে। সে-ও আসতে চেয়েছিল এই অভিযানে, অনেক কায়দা করে এডিয়েছে কিশোর।

টাকা জোগাড় হয়ে যেতেই বিখ্যাত চিত্র পরিচালক ডেভিস ক্রিস্টোফারকে গিয়ে ধরেছে কিশোর। অনেক ব্যাপারে তিনি সাহায্য করেছেন। পাইলট তিনিই জোগাড় করে দিয়েছেন, তাঁর খুব পরিচিত লোক, বিশ্বস্তু। পাইলট এক অদ্ভুত লোক, বাড়ি মিশরে, নাম ওমর শরীফ। লম্বা, ছিপছিপে, ক্লিন-শেভড় যুবক, মাথায় ঘন চুল পুরোপুরি কালো নয়, কেমন একটা তামাটে ছোয়াচ, গায়ে বেদুইনের রক্ত, তাই ব্যোধহয় বড় বেশি এক রোখা। আমেরিকান নেভিতে ছিল, বুসেরা তার কাছ খেকে বোধহয় বিশেষ তোয়াজ পায়নি, তাই প্রমোশন দিতে চায়নি। এতে রেগে গিয়ে চাকরি ছেড়ে চলে এসেছে ফ্লাইট-লেফটেন্যান্ট ওমর। এখন সিনেমায় স্টান্ট-ম্যানের কাজ করে। পরিচালকের নির্দেশে হাজার হাজার ফুট ওপর খেকে প্যারাসূট নিয়ে ঝাঁপ দেয়, বিপজ্জনক গিরিপথে বিমান নিয়ে উড়ে যায় তীব্র গতিতে, এমনি সব কাজ। খুব কঠিন কাজ, সন্দেহ নেই, কিন্তু এসবে আনন্দ পায়, রোমাঞ্চ অনুভব করে বেদুইনের ছেলে ওমর।

দুই গোরেন্দার সঙ্গে ওমরের পরিচয় করিয়ে দিয়েছেন জনাব ক্রিস্টোফার। অভিযানে থেতে রাজি আছে কিনা জিজ্ঞেস করেছেন পাইলটকে। সব শুনে লাফিয়ে উঠেছে ওমর, এক কথায় রাজি। এমন লোককে সঙ্গী পেয়ে কিশোর আর মুসাও খুব খুশি।

ওমর শরীফই বিমানের ব্যবস্থা করেছে। লস অ্যাঞ্জেলেস থেকে নিউ ইর্মকে এসেছে তিন কিশোরকে নিয়ে। ওখানে প্যান-আমেরিকার এয়ার ওয়েজে একটা বিমান ডাড়া নিয়েছে ওরা। পুরানো আমলের সিকোরস্কি, কিন্তু ওমরের এটাই পছন্দ। যে রকম অভিযানে চলেছে ওরা, এই জিনিসই কাজ দেবে। চার সীটের একটা উভ্চর, টুইন-ইঞ্জিন, বেশ বড় লাগেজ কম্পার্টমেন্ট—অনেক মালপত্র রাখা গেছে। ঠিকই বলেছে ওমর, নতুন পাইলট-বন্ধুর ওপর ভক্তি বেড়ে যাচ্ছে কিশোরের। এত পুরানো আমলের প্রেন নিচ্ছে দেখে প্রথমে একটু নাকই সিটকের্ছিল কিশোর, কিন্তু এখন বুঝতে পারছে ভুল। গত চার দিন ওদেরকে নিয়ে উড়ছে প্রেনটা, সামান্যতম গোলযোগ করেনি। এয়ার-ওয়েজ কর্তৃপক্ষকে জিজ্ঞেস করেছিল কিশোর, যদি কোনরকম গোলমাল করে, কি হবে? তারা বলেছে, বিমান ঘটিত যে কোন রকম অসুবিধে দেখবে তারা, তাদের স্থানীয় অফিসে গুধ্ জানাতে হবে, ব্যস, এরপর যা করার ওখানকার লোকেরাই করবে। একটা কোলাপসিবল রবারের ভেলাও সরবরাহ করেছে এয়ার-ওয়েজ, ওমরের অনুরোধে। তার ধারণা, যেখানে যাছে, জিনিসটা কাজে লাগবে।

চারদ্দি ধরে উড়ে উড়ে ববও ক্লান্ত, বিরক্ত হয়ে পড়েছে, অথচ প্রথম দিকে তার আনন্দ-উত্তেজনার সীমা ছিল না, জীবনে এই প্রথম প্লেনে চড়ছে, লস অ্যাঞ্জেলেসের বাইরে যাওয়ার সুযোগ পেয়েছে। জানালা দিয়ে নিচে তাকিয়ে আছে, যখনই কোন দ্বীপের ওপর দিয়ে উড়ে যাচ্ছে, রপালী সৈকত দেখে হা-হুতাশ করে উঠছে মন, ইস্, এই মুহূর্তে যদি ওখানে হাত-পা ছড়িয়ে বসা যেত! নীল সাগরে ঝাপিয়ে পড়ে দাপাদাপি করা যেত! ছোট্ট এই কুঠুরিতে গুটিয়ে বসে থাকতে কত আর ভাল লাগে?

মুসাও নির্বাক। এছাবে বসে থাকতে তারও আর ভাল লাগছে না। গন্তব্যস্থল আসে না কেন? এই আদিম উভচর না হয়ে, জেট হলে কত তাড়াতাড়ি পৌছে যেতে পারত। কেন যে…তার ভাবনা মাঝপথেই ছিন্ন করে দিয়ে নাক ঝুঁকে গেল বিমানের। বকের মত গলা বাড়িয়ে তাড়াতাড়ি জানালা দিয়ে নিচে তাকিয়ে দেখল মুসা, পৌছে গেছে ওরা। শাদা রঙ করা এক ঝাঁক বাড়ি দেখা যাচ্ছে। ববের দিকে তাকাল। চোখে চোখ পড়তেই হাসল মুসা।

'এসেছি?',জিজ্ঞেস করল বব।

'লাগছে তো ম্যারাবিনার মতই। যা শুনেছি, সে-রকমই লাগছে,' মাথা ঝাঁকাল মুসা।

'এ-কেমন জায়গা!' নিচের দিকে চেয়ে বলল বব।

ঘাড় ঘুরিয়ে তাকাল কিশোর, হেসে বলল, 'কেমন আর? পথে আরও কয়েক জারগায় থেমেছি না, ওরকমই হবে। তবে বিষুবরেখার কাছে তো, গরম বেশি লাগবে। সভ্য-ভব্য জারগা বলে মনে হচ্ছে না, কেমন যেন সেকেলে।'

পানি ছুঁলো উডচর। চাকার জায়গায় ছোট নৌকার মত দুটো জিনিস নীল পানি চিরে শাদা লম্না দুটো দাগ সৃষ্টি করে ছুটল বন্দরের দিকে।

বিমান থামাল ওমর। ঠেলে পেছনে সরিয়ে দিল কাচের ফোল্ডিং ককপিট। হাত তুলে দেখাল, 'ওই যে, প্যান-আমেরিকান নোঙর করার জায়গা বোধহয় ওটা।' পানির ধারে একটা হ্যাঙার, তাতে একটা ফুাইংবোট বেঁধে রাখা হয়েছে। 'নিউইয়র্কে ওরা বলেছিল, জরুরী অবস্থার জন্যে ডিপোতে বাড়তি বিমান রাখে। ওটার পার্শেই রাখব।'

বসতে গিয়েও বসল না ওমর, ফুট ফুট আওয়াজ তুলে একটা মোটরবোট এগিয়ে আসছে এদিকেই। সরকারী ইউনিফর্ম পরা এক অফিসার দাঁড়িয়ে আছে গলুইয়ের কাছে, পোশাকটা জমকালোই ছিল এককালে, কিন্তু এখন চাকচিক্য হারিয়ে মলিন হয়ে গেছে।

'আমাদেরকেই ইঙ্গিত করছে, না?' কিশোরও তাকিয়ে আছে বোটটার দিকে। 'তাই তো মনে হয়।…হঁয়া, আমাদের কাছেই আসছে। কাগজপত্র চেক করবে বোধহয়। কিন্তু এত তাড়াতাড়ি কেন?'

উভচরের পাশে থামল মোটরবোট, ঢেউয়ে দুলে উঠল বিমান। নাটকীয় ভঙ্গিতে হাত তুলল সরকারী কর্মচারী, চামড়া ঈষৎ বাদামী, উদ্ধত ভাবভঙ্গি, কথার তবভি ছোটাল উভচরের যাত্রীদের উদ্দেশ্যে।

'নো ক্রমপ্রেনডো,' ভাঙা ভাঙা স্প্যানিশ বলল ওমর।

'कि वलए व्यापा?' किट्नात वलल । 'আমাদেরকে যেতে বলেছ ना তো?'

সে-কথার জবাব না দিয়ে নড়বড়ে জেটি দেখিয়ে, ইঙ্গিতে অফিসারের কাছে জানতে চাইল ওমর, ওদিকেই যেতে বলছে কিনা।

'সি, সি,' কর্কশ কণ্ঠে বলল অফিসার।

'হঁঢ়া,' কিশোরের দিকে তাকাল ওমর, 'ওর সঙ্গেই যেতে বলছে। আন্চর্য! কিন্তু বলছে যখন, যেতেই হবে। কথা না ওনলে বিপদে ফেলে দেবে।…এইই হয়।' বিড়বিড় করল সে। 'দেশ যত ছোট হয়, লোকগুলো ততই বড় বড় বুলি আউড়ায়—হেন করেঙ্গা, তেন করেঙ্গা। আরে ব্যাটা, শ্বেতাঙ্গর মত ভাব দেখালেই কি আর শেতাঙ্গ হয়ে গেলি? যত্তোসব।'

'শ্বেতাঙ্গ নয় ওরা?' নিচু কণ্ঠে বলল মুসা।

'চামড়া শাদা-ই,' অফিসারের সঙ্গে রাওয়ার জন্যে তৈরি হলো ওমর, বসে পড়ল পাইলটের সীটে, ইঞ্জিন স্টার্ট দিল আবার। 'সেক্টাল আমেরিকার শহরগুলোতে কোন আইন-কানুন নেই, জোর যার মুন্ধুক তার। স্প্যানিশরা চুকিয়েছে এই বিষ। কলোনি করেছিল এখানে, তারপর একদিন শেষ হলো তাদের দিন। কেউ মরল, কেউ চলে গেল দেশে। যারা রয়ে গেল, মিশে যেতে লাগল তাদের গোলামদের সঙ্গে, বিশেষ করে নিপ্রো গোলাম। তারা আবার মিশতে গুরু করল স্থানীয় অধিবাসীদের সঙ্গে। ফলে এখন কোন্ রক্তটা যে আসল, বলা মুশকিল। এমন একটা মিশ্র জাতি দুর্নীতিরাজ হবে না-তো, কারা হবে?'

হাত তুলল কিশোর, 'ওই যে ডাকছে। চলুন।'

প্রটল টানতেই আগে বাড়ল উভচর, বোটটাকে অনুসরণ করে চলল ওমর। জেটির লাউঞ্জে জটলা করছে কিছু দর্শক, আধডজন রাইফেলধারী পুলিশের পেছনে। দাঁড়িয়ে উৎসুক চোখে তাকিয়ে আছে এদিকে।

'অবস্থা সুবিধের না,' শুকনো কণ্ঠে বলল ওমুর, সুইচ টিপে থামিয়ে দিল

ইঞ্জিন। দ্রুত আরেকবার তাকাল সশস্ত্র লোকগুলোর দিকে।

জেটিতে নেমে পড়েছে মুসা আর বব, খুঁটির সঙ্গে উভচরকে বাঁধছে। সেদিকে তাকিয়ে বলল কিশোর, কৈন?

'পুলিশের ভাবভঙ্গি ভাল ঠেকছে না। সাবধান হয়ে যাও, বিপদের গন্ধ পাচ্ছি।' নাম কুঁচকে শুঁকছে সে, যেন সত্যি সত্যি গন্ধ আছে বাতাসে।

'এটা মরুভূমি নয়, জনাব,' হাসল কিশোর, 'যে…'

'…সে-জন্মেই তো আরও খারাপ লাগছে। পানি পছন্দ করি না আমি।'

'কাগজপত্র ঠিক আছে আমাদের, দুশ্চিন্তার কিছু নেই।'

'আছে। শয়তান লোক জীবর্নে অনেক দেখেছি, তাদের দেখলেই চিনতে পারি। ব্যাটারা ডাকাতের বংশধর, অপরাধ-প্রকাতা রক্তে মিশে আছে। ওদেরকে বিশ্বাস নেই···চলো, নামি।'

জেটিতে নামল কিশোর আর ওঁমর।

'এখানে একজন থাকলে হত না?' মুসা বলল। 'প্লেনটার পাহারায়। নিয়ে পালায় যদি?'

'আমারও তাই মনে হচ্ছে,' বব বলল।

্রতখানি সাহস দেখাবে, মনে হয় না,' বলল ওমর। 'আর চাইলেও থাকা বাচ্ছে না। আমাদের স্বাইকে যেতে বলছে। হাত নাড়ছে কিভাবে দেখছ? হারামজাদা! বাপদাদা ছিল চোরের বাচ্চা, ব্যাটা অফিসারি ফলাচ্ছে।' দাঁতে দাঁত চাপুল সে।

উষ্ণমণ্ডল। আণ্ডন ঢালছে সূর্য। দরদর করে ঘামতে ঘামতে পুরানো, জীর্ণ সিঁড়ি বেয়ে উঠতে লাগল ওরা। অযত্নে নষ্ট হওয়া পথ পেরিয়ে একটা টিলার গোড়ার চলে এল। টিলার গা বেয়ে উঠে গেছে পাথরের সিঁড়ি, মাথায় পাথরে তৈরি একটা পুরানো বাড়ি, বন্দরের দিকে মুখ করা। সিঁড়ি বেয়ে উঠতে গুরু করল অফিসার, পেছনে তাকিয়ে ইশারা করন অভিযাত্রীদের, ওঠার জন্যে।

'কোখায় নিয়ে যাচ্ছে আমাদের?' বিড়বিড় করল মুসা। 'আল্লাহ রে! কি যে আছে কপালে···'

'জেলখানা না-তো?' আপনমনেই বলল কিশোর।

'মারছে রে!' চেঁচিয়ে উঠল মুসা। 'এই কিশোর, জেলখানা বলছ কেন?'

'সে-রকমই মনে হচ্ছে আমার, তাই।'

'আমারও মনে হচ্ছে,' ওমর সায় দিল। 'অনেক বন্দরেই কাস্টমস অফিসে জেলখানা না হোক, অন্তত হাজতখানা থাকে, আর এটা তো দেশই ডাকাতের।'

যেখানেই নিয়ে যাক, না গিয়ে উপায় নেই, তাই অফিসারের পিছু পিছু চলল ওরা নিতান্ত অনিচ্ছাসত্ত্বেও। মিনিট কয়েক পরেই স্প্যানিশ আমলে খোদাই করা চমৎকার দরজা পেরিয়ে সুন্দর একটা অফিসঘরে ঢুকল। দামী পুরানো ধাঁচের টেবিলের ওপাশে ভারি চেয়ারে বসে আছে ফেকাসে কালো একটা লোক, একটা জিন্দালাশ যেন, দুপাশে দাঁড়িয়ে আছে দুজন সশস্ত্র পুলিশ।

হাতু তুলে সালাম জানাল ওমর, ডাঙা স্প্যানিশে গুডেচ্ছা জানাল, 'বিয়েনো

দিয়াজ, সিনর।'

শীতন কণ্ঠে শুড়েচ্ছা ফিরিয়ে দিল লোকটা, কম্কালসার হাত বাড়িয়ে কাগজপত্র চাইল। সাপের মত ঠাণ্ডা দৃষ্টিতে একে একে দেখছে অভিযাত্রীদের । ওমর কাগজ দিতেই সেগুলো নিয়ে টেবিলে বিছাল, কোন তাড়াহুড়ো নেই। পাসপোর্টের একটা করে পাতা উল্টে দেখছে, এত ধীর, অসহ্য লাগছে কিশোরের। ওমরের দিকে চেয়ে দেখল, চোখ জুলছে তার।

'ইংরেজি জানেন?' রাগ চেপে খুব ভদ্রভাবে লোকটাকে জিজ্ঞেস করল ওমর।

গুনলই না যেন লোকটা।

'মেজাজ ঠিক রাখাই কটিন,' সঙ্গীদের দিকে চেয়ে নিচুকণ্ঠে বলল ওমর। 'এই ব্যাটা জ্বালাবে, বলে রাখলাম, দেখো।'

খুব ধীরে গড়িয়ে যাচ্ছে সময়। হাই তুলল মুসা। অস্বস্তি প্রকাশ করছে বব হাত-পা নেড়ে। কিশোর আর ওমর শান্ত রয়েছে। জানে, অস্থির ভাব দেখালে আরও বেশি দেরি করবে লোকটা, তাদেরকে কষ্ট দেয়ার জন্যে।

অবশেষে মুখ তুলে তাকাল লোকটা, তীক্ষ্ণ কণ্ঠে বলল কিছু।

'কি বলল?' জানতে চাইল মুসা।

'পুরোপুরি বুঝিনি,' বলল ওমর, 'কাগজে গোলমাল আছে, এ-রকমই কিছু বলল,' ডেস্কের কাছে গিয়ে দাঁড়াল সে।

চলল দীর্ঘ কথা কাটাকাটি। ডাঙা স্প্যানিশে থেমে থেমে কয়েকটা শব্দ উচ্চারণ করে ওমর, আর অমনি মেশিনগান ছোটায় জিন্দালাশ। শেষে হাল ছেড়ে দিয়ে অসহায় ভঙ্গিতে হাত নাড়ল ওমর। সঙ্গীদের দিকে ফিরে বলল, 'ব্যাটা বলছে, আরেকটা কি কাগজ না কি—ব্যাটার মাথা ছিল, আনতে ভুলে গেছি আমরা!'

'কি করতে বলছে?' জিজ্ঞেস করল কিশোর।

'জিজ্ঞেন করিনি। করছি,' আবার লোকটার দিকে ফিরল ওমর।

ওমরকে কিছু বলে, কড়া গলায় কি যেন আদেশ দিল লোকটা। মার্চ করে দরজার দিকে চলে গেল পুলিশ দুজন।

সঙ্গীদের জানাল ওমর, 'বলছে সব ঠিক হয়ে যাবে, তবে অপেক্ষা করতে হবে আমাদের। এখন এই দু'জনের সঙ্গে যেতে হবে। এসো, যাই। কথা না গুনলে আরও খারাপ হবে।'

পুলিশদের পিছু পিছু আরও কিছু সিঁড়ি পেরিয়ে শাদা চুনকাম করা একটা ঘরে এসে চুকল, আসবাবপত্র বলতে নেই, গোটা চারেক কাঠের কাঠামে: যেন গুধু দেয়াল ঘেঁষে ফেলে রাখা হয়েছে, ওগুলো তক্তপোষ না চৌপায়া, না চৌকি, যারা বানিয়েছে তারাই বলতে পারবে। চার অভিযাত্রীকে ঘরে রেখে বেরিয়ে গেল দুই পুলিশ, দরজায় তালা আটকানোর শব্দ শোনা গেল।

ভুক্ন কুঁচকে ওমরের দিকে তাকাল মুসা। 'কি ব্যাপার?'

'বুঝতে পারছি না!' আন্তে মাথা নাড়ল ওমর। কাগজপত্রে কোন গোলমাল নেই, আমি শিওর। তাহলে আটকাল কেন? নিশ্চয় ঘুষ খাওয়ার জন্যে। চেয়ে ফেললেই পারে। যত তাড়াতাড়ি চায়, ততই আমাদের জন্যে মঙ্গল।'

'ঘুষ!' হাতের আঙল মুঠো হয়ে গেছে মুসার।

'এটা বাড়তি ইনকাম এখানকার লোকের,' কিশোর বলল। 'কিছু করার নেই, চাইলে দিতে হবে, নইলে ছাড়বে না।'

'হারামির বাচ্চারা!' দাঁত দিয়ে জোরে নিচের ঠোঁট কামড়ে ধরল সহকারী গোয়েন্দা। মড়া হারামিটার নাক ভেঙে দিতে পারতাম।'

বিষণ্ণ হাসি হাসল ওমর। 'আইন-কানুন ছাড়া, এসব ছোট ছোট রাজ্যের এই-ই রীতি। দুনিয়ায় এমন জায়গা আরও অনেক আছে। ঘুষ চাইলে দিয়ে দেয়া ভাল, নইলে গোলমাল পাকিয়ে এমন অবস্থা করে ফেলবে, শেবে কয়েক গুণ খরচ করেও পার পাওয়া মুশকিল। ওরা সব পারে। এই যে, হাজতে এনে ভরে রাখল, কি করতে পারলাম?'

চুপ করে গেল মুদা। কিশোর চুপচাপ। বব মনমরা, সব দোষ ফেন তারই, এমনি ভাব।

ঘরটা যেন একটা চুলো। একটি মাত্র জানালা, সাগরের দিকে, তাতে লোহার মোটা গরাদ। জানালায় দাঁড়ালে বন্দরের অনেকখানি চোখে পড়ে, উভচরটাকে দেখা যায় পরিষ্কার, এই বড জাের পােয়াটাক মাইল দরে হবে।

দীর্ঘ সময় যেন আর কাটতে চায় না। এক যুগ পর যেন এক ঘণ্টা পেরেল, আরেক ঘণ্টা, আরও এক ঘণ্টা। বনে ঢাকা পাহাড়ের ওপারে অস্ত যেতে গুরু করল লাল টকটকে সুর্য। নতুন বিপদ দেখা দিল, মশা। বিশাল একেক ঝাঁক। জানালা দিয়ে ঘরে এসে ঢুকছে যেন মশার মেঘ। বিচিত্র গান গেয়ে ঘুরে ঘুরে উড়তে লাগল মাথার ওপর। যেন বলছে, 'কি মিয়ারা, আছ কেমন? দাঁড়াও, আলোটা খালি যাক, তারপর গুরু করব। এক ফোঁটা রক্ত রাখ্ব না কারও শরীরে।'

ভরে ছিল মুসা, হঠাৎ লাফিয়ে উঠে দাঁড়াল। 'আর না!' চেঁচিয়ে উঠল, 'আর

সহ্য করব না! যে কেউ বলবে, আমরা চোরছ্যাচোর নই, ভদ্রলোক! এই, এসো তোমরা, চেঁচিয়ে লোক জড়ো করি!

ঁহাা, কিছু একটা করা দরকার,' ধীরে সুস্থে উঠে দাঁড়াল ওমর, জানালার দিকে

এগোল। বন্দরের দিকে চেয়েই চমকে উঠল। আরে, হচ্ছেটা, কি!

ছুটে এসে ওমরের আশেপাশে দাঁড়াল সবাই। উভচরটার্কে ছেঁকে পরেছে যেন পুলিশ। চুকছে, বেরোচ্ছে। বড় একটা প্যাকেট নিয়ে বেরোল এক পুলিশ। হাত নেড়ে কি সব বলছে।

কাস্টমসের লোক,' বলল ওমর, 'জিনিসপত্র চেক করছে বোধহয়। আমরা নেই, অথচ আমাদের জিনিস চেক করছে। শয়তানের দল! আর চুপ করে থাকব

না ।'

গটমট করে দরজার দিকে এগোল ওমর, কিন্তু সে হাত দেয়ার আগেই ঝটকা দিয়ে খুলে গেল পাল্লা। সেই দুই সরকারী কর্মচারী—একজন যে তাদেরকে আনতে গিয়েছিল বোট নিয়ে, আরেকজন সেই জিন্দালাশটা। পেছনে রাইফেল হাতে দাঁড়িয়ে ছয়জন পুলিশ।

'এসবের মানে কিং' কডা গলায় জানতে চাইল ওমর।

জবাব পাওয়া গেল না। ঘরে চুকল দুই অফিসার। মুসা ভয়ানক রেগে গেছে দেখে, তার বাহুতে হাত রাখল একজন। ঝটকা দিয়ে হাত সরিয়ে নিল মুসা।

'ওরকম করো না!' তাড়াতাড়ি বলল ওমর। 'লাভ হবে না, আরও খারাপ

হবে। শাস্ত থাকো।

ওমরের সামনে এসে দাঁড়াল জিন্দালাশ। কথার মেশিনগান ছোটাল কয়েক মুহুর্ত, তারপর যেমন শুরু করেছিল, তেমনি হঠাৎ করে থেমে গেল।

'কি বলল হারামাজাদা!' রাগ দমন করতে পারছে না মুসা।

'চোর।'

'চোর!'

'একটা আমেরিকান প্লেন নাকি চুরি গেছে। আমাদের গতিবিধি সন্দেহজনক। তাই সার্চ করবে।'

'দোজখে জ্বলবে!' হাতের মুঠো খুলছে আর বন্ধ করছে মুসা। এত বড় মিখ্যা! বললেন না, প্যান-আমেরিকানের অফিসে দেখা করতে?'

'বলেছি।'

'কি বলল?'

'ডিপার্টমেন্টাল বস্ ছুটিতে, ম্যালেরিয়া হয়েছে, তাই পাহাড়ের ধারে কোথায় দাকি হাওয়া বদলাতে গেছে। অফিসের অন্য কেউ কিছু বলতে পারল না।'

ঢোক গিলল মুসা। কথা হারিয়েছে।

'হুঁ!' আস্তে করে বলল কিশোর, 'আরেকটা মিথ্যে। ষড়যন্ত্র।'

'বোঝাই যাচ্ছে,' মাখা দোলাল ওমর, 'কিন্তু করার কিছু দেখছি না। সার্চ করতে চাইছে, মানা করতে পারব না। তাহলে সুযোগ পেয়ে যাবে। ওরা খালি ষুঁতো খুঁজছে এখন। জেলে নিয়ে গিয়ে একবার ভরে দিলে, ক'মাস আটকে থাকব কে জানে ।'

'বাহ্, চমৎকার জায়গা খুঁজে বের করেছি,' মুখ বাঁকাল মুসা, 'ঘাঁটি করার জনো।'

'ওসব বলে আর লাভ নেই এখন,' বলল কিশোর, 'ওরা যা করতে চায় করুক। বাধা দিতে গেল উল্টো ফল হবে। সার্চ করে পাবে না কিছু। লুট করে নেয়ার মত নগদ টাকাও নেই সঙ্গে, লেটার অভ ক্রেডিট আর ট্রাভেলারস চেক নিয়ে ভাঙাতে পারবে না।'

সার্চ করতে জানে লোকগুলো। অভিযাত্রীদের পকেটে যা যা ছিল সব বের করে নিল, এমনকি ববের বাবার চিঠি, ম্যাপ আর ডাবলুনটাও। সব একটা ব্যাগে ভরে নিয়ে বেরিয়ে গেল, বাইরে থেকে আবার তালা আটকে দিয়ে গেল।

কিছুক্ষণ কেউ কোন কথা বলল না। হঠাৎ বলল মুসা, 'হারামির বাচ্চাণ্ডলোকে

জিজ্ঞেস করলেন না, আমাদের প্লেনে কি করছিল?'

'লাভ কি?' শান্তকণ্ঠে বলল ওমর। 'বড় বেশি রেগে গেছ তুমি, মুসা, মাথা ঠাণ্ডা করো। এমন অবস্থায় উত্তেজিত হয়ে পড়লে বিপদ আরও বাড়বে। ভেব না, এত সহজেই ছেড়ে দেব ব্যাটাদের। আমি বেদুইনের বান্ধা, এখনও সময় হয়নি কিছু করার।'

'কিন্তু মোহর আর ম্যাপটাও তো নিয়ে গেল!' উদ্বিম হয়ে পড়েছে বব। 'গেছে,ু গেছে, ক্রি আর করা?' হাত নাড়ল ওমর।

বাধা দিলেন না?'

'কি হত? রেখে ষেত? সন্দেহ আরও বাড়ত ওদের।' এমনিতে কি সন্দেহ হবে না?'

'কোন কারণ দেখি না। মোহরটা একটা সাধারণ সৃতনির। আর ম্যাপ থাকতেই পারে বিমানে, পাইলটের দরকার পড়ে। আমার ম্যাপই তোমার কাছে ছিল, বলতে অসুবিধে কি?'

'কিন্তু ম্যাপটা একটু অন্য ধরনের, এটা বোঝার বৃদ্ধি নিশ্চয় ওদের আছে। মোহর আর ম্যাপ মিলিয়ে যদি গুপ্তধন ভেবে বসে?'

জানালায় দাঁড়িয়ে বাইরে তাকিয়ে চুপচাপ ভাবছে কিশোর, হঠাৎ ডাকল, 'এই, এই দেখে যাও! জলদি!'

'কী?' দুই লাফে কিশোরের পাশে চলে এল মুসা।

'এখন বুঝতে পারছি সব!' কেমন যেন খুশি খুশি শোনাল কিশোরের কণ্ঠ। 'দেখো, সরকারী লোকের সঙ্গে কে যাচ্ছে। ওই গরিলা-মুখটাকে চিনতে পারছ?' 'খাইছে! হ্যামার!'

হাসল কিশোর। 'বুঝতে পারছ তো এখন, কেন কি ঘটছে? দিনের আলোর মত পরিষ্কার।'

'ব্যাটা তো একটা আন্ত গরিলা,' বলল ওমর। 'কিন্তু এখানে কি করছে?'

'এখান পর্যন্ত ধাওয়া করবে, ভাবিনি,' প্যান্টের পকেটে দু'হাত ঢুকিয়ে ঘুরে দাঁড়াল কিশোর। 'একবারও যদি মনে পড়ত, অন্য ব্যবস্থা করতাম—' 'কিন্তু ও জানল কি করে, আমরা এখানে আসছি?'

'মুসা, বব,' বলল কিশোর, 'মনে পড়ে, রাতে আমরা যখন আলোচনা করছিলাম, ম্যাপ দেখছিলাম, দরজার কাছে পায়ের ছাপ ফেলেছিল কেউ? পানি দিয়ে ডিজিয়ে দিয়েছিল ম্যাট? সন্দেহ করেছিলাম না, হ্যামার? ঠিকই তাই। আন্ত একটা গাধা আমি, আরও সাবধান হওয়া উচিত ছিল। সে-রাতের পর লস অ্যাঞ্জেলেসে আর হ্যামারের চেহারা দেখিনি, কেন সন্দেহ করলাম না কিছু? আসলে, ধরেই নিয়েছিলাম, সে মাথামোটা এক খুনে, বৃদ্ধিগুদ্ধি আছে ভাবিনি। দরজার বাইরে দাঁড়িয়ে আমাদের আলোচনা শুনে জেনে নিয়েছে আমরা কোথায় আসছি। আগেই এসে বসে আছে এখানে। ভজিয়ে রেখেছে সরকারী দোস্তদের। সে নাবিক, এর আগেও এখানে তার আসাটা বিচিত্র কিছু নয়, হয়তো তখন থেকেই জানা শোনা। নাহ, সব কিছু ওলট-পালট করে দিল মিস্টার গরিলা।'

ঁ কিন্তু আমার ম্যাপ আর মোহরের কি হবে?' প্রায় চেঁচিয়ে উঠল বব। 'চিঠিটাও তো নিয়ে গেছে।'

মোহরটা আর ক'ডলার? নিয়েছে নিক। চিঠি আর ম্যাপ নিয়ে কচুটাও করতে পারবে না।'

'মানে?'

'খামটাই শুধু আসল, ভেতরের চিঠি আমার লেখা, যা মনে এসেছে তাই লিখেছি। আসল চিঠিটা মিস্টার ডেভিস ক্রিস্টোফারের কাছে, ইনটেলিজেন্স ব্রাঞ্চে পাঠিয়ে দেবেন তিনি। চিঠিটার ওপর স্যামারের চোখ পড়েছিল, তাই সাবধান হয়েছি।'

'কিন্তু স্যাপ?'

'হ্যাঁ, ওটা দিয়ে অনেক কাজ করতে পারবে হ্যামার,' মুচকি হাসল কিশোর। 'চুলো থেকে আগুন নিয়ে সিগারেট ধরাতে পারবে…'

'কি বলছ?'

'বললাম না, খামটাই গুধু আসল। তুল ম্যাপ, ম্যাপ না থাকার চেয়েও খারাপ। নতুন করে চিঠি লিখতে পেরেছি, আর একটা ম্যাপ আঁকতে পারব না? নিজেকে খুব চালাক ভেবেছে হ্যামার, খুশিতে নিশ্চয় লাফাচ্ছে এখন। লাফাক যত খুশি।'

হাই হাই করে হাসল ওমর। 'নাই, তুমি একখান জিনিস, ক্রিশোর পাশা। এখন বুঝতে পারছি, ডেভিস ক্রিস্টোফারের মত লোকও তোমাকে এতটা পাত্তা দের ুকেন।'

লক্ষা পেল কিশোর। চুপ করে রইল।

'তাহলে?' মুসা বলল। 'এখন কি করছি আমরা? বুঝলামই তো, ঘুমের জন্যে আটকায়ন।'

'চূপ করে থাকব,' বলল কিশোর। 'দেখি না, কি করে?'

'কী! এখানে? সারারাত?'

'ওরা রাখলে থাকতেই হবে,' শান্ত কিশোরের কণ্ঠ। প্রায়ই অবাক হয় মুসা, সাংঘাতিক বিপদের সময়েও উত্তেজিত হয় না গোয়েন্দাপ্রধান, এত শান্ত রাখে কি করে নিজেকে? 'হ্যামারের যা দরকার, পেয়েছে, ওণ্ডলো নিয়ে ও এখান খেকে চলে গেলেই হয়তো আমাদের ছেড়ে দেয়া হবে।'

সূর্য অস্ত গেছে। সবুজ জঙ্গলের ওপর আকাশের গাঢ় নীলিমা বেগুনী ২তে গুরু করেছে, মাঝে মাঝে লাল ছোপ, শিগগিরই কালো হয়ে যাবে সব রঙ।

রাত নামল, হঠাৎ করেই বড় বেশি নীরব হয়ে গেল চারদিক, উষ্ণমণ্ডলের গভীর নীরবতা। অভিযাত্রীদের ওপর এসে ঝাঁপিয়ে পড়ল মশার পাল। খিদেয় পেট জুলছে, গরম, তার ওপর এই মশার মাঝে কি করে যে রাতটা কাটবে, কে জানে।

সাত:

জানালা দিয়ে ঘরে এসে ঢুকল ভোরের নরম আলো। শব্দটা কানে যেতেই তড়াক করে উঠে বসল ওমর! আরে! কি ব্যাপার! তার চিৎকারে অন্যদেরও ঘুম ডেঙে থেল।

🦯 স্তব্ধ বাতাসে কাঁপন তুলেছে বিমানের ইঞ্জিন।

'প্যান-আমেরিকানের বিমানটা,' হাই তুলতে তুলতে বলল মুসা, 'চলে যাছে হয়তো।'

লাফ দিয়ে উঠে জানালার কাছে ছুটে গেল ওমর। 'আমাদেরটা!'

অন্যেরাও ছুটে এল জানালার কাছে। পোতাশ্ররের মুখের দিকে এগিয়ে যাচ্ছে সিকোরস্কি।

'কি করছে?' বিড়বিড় করু।।

'প্যান-আমেরিকানের কেউ সরিয়ে নিচ্ছে,' বল্ল মুসা। 'জাহাজটাহাজ ঢুকবে হয়তো, জায়গা করে দিচ্ছে।'

'আমার মনে হয় না,' মাথা নাড়ল ওমর। 'জাহাজ ঢোকার অনেক জায়গা আছে। দেখছ না, খোলা সাগরের দিকে যাচ্ছে?' ঝাপটা দিয়ে ঘুরে দাঁড়াল সে, এগোল দরজার দিকে।

এই সময় খুলে গেল পাল্লা, একজন পুলিশের হাতে খাবারের ট্রে। তাতে একটা জগ, কয়েকটা কাপ-পিরিচ, একটা পাঁউরুটি আর কিছু ফল। পেছনে রয়েছে আরও দু'জন।

সামনের লোকটার পাশ কাটিয়ে অন্য দুজনকে ধাক্কা দিয়ে সরিয়ে ছুটে পেল ওমর। একেক লাফে দুটো-চ্ছিনটে করে সিঁড়ি টপকে নেমে এল পথে, এক ছুটে পথ পেরিয়ে একেবারে পানির ধারে। বিমানটা তখন অনেক দূরে, পোতাশ্রায়ে ঢোকার মুখের বাইরে। থমকে দাঁড়াল সে, বোবা হয়ে কয়েক মুহূর্ত চেয়ে রইল সেদিকে। তার পেছনে এসে দাঁড়াল কিশোর, মুসা আর বব।

খানিকক্ষণ শুম হয়ে থেকে ঘুরে তাকাল ওমর প্যান-আমেরিকান হ্যাঙারের দিকে, শাদা পোশাক পরা কয়েকজন লোক চেয়ে রয়েছে উভচরটার দিকে। তাদের দিকে দৌড়ে গেল সে।

'প্লেনটা কে নিল, জানেন?' হাত তুলে উভচরটাকে দেখিয়ে বলল ওমর।

'নিশ্চয়ই,' বলল হাসিমূখ এক তরুণ, প্যান-আমেরিকানের এক মেকানিক—বুকের কাছে এমব্রয়ডারি করা প্রতীক চিহ্ন আর লেখা দেখেই সেটা বোঝা গেল। 'আপনারা এনেছিলেন, না?'

'হ্যা !'

'ওকে তাই বলছিলাম,' পাশের স্থকর্মীকে দেখিয়ে বলন তরুণ। 'গতকাল নামতে দেখেছি আপনাদের, তীরে উঠতে দেখেছি। এখানে তেল ভরে খাঁড়ির বারের ডিপো থেকে নিলেন কেন?'

ভুরু কুঁচকে হগল ওমরের। 'খাঁড়ির ধারে! তেল নিতে। কখন গেলাম?'

কাল রাতে, কয়েকজন লোক গিয়ে ওখানকার ডিপো থেকে তেল আনল, ওই বিমানটার কথা বলে।

নিঃশ্বাস ভারি হয়ে এল ওমরের। 'আমাদের সব কাগজপত্র নিয়ে গেছে পুলিশী, চোর সন্দেহে আটকে রেখেছে সারারাত,' তিক্ত কণ্ঠে বলল সে। 'তার মানে প্লেনটা জালিয়াতি করে নিয়ে গেল আমাদের কাছ থেকে।'

'অঁয়াং' আন্তে মাথা ঝোঁকাল তরুণ মেকানিকু। 'হাঁা, তাই তো মনে হচ্ছে।

ফাঁদে ফেলেছিল আপনাদের।'

শব্দ করে হাসল ভার সহকর্মী, কিন্তু হাসিতে প্রাণ নেই। 'ওই খট্টাসগুলো! ওরা না পারে কি! -- চিপিতে ফেলেছে বৃঝিং'

'ভালমতই,' বলল ওমর। 'জিনিসপত্র লুটপাট করবে, এটা ধরেই রেখেছিলাম, কিন্তু বিমান নিয়ে ভাগবে…। কারা নিল?'

'হ্যামারকে দেখলাম, গরিলাটা…'

'কিন্তু সে-তো প্লেন চালাতে জানে না…'

তার দোস্ত নাকি জানে। গত হপ্তায় এসেছিল হ্যামার, সিডনি নামে একজনকে সঙ্গে নিয়ে। একটা প্লেন চাইছিল।

জিড দিয়ে শুকনো ঠোঁট ভেজাল ওমর। 'আর কি কি করেছে?'

শহরে কি করেছে না করেছে, জানি না। তবে আমার বসকে বলছিল, তাদের একটা প্রেন দরকার, খুব জরুরী। ভাড়া বাকি রাখতে চেয়েছে, বস্ রাজি হয়নি।…শহরে অবশ্য বার দুই অ্যালেন কিনির সঙ্গে দেখেছি ওকে।

'কিনি?'

'পুলিশের চীফ। এটা সরকারী টাইটেল। স্পাসলে ও এখানকার গ্যাঙ লীডার, ডাকাতদের চীফ।'

'মড়াটা না-তো?'

ভাল নাম দিয়েছেন। হাঁা, মড়াটাই। ওর কাছ থেকে দূরে থাকবেঁন, সাহেব, বিপদে পড়বেন নইলে, বলে দিলাম। খুব খারাপ লোক।

'সেটা বুঝেছি,' মাথা কাত কর্লী ওমর। 'আমাদের প্লেনে ক'জন চুকেছে, দেখেছেন?'

'না, আমি দেখিনি,' মাথা নাড়ল তরুণ। সহকর্মীর দিকে চাইল, সে-ও মাথা নাডল। 'আমি দেখেছি,' এগিয়ে এল আরেক মেকানিক। 'চারজন। হ্যামার, তার মাতাল দোস্ত সিডনি, ইমেট চাব, আর ম্যাবরি।'

'ইমেট চাব!' ঠোঁট ছডাল ওমর। ম্যাবরি! এ-কেমন নাম?'

'যেমন নামের বাহার, তেমনি লোক। হারামির একশেষ। ইমেট চাব এসেছে
নিউ ইয়র্ক থেকে—পুলিশ খুন করে পুলিশের তাড়া খেয়ে পালিয়ে এসেছে। এখানে
এসে শাস্তি তো দুরে থাক, উলটো পুলিশের সহযোগিতা পাচ্ছে, আছে রাজার
হালে। পানির ধারে একটা হোটেল ঢালায় যতরকম বেআইনী ব্যবসা করে। সঙ্গে
পিস্তল রাখে সব সময়। ওর সামনে দাঁড়াতে চাইলে মেশিনগান নিয়ে যেতে হবে
আপনাকে।'

'আর ম্যাবরি?'

'ম্যাবরি ভেনাবল। নিপ্রো, ওর মত শয়তান লোক খুব কমই আছে। অ্যালেন কিনির পোষা কসাই, যত রকম কুকাজ আছে, সব করে। দুই পকেটে দুটো ক্ষুর থাকে সব সময়। আমার এক দোস্ত ব্যক্তিগতভাবে চেনে ম্যাবরিকে, সে বলেছে, ক্ষুর দিয়ে মানুষ জবাই করে নাকি দারুণ আনন্দ পায় নিগ্রোটা। এখানে সন্দাই ভয় করে ম্যাবরিকে। ও আপনার বিমানে উঠেছে, তার মানে এসবের পেছনে অ্যালেন কিনির হাত রয়েছে।'

'চমৎকার একটা গ্রুন্স.' কঠিন শোনাল ওমরের কণ্ঠ।

'এর চেয়ে চম্থকার আর এদিকে টর্চ নিয়ে খুঁজলেও পাবেন না,' নাক কুঁচকাল মেকানিক।

দ্রুত ভাবছে ওমর। চোখের কোণ দিয়ে দেখতে পাচ্ছে, টিলা বেয়ে নেমে আসছে কয়েকজন সশস্ত্র পুলিশ। আপনার বস্ কোথায়?' মেকানিককে জিজ্ঞেস করল সে।

'ওই তো, আসছে,' ওমরের পেছনে দেখিয়ে বলল মেকানিক। 'এখান্কার অফিস-সুপার, নাম হোস বার্গ। বোঝাতে পারলে তার কাছে সাহায্য পারেন।'

पूर्त्त माँजान ওমর। হাসিখুশি একজন লোক এগিয়ে আসছে, চওড়া কাঁধ, গায়ে ধবধবে শাদা হাওয়াইয়ান শার্ট, পরনে শাদা প্যান্ট, পেশীবহুল শরীর। কাছে এসে দাঁড়াল সুপারিনটেনডেন্ট।

'গুড় মর্নিং,' হাত বাড়িয়ে দিল ওমর। 'এই মাত্র আমার প্লেন চুরি গেল।'

'তাই নাকি?' হাসল হোস বার্গ। 'এইমাত্র দেখলাম গেল। আপনাকে এখানে দেখে ভাবছিলাম, ব্যাপার কি। বুঝলাম এখন।'

'পালিয়ে যাবে কোথায়?···আপনার এখানে ওয়্যারলেস আছে?' আছে।'

'গুড়,' এগিয়ে আসা পুলিশদের দিকে চেয়ে দ্রুত রুলল ওমর, 'আসছে! গুনুন', আমার নাম ওমর শরীফ। নিউ ইয়র্কে আপনাদের হেওঁ অফিসে চেক করতে পারেন ইচ্ছে করলে। যে বিমানটা নিয়ে গেল, আপনাদেরই, নিশ্চয় জানেন। গত হপ্তায় ভাড়া নিয়েছিলাম। আরেকটা প্লেন এখন দরকার আমাদের। এই প্লেনটা দেখা যায়? ভাড়া? বিক্রিও করতে পারেন।' ওমরের চোখে চোখে তাকাল বার্গ। 'এটা কি করে দিই,' ধীরে ধীরে বলল সে। 'একটাই আছে, রিজার্ভ রেখেছি, জরুরী কাজের জন্যে।'

'আমার কাজটাও খুব জরুরী। কাঁছাকাছি আরেকটা বেস কোথায় আপনাদের?' 'ম্যারাকিবো।'

'তারমানে খবর পাঠালে কয়েক ঘণ্টার মধ্যেই আরেকটা প্লেন আনিয়ে নিতে পারবেন। এটা দিয়ে দিন আমাকে।'

'নিউ ইয়র্ক যদি বলে।'

'তাহলে এখুনি যান, প্লীজ, খবর নিন। আমার কাগজপত্র সব কিনির কাছে, আনতে যাচ্ছি। যদি প্লেনটা আমাকে দেন, তো পেট্রোল ট্যাংক ভরে দেবেন। খুব তাডাতাডি।'

'দেখি: কি করা যায়।'

আর, চবিশ ঘটা খাইনি, কিছু খাবার যদি…'

হাত তুলল সুপারিনটেনভেন্ট, 'ওসব হবে। যান, এসে পড়েছে। সাবধানে থাকবেন!'

ু 'থ্যাংকস,' বলে ঘুরল ওমর। এসে গেছে পুলিশেরা। তাদের সঙ্গে সেই অফিসার, যে মোটরবোটে করে এসেছিল নিতে।

সর্কে যেতে ইশারা করল লোকটা। দ্বিতীয়বার বলার আর দরকার হলো না, পা বাড়াল ওমর, কঠিন হয়ে উঠেছে চোয়াল। তার সঙ্গে তিন কিশোর।

অভিযাত্রীদেরকে আবার নিয়ে আসা হলো অ্যালেন কিনির অফিসে। মুখ তুলে তাকাল লোকটা।

শোনো, কর্কশ কণ্ঠে বলল ওমর, রাগে স্প্যানিশ বলতে ভুলে গেছে, ইংরেজি বলছে, অনেক জ্বালিয়েছ, অনেক সয়েছি, আর না! কি মনে কব্ছেও এদেশে আমি একা? বন্ধুবান্ধব আমারও আছে এখানে, তারা ইতিমধ্যেই ওয়্যারলেস করে দিয়েছে নিউ ইয়র্কে, প্যান-আমেরিকান হেড অফিসে। ওখানকার পুলিশের কানেও যাবে কথাটা। সবার সঙ্গেই শয়তানী? জিনিসপত্রগুলো কোথায়, জলদি বের করো।

ইংরেজি বুঝল কিনা কিনি, বোঝা গেল না, হয়তো ওমরের ভাবভঙ্গিতেই অনুমান করে নিয়েছে, হাত তুলে দেখিয়ে দিল টেবিলের এক ধারে জড়ো করে রাখা জিনিস, যা যা বের করে এনেছে চারজনের পকেট থেকে, সব। নাটকীয় ভঙ্গিতে কঙ্কালসার হাত নেড়ে শাস্ত কণ্ঠে কিছ বলল স্প্যানিশে।

'কি বলল শয়তানের বাচ্চা?' জৌনতে চাইল মুসা।

'যা বলবে ভেবেছি—মাফ চাইছে। আমাদের দেরি করিয়ে দেয়ার জন্যে লক্ষ্যিত। হারামজাদা!'

'প্লেনটা চুরি করল কেন জিজ্ঞেস করেছেন?'

'কি লাড? বললে কি ফেরত আনবে? কি হয়েছে ভালমতই জানে সে, আমরা জানি এটাও জানে, ওকে বলে কি হবে? চলো, বেরিয়ে যাই। হোস বার্গ বিমানটা দিলে চলে যেতে পারব। ম্যারাবিনাকে আর ঘাটি বানানো যাবে না। তাতে কি? দরকার পড়লে বারমুডায় চলে যাব, যত দরেই হোক।

কথা বলতে বলতেই টেবিল থেকে জিনিসগুলো তুলে নিয়ে যার যার হাতে দিল ওমর। কারও কিছু বাদ পড়েছে?'

'আমার মোহর,' বব বলল। 'মড়াটা রেখে দিয়েছে।'

'সোনার টুকরো হাতে পেয়েছে, লোভ সামলাতে পারবে ওর মত লোক?' বলল ওমর। 'ম্যাপ, চিঠি আর মোহর বাদে সবই পেয়েছি। "দাঁড়াও,' পকেট থেকে মানিব্যাগ বের করে দেখল সে, 'না, নেই। খুচরো টাকা বাদে যা ছিল, সব রেখে দিয়েছে। তোমাদের?'

'আপনারটা নিয়েছে, আমাদেরগুলো কি আরু রাখবে?' বলল কিশোর। 'দেখার দরকার নেই, চলুন, জলদি বেরোই। যা পেয়েছি, এতেই চলবে। ছেড়ে যে দিচ্ছে, এই বেশি।'

রওনা হওয়ার জন্যে ঘূরল ওমর, তার বাহু চেপে ধরে ফেরাল বব। 'ওই যে, মোহরটা! ওই যে, মোহরটা! ওই যে, ম্যাগনিফাইং গ্লাসের তলায়।'

দেখতে পেল ওমর। ওরা আসার আগে বোধহয় মোহরটা পরীক্ষা করেছিল কিনি, সাড়া পেয়েই তাড়াতাড়ি লুকিয়ে ফেলেছে গ্লাসের তলায়। মনে করেছে, দেখতে পাবে না কেউ।

পৈর্য হারাল ওমর, চোরটাকে এত সহজে ছেড়ে দেবে না। কিছুটা শিক্ষা অন্তত দেয়া দরকার। হাত বাড়িয়ে তুলে নিতে গেল মোহর, বাধা দিলেই কষে চড় লাগিয়ে দেবে।

লাফিয়ে উঠে দাঁড়াল কিনি। সাপের মত ছোবল হানল যেন তার হাত, ওমবের আগেই তুলে নিল মোহরটা।

'চোরের বাচ্চা চোর!' গাল দিয়ে উঠল ওমর। মুঠো হয়ে গেছে হাত, টেবিলের ওপর দিয়ে পিছলে গিয়ে কিনিকে ধরার ইচ্ছে।

ওমরের উদ্দেশ্য বুঝতে পারল কিশোর, চেঁচিয়ে উঠল, 'না না! সরে যান!'

থমকে গোল ওমর, কাঁধের ওপর দিয়ে ফিরে চেয়ে দেখল, রাইফেল তুলেছে এক পুলিশ।

চোখের পলকে সরে গেল ওমর। বদ্ধ ঘরে রাইফেলের আওয়াজই কামানের শব্দের মত মনে হলো।

করডাইটের গন্ধ ছড়িয়ে পড়েছে বাতাসে। প্রচণ্ড শব্দের রেশ মিলিয়ে যেতেই বড় বেশি নীরব মনে ইলো, শুধু দূর থেকে ভেসে আসছে তীরে আছড়ে পড়া ঢেউরের শব্দ। কিন্তু এসব খেয়াল করছে না ঘরের কেউ, বোবা হয়ে চেয়ে আছে কিনির দিকে।

স্থির হয়ে আছে কিনি, মোহর ধরা মুঠোবদ্ধ হাত দিরে বুক চেপে ধরেছে, শার্টের ওখানটায় রক্তে লাল হয়ে যাচ্ছে ধীরে ধীরে। পুরো দুই সেকেণ্ড একইভাবে দাঁড়িয়ে রইল সে, তাক্সপর, ধুড়ুম করে পড়ল টেবিলের ওপর, কেঁপে উঠল ঘন। হাত থেকে ছুটে গেছে মোহরটা। সোনালি একটা ধনুক সৃষ্টি করে উড়ে যাচ্ছিল, মাঝ পথেই ধরে ফেলেছে ওমনু। পরক্ষণেই দৌড দিল দরজার দিকে। 'জলদি এসো!

আমাদের দোষ দেবে ওরা।'

বেরিয়ে গেল ওমর। তার পেছনে মুসা, তাকে আটকানোর চেষ্টা করল শ্লেই অফিসার। কিন্তু ব্যায়ামবীরের বেমকা এক ঘুসি পেটে লাগতেই উঁক করে বাঁকা হয়ে গেল সামনের দিকে। পাশ থেকে ধাকা দিয়ে তাকে একজন পুলিশের গায়ে ফেঁলেই বেরিয়ে এল মুসা। তার ঠিক পেছনেই কিশোর আর বব।

সিঁড়ি দিয়ে লাফিয়ে নামছে ওমর, চেঁচিয়ে বলল, জলদি নামো, পেছনে তাকাবে না!

যেন উড়ে নেমে এল চারজনে, পথে নেমেই দৌড় দিল হ্যাঙারের দিকে। কড়া রোদ, ভয়ানক গরম। রাস্তায় লোকজন তেমন নেই, এক-আধজন ভবঘুরে আছে, তারা পথরোধ করার চেষ্টা করল, কিন্তু থামাতে কি আর পারে? ওমর আর মুসার ধারুা খেয়ে চিত হয়ে পড়ল পথের ওপর।

পেছনে চেঁচামেচি শোনা যাচ্ছে পুলিশের, কিন্তু দেখার জন্যে একবারও পেছনে ফিরল না অভিযাত্রীরা।

'দেখো!' সামনের দিকে হাত তুলে চেঁচিয়ে উঠল ওমর।

দেখল ওরা। রোদে চকচকে একটা চক্র তৈরি করে ঘুরতে শুরু করেছে ফ্লাইং-বোটের প্রপেলার, ওদেরকে আসতে দেখেই যেন জ্যান্ত হয়ে উঠেছে। ইঞ্জিন চেক করছে নাকি?

হাঁপাতে হাঁপাতে এসে পৌছল ওরা। খুশিতে দাঁত বেরিয়ে পড়েছে স্পারিনটেনডেন্টের। 'কী!'

'কিনি গুলি খেয়েছে!' জোরে জোরে দম নিচ্ছে ওমর।

'মরেছে! বড় বেশি বেড়ে গিয়েছিল, আপনি না মারলে আমিই একদিন মেরে বসতাম…'

'…আমি মারিনি! প্লেন রেডি?'

'হ্যাঁ! হেড অফিস রলন, হাজার দশেক দিলেই কিনে নিতে পারেন। কিংবা দৈনিক আডাইশো ডলার ডাডা। পাঁচ হাজার ডিপোজিট রাখতে হবে তাহলে।'

ু বার্গের কথা শেষ হওয়ার আগেই চেকবুক আর কলম বের করে ফেলল কিশোর, দ্রুত লিখে চলল, এত দ্রুত জীবনে আর লেখেনি। ফড়াত করে এক টানে একটা পাতা ছিড়ে ওঁজে দিল সুপারের হাতে।

চেকটা এক নজর দেখেই বলল বার্গ, 'ও, কে! যানা

বার্গ কথা শেষ করার আগেই দৌড় দিল ওমর, তার পেছনে মুসা আর বব। সবার পেছনে কিশোর।

একে একে উঠে পড়ল তিন কিশোর।

ককপিট থেকে নামল চীফ মেকানিক। তাকে জিজ্ঞেস করল ওমর, 'কত মাইল চলবে তেলে?'

'এক হাজার…'

স্মার শোনার দরকার মনে করল না ওমর, উঠে পড়ল ককপিটে। সে সীটে বসতে না বসতেই গুলির শব্দ হলো, বিমানের গা ডেদ করে তার চুল ছুঁরে বেরিয়ে গেল একটা বুদ্রেট। ঝট করে মাখা নিচু করে ফেলল সে, মুখে ফুটেছে অদ্ভুত হাসি। প্রটল টানল, গর্জন বেড়ে গেল ইঞ্জিনের। নির্দেশ পেয়ে নাক ঘুরে গেল বিমানের, পানি কেটে দুজাগ করে শাদা ফেনা তুলে ছুটল।

ঝটকা দিয়ে স্টিকটা সামনে ঠেলৈ দিল ওমর। তীক্ষ্ণ 'ছ-ট্-টা-ক' আওয়াজ

তুলে পানির আকর্ষণ কাটাল বিমানের নৌকার মত তলা, শুন্যে উঠৈ পড়ল।

'হউফ্!' করে চেপে রাখা শ্বাসটা ছাড়ল ওমর, হেলান দিল সীটে। 'বাঁচলাম!' 'এখানে আসাটাই ভুল হয়ে গেছে,' বলল পাশে বসা কিশোর। 'যাকগে, যা হওয়ার হয়েছে। শিক্ষা তো হলো!'

আট

নতুন বিমানটা শুণু পানিতে নামতে পাবে, আণারক্যারেজ লাগানো নেই, ডাঙার নামতে পারবে না উভচরটার মত। ওটার চেয়ে বড়ও, আট সীট। ভাড়াটে যাত্রী বহনের জন্যে তৈরি হয়েছে, ফলে ককপিট আর যাত্রীদের কেবিন আলাদা করে ফেলা হয়েছে মাঝখানে হালকা দেয়ল দিয়ে। ছোট একটা দরজা আছে, পাল্লার ওপর দিকে কাচ লাগানো, ওখান দিয়ে ককপিট দেখা যায়, ইচ্ছে করলে দরজা খুলে যাত্রীরা যোগাযোগ করতে পারে পাইলটের সঙ্গে। খুব পুরানো ভিজাইন, এমনিতে এই জিনিস কিছুতেই নিত না ওমর। কিন্তু এখন এটাই যে পেয়েছে, ভাগ্য নেহায়েত ভাল বলতে হবে, নাই মামার চেয়ে কানা মামা ভাল।

দ্বীপটা কোথায় হতে পারে, আন্দাজ করে কোর্স ঠিক করল ওমর, প্লেনের নাক ঘোরাল সেদিকে। কিশোরের দিকে ফিরল। 'হাল ধরতে পারবে?'

মাথা কাত করল কিশোর। 'দেখিয়ে দিলে পারব।'

'পারবে। সহজ। উভচরটা দেখা যায় কিনা, চোখ রেখো। হ্যামার খুব ভালমতই চেনে দ্বীপটা, উভচরটাকে কোন দ্বীপের কাছে দেখলে বুঝতে হবে…'

'…ওই দ্বীপটাই খুঁজছি।'

'হ্যা।'

'তারপর?'

'নেমে পড়ব।'

'ওরা দেখে ফেললে 🌇

'যাতে না দেখে সে-ভাবেই থাকতে হবে। দশ মাইল লম্বা, তারমানে দ্বীপটা খুব ছোট না। ওরা যেদিকে নামবে, তার উল্টোদিকে বা অন্য কোনদিকে অন্য কোথাও নামব আমরা। সঙ্গে রাইফেল বন্দুক কিছু নেই, খালি হাতে চার চারটে খুনে ভাকাতের সঙ্গে লাগতে গেলে মরব। অাগে থেকে ভেবে লাভ নেই, যখন যা হয়, দেখা যাবে।'

'আকাশে থাকতেই যদ্ধি আমাদের দেখে ফেলে?' বিড়বিড় করল কিশোর, নিজেকেই প্রশ্ন করল যেন।

'দেখলে কি হবে? প্যান-আমেরিকানের ছাপ্পড় মারা ফ্রাইংবোট অনেক আছে.

আমরাই এসেছি জানছে কিভাবে?'

'তা-ও কথা ঠিক। আমাকে প্লেন চালাতে হবে কেন···আপনি কোথায় যাচ্ছেন?'

'আরে! খেতে-টেতে হবে না? নাড়ীভুঁড়ি সুদ্ধ হজম হয়ে গেল ''যাও, তুমি খেয়ে এসো। তারপর আমি যাব।'

'আপনিই যান,' প্লেন চালানোর কথায় উত্তেজিত হয়ে উঠেছে কিশোর।
'শুকনো কিছু থাকলে পাঠিয়ে দেবেন এখানেই।'

কিশোরের দিকে চেয়ে মনে মনে হাসল ওমর। 'এসো, এখানে এসে বসো,' পাইলটের সীট ছেড়ে দিল সে।

কিডাবে হাল ধরতে হবে কিশোরকে দেখিয়ে দিল ওমর। বলল, 'বলো তো, গতিকো কত? কত ওপর দিয়ে যাচ্ছি?'

মিটার দেখে বলল কিশোর, 'একশো চল্লিশ মাইল। . . . আট হাজার ফুট।'

'হাঁ। ঘটাখানেকের মধ্যেই দ্বীপটা চোখে পড়ার কথা। বড় বেশি স্নো,' নাক কুঁচকালো ওমর। 'এসব গরুর গাড়ি চালিয়ে মজা নেই)…ঠিক আছে, আমি যাচ্ছি। যেভাবে বললাম, ধরে থাকো, অন্য কিছু নাড়াচাড়া করবে না। অসুবিধে দেখলেই ডাক দেবে আমাকে।'

'আচ্ছা,' সামনের দিকে চেয়ে বলল কিশোর, পুরোদস্তর পাইলটের চঙে। মুচকি হেসে, দরজা খুলে কেবিনে এসে চুকল ওমর। তাকে দেখে হাসল বব। ভুক্ন কুঁচকে গেল মুসার। 'আপনি! প্লেন···'

'কিশৌর চালাচ্ছে,' হাসছে ওমর।

'কি-শো-ৣ,' লাফ দিয়ে উঠল মুসা।

কাঁধ চেপেঁ তাকে বসিয়ে দিল ওমর। 'একবারে খাবার নিয়ে যাও ওর জন্য।'
এত তাড়াহুড়োর মাঝেও অনেক করেছে হোস বার্গ, তার প্রতি কৃতজ্ঞতা বোধ করল ওমর। বেশ বড়সড় একটা পাঁউরুটি, আধসেরখানেক পনির, স্লাইস করে ডাজা গর্কীর মাংস, আর এক কাঁদি কলা রাখা আছে দুই সারি সীটের মাঝখানে। সাংঘাতিক কিছু নয়, কিন্তু তাদের যা অবস্থা, এই-ই রাজার ডোজ এখন।

'গোটা দুই কলা,' বসতে বসতে বলল ওমর, 'দিয়ে এসো কিশোরকে।' ছোট পকেট-ছুরি বের করে এক টুকরো পনির কেটে নিয়ে কামড় বসাল, সেই সঙ্গে হাত বাড়িয়ে রুটি ছিঁড়ে নিল বড় এক টুকরো। 'খাও তুমিও খাও,' ববকে বলল।

কিশোর প্লেন চালাচ্ছে, এমন একটা আন্তর্য খিবর শুনে এক মুহূর্ত দেরি করল না মুসা, এক টানে কলা ছিঁড়ে নিয়ে প্রায় ছুটে চলে গেল।

'মোহরটা বাঁচাতে পেরেছেন.' বলল বব, 'সেজন্যে ধন্যবাদ।'

'ওহু, ভুলেই গিয়েছিলাম,' পকেটে হাত ঢোকাল ওমর। 'এই যে, নাও,' বলে মোহরটা বের করে বাড়িয়ে ধরল।

নিতে গেল বব। ঠিক এই সময় অদ্ভুত একটা ঘটনা ঘটনা গাঁকরে কোণাকোণি অনেকখানি উঠে গেল বিমান, যেন উর্ধ্বমুখী বায়ুস্রোতের টানে, তারপরই পাথরের মত সোজা পড়ল নিচে, প্রায় দুশো ফুট নেমে প্রচণ্ড ঝাঁকুনি थ्यन, এগিয়ে চলল আবার।

সীট থেকে শৃন্যে উঠে পড়ল ওমরের শরীর, ধপ করে পড়ল আবার সীটে, হাতের রুটি আলগাভাবে ধরা ছিল, ছুটে উড়ে চলে গেল একদিকে। ববেরও একই অবস্থা। ফিরে আসছিল মুসা, ছিটকে গিয়ে বাড়ি খেল দেয়ালে, মেঝেতে গড়াগড়ি খেল, অবশেষে হাঁচড়ে-পাঁচড়ে,উঠে বসল কোনমতে, হাঁটুভাঙা 'দ'-এর অরস্থা। 'খাইছে!…আলাহরে, হলো কি?'

পেট চেপে ধরেছে বব। 'সব্বোনাশ!' জোরে জোরে শ্বাস নিল সে। 'মনে

হলো, নাডীভূঁডি বেরিয়ে যাচ্ছে। তরকম আরেকবার হলেই গেছি ত

উঠে পর্ট্ডছে ওমর। ছুটে গেল ককপিটের দরজার কাছে। ভেতরে উঁকি দিয়ে জিজ্জেস করল, 'কি হলো?'

বিষ্কৃত ভঙ্গিতে মাথা নাড়ল কিশোর, 'জানি না।'

'যন্ত্রপাতি কোনটা নাড়াচাড়া করেছ?'

'কিচ্ছু না। খালি একটা কলা ছলতে যাচ্ছিলাম…অমনি…'

'মেঘের তেতরে ঢুকেছিল?'

মেঘ কোথায়? চিহ্নই নেই। আমি তো ভাবছিলাম, কিছু একটা করেছেন কেবিনে, ভাতে কোনভাবে কন্টোল অ্যাফেক্ট করেছে।'

'না! খাচ্ছিলাম, আর ববের মোহরটা দিতে যাচ্ছিলাম…'

'---কী!' ঝঁট করে ফিরে তাকাল কিশোর।

'আরে, ওই ডাবলুনটা। মনে হচ্ছে, সত্যিই জিনের আসর আছে ওটাতে।'

'জিনের আসর?'

'এসব তো বিশ্বাস করি না। কিন্তু তোমাদের মুখেই তো মোহরটার গল্প জনলাম। যখন যার কাছে যাচ্ছে, তারই ক্ষতি করে বসছে।'

🔭 "আমি এখনও বিশ্বাস করি না 🗗

আমিও না। কিন্তু যা যা ঘটেছে, সবু খতিয়ে দেখো না। প্রথমে, জলদস্যুর জাহাজটার কথাই ধরো। ববের বাবার চিঠি পড়ে বোঝা যায়, কোন একটা দুর্ঘটনা ঘটেছিল ওটায়। ওটার ক্যাপ্টেন মরেছে রহস্যজনক ভাবে। তার সামনে টেবিলেছিল এই মোহর। কিম এটা হাতে তুলে নিতে না নিতে মরল হ্যামারের ছুরি খেয়ে। ববের বাবা মরল। তারপর দেখো, যে নাবিককে দিয়ে চিঠি আর মোহর পাঠিয়েছিল, সেই নাবিক যে জাহাজে উঠেছিল, তার কি অবস্থা হলো। বার বার দুর্ঘটনায় পড়ল। হ্যামার ওটা ধরেই আছাড় খেল বোরিসের হাতে। বব ওটা পকেটে নিয়ে হোটেল থেকে বেরোতে না বেরোতেই পড়তে যাচ্ছিল ট্রাকের তলায়। তারপর চড়লে তোমরা ট্যাক্সিতে। ড্রাইভার উল্টোপাল্টা ব্যবহার শুরু করল, গুঁতো লাগিয়ে দিল আরেক গাড়ির সঙ্গে। অ্যালেন কিনি মরল গুলি খেয়ে। তারপর প্রেনটা হঠাৎ এমন করে উঠল। থামল ওমর। চুপ করে রইল এক মুহুর্ত। তারপর বলল, কেমন রহস্যময় নাই দেখা, কুসংস্কার নেই আমার। কিন্তু এতগুলো ঘটনার কি ব্যাখ্যাং একটা ব্যাপার বোধহয় অস্বীকার করবে না, দুর্ভাগ্য বলে একটা কথা আছে, কোন কোন জিনিসে ফেন লেপ্টে থাকে সেই দুর্ভাগ্য, মোহরটার ব্যাপারও হয়তো তাই।'

আবার চুপ করল সে। আচ্ছা, ববকে বলি না, মোহরটা ফেলে দিক। কত আর নাম? এমন একটা অলক্ষুণে জিনিস রেখে কি হবে? অযথা ঝুঁকি…আমি খেয়ে আসি।' আবার কেবিনে ফিরে এল ওমর।

ট্রেবিলের এপর কলার খোসারে স্কুপ বানিয়ে ফেলেছে বব আর মুসা।

'কি হয়েছিল?' ওমরকে জিজ্জেন করল মুনা। 'উল্টোপাল্টা টিপ মেরেছে, নাকি?…উহ, কোমুমর ভেঙে দিয়েছে আমার!' আরেকটা কলা ছিড়ে নিল সে।

ুকিশোর কিছুই কুরেনি। আগের সীটটায় বসে পড়ল ওমর, আরেক টুকরো

রুটি ছিড়ে নিল।

'কিশোর কিছু করেনি।' কলার খোসা ছাড়াতে ছাড়াতে হাত থেমে গেল মুসার। 'তাহলে?'

'বুঝতে পারছি না। বোধহয়…'

' ডাঙা! ডাঙা দেখা যাচ্ছে!' ককপিট থেকে কিশোরের চিষ্কুনর শোনা গেল। 'ওমর ভাই, জলদি আসুন।'

'দৈথে এসো তো,' মুসাকে বলল ওমর। খাওয়া ছেড়ে আবার উঠতে রাজি

না

দেখে এল মুসা। চিবাতে চিবাতে সপ্রশ্ন দৃষ্টিডে তার দিকে তাকাল ওমর। 'ডাঙা কিনা ঠিক বোঝা যাচ্ছে না,' বলল মুসা। 'দিগন্তের কাছে কি যেন এ ঝড় হতে পারে।'

হাতের রুটি আর পনির দ্রুত শেষ করল ওমর, ছোট হয়ে আসা কাঁদি থেকে একটা কলা ছিঁড়ে নিয়ে উঠল। ককপিটে ফিরে জিজ্ঞেস করল, 'কি ন্যাপার?'

<mark>উইণ্ডশীন্ডের ভেতর দিয়ে দূরে</mark> তাকিয়ে আছে কিশোর। গন্তীর। [^]ওটা কি?^{*}

এপিয়ে এল ওমর, তীক্ষ্ণ চোখে দেখল দূরের জিনিসটা, কলাটা পকেটে রেখে দিয়ে বলল, 'বুঝতে পারছি না। কিন্তু লক্ষণ বিশেষ ডাল মনে হচ্ছে না।' ঝড়ের এলাকা—যখন-তখন হারিকেন আঘাত হানে। সে এক ডয়ংকর ব্যাপার—যাও, ওঠো, জলদি কিছু মুখে দিয়ে নাও। সবাইকে তৈরি থাকতে বলো। ঝড়ই আসছে বোধহয়।' কিশোরের খালি করে দেয়া পাইলট সীটে বলে পড়ল সে। দিগত্তে দৃষ্টি স্থির।

মাইল বিশেক দূরে চকচকে ইম্পাত-রগু স্মতল সাগর, সেটা থেকে ধীরে ধীরে গজিরে উঠছে যেন সপ্তমীর চাঁদ-আকারের ঘীপটা, মাঝখান থেকে চোখা হয়ে উঠে গেছে পাহাড়-চূড়া। ওটার আশেপাশে আরও কয়েকটা দ্বীপ, রহস্যময় নীল মহাশূন্যে যেন ডেসে রয়েছে। তারও পরে পাঢ় নীল একটা বেশুনী মেখলা যেন দিগস্ত ঢেকে দিচ্ছে দ্রুত, খুব দ্রুত, যেন একটা অদৃশ্য হাত প্রকাণ্ড এক নীল চাদর নামিয়ে দিছে মস্ত এক গম্বজের ওপর থেকে।

ঠোঁটে ঠোঁট চেপে বসেছে ওমরের। ঝড়ই, সন্দেহ নেই আর। কি করবে এখন? আরও ওপরে উঠে ঝড়ের ওপর দিয়ে বেরিয়ে চলে যাবে, নাকি ঝড়ু আঘাত হানার আগেই দ্বীপে নামার চেষ্টা করবে? ঝড়টা কত উঁচু, অনুমান করা কঠিন, তার চেয়ে দ্বীপে নেমে নিরাপদ কোন জায়গায় আশ্রয় নেয়ার চেষ্টা করাই ভাল। সিদ্ধান্ত নিয়ে আর দেরি করল না, থ্রটল খুলে দিল পুরোপুরি, জয় স্টিকটা সামনে ঠেলে দিলে যতখানি যায়, ইঞ্জিনের শক্তি নিংড়ে গতিবেগ যা আছে সব বের করে নিতে চায়।

দরজায় দেখা দিল কিশোন। 'কি হয়েছে?'

'ভয়ানক বিপদ আসছে, বিড়বিড় করল ওমর। 'ঝড়কে ছাড়িয়ে যেতে পারব না, পেট্রল যা আছে, কুলোবে বলে মনে হয় না। এসে পড়ার আগেই দ্বীপে নামতে হবে। ঝড় যেদিক থেকে আসছে, দ্বীপে তার উল্টোদিকে কোন একটা খাড়ি-টাড়ি পেয়ে গেলে সুবিধে।'

উদ্বিম্ন দেখাল কিশোরকে। মুখ থমথমে। এগিয়ে আসা ঝড়ের দিকে চেয়ে

রয়েছে। 'এমন দৃশ্য জীবনে দেখিনি। ভয়ংকর।'

'গতি একশো মাইলের কম না,' ওমরের গলা কাঁপছে। 'পালকের মত উড়িয়ে নিয়ে যাবে প্লেন। মুসা আর ববকে মেঝেয় গুয়ে পড়তে বলো।'

'দ্বীপে পৌছতে পারবং'

'আশা করছি।'

হাজার ফুট ওপর দিয়ে উড়ে চলেছে এখন প্লেন। ইচ্ছে করেই নামিয়ে এনেছে ওমর, সুবিধে হবে ভাবছে। গর্জন শুরু হয়েছে সাগরের, ঘুম ভেঙে জেগে উঠছে যেন বিশাল দৈত্য।

'ঢেউ তো নেই, ব্যাপার কি?'

'উঠবে,' বনন ওমর, 'পাহাড়ের সমানু একেকটা। তার আগেই দ্বীপে…'

'আরে, আরে! গায়ে এসে পড়বে নাকি!' হঠাৎ চেঁচিয়ে উঠল কিশোর।

বিমানের নাক সামান্য সরিয়ে দিল ওমর। বড় একটা অ্যালবেট্রস উড়ে আসছে ক্রত, ছড়ানো ডানা, থিরথির করে কাঁপছে পালক, বাঘের তাড়া খেয়ে ছুটে পালাচ্ছে যেন হরিণশিশু।

'অবাক কাণ্ড তো!' ভুরু কুঁচকে গেছে কিশোরের। 'প্লেনটা দেখতে পাছে না নাকি?'

বিমানের নাক আরেকটু সরাল ওমর। কিন্তু জেদ ধরেছে যেন পাখিটা, ধাকা লাগবেই। ওটাও ঘুরে গেল খানিকটা, বাতাসের ধাকা সামলাতে না পেরে ঝটকা দিয়ে ওপরে উঠে গেল আরও, সাঁ করে ছুটে এল। চেষ্টা করেও বাঁচাতে পারল না ওমর। দু'হাতে মুখ ঢাকল কিশোর। ঝট করে মাথা নুইয়ে ফেলল, যেন তার গায়েই এসে পড়বে পাখিটা।

কড়মড়-মড়াৎ করে বিচিত্র শব্দ হলো। প্রায় সঙ্গে সঙ্গেই থেমে গেল ইঞ্জিনের আওয়াজ।

ফেকাসে মুখ তুলে চাইল কিশোর। 'হায় হায়! বাঁয়ের প্রপেলারটা গেছে!'

ু জবাব দিল না ঔমর, হাত দিয়ে মুখের রক্ত মুছছে।

উঠে দাঁড়িয়ে কাত হয়ে ভালমত দৈখল কিশোর, বাঁয়ের প্রপেলারের পাখাগুলো নেই, গুধু দণ্ডটা দেখা যাচ্ছে, নগ্ন। বাঁ পাশের উইগুদ্ধীন ভেঙে চুরচুর, গর্তটায় ঠেসে অটিকে রয়েছে রক্তাক্ত পালকের একটা বোঝা। 'ইস্স্!' গুকনো ঠোঁট জিভ দিয়ে ভেজাল সে। আবার প্রাণ ফিরে পেল ইঞ্জিন।

'এক ইঞ্জিনে চলবে?' খসখসে হয়ে গেছে কিশোরের গলা :

সঙ্গে সঙ্গে জবাব দিল না ওমর। উত্তেজনার মুহূর্তে দুটো ইঞ্জিনই বন্ধ করে দিরে। ছল, একটা চালু হয়েছে। উদ্ধি চোখে সে তাকিয়ে রয়েছে দ্বীপটার দিকে। কালো একটা চাদর দ্রুত এগিয়ে আসছে, উঠে আসছে মাথার ওপর, তার ওপাশে ঢাকা পড়ে গেছে সূর্ব। সাগর যেশ চকচকে একটা আয়না। 'হয়তো।'

কাপন উঠল হঠাৎ সাগরে, শাদা পানির কণা ছিটিয়ে স্টাৎ করে তীব্র গতিতে ছুটে গেল বাতাস পানি ছুঁয়ে, ভীষণভাবে দুলে উঠল বিমান। 'এসে গেছে!' শক্ত

হাতে জয় স্টিক চেপে ধরল ওমর। দ্বীপের অবস্থা দেখেছ?

সেদিকেই চেয়ে রয়েছে কিশোর, হাঁ হয়ে গৈছে মুখ। বাতাসের প্রচণ্ড ঝাপটায় একবার এদিক, একবার ওদিকে কাত হচ্ছে দ্বীপের গাছপালা, অজানা এক দানব যেন যন্ত্রপায় দোমড়াচ্ছে-মোচড়াচ্ছে শরীর। নারকেল আর অন্যান্য গাছের ডাল-পাতা ছিঁড়ে পাক খেতে খেতে উঠে যাচ্ছে ওপরে।

জয় স্টিক্টাকে ঠেলে ধরে রেখেছে ওমর, চোখ অস্থির, নামার জায়গা খুঁজছে। দ্বীপের ধার ঘেঁষে থাকা প্রবাল-প্রাচীর ডুবে গৈছে এখন রাশি রাশি শাদা ফেনার

তলায়।

বিমানের ওপর আঘাত হানল হারিকেন।

আহত মুরগীর মত কেঁপে উঠল ফুাইং-বোট, সাঁই করে ঘুরে গেল আধপাক, আবার ওটার নাক ঘোরাল ওমর অনেক পরিশ্রম করে, পরক্ষণেই ডাইড দিল বিমান নিয়ে। প্রায় খাড়া হয়ে নামতে ওক করল বিমান। কাঁপছে, দুলছে, দোমড়াচ্ছে জীবত্ত প্রাণীর মত, এগিয়ে যাচ্ছে দ্বীপের ছোট্ট ল্যাগুনের দিকে। মিটারে কাঁটা শো করছে একশো-চল্লিশ, অথচ যে হারে এগোচ্ছে, গতিবেগ তিরিশ-চল্লিশের বেশি না, তারমানে বাতাসের গতি একশো র ওপরে। ভয়ংকর গতিবেগ। এর সঙ্গে করে একটু একটু করে এগিয়ে হাচ্ছে ফুাইং-বোট প্রবাল-প্রাচীরের দিকে, প্রাচীর চোখে পড়ছে না, তার জায়গায় ফুঁসছে শাদা পানি, ফেনা ছিটাচ্ছে ফোয়ারার মত।

'পারক..,' বলেই থেমে গেলু কিশোর, তার অসমাপ্ত কথার জবাব দিতেই যেন

হঠাৎ করে বন্ধ হয়ে গেল বাকি ইঞ্জিনটাও।

চোয়াল কঠিন হয়ে গেছে ওমরের, দাঁতে দাঁত চেপে দু'হাতে জয় স্টিকটা ঠেলে ধরে রেখেছে। ল্যাণ্ড করবে কি করে, ভাবছে। সাগরের যা অবস্থা পাঁচ মিনিটও টিকবে না। ডাঙায় নামবে।

'সাঁতরাতে হবে,' ঝড়ের শব্দ ছাপিয়ে বলল ওমর। 'ল্যাণ্ড করাতে পারব না। যেখানেই ওঁতো খাক, ওঁড়ো হয়ে যাবে, ভেতরে থাকলে মরব। লাফ দিতে হবে তার আগেই। ওদের রেডি হতে বলোগে।'

'প্রেনটা বাঁচানো যাচ্ছে না...'

'--- আরে দূর, প্লেন! জান বাঁচানোর চেষ্টা এখন। যাও, জলদি যাও।'

কিশোরকে বলল বটে, কিন্তু সিদ্ধান্ত নিয়ে ফেলেছে ওমর, শেষ মুহুর্তের আগে সে লাফ দেবে না। একটা উঁচু জায়গা এখন লক্ষ্য তার, ওখানটাতে উঠছে না ঢেউ। কিন্তু ওখানে কি পৌছতে পারবে? মনে হয় না! একশো ফুট ওপরে রয়েছে প্লেন, প্রতি এক গজ এগোতে গিয়ে এক গজ করে নামছে, এ-হারে…নাহ, অসম্ভব! কিন্তু হাল ছাড়ল না সে।

সবাই এসে ঢুকল ককপিটে, গা ঘেঁযাঘেঁষি করে। সাঁতরানোর জন্য তৈরি। চেঁচিয়ে আদেশ দিল ওমর। 'রেডি!'

'রেডি।' একসঙ্গে জবাব দিল তিন কিশোর।

'বব, যাও!'

দ্বিধা করছে বব। পানি ছুঁই ছুঁই করছে বিমান। আর কয়েক গজ এগোতে পারলেই পৌর্ছে যাবে জায়গা মত।

'জলদি!' আবার চেঁচিয়ে উঠল ওমর। 'ডানা ধরে ঝুলে পড়ো। কুইক!'

ওমরের উদ্দেশ্য বুঝতে পারল বব। বাঁ দিকের দরজা খুলে নেমে এল ভানার ওপর হাত-পা কাঁপছে। ঠিক এই সময় প্রচণ্ড বাতাস এসে ঝাপটা মারল বিমানের গায়ে, সাঁই করে ঘুরে গেল বিমানটা, দুলে উঠল ভীষণভাবে। পিছিয়ে এল অনেকখানি। দরজার ধার খেকে হাত্,ছুটে গেল ববের, ডানা আঁকড়ে ধরে থাকার ব্যর্থ চেটা করল, পারল না, পিছলে চলে এল ডগার কাছে। আবার আঘাত হানল বাতাস, আবার ঝাঁকিয়ে দিল বিমানকে।

দীর্ঘ একটা মুহূর্ত বাতাসে ঝুলে রইল যেন বব, আবছাভাবে দেখছে, তীব্র গতিতে তার দিকে যেন উঠে আসছে ফেন্যমেশানো পানির ঘূর্ণিপাক, পরক্ষণেই গাঢ় নীলু একু নতুন পৃথিবী গিলে নিল তাকে। অজানা এক ভয়াবহ দানব যেন টেনে

নামিয়ে নিয়ে চলল, শ্বাসরুদ্ধ করে মেরে ফেলতে চায়।

গাঢ় নীল রঙ হালুকা হতে শুরু করল, তার মাঝে ঝিলমিল করছে শাদা আলোর ফুটকি। বুঝতে পারছে বব ভুবে মরতে যাচ্ছে সে। বাতাসের জন্যে আকুলি-বিকুলি করছে ফুসফুস, ফেটে যেতে চাইছে। ভেসে উঠুক বা না উঠুক, আর শ্বাস না টেনে পারবে না সে, দম নেয়ার জন্যে হা করল। ঠিক এই মুহূর্তে নীল রঙ হঠাৎ সরে গিয়ে চোখের সামনে ভেসে উঠল দিনের আলো, বড় বড় টানে বুক ভরে টেনে নিল সে ভেজা বাতাস। কোথায় আছে বোঝার আগে, সাতরানোর কথা ভাবার আগেই নিচ থেকে আবার টান মারল তাকে অজানা দানবটা, আবার ভুবে গেল সে গাঢ় নীল জগতে। হাত-পা ছুঁড়তে শুরু করল সে, কিন্তু কোন লাভ হলো না: শক্তি ফুরিয়ে আসছে। লড়াই করার চৈয়ে গা ঢেলে দেয়া অনেক সহজ, অনেক আরামদায়ক স্বর, মনে হচ্ছে তার কাছে। আবার নিচ থেকে ঠেলতে শুরু করল দানবটা।

আবার বাতাসে ভেসে উঠল ববের মাথা। দুম নিল জোরে জোরে। ঘাড় ফিরিয়ে আশেপাশে তাকাল, কঠিন কিছু একটা খুঁজছে, আঁকড়ে ধরার জন্যে। ফেনার মাঝে একটা নারকেলের ডাল চোখে পড়ল। প্রাণপণে হাত-পা ছুঁড়ে এগোতে গেল ওটার দিকে, কিন্তু তিন হাত যেতে না যেতে আবার টান মারল তাকে অদৃশ্য দানবটা। আবার ফিরে এল সেই নীল দুনিয়ায়। বজের গর্জনের মত ভারি একটানা শব্দ কানে বাজছে। অসহ্য হয়ে উঠছে শব্দটা, আর সইতে পারছে না, ঠিক এই সময় হাতে লাগল কঠিন কিছু, খামচে ধরতে গেল, কিন্তু ধরে রাখতে পারল না। তারপর হঠাৎ করেই দূর হয়ে গেল নীল রঙ, শব্দও চলে ণেছে, তীরে উপুড় হয়ে পড়ে আছে সে, চেউয়ের টানে হড়হড় করে নেমে যাচ্ছে আলগা বালি আর নুড়ি, সেই সঙ্গে সে-ও নামছে শিছলে। থাবা মেরে একটা পাথর ধরে আটকে থাকতে চাইল। হাপাচ্ছে। পলকের জন্যে ফিরে তাকাল একবার, আঁতকে উঠল। আরেকটা আসছে! মাথায় শাদাটে সবুজ ফেনার মুকুট পরে ভীমবেগে ধেয়ে আসছে চেউয়ের আরেকটা পাহাড়। দুর্বল পায়ে দাঁড়ানোর চেষ্টা করল, কোনমতে, ইস্, কোনভাবে যদি উঠে যাওয়া যেত আরেকট্ ওপরে!

জানে পারবে না, তবুও চেষ্টার ক্রটি করল না বব। কয়েক হাজার অজগরের মত ফুঁসতে ফুঁসতে আসছে চেউটা। 'এল, চলে গেল তার ওপর দিয়ে। উপুড় হয়ে গুয়ে পড়ে বালি আর পাথর খামচে ধরে আটকে থাকতে চাইল সে। প্রচণ্ড শব্দে কানে তালা লেগে যাওয়ার জোগাড়। এক ঝটকায় তার হাত ছুটিয়ে নিল দানবটা, টেনে নিয়ে চলল।

আবার নীল জগতে প্রবৈশ করল সে। দ্রুত গাঢ় হচ্ছে রঙ, বেণ্ডনী হয়ে গেল দেখতে দেখতে, কালচে, কালো, তার মাঝে নানা রঙের ফুটকি। কানে বাজছে হাজারো ঢাক আর মন্দিরার শব্দ, অসীম অতলে নামিয়ে নিয়ে যাচ্ছে তাকে অদৃশ্য দানব।

অনেক ওপরের প্রেন থেকে ঝাঁপ দিয়েছে যেন বব, পড়ছে তো পড়ছেই, এই পতনের যেন আর শেষ নেই। অনুভৃতিটা খুব খারাপ না, বরং কেমন একটা আরাম! কিন্তু এই নামা শেষ হচ্ছে না কেন? আর পারছে না সে। যা খুশি হয়ে যাক, ঘটে যাক যা ঘটার, আর সে তোয়াকা করে না।

নীরবতার জগতে নেমে এল সে, শব্দ নেই এখানে। তলার মাটি রকেট গতিতে উঠে আসছে তার সঙ্গে মিলিত হওয়ার জন্যে। প্রচণ্ড ধাক্কা খেল বব। ঢোখের সামনে জুলে উঠল যেন রক্তলাল আন্তন, বোম ফাটল বুঝি!

নয়

শবকে ফেনার নিচে হারিয়ে যেতে দেখল ওমর, কিন্তু কোন সাহায্যই করতে পারল ।। বিমান সামলাতেই হিমশিম খাচ্ছে। ভাবছে, বব তাদের দুঁএক মিনিট আগে গেল, এই যা, ওদেরও একই পরিণতি ঘটবে। পানিতে ডুবে মরবে ববেরই মত। থাই হয়ে গেছে ওমরের চেহারা। কিশোরের দিকে চেয়ে চেঁচিয়ে বলল, 'লাফ দাও!' বলেই সামনের পাথুরে চড়াটাতে নামার জন্যে ডাইড দিল বিমান নিয়ে।

পৌছতে পারল না অল্পের জন্যে। চূড়ার কয়েক গজ আগে পড়ে গেল বিমান। পানিতে, কিন্তু পানিতে পড়ার ধাকা যতটা লাগল, ডাঙায় পড়লেও বোধহয় তার চেয়ে বেশি লাগত না। গোড়া থেকে ছিড়ে খসে এল ডানা, নাকটা বাঁকাচোরা হয়ে গেল এমনভাবে, যেন জুতো দিয়ে মাড়িয়ে দেয়া হয়েছে ডিমের খোসা।

কিশোরের আগে লাফ দিল মুসা। পড়ল এঁকটা পাথরের ওপর, কিন্তু থাকতে পানল না, পিচ্ছিল শেওলায় ঢাকা পাথর, পিছলে নেমে এল সে পানিতে, পরক্ষণেই টেউ ধাকা দিয়ে ছুঁড়ে ফেলল তাকে আবার পাথরের ওপর।

কিশোর লাফ দিল মুসার পর পরই, পাথরটার কাছাকাছি পড়ল, ঢেউ তাকেও ছুঁড়ে দিল। কিভাবে জানি মুসার একটা বাড়ানো হাত ধরে ফেলল সে, বলতে পারবে না। পাথরে উপুড় হয়ে গুয়ে পড়ে আঁকড়ে ধরে থাকার চেষ্টা করছে মুসা, অন্য হাত দিয়ে পেঁচিয়ে ধরল কিশোরের হাত। বড় জোর এক কি দুই সেকেণ্ডেই ঘটে গেল এতগুলো ঘটনা।

ককপিট থেকে বেরিয়ে দরজার কাছে পৌছতে পারল না ওমর, তার আগেই চেউ টেনে বিশ গজ দূরে নিয়ে এল বিমানটাকে। চেউয়ের পর চেউ ভাঙছে, পানির প্রচণ্ড তা-থৈ নাচের মাঝে পড়ে সাংঘাতিকভাবে নাকানি-চোবানি খাচ্ছে বিমান, এখন বেরোলে নির্ঘাৎ মৃত্যু। কি করবে? বেশি ভাবনা-চিন্তার সময় নেই। একটানে জামাকাপড় খুলে ফেলে দরজার কাছে দাঁড়িয়ে চৌকাঠের ওপরের অংশ খামচে ধরল। সুযোগ এলেই, মানে, বিমানটা আবার তীরের কাছাকাছি গেলেই দেবে লাফ।

কিন্তু ওমরের দুর্ভাগ্য, পেল না বিমান। যেন তাকে নিয়ে খেলা করার জন্যেই হঠাৎ থেমে গেল ঝড়, ঢেউ যে একবার এগোচ্ছিল একবার পিছাচ্ছিল, সেটা অনেক কমে এল। বাতাসের গতি এখনও অনেক, কিন্তু ঢেউয়ের উথাল-পাথাল অবস্থা কমে যাচ্ছে, পানি নেমে যাচ্ছে দ্রুত, সেই সক্রে টেনে নামিয়ে তীর থেকে সরিয়ে নিচ্ছে বিমানটাকে, দূর খেকে দৃরে। অসহায় চোখে চেয়ে চেয়ে দেখছে ওমর, কিছুই করার নেই, নেমে যাচ্ছে বিমান হড়হড় করে, গিয়ে পড়বে নেমে আসা পানিকে যেখানে ভীমবেগে আঘাত হানছে ধেয়ে আসা ঢেউ, সেখানে। চোখের পলকে উড়িয়ে যাবে বিমান ওখানে গিয়ে পডলে।

নিরাপদেই আছে এখন কিশোর আর মুসা, পাথরটার ধারে দাঁড়িয়ে দেখছে ফুাইং-বোট আর সেই সঙ্গে ওমরের পরিণতি। ধরেই নিয়েছে ওরা, বাঁচতে পারবে না বিমান, ঢেউ যেভাবে ওটাকে নিয়ে লোফালুফি করছে, আর কয় মিনিট টিকবে কে জানে। ভেতরে নিশ্চয় পানি ঢুকেছে, কারণ ডুবতে গুরু করেছে ইতিমধ্যেই। দ্রুত সরে বাচ্ছে দরে।

পাথরের ওপাশ থেকে বেরিয়ে অনুসরণ করে চলল দুজনে, কিন্তু একটা জায়গায় এসে আর দেখা গেল না বিমানটাকে। পাহাড়ের ওপাশে চলে গেছে, চোখের আড়ালে এখন। পাশে সরে, পিছিয়ে, অনেকভাবে দেখার চেষ্টা করল ওরা। চকিতের জন্যে আরেকবার দেখা গেল বিমানটা, একটুখানি সরে এসেই ঝটকা দিয়ে চলে গেল আড়ালে, ওইটুঝু সময়ের মাঝেই দেখা গেল ওমরকে, অসহায় ভঙ্গিতে দরজার ধার আঁকড়ে ধরে রয়েছে।

'কি-কিছু একটা করা দরকার!' চেঁচিয়ে উঠল মুসা। একেবারে খালি গা, গ কোমরে ইলাস্টিক লাগানো খাটো পাজামা গুধু পাড়ুনে। ছোট করে ছাঁটা কোঁকড়া চুল লেপটে রয়েছে মাথার সঙ্গে, যেন খুলিতে আঠা দিয়ে লাগিয়ে দিয়েছে কেউ। কাধের কাছে কেটে গেছে, বোধহয় চোখা পাথরে খোঁচা লেগে, পানির সঙ্গে রক্ত মিশে হালকা লাল ধারায় গড়িয়ে নামছে গা বেয়ে।

ডান পা সামান্য বাঁকা করে রেখেছে কিশোর, ব্যথা, কিন্তু মানসিক অবস্থা এমন, কেন ব্যথা করছে দেখার কথাও ভাবছে না। 'টেনে নিয়ে বাচ্ছে ওকে স্রোত…,' গলা কাঁপছে তার, 'চলো তো, দেখি, দেখা যায় কিনা…'

'কিভাবে…' বলল মুসা, 'কোন পথই নেই।…ববেরও যে কি হলো…'

বোধহয় নেই। কিছুই করতে পারলাম না ওর জন্যে। তর্না, দেখি, ওমর ভাইয়ের কি হলো…'

'কিন্তু কিভাবে…'

'ওণ্ডলো পেরোতে হবে,' আঙুল তুলে ডানে দেখাল কিশোর।

'ওই জঙ্গল?' ভুরু কুঁচকে তাকাল মুসা পাহাড়ের গায়ে জঙ্গলের দিকে। প্রায় খাড়া ঢাল, ঘন হয়ে জন্মেছে গাছপালা, মাথা নুইয়ে যেন ঝুলে রয়েছে। 'ধার দিয়ে ঘুরে যাওয়ার তো প্রশ্নই ওঠে না, জঙ্গলের ডেতর দিয়েও যাওয়া যাবে না।'

'যেতেই হবে,' দুঢ়কণ্ঠে বলল গোয়েন্দাপ্রধান।

কিনার দিয়ে ঘুরে বেরিয়ে যাওয়ার চেষ্টা করল ওরা প্রথমে, পারল না। খাড়া পিচ্ছিল পাড়, নিচে পানি। শেষে জঙ্গলের ভেতর দিয়ে যাওয়াই স্থির করল। বৃষ্টিতে ডিজে সাংঘাতিক পিচ্ছিল হয়ে আছে মাটি, তার ওপর খাড়া ঢাল। বারবার আছাড় খেল, বেরিয়ে থাকা শেকড়ের চোখা মাথা, কাঁটালতা আর ধারালো খুড়িতে পা কাটল কয়েক জায়গায়, কিন্তু এতই উত্তেজিত হয়ে রয়েছে, ব্যথা টেরই পেল না। লিয়ানা লতায় বারবার জড়িয়ে যাচ্ছে পা, বার দুই হোঁচট খেয়ে পড়্লু কিশোর, হাত ধরে তাকে টেনে তুলল মুসা।

বলেছে বটে পারবে না, কিন্তু কিশোরের আগে মুসাই চূড়ায় উঠল। 'রিষ্কার দেখা যাচ্ছে সাগর। রক্তশূন্য হয়ে গেল তার মুখ সহসা, হাত তুলে বলে উঠল,

'দেখো দেখো।' কণ্ঠ খসখসে, হাত কাঁপছে থর্থর করে।

কিশোরও দেখল। কিছু বলার নেই। কি বলবে? মর্মান্তিক দৃশ্য! প্রায় মাইলখানেক দূরে ঢেউয়ে এখনও দুলছে ফ্লাইংবোটের ধ্বংসাবশেষ, পিঠটা একবার ডবছে একবার ভাসছে। ওমরকে দেখা যাচ্ছে না কোঁথাও।

কয়েক মিনিট নীরবে একই ভাবে দাঁড়িয়ে রইল ওরা, চেয়ে রয়েছে ভাঙা বিমানের দিকে। দীর্ঘশ্বাস ফেলল কিশোর।

নিচের ঠোঁটে দাঁত বসিয়ে দিল মুসা। বিড়বিড় করল, 'গেল…,' ধপ করে ওখানেই বসে পড়ে দুহাতে মাথা চেপে ধরল।

আরও দু'তিন মিনিট নীরব রইল দু'জনে। আশা ছাড়তে পারছে না কিশোর, চেয়ে রয়েছে চেউয়ের দিকে, শাদা ফেনার দিকে, তীক্ষ্ণ চোখে আতিপাতি করে খুঁজছে চেউয়ের প্রতিটি ভাঁজ, ভাঙন, খাঁজ। 'নাহ, দাঁড়িয়ে থেকে আর লাভ নেই,' বিষণ্ণ কচেঠ বলল সে, 'চলো, খুঁজে দেখি ববকে পাওয়া যায় কিনা।'

'কোনদিকে যাব?'

চলো, এদিকে,' এক দিক দেখিয়ে বলল কিশোর। 'পেছনে গিয়ে আর লাভ কিং ওদিক খেকে তো এলামই।'

জঙ্গলের ডেতর দিয়ে নামতে গুরু করল ওরা। পথ নেই, ঘন জঙ্গল, বেশি

অসুবিধে করছে লিয়ানা লতা। খালি জড়িয়ে যায়, গায়ে, পায়ে। ওসব সরিয়ে পথ করে নামতে হচ্ছে, কোনদিকে যাচ্ছে, খেয়াল রাখতে পারছে না, কেয়ারও করছে না বিশেষ, নির্দিষ্ট কোন লক্ষ্য নেই। একদিকে বেরোলেই হলো। যেদিকেই যাক, আগে-পরে সৈকতে বেরোতে পারবেই।

বালিতে ঢাকা সৈকতে বেরোল ওরা। প্রায় একই সঙ্গে চোখে পড়ল দু'টো জিনিস। একটা সিঁড়ি, হতভাগ্য ফ্লাইং বোটের ছোট্ট সিঁড়ি। বালিতে পানির ধার ঘেঁষে পড়ে আছে। আরেকটা জিনিস পানি আর বালির মিলনস্থলে, ঢেউয়ের ধাক্কায় ধীরে ধীরে দুলছে। দ্রুত এগোল ওরা ওই দ্বিতীয় জিনিসটার দিকে।

'ববের জ্যাকেট,' বলল কিশোর।

বলার দরকার ছিল না, মুসাও চিনতে পেরেছে। পানিতে ভিজে ফুলে রয়েছে পোশাকটা, ঢেউই কোনভাবে এনে ফেলেছে তীরের কাছে। নিচু হয়ে জ্যাকেকটা তুলল মুসা, চেয়ে রইল একদৃষ্টিতে, এটা নিয়ে কি করবে যেন বুঝতে পারছে না। ফেলে দিতে মন চাইছে না। হাতে ঝুলিয়ে উঠে এল কয়েক পা। হঠাৎ ওটার পকেট থেকে টুপ করে কিছু একটা পড়ল শাদা বালিতে। সোনার মোহর, ভাবলুন।

জিনিসটা কুড়িয়ে নিল মুসা, তালুতে নিয়ে চেয়ে রইল বিমূঢ়ের মত। 'অভিশপ্ত,' ভারি গলায় বলল, 'যেখানে যার হাতে যাচ্ছে, তারই সর্বনাশ করে ছাড়ছে।'

চুপ ক্রুরে রইল কিশোর।

এই অভিশাপ আর সঙ্গে নয়,' তীক্ষ্ণ হয়ে গেছে মুগার কণ্ঠ, হাত ঘুরিয়ে সাগরে ছঁডে ফেলতে গিয়েই থমকে গেল। একটা শব্দ, রাইফেলের গুলির মত।

'আরে!' শব্দটা যেদিক থেকে এসেছে সেদিকে তাকাল কিশোর। সৈকতের শেষ মাথা দেখা যাচ্ছে না. আওয়াজটা ওদিক থেকে এসেছে বলেই মনে হলো।

'ওমর ভাই হতে পারে না,' আনমনে বিভবিড় করল কিশোর, 'রাইফেল নেই তার কাছে। বব তো নয়ই। তাহলে? নিশ্চয় জনবসতি আছে দ্বীপে, গ্রাম বা ছোটখাটো শহর আছে—দোকানপাটও নিশ্চয় আছে,' ঝট করে মুসার দিকে ফিরল সে। 'ফেলো না,' হতে নাড়ল, মোহরটা ফেলো না। কাজে লাগবে। বিক্রি করে খাবার কিনতে পারব। কাপড়ও দরকার। চলো, দেখি।'

দ্রুত এগোল ওরা। কিশোরের কষ্ট হচ্ছে, তান পায়ের গোড়ালি ফুলে উঠেছে, মচকে গেছে বোঝাই যায়। একটা ডাল দিয়ে লাঠির মত বানিয়ে নিয়েছে সে, ওটাতে ভর দিয়ে হাঁটছে খঁডিয়ে।

যা ভেবেছিল, তার চৈয়ে দূরে সৈকতের শেষ মার্থা দু'মাইল তো হবেই, আধ ঘণ্টা লেগে গেল ওখানে পৌছুতে। অন্ধকার ঘনিয়ে আসছে তখন।

খুব পীরে মোড় নিয়েছে এখানে পাহাড়ের ঢাল, গায়ের পাথরের স্থপ ঢালু দেয়াল তৈরি করে রেখেছে যেন। পাহাড়ের গায়ে বিছিয়ে রয়েছে গুধু পাথর আর পাথর, কোন এক সময় বুঝি এখানে ঢল নেমেছিল পাথরের, নেমে গেছে একেবারে পানিতে। চূড়ার কাছে পাথরের মাঝে যেন হঠাৎ করে গজিয়েছে একগুছু নারকেল গাছ।

'ওখানে উঠতে পারলে দেখা যাবে কে গুলি করেছে,' হাত তুলে নারকেলের কুঞ্জটা দেখিয়ে বলল কিশোর, 'যদি ও থেকে থাকে এখনও।'

আলগা পাথরও ররেছে অনেক, নাড়া লাগলেই সড়সড় করে গড়িয়ে নামে, সঙ্গে করে নিয়ে যায় আরও কিছু আলগা সঙ্গী-সাথীকে। পা পিছলে ওগুলোর সঙ্গে পড়লে কোমর ভাঙার যথেষ্ট সম্ভাবনা রয়েছে, নিদেন পক্ষে হাত-পা কিছু না কিছু ভো ভাঙবেই।

অনেক কন্টে অবশেষে নিরাপদেই উঠে এল ওরা চূড়ায়। নারকেলের গুচ্ছের ভেতর চুকে ফাঁক দিয়ে তাকাল। স্থির হয়ে গেল সঙ্গে সঙ্গে। যেন অকস্মাৎ শেকড় গজিয়ে গেছে ওদের পায়ে।



একটা ল্যাণ্ডন, প্রবেশমুখের ছোট্র আড়াআড়িভাবে বাঁধের মত গড়ে উঠৈছে প্রবাল-প্রাচীর, টেউ আটকাচ্ছে। ল্যাগুনৈ ভাসছে ছোট একটা বিমান। এক নজর দেখেই বুঝল কিশোর ও মুসা, ওটা ওদের উভচর, ম্যারাবিনা থেকে যেটা ছিনতাই হয়েছে। মস্ত এক জলচর পাখির মত ভাসছে ওটা পানিতে, দোল খাচ্ছে ছোট ছোট

ঢেউয়ে। ওটা থেকে তিরিশ কি চল্লিশ গজ দরে তীরে পড়ে রয়েছে রবারের ডিঙিটা। দ্রুত একবার ল্যাণ্ডনের পাড়ের জঙ্গলের দিকে চোখ বুলিয়ে নিল কিশোর, লোকগুলোকে দেখা যায় কিনা দেখছে। নেই। আন্তর্য! গেল কোথায়? মুসার দিকে

ফিরে বলল, 'কি বুঝলে?'

'বিগ হ্যামার আর তার দল।' 'হ্যা। किन्तु সেকথা বলছি ना…'

'তাহলে?'

'বুঝলে না?' নিচু গলায় বলল কিশোর। 'এটাই সেই দ্বীপ!'

বটি করে কিশোরের দিকে ফিরল মুসা, চেয়ে রইল। কথাটা একবারও মনে হয়নি তার। এক মুহূর্ত চুপ করে থেকে বলল, 'তো, এখন কি করব আমরা?' 'কি করব···,' নিচের ঠোটে চিমটি কাটছে কিশোর। 'ওমরভাই থাকলে প্লেনটা

আবার দখল করা যেত।'

নৈই যখন, তা আর করতে পারছি না। অন্য কিছু ভাবতে হবে।

সাগরের দিকে চেয়ে আছে কিশোর। ঢেউয়ের মাথায় এখনও শাদা শাদা ফুটকি। মাখা নাডল সে আনমনে। 'আর কি ভাবর?' নিজেকেই যেন প্রশ্ন করল। প্রিনটা এখনও দখল করা যায় হয়তো, কিন্তু কি করে বের করে নিয়ে যাব ল্যাণ্ডন থেকে? আমি অন্তত পারব না। জায়গা নেই, ওড়ার গতি সঞ্চয় করার আগেই বাঁধের কাছে পৌছে ফাবে প্লেন। সৈকতও ওটা খব ছোট, ডাঙা থেকে যে উডব তারও উপায় নেই।

'কি বলতে চাও আসলে?'

'বলতে চাই.' নাটকীয় ভঙ্গিতে বলল কিশোর, 'প্লেনটা স্টার্ট দিতে পারব. ওসরভাইরের সঙ্গে থেকে সেটুকু শিখেছি, আগে বাড়াতেও পারব, কিন্তু অত্যেটুকুন জায়গায় ওটা নিয়ে উডাল দেয়া আমার সাধ্যের বাইরে, ওমরভাইও পারবে কিনা সন্দেহ। তাছাড়া, উড়তে যদিও বা পারি, নামতে পারব না, নামাতে জানি না।

আাকসিডেন্ট করে মরব।

'হুঁ! কিন্তু এখন করবটা কি?'

'অন্ধকারও হয়ে আসছে। এখন আর কিছুই করার নেই, লুকিয়ে থেকে সুযোগের অপেক্ষা করা ছাড়া।'

'কি সুযোগ?'

'জানি না। তবে কোন না কোন সুযোগ পেয়েও যেতে পারি। চলো, কাটি এখান থেকে। ওরা যে-কোন সময় এসে পড়তে পারে। নিশ্চয় ব্যাটারা গুপ্তধন-শিকারে বেরিয়েছে।'

উল্টোদিকের ঢাল বেয়ে দ্রুত নেমে চলল দু'জনে, উদ্দেশ্য, বনে গিয়ে চুকবে। কিন্তু ভাগ্য ওদের নেহায়েত খারাপ। খানিক দূর এগোতে না এগোতেই পড়ল আরেক বিপদে।

ঘন একটা নারকেল কুঞ্জ থেকে বেরিয়েই লোকটার গায়ে প্রায় হুমড়ি খেয়ে পড়ল কিশোর। ফেকাসে চেহারার হালকা-পাতলা এক লোক, উল্টোদিক থেকে আসছিল। লোকটাকে চেনে না দুই গোয়েদা, কিন্তু তার হাবভাব, চেহারা, আর হাতের রাইফেল দেখে অনুমান করতে কষ্ট হলো না, সে কে।

'আরে, আরে,' টেনে টেনে কথা বলে লোকটা, 'কি অবাক কাণ্ড! তোমরা! এসো এসো, হ্যামার দেখলে খুব খুশি হবে। বলছিল, তোমরা এসেও পড়তে পারো।'

শান্ত চোখে লোকটার দিকে চেয়ে আছে কিশোর। তয় পাচ্ছে না। ডেতরে ডেতরে জমে উঠছে ঠাণ্ডা রাগ। 'তুমি ইমেট চাবং'

'বা-বাহ, নামও তো জানো দেখছি। এসো, অন্ধকার হয়ে যাচ্ছে। আলো থাকতে থাকতেই যাওয়া দরকার, নইলে পাখরে পিছলে পড়ে ঠ্যাং ডাঙবে।'

অসহায় বোধ করল দুই পোঁয়েন্দা, কিছু করার নেই, নীরবে চলল লোকটার সঙ্গে। ল্যাণ্ডনের এক ধারে ছোট্ট একটা খোলা জায়গায় নিয়ে এল তাদেরকে চাব, পাথরের স্থপ আড়াল করে রেখেছে, তাই জায়গাটা আগে দেখতে পায়নি মুসা কিংবা কিশোর। তিনজন বসে আছে ওখানে। হ্যামারের পাশে বসেছে লম্বা এক লোক, কোটরে বসা চোখ ঘোলাটে। তাদের উল্টোদিকে বসেছে কুচকুচে কালো বিশাল এক নিগ্রো, বেশভূষা দেখে অন্য সময় হলে হেসে ফেলত মুসা, কিন্তু এখন হাসি আসছে না। চানাচুর কিংবা সাবানের বিজ্ঞাপন করার জন্যে যেন সং সেজেছে লোকটা, মাথায় চূড়াওয়ালা টুপিটা শুধু নেই।

লাফিয়ে উঠে দাঁড়াল নিগ্রো, কড়া চোখে তাকিয়ে রয়েছে বন্দিদের দিকে। এমনিতে ঝুলে থাকা ঠোঁট আরও ঝুলে পড়েছে। হাতের মোটা মোটা আঙুল মুঠো পাকাচ্ছে আর খুলছে ধীরে ধীরে। বিশ্বিত।

'তো, এসে গেছ,' কিশোরের দিকে চেয়ে বলল হ্যামার। 'তাই তো মনে হয়, নাকি?' বাঁকা জবাব দিল কিশোর। 'যা জিজ্ঞেস করব, সোজা জবাব দেবে, নইলে…,' কি করবে মুঠো পাকিয়ে দেখাল হ্যামার। ধমকে উঠল, 'আরগুলো কোথায়?'

'কোখার, আমারও জার্নতে ইচ্ছে করছে,' বলল কিশোর।

'जारना ना वनरा ठाउ? मिर्या वनरा विभए भएरव । रकायाः । उताः?'

মিখ্যে বলার দরকার নেই। তাছাড়া, ভীষণ ক্লান্ত বোধ করছে কিশোর। যা খুশি ঘটে ঘটুক, পরোয়া করে না আর। 'মিছে কথা বলব কেন? বোধহয় ডুবে মরেছে ওরা,' খসখসে কণ্ঠে বলল সে। ঝড়ের আঘাতে ভেঙে পড়েছে প্লেন, সাগরে পড়ে চুবমার হয়েছে। আমরা দুজন বেঁচে গেছি। ব্যস, যা জানি বললাম।'

ী দীর্ঘ এক মুহূর্ত নীরবঁতা। কিশোরের বলার ধরনে এমন কিছু রয়েছে, তার কথা। অবিশ্বাস করতে পারল না শত্রুরা।

'বেশি চালাকির ফল,' অবশেষে বলল হ্যামার। সঙ্গীদের দিকে ফিরল, 'ছেলেদুটোকে কি করব?'

দাঁত বের করে হাসল নিগ্রো ম্যাবরি ডেনাবল। চোখের পলকে হাতে বেরিয়ে এসেছে ক্ষুর। ভয়ংকর ভঙ্গিতে হাতের তালুতে ঘষতে গুরু করল ঝকঝকে ক্ষুরের ফলা।

'সরাও ওটা,' ধমক দিল ঘোলাটে চোখো। 'অহেতুক খুন-জখমের কোন মানে নেই। ওদেরকে ছেড়ে দিলেই কি? ক্ষতি তো আর করতে পারছে না।'

'ষদি প্লেনটা নিয়ে পালায়?' বলল ইমেট চাব। 'ছেলেণ্ডলো খুব বেশি চালাক। প্লেন চালাতে জানে কিনা কে জানে। এখুনি ছেড়ে দেয়া ঠিক হবে না।'

'আমারও তাই মনে হচ্ছে,' বলল হ্যামার। 'তাছাড়া আমরা যা খুঁজছি, ওগুলোর ব্যাপারেও হয়তো জানে।'

'নিন্চই,' জোরে মাথা ঝাঁকাল চাব। 'বেঁধে ফেলে রাখি। সকালে গুনব আমরা কি কি জানে। সারা রাত বাঁধা থাকলে সকালে মন বদলাবে। গলা হেড়ে গান গাইতে শুরু করবে হয়তো। তাড়াহুড়ো করে এখনি কিছু করে ফেলার কি দরকার?'

'ঠিকই বলেছ,' সায় দিল হ্যামার। 'বাঁধো, বেঁধে ফেলো। ইচ্ছে করলে যখন খুশি মেরে ফেলে দিতে পারি, কিংবা ছেড়ে দিতে পারি। সেটা পরে ভাবব। ম্যাবরি, দড়ি আনো।'

এক ধারে পড়ে থাকা মালপত্র ঘেঁটে দড়ি বের করল ম্যাবরি। খপ করে মুসার কজি চেপে ধরল। চাপের চোটে মুঠো আপনা আপনি আলগা হয়ে গেল গোয়েন্দা-সহকারীর, মোহরটা হাতেই ছিল, আঙুল খুলে যেতেই বালিতে পড়ল।

আনন্দে চেঁচিয়ে উঠল ম্যাবরি, ছোঁ মেরে তুলে নিল মোহরটা। 'কোথায় পেয়েছ?' জিজ্ঞেস করল মুসাকে, দেখাচ্ছে সঙ্গীদেরকে।

জবাব দিল না মুসা।

'কেথায় পেয়েছ?' গর্জে উঠল হ্যামার। 'বলছ না কেন?'

'এটা সেই ডাবলৃনটাই,' ঠাণ্ডা গলায় বলল মুসা, 'লস অ্যাঞ্জেলেসে যেটা পেয়েছি।'

'মিছে কথা। ওটা অ্যালেন কিনির কাছে,' বলল ম্যাবরি। 'বস্, ওরা জানে মোহরের সন্ধান।' বললাম না, এটা সেই মোহরটাই,' জোর গলার প্রতিবাদ করল মুসা। 'অ্যালেন কিনির কাছ থেকে নিয়ে নিয়েছি। আমাদের দেখে কিছু বুঝতে পারছ না? প্রেন ভেঙে মরার দশা, আর এনারা বলছেন মোহর খুঁজে পেয়েছি। আমাদের চেহারা দেখে সেরকম লাগছে?'

'দেখি তো মোহরটা,' ম্যাবরির দিকে হাত বাড়াল হ্যামার।

দ্বিধা করছে ম্যাবরি।

কিশোরের মনে হলো, ঠিক ওভাবেই দ্বিধা করেছিল ববের বাবা, হয়তো ঠিক ওই জায়গাটাতেই দাঁড়িয়ে। হয়তো ওভাবেই হাত বাড়িয়েছিল হ্যামার সেদিনও। দিতে অস্বীকার করেছিল মিস্টার কলিনস।

'আমি এটা রাখি, বস্,' অনুনয় করল ম্যাবরি।

ু কি ভাবল হ্যামার। ঠিক আছে, রাখো। একটা নিয়ে গোলমাল করে লাভ

নেই, অনেক পাব শিগগিরই।

ুর্শিতে বাগবাগ হয়ে মোহরটা পকেটে ঢুকিয়ে রাখল ম্যাবরি। তারপর দড়ি নিয়ে কাজে লেগে গেল। মুসার দুই কজি এক করে বাঁধল, ধাক্কা দিয়ে মাটিতে ফেলে দিয়ে দুই পা বাঁধল। নরম বালি না হলে খুব ব্যখা পেত মুসা। ঠিক একই ভাবে কিশোরকেও বাঁধা হলো।

রাত নামল। চাঁদ উঠল। রূপালী আলোর বন্যায় প্লাবিত করে দিল চারপাশে, ছোট্ট ল্যাণ্ডনের পানিকে মনে হচ্ছে এখন তরল রূপা।

বালিতে কম্বল বিছিয়ে গুয়ে পড়ল ইমেট চাব। অন্য তিনজনও তাই করন। কিশোর আর মুসাকে শাসাল হ্যামার। 'সকালে তোমাদের ব্যবস্থা করব দাঁডাও!' বলে গুয়ে পড়ল পাশ ফিরে।

দুই

পানি থেকে জ্যাকেটটা যখন তুলেছে মুসা, তখন সে কিংবা কিশোর তাদের বাঁয়ে ভালমত তাকালেই দেখতে পেত ববকে। ঝড়ের তোড়ে সাগরের তল থেকে ছিঁড়ে উঠে আসা শেওলা স্থপ হয়ে আছে একটা জারগায়। ভেজা, পিচ্ছিল শেওলার স্থপের তলায় প্রায় অর্ধেকটা ঢাকা পড়ে আছে ববের শরীর। না, মরেনি বব, খুব সৌভাগ্য, বিশাল একটা ঢেউ ছঁড়ে ফেলেছে তাকে সৈকতে। বেহুঁশ হয়ে আছে।

মুসা আর কিশোর চলে যাওয়ার পরও অনেকক্ষণ নড়ল না বব। লাশ হয়ে পড়ে আছে যেন। সূর্য ডুবল। ভাটা শুক্ত হলো সাগরে! চাঁদ উঠল, ববের ফেকাসে চেহারা আরও ফেকাসে দেখাছে এখন রূপালী জ্যোৎস্নায়। গর্ত থেকে বেরিয়ে মার্চ করে এগিয়ে এল একটা কাঁকড়া, দাঁড়া দুটো শূন্যে তুলে রেখেছে অছত দুটো আ্যান্টেনার মত, চলার তালে তালে দুলছে। দাঁড়ার মাথার ধারাল আঁকশি জোড়া মৃদু কিটকিট শব্দ করে একবার খুলছে, একবার বন্ধ করছে।

দুই গজ মত এগিয়ে হঠাৎ থৈমে পড়ল কাঁকড়াটা, কোনরকম বিপদ আছে কিনা আন্দাজ করতে চাইছে হয়তো। আরেক গর্ত থেকে আরেকটা কাঁকড়া এসে যোগ দিল প্রথমটার সাথে। আরেকটা, তারপর আরও একটা, দেখতে দেখতে যেন কাঁকড়ার হাট জমে গেল ওখানে। একটা অর্ধচন্দ্র সৃষ্টি করে এক সঙ্গে মার্চ করে এগোল দলটা অবশ হয়ে পড়ে থাকা দেহটার দিকে। নীরব রাত ভরে গেল জীবগুলোর দাঁড়ার অদ্ভুত কিটকিট শব্দে। যতই এগোচ্ছে, ধীরে ধীরে গতি কমাচ্ছে কাঁকড়াগুলো, আন্তর্ম শৃদ্ধালা। সব ক'টার গতি একই রকম থাকছে, এতটুকু এদিক ওদিক নেই।

নড়েচড়ে উঠল ববের শরীর। চোখের পলকে থেমে গেল কাঁকড়া-বাহিনী, একই সঙ্গে, তারপর দ্রুত একটা ঢেউয়ের মত ছড়িয়ে পড়ল তিন দিকে। দেখতে দেখতে গায়েব হয়ে গেল।

চোখ মেলল বব। শৃন্য চোখে তাকিয়ে রইল তারাখচিত আকাশের দিকে, হঠাৎ করেই ফিরে এল বোধশক্তি, ডান কনুইয়ে ডর দিয়ে উঠে বসল তাড়াতাড়ি। তাকাল জ্যোৎস্না-উজ্জ্বল সাগরের দিকে। পুরো এক মিনিট লাগল নিজেকে বোঝাতে, যে সে স্বপ্ন দেখছে না, সমস্ত ব্যাপারটাই কঠোর বাস্তব। উঠে দাড়াল সে। পাক দিয়ে উঠল মাখার ডেতর, গল গল করে বমি করে ফেলল। পেট খেকে নোনা পানি বেরিয়ে যাওয়ায় বরং ভালই হলো, হালকা হয়ে গেল শরীর আর মাখার ভেতরটা, টলোমলো পায়ে দাঁড়িয়ে থাকতে পারছে এখন। শরীরের জায়গায় জায়গায় ব্যথা অনুভব করছে, আঙ্কল কাঁপছে।

আরেকবার বিমি করল সে, পৈট থেকে নোনা পানি সব বেরিয়ে যাওয়ার পর সৃষ্টির হলো। তাকাল চারপাশে। সঙ্গীদেরকে দেখার আশা করছে না, দেখা পেলও না, কাউকে। বিমানটাও নেই। একা সে, ভয়ংকর একাকীতুবোধ প্রচণ্ড পীড়া দিতে ওফ করল তাকে। অন্য তিনজন পানিতে ভুবে মরেছে, এটা বিশ্বাস করতে পারছে না, বেঁচে আছে ওরা, নিরাপদে আছে, তা-ও বিশ্বাস হচ্ছে না। পানির ধার ঘেঁষে পড়ে থাকা শাদাটে একটা জিনিস চোখে পড়ল তার, কম্পিত পারে এপোল সেদিকে। খানিক এগিয়েই বুঝতে পারল কি ওটা, কাছে যাওয়ার দরকার হলো না—বিমানের সিঁড়ি, ওরা যেটাতে করে এসেছিল, সেটার। জোর করে চেপে রাখা পানি আর ঠেকিয়ে রাখতে পারল না, দরদর করে বেরিয়ে এল চোখ থেকে। আর অবিশ্বাস করার কোন কারণ নেই। ধপ করে বালিতে বসে দুহাতে মুখ ঢাকল বব।

কতক্ষণ একই ভাবে বসে থাকল বলতে পারবে না, অবশেষে উঠে দাঁড়াল আবার, এভাবে ভেঙে পড়ার কোন মানে নেই। পেছনের ঘন জঙ্গলের দিকে ঢেয়ে আত্মা কেঁপে গেল, কি ধরনের জানোয়ারের বাসা ওই জঙ্গলে? কি আতংক আর বিপদ ওঁৎ পেতে আছে কালো গাহুগুলোর আড়ালে? জানে না সে, এখান থেকে দেখে কিছু বোঝারও উপায় নেই।

দূর, যথোসব আজেবাজে ভাবনা!—এমক দিয়ে মন থেকে ভয় তাড়ানোর চেষ্টা করল সে। আবার ফিরল সাগরের দিকে। আরে, ওই তো, ওই সেই পাথরটা। যেটাতে নামার চেষ্টা করেছিল সে। বানের পানি চলে যাওয়ায় অনেক উঁচু হয়ে আছে, নিশ্চয় শুকনো। চেউয়ের দাপাদাপি আর নেই এখন ওটাকে ঘিরে। তার বন্ধুরা কি ওখানেই আছে, টিলার ওপরে বা নিচে কোথাও পড়ে আছে তাদের লাশ? ববের বাবা বলত, খুন করে লাশ শুম করে না সাগর, ফিরিয়ে দিয়ে যায়।

যাবে নাকি? গিয়ে দেখবে? ডানে-বাঁয়ে ডালমত তাকাল আবার, কিন্তু তেমন কিছু চোখে পড়ল না। খাড়া পাহাড়ের ধার ঘেঁযে এগোল, এখান দিয়েই যাওয়ার চেষ্টা করেছিল তখন কিশোর আর মুসা, পানি থাকায় পারেনি, কিন্তু এখন শুকনো, ববের যেতে কোন অসুবিধে হচ্ছে না। পাথরের টিলার কাছে চলে এল, গোড়ায় নেই কেউ, ওপরে চড়ল, না, এখানেও নেই। ফিরে এল আবার সৈকতে, পানি থেকে দূরে একেবারে জঙ্গলের ধারে উঠে এল। ভয়ে ডয়ে তাকাছে কালো বনের দিকে। বসল। এরপর কি করবে, ভাবছে। পানি দরকার আগে, গলা শুকিয়ে কাঠ। কিন্তু পানি খুঁজতে যাওয়ার সাহস নেই, চাঁদের আলোয় অছুত আলোআঁ ধারির খেলা জায়গায় জায়গায়, নির্জন নীরব এই পরিবেশে সেদিকে তাকাতেই গা ছমছম করছে ববের। ভোরের জন্যে অপেকা করবে ঠিক করল সে। ডান হাতের তালুতে চিবুক রেখে ভাবতে লাগল নানা কথা, শূন্য দৃষ্টি স্থির একটা পাথরের স্থুপের দিকে।

বঙ্গে আছে তো আছেই। এত দীর্ঘ রাত আর আসেনি তার জীবনে। ভাগ্য ভাল, বাতাস উষ্ণ, নইলে খালি গায়ে ষেভাবে বসে আছে খোলা বাতাসে, এভাবে থাকতে পারত না কিছুতেই, খুব অসুবিধেয় পড়ে যেত। নিজের কক্ষ পথে নীরবে এগিয়ে চলেছে চাঁদ, ববের ভানে সৈকত ঘুরে চলেছে যেন, অবশেষে তার বাঁয়ের পাথরগুলোর ছায়া দূর হলো চাঁদের আলো পড়ে, নীলচে উজ্জ্বল একটা আভা ছড়াচ্ছে এখন।

এই দূরবস্থায় থেকেও ঢুলুচুলু হয়ে এল তার চোখ এক সময়, ঠিক তখনই একটা পাথরকে নড়তে দেখল সে, নাকি কল্পনা? নাহ, কল্পনাই। যে অবস্থায় রয়েছে সে, তাতে চোখ উল্টোপাল্টা অনেক কিছুই দেখতে পারে, মানে, দেখেছে মনে হতে পারে। কিন্তু পরক্ষণেই পুরো সজাগ হয়ে গেল সে, প্রতিটি স্নায়ু টানটান। পাথরটা সত্যিই নড়ছে, গীরে গীরে রূপ নিচ্ছে একটা মানুষে, চোখ বড় বড় করে ওটার দিকে চেয়ে থেকে ভাবছে বব, সে স্বপ্ন দেখছে। হয় স্বপ্ন দেখছে, নাহয় ওই জিনিস, যাকে সব চেয়ে বেশি ভয় তার। ভৃত। ভৃত মনে করার কারণও আছে। যে মানুষটাকে দেখছে সে, সে আধুনিক মানুষের পোঞ্লাক পরা নয়। মাথায় ছিটকাপড়ের রুমাল জড়ানো, একটা কোণা ঝুলছে ঘাড়ের ওপরে। ফতোয়ার মত একটা জামা পরনে, বুকের কাছটায় সুতার পাকানো সরু দড়ি আড়াআড়ি বুনট, ঢোলা রঙিন পাজামার নিচের দিক ঢোকানো বুটের ভেতরে— রূপার বাকলেস লাগানো রয়েছে জুতোতে, চাদের আলোয় চকচক করছে। আরঙ্ক একটা জিনিস চকচক করছে, সেটা তার হাতের মস্ত ভোজালি, চোখা মাথাটা ঠেকিয়ে রেখেছে একটা পাথরে।

হাঁ হয়ে গেছে বব, নিঃশ্বাস ফেলতে ভয় পাচ্ছে। আন্তে ঘুরল মূর্তিটা, তাকিয়ে রইল প্রবাল-প্রাচীরের গায়ে যেখানে ছোট চেউ আছড়ে পড়ছে, সেদিকে। তারপর যেমন নীরবে এসেছিল, তেমনি ভাবেই গায়েব হয়ে গেল আবার।

আর কোন সন্দেহ নেই ববের, ভূতই দেখেছে, শত শত বছর আগে অপঘাতে মরা কোন জলদসূরে ভূত। সারাজীবন যা করেছে, মৃত্যুর পরেও সেই পেশাই বোধহয় বেছে নিয়েছে ভয়ংকর ওই জলদসূুুু! কিন্তু আরেকবার ওটাকে দেখার অপেক্ষা করল না বব, লাফিয়ে উঠে ছুটল বালিয়াড়ি ধরে। আরেকটা বড় পাথরের ন্ত্রপ চোখে পড়ার আগে গতি কমাল না। কাঁধের ওপর দিকে ফিরে তাকাল। ভূতটা তাড়া করে আসছে না দেখে থামল, হাঁপাচ্ছে জোরে জোরে। বসে পড়ে জিরিয়ে নিল খানিকক্ষণ, চোখ সারাক্ষণ রয়েছে যেদিক দিয়ে সে খ্রসেছে সেদিকে। ভূতটার ছায়া দেখলেই উঠে দৌড় দেবে আবার।

আর দেখা দিল না ভূত। জিরিয়ে নিয়ে উঠল বব। সামনের পাথরের ফাঁকফোকর দিয়ে গজিয়ে উঠেছে কয়েকটা নারকেল গাছ। যাক, পানি পাওয়া যাবে। একটা নারকেল জোগাড়ের আশায় পা বাড়াল সে নারকেল-কুঞ্জের দিকে।

গাছের গোড়ায় একটা নারকেল দেখে কাছে এসে উবু হতে যানে, হঠাৎ চোখে পড়ল জিনিসটা, চাঁদের আলোয় চমকাচ্ছে ওটার শরীর। অবিশ্বাস্য। চোখ ডলে নিয়ে আবার তাকাল, না, আছে তা। ল্যাগুনের স্থির আলোয় ভাসছে একটা বিমান, চকচকে ডানায় জ্যোৎস্না প্রতিফলিত হয়ে এসে পড়েছে ববের চোখে। একবারও মনে এল না তার, ওটাতে চড়েই রওনা দিয়েছিল, ওটা তাদেরই সেই উভচর সিকরস্কি। আনন্দে উৎফুল্ল হয়ে ভাবল, প্লেনের লোকগুলো গেল কোথায়? নিশ্চয় আশেপাশেই কোথাও রয়েছে। সরে এসে এদিক ওদিক তাকিয়ে খুঁজল, কিন্তু ল্যাগুনের ধারে খোলা ছোট্ট সৈকতে কাউকে চোখে পড়ল না। মনস্থির করে নিয়ে পা বাড়াতে যাবে, এই সময় একটা শব্দ গুনে চমকে উঠল সে, ধড়াস করে উঠল বকের ডেতর। কাছেই আছে মানুষটা। নাক ডাকাছে।

জিড দিয়ে শুকনো ঠোঁট ভিজিয়ে নিল বব। কি করবে? ডাকবে মানুষ্টাকে। প্রেনটার দিকে তাকিয়ে হঠাৎ একটা ভাবনা ঝিলিক দিয়ে গেল তার মনে। নির্জন এই দ্বীপে এই সময়ে প্রেন আসে কি করে? সিকরস্কিটা নাতো? ভাবনার সঙ্গে সঙ্গে দৃষ্টি তীক্ষ্ণ হলো, চেনা চেনা মনে হচ্ছে এখন বিমানটাকে। আরও কয়েক মুহূর্ত পর আর সন্দেহ রইল না, ওটা সিকরস্কিই। আনন্দ চলে গেছে মন থেকে, তার জারগায় ঠাই নিয়েছে ভয়, সুযোগ দিলে ভয়টা আতঙ্কে রূপ নেবে। মন শক্ত করল সে। কি করবে? প্রেন চালাতে জানে না, যে ওটা নিয়ে পালাবে। তাহলে? হাঁা, প্রেন চালাতে জানে না, কিন্তু নৌকা তো চালাতে পারে। রবারের ডিঙিটা নিয়ে চলে যেতে পারে কাছের অন্য কোন দ্বীপে, এমন কোনটায়, যেটাতে মানুষের বাস আছে। কিন্তু তার আগে লুকিয়ে দেখে নেবে, হ্যামার আর সঙ্গীরা কি করছে। পুবের আকাশ ফেকাসে হতে শুরু করার করতে হবে খুব তাড়াতাড়ি, আলো ফোটার আগেই।

নিঃশব্দে গাছপালার আড়ালে আড়ালে ঘুরে এসে দাঁড়াল পাথরের স্থপের আড়ালে। আস্তে করে মাথা উচিয়ে উকি দিল, যেণিক থেকে নাক ডাকার শব্দ আসছে সেদিকে। টিবটিব করছে বুকের ডেতর। সামনে একটুখানি খোলা জায়গা। পাশাপাশি শুয়ে আছে ছয়জন। কিন্তু চারজন তো থাকার কথা। একজন নড়েচড়ে উঠল। বাট করে মাথা নামিয়ে ফেলল বব। কয়েক মৃহুর্ত অপেক্ষা করে সাবধানে আবার উকি দিল।

নড়ে উঠে এদিকে ফিরে শুরেছে মূর্তিটা। খালি গা। চাঁদের আলো পড়েছে

মুখে। দেখেই চিনতে পারল তাকে বব। কিশোর! গলার কাছে চিৎকারটা প্রায় এসে গিয়েছিল ববের, কোনমতে থামাল। বুকের ভেতরে চিবচিব্ বেড়ে গেছে। কিশোর, তারমানে তার পাশে শোয়া মূর্তিটা মুসার। বোঝা যাচ্ছে, দু'জনেরই হাত-পা বেধে রাখা হয়েছে, তাদের পড়ে থাকার বেকায়দা ডক্তি দেখেই এটা স্পষ্ট।

সাহায্য করা দরকার ওদেরকে, কিন্তু বিভাবে? একটা ছুরির জন্যে এত আফসোস জীবনে আর কখনও করেনি বব। বাঁধনের গিঁট কি খুলতে পারবে? পারুক আর না পারুক, চেষ্টা করে দেখতেই হবে, সিদ্ধান্ত নিল সে। আকাশের দিকে তাকাল। ইস, এত তাড়াতাড়ি আলো ফুটছে কেন? মনেই পড়ল মা, এই খানিক আগেও বার বার বলেছে, কেন আলো ফুটতে এত দেরি হচ্ছে। যা কিছু করার খ্ব দ্রুত করতে হবে, ডাকাতগুলো জেগে যাওয়ার আগেই।

পাথরের স্থূপের ওপর দিয়ে নিঃশব্দে নেমে এল বব। কিশোরের চোখ মেলা, ববকে দেখছে চুপচাপ। জ্বলজ্বল করছে না? তাইতো মনে হয়, ভাবল বব। হাসল। তার হাসি কিশোরের চোখে পড়ল কিনা বোঝা গেল না।

কিশোরের পাশে এসে বসে পড়ল বব। পায়ের বাঁধনে হাত দিল। একবার চেষ্টা করেই দমে গেল। ভীষণ শক্ত করে বেঁধেছে। এই বাঁধন খুলতে অনেক সময় নেবে।

উঠে বসার চেষ্টা করছে কিশোর। বব ফিরে তাকাতেই ফিসফিস করে বলল, 'ক্ষুর!' মাথা নেড়ে ইঙ্গিতে দেখাল।

দেখতে পেল বব। খানিক দূরে চিত হয়ে শুয়ে আছে এক বেশালদেহী নিগ্রো, নীল জামা গায়ে, তার ছড়ানো হাতের কাছে পড়ে রয়েছে একটা ক্ষুর।

উঠে এগোল বব। ক্ষুরটা নেয়ার জন্যে হাত বাড়িয়েছে, এই সময় খুলে গেল নিগোর চোখ।

জঘন্য একটা মুহূর্ত একে অন্যের দিকে চেয়ে রইল ওরা। গাল দিয়ে লাফিয়ে উঠে বসল স্যাবরি।

'পালাও, বব, দৌড় দাও!' তীক্ষ্ণ কর্ম্পে চেঁচিয়ে উঠল কিশোর।

চমক ডাঙল যেন ববের, স্প্রিডের মত লাফিয়ে উঠল । কিন্তু তার আগেই ক্ষুর হাতে উঠে পড়েছে নিপ্রো, সাঁই করে হাত চালাল, অল্লের জন্য বাঁচল ববের গলাটা । লাগলে ধড় থেকে আলাদা হয়ে যেত মুণ্ডু । আর কি দাঁড়ায় সে সেখানে! আতঙ্কে চেঁচিয়ে দৌড় দিল তাড়া খাওয়া পাহাড়ী ছাগলের মত । সৈকত ধরে ছুটছে, পেছনে তাকানোর সাহস নেই, কোথায় কোনদিকে যাবে জানে না, শুধু বুঝতে পারছে, বাঁচতে চাইলে নিগ্রোর হাতে পড়া চলবে না । ধরে জবাই করে ফেলবে তাকে খুনেটা ।

একটা পাহাড়ে উঠে পড়ল বব, উঠে চলল দ্রুত। পেছনে গুলির শব্দ হলো, ববের পায়ের কাছ থেকে উঠে গেল এক খাবলা মাটি। আরেকটা গুলি লাগল প্রথমটার কাছেই, আরেক খাবলা মাটি উড়ল। থামলো না বব। বড় একটা খটেদর কাছে এসে থমকে দাঁড়াতেই হলো অবশেষে। সামনে যাওয়ার পথ নেই। ফিরে তাকিয়ে দেখল, উঠে আসছে নিগ্রো। ঘুরে এক পাশে ছুটল আবার বব। ঢুকে পড়ল ঘন জঙ্গলে। কিন্তু কয়েক পা এগিয়েই বুঝল, ভুল জায়গায় ঢুকেছে। ঘন হয়ে জন্মানো লিয়ানা লতা আর কাঁটাঝোপের ভেতরে ছুটে চলা মানুমের সাধ্যের বাইরে। আবার বেরিয়ে এসে বাঁ দিক দিয়ে খাদটা ঘুরে যাওয়ার চেষ্টা করল। জানে না, এটা সেই জায়গা, হ্যামারের তাড়া খেয়ে তার বাবাও একদিন যেদিক দিয়ে ছুটেছিল।

খাদ ঘুরে ছুটল বব, তাড়া করে আসছে নিপ্রো, অনেক কাছে এসে পড়েছ। ছুটতে ছুটতে আবার বাধা পড়ল সামনে। জঙ্গলে ঢাকা একটা শুকনো খাড়িমত রয়েছে। ওটায় নেমে লুকিয়ে পড়া যায় না? এদিক ওদিক তাকাল সে। ছোট-বড় কয়েকটা শুহা চোখে পড়ল। সময় নেই। একটা গর্তে প্রায় লাফিয়ে নামল সে, ঢুকে বসে পড়ল। হাত দিয়ে মুখ চেপে ধরল, যাতে হাঁপানোর শব্দ শোনা না যায়।

খাঁড়ির পাড়ে এসে দাঁড়িয়েছে ম্যাবরি, শব্দ শুনে বুঝতে পারল বব। এগিয়ে আসতে শুরু করল পাশের শব্দ, ববের গর্তটার দিকেই এগোচ্ছে। ফাদে পড়া ইদুরের মত আতঙ্কে থর থর করে কাপছে বব। আর রক্ষা নেই, ধরা বুঝি পড়তেই হুবে। মাঝে মাঝে খেমে যাচ্ছে পায়ের শব্দ, নিচ্য় কোন গর্তের কিনারে দাঁড়িয়ে উকি দিয়ে ভেতরটা দেখে নিচ্ছে ম্যাবরি।

ববের গর্তটা বড় জোর পাঁচ কি ছয় ফুট গভীর, কিনারে এলে তাকে দেখতে পাবে ম্যাবরি। কিন্তু চুপ করে বসে থাকা ছাড়া এখন আর কিছু করারও নেই।

এগিয়ে আসছে পারের শব্দ, ম্যাবরির ভারি শ্বাস ফেলার শব্দও কানে আসছে এখন। আসছে আসছে তারপর থেমে গেল। ওপরে তাকাতে সাহস হচ্ছে না ববের, তর্বুও তাকাল। তার দিকেই চেয়ে রয়েছে নিগ্রোটা। দাত বের করে নীরবে হাসছে। ভয়ংকর ভঙ্গিতে হাতের তালুতে শান দিছে ক্ষুর।

গর্তের কিনারে লম্না হয়ে গুয়ে ভেতরে হাত চুকিয়ে দিল নিপ্রো। ববের চুল খামচে ধরে টান দিল। চিৎকার করে উঠল বব, ছটফট করছে, ছুটে যাওয়ার চেষ্টা করছে। চুল ছেড়ে তার ঘাড় চেপে ধরে টেনে তুলে আনছে ম্যাবরি, জবাই করার জন্যে ছাগলের বাচ্চাকে তুলছে যেন।

গর্তের বাইরে ব্রকে বের করে আনল ম্যাবরি। দাঁড় করিয়ে দিয়ে চুল খামচে ধরল আবার, টান দিয়ে মাথা পেছনে বাঁকা করতেই গলা ঠেলে এল সামনে। কুর চালানোর সুবিধে হবে। হাসিতে উচ্জ্বল ম্যাবরির মুখ চোখ জ্বলজ্বল করছে। কুর সোজা করল সে, এগিয়ে আনল গীরে গীরে। গলায় বসিয়ে হঠাৎ হাঁচিকা টান মারবে। আতঙ্কে হাত দিয়ে গলা রক্ষা করার কথাও ভুলে গেছে বব, সম্মোহিতের মত চেয়ে রয়েছে নিগ্রোর চোখের দিকে।

ঠা-শ্-শ্ করে একটা শব্দ হলো। বব মনে করল, চাপের চোটে তার ঘাড়ের হাড় ডেঙে গেছে। কিন্তু ব্যথা পাচ্ছে না কেন? ক্ষুরই বা চালাচ্ছে না কেন নিগ্রোটা? আরে, চেহারা দেখি বদলে গেছে ব্যাটার হঠাৎ করে! হাসি মুছে গেছে। কেঁপে উঠল ম্যাবরির শরীর, হাত থেকে খসে পড়ে গেল ক্ষুর, পাথরে পড়ে শব্দ তুলল, ববের কানে মধুর বাজনার মত শোনাল সে শব্দ। তিন কি চার সেকেণ্ড ওভাবেই দাঁড়িয়ে রইল নিপ্রোটা, তারপর মুখ থুবড়ে পড়ল পাথরের ওপর।

চোখের সামনে থেকে বাধা সরে যেতেই লোকটাকে দেখতে পেল বব,

, ম্যাবরির ঠিক পেছনেই। ধরেই নিল বব, মরে গেছে সে, মৃতের রাজ্যে চুকে পড়েছে, তাই এমন সব আন্তর্য কাণ্ডকারখানা দেখতে পাছে। তার সামনে দাঁড়িয়ে আছে সেই জলদসূর ভৃত, বাঁ হাতে ভ্যোজালি, ডান হাতে ধরা শত শত বছরের পুরানো পিস্তলের নল দিয়ে ধোঁয়া বেরোচ্ছে।

বোবা হয়ে চেয়ে আছে বব। তার মগজ কাজ করতে চাইছে না য়েন। কিন্তু একে একে দ্বিধার সমস্ত গিঁট ছাড়াল মগজ, খাপে খাপে বসিয়ে দিল সবকিছু। চেচিয়ে উঠল বব, 'আপনি!'

তিন

ভূবতে ভূবতেও ভেসে রইল বিমানটা। দূর খেকে দেখে মুসা কিংবা কিশোর যতখানি খারাপ ভেবেছে, ঠিক ততখানি খারাপ অবস্থায় নেই ওমর। কারণ সহজে ভূববে না বিমান, ভেতরে বাতাস ঢুকে আটকে গেছে, ভেসে রয়েছে ওই বাতাসের জন্যেই। ছোট একটা উপদ্বীপ বা পাথরের অনেক বড় স্তৃপ, যা-ই বলা যাক, ওটার দিকে ভেসে চলেছে বিমান, মূল দ্বীপের এক মাখা খেকে বড়জোর শ'দুয়েক গজ দূরে, তার পরে খোলা সাগর।

উদ্বিশ্ন হয়ে উপদ্বীপটার দিকে তাকিয়ে রয়েছে ওমর। আশা, যদি কোনভাবে ওটাতে উঠে টেউ ছাড়িয়ে ওপরে উঠে যেতে পারে, তো বেঁচে যাবে এযাত্রা। তারপর ঝড় কমলে সাঁতরে চলে যেতে পারবে মূল দ্বীপে। কিন্তু কাছে যাবে কি বিমানটা?

যেতে পারে, না-ও পারে, ফিফটি ফিফটি চাস। একবার তো উপদ্বীপের একেবারে করেক গজের মধ্যে চলে এল, কিন্তু ওমর ঝাপ দিয়ে পড়ার আগেই বিপরীতমুখী স্রোতের টানেই হোক, কিংবা বাতাসের ঝাপটায়ই হোক, দ্রুত সরে চলে এল আবার। খানিক পরে আবার এগোল বিমান, আবার পিছিয়ে এল। তারপর আবার এগোতে শুরু করল। সিদ্ধান্ত নিয়ে ফেলল ওমর, ঝুঁকিটা নেবে, ঝাঁপ দিয়েই পড়বে পানিতে, তারপর সাঁতরে তীরে ওঠার চেষ্টা করবে, এছাড়া উপায় নেই। ও যা ভেবেছে—, উপদ্বীপের একেবারে গায়ে বাড়ি খাবে বিমান, তা হবে না। বেশি সুবিধার জন্যে অপেকা করলে শেষে আর কাছে না গিয়ে যদি স্রোতের টানে খোলা সাগরে ভেসে যায়, তাহলে সামান্য যে সুযোগ আছে, সেটাও মিলবে না।

তৃতীয়বার কাছাকাছি হতেই বাঁপি দিল ওমর। প্রাণপণে হাত-পা ছুঁড়ে সাঁতরাতে ওরু করন। কোনমতে এসে ধরে ফেলন বেরিয়ে থাকা একটা চোখা পাথর। টেউ আসছে, শব্দ শুনেই বুঝতে পারছে। লম্ন শ্বাস টেনে নিয়ে দম বন্ধ করে জারে প্রায় জড়িয়ে ধরে রইল পাথরটা। এসে গেল টেউ, চলে গেল মাথার ওপর দিয়ে। কিন্তু সরার নাম নেই আর। দম ফুরিয়ে আসছে, বাতাসের জন্যে আকুলি-বিকুলি করছে ফুসফুস, আর পারছে না সে। সরল টেউ। এত জোয়ে টান দিল, ওমরের মনে হলো, গোড়া থেকে তার বাহু দুটো ছিঁছে শন্ধীরটা নিয়ে চলে যাবে পানি। কিন্তু তার প্রচণ্ড মনোবলের কাছে হার মানল টেউ, নিতে পারল না।

ঢেউ সরে যেতেই পাথর ছেড়ে দিল ওমর, বুক সমান পানিতে এখন সে, টান

পুরোপুরি কমেনি। আবার হাত-পা ছুঁড়ে অবশেষে উঠে এল উপদ্বীপে। পাথর ধরে ধরে উঠল ওপরে, ঢেউয়ের নাগালের বাইরে এসে ধপাস করে শুয়ে পড়ল। ক্লান্তিতে অবশ হয়ে গেছে শরীর।

করেক মিনিট চুপচাপ পড়ে রইন ওমর। জিরিয়ে নিয়ে উঠে বসে তাকান। উপদ্বীপে সাগরের দিকটায় উঠেছে সে। উঠতে শুরু করন চূড়ায়, ওখান থেকে দেখা যাবে মূল দ্বীপটা, মুসা আর কিশোরকে দেখতে পাওয়ার আশাও করছে।

কিন্তু চূড়ার পৌছার আগেই অবাক হতে হলো তাকে। হঠাৎ আবিষ্কার করন, যে পাথর ধরে ধরে উঠে যাচ্ছে সে, ওগুলোতে মানুষের অন্ত্র লেগেছে। বড় পাথর কেটে ছোট ছোট বিভিন্ন আকারের টুকরো করে সেগুলো দিয়ে একটা বুরুজ মত বানানো হয়েছে। বুরুজের ওপরে ওঠার পথ খুঁজে বের করল সে। উঠে এল। অবাক হয়ে দেখল, পুরানো আমলের একটা দুর্গের ভাঙা চত্বরে উঠে এসেছে। গোটা ছয়েক পুরানো কামানও বসানো রয়েছে, কয়েকটা সাগরের দিকে মুখ করা, কয়েকটা ডাঙার দিকে। কাঠের বড় বারকোশে জমিয়ে রাখা হয়েছে বড় বড় গোলা, কামানের গোলা। দুর্গটা তৈরি হয়েছিল নিশ্বয় সেই আমলে, যখন বাক্যানিয়ারদের সঙ্গে স্প্যানিশদের যুদ্ধ চলছিল।

চত্বরের এক ধার থেকে গাপে গাপে নেমে গেছে সিঁড়ি, পাহাড়ের ভেতরে
চুকেছে। ভেতরে কি আছে, দেখার কৌতৃহল হচ্ছে বটে, কিন্তু দেখতে যাওয়ার
সময় এটা নয়। উঠে এল একেবারে চূড়ায়, এখান থেকে মূল দ্বীপ দেখা যায়। সৈকত
দেখা যাচ্ছে, কিন্তু যতদূর চোখ যায় জনপ্রাণীর চিহ্ন নেই। মুসা আর কিশোরের কি
হলো? নিচে তাকাল ওমর। দ্বীপে আর উপদ্বীপের মাঝের সরু প্রণানীতে এখন
উথাল-পাতাল চেউ, ভীষণ অবস্থা। এখন ওটা সাঁতরে পেরোনোর চেষ্টা
আত্মহত্যার সামিল। অপেকা করা ছাড়া উপায় নেই।

মন খারাপ হয়ে গেছে ওমরের। ববকে হারিয়েছে, কোন সন্দেহ নেই। মুরা আর কিশোরের কি হয়েছে, বুঝতে পারছে না। দু'দুটো বিমান হারিয়ে সে আটকা পড়েছে এক দ্বীপে, সঙ্গে খাবার নেই, পানি নেই, অস্ত্র নেই।

আলো কমছে দুছত, শিগগিরই অন্ধকার হয়ে যাবেএ ঝড় থেমেছে, কিন্তু সাগরের ফোঁস ফোঁস বন্ধ হয়নি। প্রণালীটা সাঁতরে পেরোনোর সময় হয়নি এখনও, দেরি আছে। দিগন্তে হঠাৎ করে উদয় হলো সূর্য, কালো মেঘের ফাঁকে। লালচে আলো ছড়িয়ে পড়ল মূল দ্বীপের চন্দ্রাকৃতি মাথায়, রাঙিয়ে লাল করে দিল। অপরূপ দৃশ্য। কিন্তু দেখার মন নেই ওমরের। সে ভাবছে কিশোর আর মুসার কথা। কি হলো ওদের? বেঁচে আছে তো? নাকি ববের মত তাদেরকেও নিয়ে গেছে উন্মন্ত্র সাগর?

খামোকা বসে থাকার চেয়ে আশপাশটা ঘুরে দেখা উচিত মনে করল ওমর। যেখানে বসে আছে, ওখান দিয়ে নামতে পারবে না প্রণাণীতে, খাড়া পাহাড়। ঢালু জায়গা বের করতে হবে। নেমে চলে এল আরেক দিকে। আরে, সিঁড়ি যে একেবারে তৈরিই করে রেখেছে। মালপত্র নিয়ে জাহাজ আসত, সেসব মালপত্র ভোলার জন্যেই তৈরি হয়েছিল এই সিঁড়ি। হঠাৎই মনে পড়ল তার, পানি। নিচয় পানি

রাখার ব্যবহা আছে কোথাও দুর্গে। এসব পাথুরে জায়গায় বৃষ্টির পানি ধরে রাখার জন্যে ট্যাংক খোঁড়া হর পাথরের তলায়, একটা বা বেশ কয়েনটা নালা কেটে পথ করে দেয়া হয়, সেই পথ দিয়ে গিয়ে বৃষ্টির পানি জমা হয় ট্যাংকে। পানির কথা মনে হতেই তৃষ্ণা টের পেল সে, এতক্ষণে খেয়াল করল, নোনা পানি গুকিয়ে চড়চড় করছে মুখ। ঠিক আছে, আগে পানির খোঁজই করবে। আবার সেই চত্তুরে চলে এল সে, যেখানে কামানগুলো রয়েছে, যেখানে একপ্রান্ত থেকে সিঁড়ি নেমে চুকেছে পাহাডের গভীরে।

সিড়ি বেয়ে একটা অন্ধকার সুড়ঙ্গে ঢুকে পড়ল সে। যতই নামছে, বাঁড়ুছে অন্ধকার। কিচ্ছু দেখা যায় না। খুব সাবধানে এক পা এক পা করে বাড়িয়ে দিয়ে নেমে চলল। যতক্ষণ সিড়ি আছে, নামবে, তারপর কিছু না পেলে ফিরে উঠে আসবে। কিন্তু আরও কয়েক ধাপ এগোতেই আলো চোখে পড়ল। খুব কায়দা করে সুড়ঙ্গ কেটে আলো আনার ব্যবস্থা হয়েছে। আলো আনার জন্যেই, না-কি অন্যকোন ব্যাপার? যা-ই হোক, পরে দেখা যাবে। আপাতত বড় একটা কামরায় এসে চুকেছে সে। পাহাড় কেটে তৈরি হয়েছে এই পাতালকক। গায়ে কাটা দিয়ে উঠল ওমরের। অন্তুত এক অনুভৃত্তি। লাফ দিয়ে কয়েকশো বছর পেরিয়ে অতীতে চলে এসেছে যেন সে। আবছা আলোয় দেখা যাচ্ছে ঘরের ভেত্রটা।

অনুমান করল ওমর, চন্ত্রিশ ফুট চওড়া আর চন্ত্রিশ ফুট প্রশস্থ হবে কামরাটা। ঘরের জিনিসপত্রের অবস্থা দেখে অনুমান করতে কস্ট হয় না, কোন কারণে খুবু তাড়াহড়ো করে ঘর ছেড়েছিল এর অধিবাসীরা, সোজা কথা, পালিয়েছিল। পুরানো আমলের একগাদা কাপড় স্থপ হয়ে পড়ে আছে এক কোণে। লূপহোলে আটকানো একটা তামার সুইভেল-গান্ধনর ওপর পড়ে আছে কিছু কাপড়। এক দিকের দেয়াল খেঁষে কুঁকড়ে পড়ে রয়েছে দু'টো কঙ্কাল, পড়ে থাকার ভঙ্গি দেখেই বোঝা যায় খুব কস্ট পেয়ে মরেছিল। একটা কঙ্কালের হাতের আঙুলের কাছে পড়ে রয়েছে মন্ত এক ভোজালি। মেবোতে ছড়িয়ে রয়েছে ক্রেকটা পিন্তল আর মাসকেট বন্দুক। আর আছে ছ'টা পিপে। দেখা গেল, চারটে পিপেতে খাবার ছিল-ভিনটেতে মাংস, গুকনো হাড়গুলো গুধু অবশিষ্ট রয়েছে আরেকটাতে ময়দা--নষ্ট হয়ে গেছে। বাকি দুটোতে ছিল বাক্লদ, কিছু তলানি এখনও আছে। ঘরের আরেক কোণে ধুলোয় ঢাকা পড়ে আছে ছোট গোল মার্বেলের মত কিছুর স্থুপ। এক মুঠো হাতে নিয়েই আবার ফেলে দিল ওমর। ওজনেই বোঝা গেছে কি জিনিস। গুলি। মাসকেটের হতে পারে, কিংবা সুইভেলগানের। কিন্তু পানির ট্যাংকের কোন চিহ্ন চোখে পড়ল না।

আবার কন্ধাল দুটোর দিকে তাকাল সে বিষপ্প দৃষ্টিতে। কারা ওরাং বাড়ি কোখায়ং কি কারণে এসেছিল এখানেং কোন দিনই জানবে না হয়তো, জানবে না কেউই। নিজের অজাস্তেই একটা দীর্ঘশাস পড়ল। ঘুরে এগোল সিঁড়ির দিকে। মাঝপথে থেমে কি ভাবল, তারপর ফিরল কাপড়ের স্তুপের দিকে। প্রায় উলঙ্গ হয়ে রয়েছে সে। কাপড় যখন আছে, কেন পরবে নাং বাইরে বেরোলেই হয়তো ছেঁকে ধরবে মশার পাল, খালি গায়ে থাকলে অতিষ্ঠ করে ফেলবে।

বেছে বেছে একটা ফতোয়ার মত পোশাক তুলে নিল সে, বুকের কাছে সুতোর

দড়ির জালি। লালচে একটা পাজামা নিল, আর একটা ছিট কাপড়ের রুমাল। পুরানো, নোনা গন্ধ, কিন্তু গন্ধটা আপাতত সহ্য করল ওমর। খোলা বাতাস আর রোদ লাগলে চলে যাবে গন্ধ, আঠা আঠা ভাবটাও থাকবে না। আর তেমন বুঝলে ধুয়ে নিতে পারবে যখন-তখন। কাপড় যখন পাওয়া গেছে, খালি গায়ে থাকার কোন মানে হয় না।

কাপড়গুলো পরে নিয়ে খুঁজে খুঁজে পারের মাপমত একজোড়া বুট বের করন।
একট টুকরো তারপুলিনও পাওয়া গেল। ওমরের মুখে ফুটেছে অদ্ভুত হাসি। একটা
পিস্তল তুলে নিয়ে পরীক্ষা করল, ঠিকই আছে মেকানিজম। কয়েকবার স্নাইড টেনে
ট্রিগার টিপে হ্যামারের আঘাত দেখল, নাহ্, গুলি ফাটাতে পারবে মনে হচ্ছে। কিছু
গুলি নিল। বারুদ রাখার বিশেষ বোতলে ভরতি করে নিল বারুদ। এক সময় নরম
চামড়া দিয়ে তৈরি হয়েছিল বোতলটা, এখন লোহার মত শক্ত হয়ে গেছে, তবে
কাজ চলবে। আর কিছু নেয়ার আছে? আছে, তবে তারপুলিনে বাঁধতে হবে না।
পিস্তল, গুলি, জুতো আর বারুদের বোতল তারপুলিনে রেখে কোণাগুলো এক করে
পোঁটলা বাঁধল। কঙ্কালের হাতের কাছে পড়ে থাকা ভোজালিটা নিয়ে গুঁজল
কোমরে। তারপর পোঁটলাটা হাতে ঝুলিয়ে পা বাড়াল আবার সিড়ির দিকে। মুখে
হাসি।

বাইরে বেরিয়ে দেখল, অনেক নেমে গেছে পানি। খুব সহজেই পেরোতে পারবে এখন প্রণালী। সুবিধামত একটা দিক খুঁজে বের করল। নিচু একটা দেয়াল ডিঙিয়ে যেতে হবে। পেরিয়ে এল সহজেই। পানিতে নামল।

চিত-সাঁতার দিয়ে এওলো ওমর, দু'হাতে উঁচু করে ধরে রেখেছে পোঁটলাটা, যাতে পানি না লাগে। সহজেই পেরিদে এল প্রণালী, পৌঁটলা ভিজল না। তীরে উঠে পরনের কাপড় খুলে চিপে পানি ঝরিয়ে নিয়ে আবার পরল।

চাঁদ উকি দিচ্ছে দিগন্তে। চারদিক বড় বেশি নীরব, শান্ত। বনের দিকে তাকাল। কি বিপদ লুকিয়ে রয়েছে ওই গাড়ের দঙ্গলের মধ্যে? জানে না। সাবধান থাকা দরকার। পোটলা খুলে আগে গুলি আর বারুদ ঠাসল পিস্তলে। বুট পরে পাজামার নিচের দিক গুঁজে দিল বুটের ডেতর। তারপুলিন দিয়ে বোতলটা বেঁধে নিল কোমরের সঙ্গে। তারপর পিস্তল আর ভোজালি হাতে চলল শেওলায় ঢাকা পাথরটা খুজতে, যেটার ওপর নামতে চেয়েছিল কিশোর আর মসা।

পাথরটার আশগাশ খুঁজল ওমর। বালিতে পড়ে থাকা ববের জ্যাকেটা দেখতে পেল। কিন্তু কাউকে চোখে পড়ল না। এগিয়ে চলল আবার এক দিকে। খানিক দূর এগোনোর শর সামনে দেখতে পেল পাথরের স্তুপ। কয়েক মিনিট দাঁড়িয়ে দেখল। ভাবল, ওদিকে যেতে পারবে না মুসা কিংবা কিশোর, আবার ফিরল সে। ফিরে এল সৈকতে, যেখানে উঠেছিল প্রথমে। একটু খোজাখুঁজি করতেই কয়েকটা নারকেল পেয়ে গেল, ঝড়ে গাছ খেকে খসে পড়েছিল সাগরে, ঢেউ আবার ফিরিয়ে দিয়ে গেছে তীরে। ভোজালি দিয়ে নারকেল কেটে আগে পানি খেল, তারপর ধীরেসুস্থে খেল ভেতরের নরম মিষ্টি শাস। পেটে কিছু পড়তেই ক্লান্তি এসে চেপে ধরল। চিত হয়ে ওখানেই শুয়ে পড়ল সে।

কিন্তু এত ক্লাপ্তি সম্বেও ঘুম এল না চোখে। ভাবছে। কি হলো ছেলে দুটোর? বেঁচে আছে ওরা? নানারকম দুশ্চিন্তা এসে ভিড় করল মনে। ঘুমিরে পড়ল এক সময়। তীক্ষ্ণ একটা চিৎকার কানে আসতেই ধড়মড়িয়ে উঠে বসল ওমর। চোখ মিটমিট করছে, কোথায় আছে বুঝতে পারছে না। দু'রেক সেকেণ্ড লাগল পূর্ণ সচেতনতা ফিরে আসতে। একটা শব্দ সে শুনেছে নিশ্চয়, কিসের শব্দ থ এদিক ওদিক তাকাল, দৃষ্টি আটকে গেল পঞ্চাশ গজ দূরে। পাহাড়ের ওপরে উবু হয়ে বসে কি ফোলোর চেন্টা করছে বিশালদেহী এক নিপ্রো। কৌতৃহল হলো, উঠে পায়ে পয়ে এগোল সেদিকে ওমর।

একটা ছেলেকে তুলে আনল নিপ্রো, নিজের চোখকে বিশ্বাস করতে পারছে না ওমর। বব! নিপ্রোর হাতে কি যেন চকচক করছে। চকিতে মনে পড়ে গেল ওমরের, ক্ষুর, ম্যাবরি। ছটল সে নিঃশব্দে।

দশ গজ দূরে থাকতে থমকে দাঁড়াল ওমর। আর দেরি করা যায় না। পিস্তল তুলে নিশানা ঠিক করে দিল ট্রিগার টিপে। গুলি ফুটবে কিনা, অনিশ্চয়তা ছিল। কিস্তু ফুটল গুলি।

ী আবার দৌড় দিল ওমর। ছুটতে ছুটতেই দেখল টলে উঠে হুমড়ি খেয়ে পড়ছে। ম্যাবরি।

চার

ঝুঁকে ববের হাত ধরে তাকে টেনে তুলল ওমর। লৈগেছে কোথাও?…ইস্, বড় সময়মত এসে পড়েছিলাম, আরেকটু দেরি করলেই…'

মাথা ঝোঁকাল বব। কথা বলতে পারছে না।

পুব আকাশ লাল হয়ে আসছে।

হাঁটু ভেঙে পড়ে যাচ্ছে বব, তার কাঁধ চেপে ধঁরে চেঁচিয়ে উঠল ওমর, আরে, কি করছ? মুর্ছা যাওয়ার সময় হলো এটা?···সোজা, সোজা হও।'

মলিন হাসি হাসল বব। 'সরি।' হাতের উল্টো পিঠ দিয়ে কপালের ঘাম মুছল। পা কাঁপছে। বাঁচব ভাবিনি।'

'হাঁ, মস্ত ফাঁড়া গেছে,' বলল ওমর। চোখ পড়ল একটা জিনিসের দিকে। 'জারে, দেখো! দেখেছ?'

দেখল বব। নিগ্রোর ডান হাতের আঙুলের কয়েক ইঞ্চি দুরে পড়ে রয়েছে ছোট্ট গোল সোনালি একটা জিনিস, মোহর। সেই ডাবলুনটা।

'বলেছিলাম না,' ওমর বলল, 'মোহরটা অভিশপ্ত। যার হাতেই যায়, তার সর্বনাশ করে ছাড়ে। ববকে মোহরটার দিকে এগোতে দেখে চেঁচিয়ে উঠল, 'না না, ছুঁয়ো না! ছুঁয়ো না!'

'এখানে ফেলে যাবং'

মাথা নাড়ল ওমর, ঠোঁটে ঠোঁট চেপে বসেছে। 'এখানে নয়, চোখের আড়ালো। ওটাকে দেখলেও ক্ষতি হতে পারে, জিনের আসর আছে ওটাতে,' মোহরটার কাছে এসে দাঁড়াল সে। এক লাথি দিয়ে ফেলে দিল একটা গর্তে, ে এটাতেই লুকিয়েছিল বব। গড়িয়ে গড়িয়ে চোখের আড়াল হয়ে গেল মোহরটা। বিড়বিড় করে বলল ওমর, 'যাক, গেল আপদ।' ববের দিকে ফিরল। 'তোমাকে আবার দেখব, আশা করিনি, বব। খুব খুশি লাগছে। মুসা আর কিশোরের যে কি হলো?'

আমি দেখেছি ওদের! জানাল বব। ওদের বাঁধন খোলার চেষ্টা করছিলাম। ওই সময় এই লোকটা জেগে উঠে তাড়া করল!

বৈঁচে আছে ওরা? ইয়াল্লাহ্! অন্তরের গভীর থেকে বেরিয়ে এল ডাকটা, স্বস্তির নিঃশ্বাস ফেলল ওমর।

<mark>'আছে, তবে বন্দি,'</mark> বলল বব।

'বন্দি?'

সংক্ষেপে সব কথা জানাল বব।

নিগ্রোর দেহটা দেখাল বব। 'এটার কি হবে?'

'ওর সৎকার করার সময় নেই এখন,' ঠাণ্ডা ওমরের কণ্ঠা, 'ওর দোস্তরাই যা করার করবে।' কথা বলতে বলতেই আবার গুলি আর বারুদ ঠেসে নিল পিস্তলে। 'ক্ষুরটা নাও। মুসা আর কিশোরের বাধন কাটা যাবে।'

'ওমরভাই, এই কাপড় পেলেন কেথায়?' আর জ্রিজ্ঞেন না করে পারল না বব। 'বুঝতে পারছি, গতরাতে আপনাকেই দেখেছিলাম,' চাঁদের আলোয় ভূতের ডয়ে ছোটার কথা মনে পড়তেই হেনে ফেলন। জলদসূরে ভূত ভেবেছিলাম।'

ওমরও হাসল। 'পুরানো একটা দুর্গ আছে, উপদ্বীপে। এসব জিনিস ওখানেই পেয়েছি। কিন্তু এখন সব কথা বলার সময় নেই। কিশোর আর মুসাকে ছাড়িয়ে আনা দরকার। এসো, যাই।'

'পুরো দলটাকে আক্রমণ করবেন?' হাঁট্ট্রেন্ড াঁটতে জিজ্ঞেস করল বব, সৈকত ধরে চলেছে ওরা ল্যাগুনের উদ্দেশে।

জানি না। লুকিয়ে খেকে আগে দেখব অবস্থা, পরিস্থিতি বুঝে যা করার করব,' বলল ওমর। 'প্রয়োজন হলে আক্রমণ করতেই হবে। তবে একটা লোককে নিয়ে সমস্যা, ইমেট চাব। রিভলভারে হাত নাকি তার খুবই ভাল। আমার এটা আদিম পিস্তল। এ-জিনিস নিয়ে ওর মুখোমুখি হতে পারব না। এটা হাতে আহে, নাই মামার চেয়ে কানা মামা ভাল, এই আর কি। বারো গজ দূর খেকে নিশানা ঠিক রাখা যাবে না…',' থমকে গেল সে হঠাছ। 'কে জানি আসছে?'

সামনে একটা পাথরের স্থূপের ওপাশ থেকে আসছে শব্দ। স্থূপটার ওপর উঠে সাবধানে উঁকি দিল ওমর। পরক্ষণেই লাফিয়ে নেমে ববের হাত ধরে হাঁচকা টান দিয়ে বলল, 'জলদি! জঙ্গলে!'

ববকে টেনে নিয়ে জঙ্গলে ঢুকে পড়ল ওমর। কাঁটার খোঁচায় দু জনেরই চামড়া ছিঁডে গেল জায়গায় জায়গায়।

'কী?' হাঁপাতে হাঁপাতে বলল বব।

'ইমেট চাব বোধহয়, হাতে রিজলভার। হাঁা, ও-ই। এদিকে আসছে, নিপ্রোটাকে খুঁজছে, কিংবা হয়তো গুলির শব্দ শুনে সন্দেহ করেছে। চুপ করে থাকো।'

'ও দলছুট হলে আমাদের জন্যে ভালই,' ফিসফিস করে বলল বব। মাধা নোয়াল ওমর। ঠোটে আঙুল রাখল। 'শশশশ।'

গাছের আড়াল থেকে ইমেট চাবকৈ দেখতে পাছেছ দুজনে। পাথরের স্থপটার চূড়ায় উঠে মুখ ঘুরিয়ে এপাশ ওপাশ দেখল সে। চেঁচিয়ে ডাকল, 'ম্যাবরি। এই ম্যাবরি।' তারপরই দেখতে পেল পাহাড়ের ওপর পড়ে থাকা নিগ্রোকে। গাল দিয়ে উঠে স্তপ থেকে নেমে ছটল সেদিকে।

'এসো, এই আমাদের সুযোগ,' উঠে দাঁড়াল ওমর। জঙ্গলের ডেতর দিয়েই কোনমত পথ করে এগোল। ইচ্ছে, গাছ-পালার আড়ালে আড়ালে পাথরের স্থপটার পাশ কাটিরে চলে যাবে ওপাশে। তাহলে আর তাদেরকে দেখতে পাবে না ইমেট চাব।

কিন্তু যে পরিমাণ লতা আর কাঁটা, নিঃশব্দে এগোনো অসম্ভব, এর ভেতর দিয়ে এগোনো সাংঘাতিক কঠিন। যতটা সম্ভব কম আওয়াজ করে এগোল ওরা।

স্থুপটার পাশ কাটিয়ে এসে ঝোপ সরিয়ে মুখ বের করল ওমর। ববকে জিজ্ঞেস করল, শৈয় কোন্ জায়গায় দেখেছিলে ওদের?'

আরুরুন্টা পাথরের স্থুপ দেখাল বব। পাথর আর ভূমিধস নেমেছিল ওখানে কোন আদিমকালে, নারকেল গুচ্ছ গজিয়েছে এখন। 'ওটার ওপাশে।'

'এসো। ইমেট চাব আসার আগেই কাজ সারতে হবে আমাদের,' পাশে তাকিয়ে ইমেট চাব আসছে কিনা দেখল। 'দৌড দাও।'

নিরাপদেই ভামিধসটার কাছে চলে এল ওরা। আরেকবার পেছনে তাকিয়ে দেখল ওমর, ইমেট চাবকে দেখা যাচ্ছে না। বব, এবার তোমার পালা। এখুনি মুক্ত করতে না পারলে আর কখনও পারব না। পিস্তল দেখিয়ে আটকে রাখব আমি বার্ডু আর হ্যামারকে। তুমি কিশোর আর মুসার বাঁধন কাটবে। মাথা নিচু রাখবে, যে কোন সময় গোলাগুলি শুরু হতে পারে। যা-ই ঘটুক, তুমি কোন দিকে তাকাবে না, ওদের বাঁধন না কাটা পর্যন্ত। ওদেরকে ছাড়াতে পারলেই প্লেনটা আবার দখল করব। বুঝেছ?'

'বুঝেছি।'

'ওড। এসো, যাই।'

এক হাতে পিস্তল আরেক হাতে ভোজালি নিয়ে পাথরের দ্বিতীর স্থপটার চূড়ার উঠে গেল ওমর। শক্ত করে ক্ষুর চেপে ধরে বব অনুসরণ করল তাকে। বিমানটা দেখা যাচ্ছে, সৈকতে পড়ে থাকা রবারের ডিঙিটাও, কিন্তু মানুষ নেই।

সপ্রশ্ন দৃষ্টিতে ববের দিকে তাকাল ওমর।

আরও কয়েকটা বড় পাথর দেখিয়ে বলল বব, 'ওগুলোর ওপাশে। ওখানেই ক্যাম্প করেছে ব্যাটারা।'

নিঃশব্দে নেমে এল ওরা[®]স্তপের ওপর থেকে। নরম বালি মাড়িয়ে কুঁজো হর্ট্রে

ছুটল। বড় পাথরগুলোর কাছে এসে আস্তে করে উঁকি দিল। বড় জোর ছর কদম দুরেই রয়েছে ওরা। পায়ের ওপর পা রেখে আরাম করে বসে একটা টিন থেকে কি নিয়ে খাচ্ছে হ্যামার। কিশোর আর মুসার হাত-পা বাঁধা অবস্থায় তেমনি পড়ে রয়েছে মাটিতে। সিডনি বারড়কে দেখা যাচ্ছে না।

পিস্তল নিশানা করল ওমর। হেঁকে বলল, 'হাত দুটো তোলো, মিস্টার হ্যামার। শয়তানী করলেই খুলি উড়িয়ে দেব। সন্দেহ থাকলে চেষ্টা করে দেখতে পারো।'

ববের দিকে ফিরে নিচু গলায় বলল, 'যাও।'

ফিরে তাকাল হ্যামার, এতোই অবাক হয়েছে, হাস্যকর দেখাচ্ছে তার গরিলার মত মুখটা। কোনরকম শয়তানীর চেষ্টা করল না সে। হাত থেকে টিনটা ছেড়ে দিয়ে ধীরে ধীরে মাখার উপর তলল দই হাত।

শান্ত পারে হেঁটে গিঁয়ে হ্যামারের মাথার পেছনে পিন্তল ঠেকাল ওমর। 'শান্ত থাকো।' তীক্ষ্ণ দৃষ্টি বারডুকে খুঁজল। নেই। তাকাল ববের দিকে, মুসার বাঁধন কাটা সারা, কিশোরের বাঁধন কাটছে দ্রুত হাতে।

মুক্ত হয়েও দাঁড়াতে পারল না কিশোর। গোড়ালি ডলছে, ব্যথায় বিকৃত হয়ে গেছে মুখ।

कठिन হয়ে গেল ওমরের মুখ। 'বব। এদিকে এসো।'

দৌডে এল বব।

'পিস্তলটা ধরো,'্বলল ওমর। 'ব্যাটা একটু নঁড়লেই দেকে ট্রিগার টিপে।' ববের হাতে পিস্তল ধরিয়ে দিয়ে হ্যামারের পকেট হাতড়াতে শুরু করল সে।

একটা রিজলভার পাওয়া গেল, বাঁ হাতে নিল সেটা। দরকার নেই, তবু কি ভেবে নকল ম্যাপটা বের করে নিজের পকেটে রাখল। তারপর উঠে গেল মুসা আর কিশোরের কাছে। কিশোর তো পারছেই না, মুসাও দাঁড়াতে পারছে না ঠিকমত। কজি আর গোড়ালি ডলছে। দীর্ঘ সময় রক্ত চলাচল ব্যাহত হওয়ায় সাংঘাতিক ফুলে উঠেছে জায়গাণ্ডলো। ওদের ঠিক হতে আরও কয়েক মিনিট লাগবে।

'ঠিক আছে, বসো,' হাত তুলে বলল ওমর। 'ডালমত ডলো। বেশি দূর না, ডিঙিটার কাছে যদি যেতে পারো, তাহলেই চলবে। জানিও, কখন পারবে।'

'বিমানটা দখল করবেন আবার, না?' জিজ্ঞেস করল কিশোর।

'নিশ্চই,' সঙ্গে সঙ্গে বলল ওমর। 'আমাদের জিনিস…,' থেমে গেল সে! ঝট শকরে মাথা ফেরাল বিমানটার দিকে।

স্টার্ট নিয়েছে উভচরের ইঞ্জিন। ধীরে পীরে চলতে শুরু করল প্রবাল প্রাচীরের দিকে। এক পাশের খোলা মুখ দিয়ে বেরিয়ে চলে যাবে খোলা সাগত্তে। জানে লাভ নেই, তবু দৌড় দিল ওমর। কিন্তু দশ পা এগোতে না এগোতেই গতি বেড়ে গেল বিমানের, পানিতে টেউ তুলে ছুটে গেল দ্রুত গতিতে।

বন্ধুদের কাছে ফিরে এল ওমর। তিক্ত কণ্ঠে বলল, 'বারডু হারামজাদা। একবারও ভাবিনি ও প্লেনে উঠে বলৈ আছে।'

শূন্যে উঠল উভচর। উৎফুল্ল চোখে সেটার দিকে চেয়ে রইল হ্যামার। রেগে গেল ওমর আরও। চোখের পাতা কাছাকাছি হলো। দাড়াও, শয়তানের বাচ্চা, তোমার নিজের ওষুধই তোমাকে দেব। আশা করি অসুবিধে হবে না,' প্রতিহিংসায় জ্বলজ্বল করছে বেদুঈনের চোখ। 'মুসা, উঠতে পারবে? দড়ি দিয়ে ব্যাটার হাত-পা বাধো কযে।'

হাসি মুখে উঠে দাঁড়াল মুসা। 'ও-কে, বস্।' ।

'বব,' বিলল ওমর, 'যাও তো, স্থপের চূড়ার উঠে দেখো, ইমেট চাব আসছে কিনা। পিস্তলটা কিশোরের হাতে দাও, গরিলার বাচ্চা বাধা দিলেই দেবে শুলি মেরে।'

কিশোরের হাতে পিস্তল দিয়ে স্তুপের দিকে দৌড়ে গেল বব। ওপরে উঠে একবার চেয়েই ছুটে ফিরে এল। আসছে! আসছে!

কিরে চাইল ওমর। 'কত দুরে?'

'একশো গজ হবে। খুব আন্তে আন্তে আসছে, ম্যাবরিকে নিয়ে আসতে হচ্ছে তো।'

দ্রুত চিস্তা চলেছে ওমরের মাথায়। 'সবাই তৈরি হয়ে যাও। পালাতে হবে আমাদের।'

ভুরু কোঁচকাল মুসা। 'ইমেটের ভয়ে পালাবং'

ই্যা, বলল ওমর, 'অহেতুক ঝুঁকি নিতে যাব কেন? রিডলভারে হাত খুব ভাল ওর। ওর মুখোমুখি হওয়ার যোগ্যতা নেই আমার, অস্তত রিডলভার নিয়ে। গুলি খোয়ে না মরলেও আহত হতে পারি, আমাদের যে কেউ। এই বিজন অঞ্চলে তখন আরও বিপদে পড়ব, ডাক্তার নেই, ওমুধ নেই। চলো, ভাগি। জলদি করো।'

পাথরের স্থপের দিকে তাকাল কিশোর, পের্ছনে ঘন বনের দিকে চাইল। ওমরের দিকে ফিরে বলল, যাব কোন দিক দিয়ে?

'ওদিক,' সাগরের দিকে হাত তুলল ওমর। 'বব, মুসা, জলদি গিয়ে ডিঙি নামাও পানিতে। কিশোর, এদিকে এসো, আমাদের জিনিস আমরা নিয়ে যাই।' প্রথমেই খাবারের টিনগুলো এক জায়গায় জড়ো করতে গুরু করল সে।

ওমর আর কিশোর মিলে খাবারের টিন বয়ে এনে তুলতে লাগল দৌকায়। সব তুলতে পারল না, তবে যত বেশি পারল, তুলল। কিশোর উঠে পড়ল। ডিঙিটা গভীর পানির দিকে ঠেলে দিয়ে আলগোছে লাফিয়ে উঠে বসল ওমর। পানি থেকে বড়জোর ইঞ্চি দুই ওপরে রয়েছে ডিঙির কানা, তবে এখন সাগর শান্ত, আরোহীরা বেশি নড়াচড়া না করলে ডুববে না নৌকা।

ৈডবেছ পার পেরে যাবে,' চেঁচিয়ে বলল হ্যামার। 'এত সহজ না। দেখাব মজা।'

আমরা অপেক্ষায় থাকব,' চেঁচিয়েই জবাব দিল ওমর, বৈঠা তুলে নিয়ে ঝপাং করে ফেলল পানিতে।

ইমেট, এই ইমেট!' চেঁচামেচি গুরু করল হ্যামার। কোথায় তুমি? জলদি এসো। ব্যাটারা পালাল!'

পাথরের স্তুপের ওপাশ থেকে সাড়া দিল ইমেট চাব।

'শাস্ত থাকবে,' সঙ্গীদেরকে হুঁশিয়ার করল ওমর, 'ইমেট চাব গুলি চালালেও

নডবে না কেউ। নডাচডায় ডিঙি ডুবে গেলে আর রক্ষে থাকবে না।

স্থুপের মাথায় দেখা গেল ইমেট চাবকে, প্রায় একশো গজ দূরে চলে এসেছে ততক্ষণে ডিঙি।

'ও দেখে ফেলেছে আমাদের,' শান্ত কণ্ঠে বলল কিশোর।

রিডলভার হাতে পানির ধারে দৌড়ে আসছে ইমেট চাব, যতথানি সম্ভব কাছে থেকে গুলি করতে চায়।

'আসুক, অনেক দূরে চলে এসেছি,' বলল ওমর। 'যৃত ভাল হাতই হোক, পঞ্চাশ গজের পরে রিভলভার দিয়ে নিশানা ঠিক রাখা খুব কঠিন।'

পানির ধারে চলে এল ইমেট চাব। গর্জে উঠল তার রিডলভার। ডিঙি থেকে কয়েক ফট দরে পড়ল বলেট, পিছলে উড়ে চলে গেল সাঁ করে।

দাঁড় বাইতে বাইতে কিশোরকে বলল ওমর, 'গুলি করো। জানি লাগবে না, তবু অস্বস্তিতে পড়ুক। পাল্টা গুলির মুখে দাঁড়িয়ে হাত স্থির রাখতে পারবে না।'

গর্জে উঠল আঁদিম পিস্তল। পাথরৈ বাড়ি লেগে বিইঙ করে উড়ে চলে গেল বল, এত দুর থেকেও সে শব্দ শোনা গেল।

কিন্তু ঘাবড়াল না ইমেট চাব, একের পর এক গুলি করে গেল। একটা গুলিও লাগাতে পারল না। ইতিমধ্যে আরও দূরে সরে এসেছে ডিগু। শেযে হাল ছেড়ে দিয়ে ফিরে গেল সে হ্যামারের বাঁধন খুলতে।

ডিঙির নাক বাঁয়ে ঘোরাল ওমর, তীরের সঙ্গে সমান্তরাল রেখে এগিয়ে চলল। 'কোখায় যাচ্ছেন্?' জানতে চাইল কিশোর।

'দ্বীপের শেষ মাথায় একটা উপদ্বীপ দেখেছ? এখান থেকে আধমাইল মত হবে?' 'হাা।'

'আমাদের জন্যে সব চেয়ে নিরাপদ আশ্রয়। ওখান থেকে চারদিকে লক্ষ্য রাখতে পারব। লুকিয়ে এসে হঠাৎ আক্রমণ করতে পারবে না হ্যামারের দল। গিয়ে আগে কিছু মুখে দিয়ে নেব, তারপর মিটিঙে বসব। সামনে অনেক কাজ।'

'তা তৌ বুঝলাম। কিন্তু ওমরভাই, ওই পোশাক কোথায় পেলেন আপনি?' জিজ্ঞেস করল মুসা।

কড়া হয়েছে রোদ। হাত দিয়ে কপালের ঘাম মুছল ওমর। গৈলেই দেখবে। আচ্ছা, হ্যামারের দল থেকে দূরে থাকতে পারলে না?

হঠাৎ করেই ধরা পড়ে গেলাম, ওমরভাই, জবাব দিল মুসা। কল্পনাও করিনি ওভাবে ধরা পড়ব।

আর কোন কথা হলো না। চুপচাপ দাঁড় বেয়ে চলল ওমর। ল্যাণ্ডুনের ধারে বালিয়াড়িতে দেখা যাচ্ছে হ্যামার আর ইমেট চাবকে, ডিঙির দিকেই ফিরে আছে। ঘুরে উপদ্বীপের অন্য দিকে নৌকা নিয়ে এল ওমর, খোলা সাগরের দিকে। এখান থেকে দেখা যায় না ল্যাণ্ডনটা। আন্তে আন্তে দাঁড় বেয়ে ডিঙিটাকে নিয়ে এল সিঁড়ির গোড়ায়, যেখানে জাহাজ খেকে মালখালাস করা হত এককালে।

'জিনিস নিয়ে উঠে যাও তোমরা,' বলল ওর্মীর। 'আপনি কোথায় যাচ্ছেন?' কিশোর জিজ্জেন করল। 'খাবার পানি লাগবে নাং দ্বীপে যেতেই হচ্ছে। কয়েকটা নারকেল কুড়িয়ে নিরে আসি। বেশি দেরি করব না. কয়েক মিনিটের মধ্যেই এসে পড়ব।'

বোঝা কমে গিয়ে একেবারে হালকা হয়ে গেছে ডিঙি। নাক ঘুরিয়ে নিয়ে দ্রুত দাঁড বেয়ে চলল ওমর।

পাঁচ

কিরে এসে ডিঙিটা ঘাটে শক্ত করে বাঁপল ওমর। চতুরে ঘুরে বেড়াচ্ছে অন্যেরা, অবাক হয়ে দেখছে সবকিছু। হুড়াহুড়ি করছে, চেঁচামেচি করছে উত্তেজনায়, কিন্তু বাধা দিল না ওমর। ছেলেমানুষ ওরা, করবেই। এমন এক জারগা, তার নিজেরই জানি কেমন লাগছে। বলে বোঝানো যাবে না, এমনি এক ধরনের উত্তেজনা, রোমাঞ্চ।

'ওমরভাই, এ-জায়গার থোঁজ পেলেন কিভাবে?' জিজ্ঞেস করল মুসা ।

'খুঁজে বের করিনি,' বলল ওমর। 'বাঁচার জন্যে উঠেছি। দেখি এই কাও। প্রথমে ডেবেছিলাম পাথরের স্থপ, কিংবা উপদ্বীপ। বিমান থেকে লাফিয়ে পড়ে সাঁতরে উঠলাম। বেয়ে বেয়ে উঠে এলাম এই চতৃরে। সিঁড়িটিড়িগুলো পরে আবিষ্কার করেছি।'

'কিন্তু ওই পোশাক পেলেন কোথায়?' জানতে চাইল কিশোর।

'নিচে,' সিঁড়ির দিকে আঙুল তুলে বলল ওমর। 'বেশ বড় একটা ঘর আছে।' 'আরও কাপড আছে?'

'এক গাদা।'

'ওই সিঁড়ি দিয়েই নামা যাবে তো? মাঝে কোন বাধা-টাধা?'

'কিচ্ছু নেই, একেবারে পরিষ্কার। তবে অন্ধকার।'

আর শোনার অপেক্ষা করল না কিশোর। মুসা আর ববকে ডাকল, 'চলো, দেখি।'

হৈ-হৈ করে ছুটে গেল ওরা সিঁড়ির দিকে। সেদিকে চেয়ে মুচকি হাসল ওমর, চূড়ায় উঠতে শুরু করল। এটাকে পাহাড়ের চূড়া বলা যায়, নিচের ঘরটার ছাতও বলা চলে। ছাত বললেই বেশি মানানসই হবে, ভাবল সে।

চূড়া কিংবা ছাত যা-ই হোক, চমৎকার জায়গা। চ্যাপ্টা। ওপরে উঠে চারদিকে চোখ রাখতে এর জুড়ি আশেপাশে আর একটিও নেই। বাইরের শক্র যেদিক দিয়েই আসুক, এখানে বসে কেউ চোখ রাখলে, তার চোখ এড়িয়ে আসতে পারবে না। স্পষ্ট দেখা যাচ্ছে ল্যাগুনের ধারে বালিয়াড়ি। মাটিতে পড়ে থাকা কালো একটা কিছুর ওপর ঝুঁকে রয়েছে হ্যামার আর ইমেট চাব, বোধহয় নিগ্রোটা। হঠাৎ নিচ থেকে চেঁচামেচি শোনা গেল। ছেলেগুলোকে থামানো দরকার, তাড়াতাড়ি নিচে নেমে এল ওমর। 'কি ব্যাপার?'

'এটা দেখেননি?' জিজ্ঞেস করল কিশোর। হাত তুলে দেখাল আরেক ধাপ সিঁড়ি, মেঝে থেকে নিচে নেমে গেছে। কতগুলো কাপড় আর কম্বল সরাতেই বেরিয়ে পড়ল একটা চ্যাপ্টা পাথর, মাঝখানে লোহার রিঙ লাগানো। সিঁড়ির মুখ ঢাকা ছিল

- 7

পাথরটা দিয়ে।

না, তখন ভালমত খুঁজে দেখিনি, বলল ওমর। তবে ওরকম কিছুর খোঁজেই নেমেছিলাম। কম্বলে ঢাকা ছিল, নাং'

'হাঁ,' মেঝেতে ছড়িয়ে রাখা কয়েকটা কম্বল আর কাপড় দেখাল কিশোর, 'ওগুলো ছিল ওপরে।'

'ওরকম কিছুর খোঁজে ছিলেন মানে?' প্রশ্ন করল মুসা। 'জানতেন, আছে ওটা?' 'না থাকলেই বরং অবাক হতাম।'

'কি এমন জিনিস…'

'পানি রাখার ট্যাংক। ছাত থেকে গড়িয়ে পড়ে জমা হয় ওখানে। পাথর ছাড়া কিছু নেই, এখানে যারা থাকত, পানি পেত কোথায়? মূল দ্বীপে হয়তো কোথাও আছে পানি, ঝর্নাও থাকতে পারে। কিন্তু এই দুর্গে যাদের বাস ছিল, তাদেরকে যদি পানির জন্যে বাইরে যেতে হত, নিরাপত্তা থাকত? ছাতে কোথাও না কোথাও একটা গর্ত নিশ্চয় আছে, বৃষ্টির পানি ওই গর্ত দিয়ে সুড়ঙ্গপথে এসে জমা হয় ট্যাংকে। তো, পানি আছে ট্যাংকটায়?'

'দেখিনি এখনও,' বলল কিশোর।

একটা গুলি তুলে নিয়ে গর্তের মুখ দিয়ে ভেতরে ছুঁড়ে দিল ওমর।

পানিতে পড়ে টুলুপ শব্দ তুলল ওটা।

হঁ, আছে, মাখা নাড়ল ওঁমর। খাওয়ার যোগ্য কিনা দেখি। তেওঁ যে, একটা বালতি, পুরানো কাপড়-চোপড়ের মাঝে পড়ে থাকা কালো একটা জিনিস দেখাল সে। চামড়ার তৈরি, বারুদ রাখার বোতলের মতই কঠিন হরে গেছে এখন।

বালতি তুলে নিয়ে সিঁড়ি বেয়ে নিচে নেমে গেল কিশোর। উঠে এল পানি ভরে নিয়ে। চামড়ার বালতির জায়গায় জায়গায় ফুটো, সেগুলো দিয়ে ফোয়ারার মত

পানি ছিটকে পড়ছে।

দু হাত এক করে একটা ফোয়ারার সামনে পাতল ওমর, অঞ্জলি ভরে পানি নিয়ে মুখে তুলল। 'ঠিকই আছে মনে হয়,' মাথা দোলাল সে। 'কিন্তু যতক্ষণ নারকেল আছে, আমি ওই পানি গিলছি না। মুসা, ঢাকনাটা দিয়ে রাখো। পেট জুলছে, আমি খাবার আনতে যাচ্ছি।'

ট্যাংকের দিক থেকে ফিরল ওমর, এই প্রথম খেয়াল করল যেন ছেলেদের

পরনের বিচিত্র পোশাক।

পোকার কাটা লাল একটা শার্ট গারে দিয়েছে কিশোর, পরনে পাজাম:, হাঁটুর নিচে নেমেই শেষ, খুব টাইট-ফিটিং। মাথার বিচিত্র টুপি, চূড়াটা অনেকটা চিমনির মত, যোলো-সতেরোশো শতকে যেমন পরত নাবিকেরা। নীল-শাদা ডোরাকাটা শার্ট গারে দিয়েছে মুসা। শার্টের বুকের কাছে ছোট গোল একটা ছিদ্র, ছিদ্রের চারদিক ঘিরে খরেরী একটা দাগ, বোঝাই যাচ্ছে কিসের। পরনে সুতি কাপড়ের মরলা প্যান্ট। মাথার দিয়েছে তিন কোণা একটা কালো টুপি। কিশোরের গায়ে শার্ট ঠিকমত লাগেনি, বড় হয়েছে, কিন্তু ববের একেবারে ঢলচল করছে। রঙ্চটা নীল সিন্ধের শার্ট গায়েছ, পুরানো একটা কেন্ট লাগিয়েছে কোমবে, শার্টের ওপরে,

ফুলে মেয়েদের ফ্রকের মত লাপছে দেখতে। বেল্টের ভেতরে আবার বিরাট পিস্তল গুজেছে একটা। মাথায় লাল টুপি, কানের অর্ধেক ঢেকে দিয়েছে, পেছনে লেজ নেমেছে ঘাড়ের ওপর।

'হা-হাহ্!' ববকে দেখতে দেখতে হেসে ফেলল ওমর, চেহারায় ফোটাল কৃত্রিম আতংক। 'আরে, ইসরায়েল হ্যাণ্ডস দেখছি! এখন একটা জলি রোজার পেলেই হত। চূড়ায় উচিয়ে দিয়ে বুক চাপড়ে খাড়া হয়ে যেতাম। ডয়ংকর একদল জলদস্যু, দুর্গ দখল করে বসেছি।'

হেসে উঠল সবাই।

'স্টিভেনসনের লেখা ট্রেজার আইল্যাণ্ডের ডাকাত না ইসরায়েল হ্যাণ্ডস?' বলল বব। 'পডেছিলাম।'

'নামটা ধার নিয়েছেন স্টিভেনসন,' বলল কিশোর। আসল ইসরায়েল হ্যাওসও ডাকাত ছিল, খুনে ক্যাপ্টেন এডওয়ার্ড টীচ-এর কোয়ার্টারমাস্টার।'

'এডওয়ার্ড টীচটা কে?' জিজ্ঞেস করল মুসা।

'জলদস্যু ব্ল্যাকবীয়ার্ডের নাম গুনেছ?'

মাথা ঝোঁকাল মুসা।

'এডওয়ার্ড টীচের ডাক নাম ছিল ক্লাকবীয়ার্ড। এতবড় খুনী লুই ডেকেইনিও ছিল কিনা সন্দেহ।'

'লুই ডেকেইনির নাম গুনেছি,' বলল বব। 'আচ্ছা, কিডাবে মরেছিল ডাকাতটা, বলতে পারো? ফাঁসিতে? ফাঁসি দিয়ে নিশ্চয় ফাঁসিকাঠেই ঝুলিয়ে রাখা হয়েছিল লাশটা, শুকিয়ে শুকিয়ে শেষ না হওয়াতক?'

না,' মাথা নাড়ল কিশোরু। 'ওর মৃত্যুটা একটা রহস্য। কেউ জানে না, কিভাবে মারা গেছে লুই ডেকেইনি। শোনা যায়, মস্ত একটা গ্যালিয়ন দখল করার পর রহস্যময়ভাবে গায়েব হয়ে যায় ডেকেইনি আর তার কিছু নাবিক। হাঁপ ছেড়ে বেঁচেছিল ওয়েস্ট ইনডিয়ান রুটের সদাগরী জাহাজের নাবিকেরা। আমার মনে হয়, ছুবে মরেছে ডেকেইনি আর তার দল। আমরা যে পোশাক পরে আছি, ডেকেইনির নাবিকদেরই কিনা, কে বলবে!'

'চুপ, চুপ!' আঙুল নাড়ল মুসা। 'ওসব কথা বলো না, আমার ভয় লাগে!' পরনের কাপড়গুলোর দিকে অস্বস্তিভরে তাকাল সে।

'একটা কথা কিন্তু ঠিক,' বলল কিশোর। 'রত্নদ্বীপে জলদস্যুর পোশাকে বেমানান নই আমরা।'

'রত্নদ্বীপ কি করে হলো?' ভুরু নাচাল মুসা।

'নাহলে এসেছি কেন আমরা? হ্যামারই বা পিছু নিয়ে এসেছে কেন! রত্নের লোভেই তো।'

'ঠিকই বলেছ,' সায় দিল ওমর, 'রত্নদ্বীপেই এসেছি আমরা। বরং, নামটা একটু বদলে জলদস্যুর দ্বীপ রাখলে আরও মানানসই হয়। বব যথন বলল, উভচরটা নিয়ে এখানে নেমেছে হ্যামারের দল, তখনই বুঝে নিয়েছি, এই দ্বীপেই আসতে চেয়েছিলাম আমরা।' 'ওমরভাই,' হাত বাড়াল কিশোর, 'হ্যামারের পকেট থেকে যে ম্যাপটা নিয়েছেন তাতে কিছু কিছু জায়গা বদলে দিয়েছি বটে, কিন্তু কিছু মিল আছে। আছে পকেটেং দিন তো।'

পকেট থেকে ম্যাপটা বের করে দিল ওমর। কৈন জানি মনে হচ্ছিল কাজে লাগতেও পারে, ঠিকই লাগল।

ভাঁজ খুলে ম্যাপটা মেঝেতে বিছাল কিশোর। 'ববের বাবার নির্দেশ মত,' বলল সে, 'এই যে এখান খেকে কোয়ার্টার মাইল দূরে থাকার কথা জাহাজটা। আমি আরও সরিয়ে দিয়েছি। উপদ্বীপ থেকে কোয়ার্টার মাইল দূরে, উপদ্বীপ একটাই আছে, আর সেটাতেই রয়েছি আমরা। মূল ম্যাপে এই যে, এখানটাতে ছিল ক্রস চিহ্ন,' ম্যাপের এক জায়গায় আঙুল রাখল কিশোর। 'খেয়েদেয়ে বেরিয়ে পড়লে কেমন হয়্ব এসেছি মাহর খুঁজতে, খোঁজা দরকার।'

'যদি হ্যামার আরু ইমেট চাব কাছাকাছি থাকে?' মুসার প্রশ্ন।

তাহলে যাওয়া যাবে না।

'দূর, যাই আর না যাই, খেয়ে তো নিই। আর থাকতে পারছি না। ওমরডাই, টিন?'

'शा, চলো, निरा प्रापि।'

'এখানে আনার কি দরকার? চতুরে বসেই তো খেতে পারি।'

'না, ওখানে সাংঘাতিক রোদ। তাছাড়া ওখানে থাকলে ডাকাতদের চোখে পড়ে যেতে পারি। আমরা কোথায় আছি, ওদের না জানানোই ভাল।

দুপদাপ করে ওপরে উঠে এল ছেলেরা, পেছনে ওমর। নৌকায় করে আনা সমস্ত মালপত্র হাতে হাতে নামিয়ে আনল ওরা ঘরে, ওমরের আনা নারকেলগুলোও আনল। কোন আসবাব নেই ঘরে, বসার কিছু নেই, মেঝেতেই বসল ওরা। কোথায় বসবে, কোথায় শো বৈ এ-নিয়ে মোটেই মাথা ঘামাল না।

িওই ভদ্রলোকদের সামনে খাই কি করে? কেমন চেয়ে আছে দেখেছেন?'

कक्षानपूर्णे प्रिथिए दलन मूत्रा, कर्ष्ट अञ्चलि ।

তোমারও দেখহি ভূতের ভয় আছে,' হেসে বলল ওমর, 'ববের একা না। ওরা চেয়ে আছে তো কি হয়েছে? কন্ধাল তো কন্ধালই, তোমার ভেতরেও তো আছে একটা।'

খেতে খেতে আলোচনা চলল। কে কিভাবে দ্বীপে নেমেছে, সেই কাহিনী খুলে বলল। মুসা আর কিশোর ভাগাভাগি করে শোনাল তাদের কাহিনী। ববঁ শোনাল তার কিসসা, কিভাবে ম্যাবরি তার গলা কাটতে যাচ্ছিল, কিভাবে ওমরভাই বাঁচিয়েছে, তার বিশদ বর্ণনা। দ্রুত কাটছে সময়। দুপুর হয়ে এসেছে।

নারকেলের মালাগুলো স্মৃত্বে সরিয়ে রাখল ওমর, কাপ হিসেবে ব্যবহার করতে পাররে। বৈশ বেকায়দা অবস্থায়ই পড়েছি, চিন্তিতকণ্ঠে বলল সে। এই দ্বীপ থেকে যেতে পারছি না আমরা, হ্যামারও পারছে না, অন্তত সিডনি বারড়ু যতক্ষণ না আসছে। কিন্তু প্রেন নিয়ে গেল কোথায় ব্যাটাং ফিরছে না কেনং প্রথমে ভেবেছিলাম, হ্যামারকে আটকে ফেলেছি দেখে প্লেন নিয়ে পালিয়েছে, ফিরে আসবে আমরা সূরে গেলেই। কিন্তু সেকেত্রে কি করত? প্লেন নিয়ে কাছাকাছিই ঘোরাঘুরি করত। কিন্তু তা না করে সোজা উড়ে চলে গেল। ম্যারাজিনায়ই গেছে কিনা কৈ জানে। ভাবনার কথা।

'ঠিকই বলেছেন,' মাথা কাত করল কিশোর। 'আমিও সেকথাই ভাবছি।'

'গেছে হয়তো খাবার-দাবার আনতে,' মুসা বলল। 'ওনের সব কিছু তো নিয়ে এসেছি আমরা।'

'কি করে জানল খাবার নিয়ে নিচ্ছি আমরা?' ওসকের পশ্ন।

চুপ করে রইল মুসা, জবাব দিতে পারল না।

'আমাদেরগুলো নিয়েছিল তো,' ববু বলল, 'হয়তো ভেনেছে, এত অল্প খাবারে চলবে না। তাই আরও আনতে পাঠাচ্ছিল বারভুকে। সে রওনা দেয়ার আগেই আমরা গিয়ে হাজির হয়েছি।'

'কিংবা হতে পারে, যন্ত্রপাতি আনতে গেছে। শাবল, কোদাল, ঝুড়ি, ইত্যাদি।

মাটি খুঁড়ে ওপ্তধন তোলার জন্যে, বলল মুসা।

ুওসব কিছুই আনতে যাুয়নি, হাত নাড়ল কিশোর। 'ওরা ভালমতই জানে, গুপ্তর্থন রয়েছে জাহাজে, মাটির নিচে নয়। শাবল-কোদালের দরকার নেই, এটা আমরা যেমন জানি, ওরাও জানে। গেছে অন্য কোন কারণে।'

'তোমার কি মনে হয়?' মুসা প্রশ্ন করল। 'ভয় পেয়ে পালিয়েছে?'

'কিসের ভয়?' ওমর বলল। 'ওর মত লোক ভয় পাবে? যখন জানে হাতের কাছেই কোথাও রয়েছে একগাদা মোহর? ওসব না, অন্য কোন সিরিয়াস ব্যাপার। সে যা-ই হোক; ও যদি আরু ফ্রিকা না আসে, তো আমাদের অবস্থা কাহিল। ভালমতই আটকা পড়লাম এখাঁ । ঢ়িনের খাবারে আর কদ্দিন চুলবে। তারপর থেকে শুধু নারকেল ভরসা। তিনবেলী নারকেল খাওয়া সম্ভবং দ্বীপে যাওয়ারও অনেক বিপদ। ওখানে হ্যামার আছে, ইমেট চাবু আছে, দেখামাত্র গুলি করবে। যা খাবার আছে, আমার ধারণা, আর দুই কি তিন দিন চলবে। তারপর?

'হ্যামার কোস্পানিরও তো একই সমস্যা,' বলল মুস্য 🛭

কিন্তু ওদের চেয়ে আমরা খারাপ অবস্থায় রয়েছি। ঠাণ্ডা মাথায় দেখামাত্র ও করতে পারব না আমরা, কিন্তু ওরা দ্বিধা করবে না।

'যাকু, অন্তত একটা শয়তান মরেছে, এ-ও কম না, বলল বব।

'মর্রল আর কোথার?' হাত নাড়ল ওমর। 'ডেবেছিলীম মরেছে, আসকে মরেনি। তবে গুরুতর জখম হয়েছে, নড়াচড়া বিশেষ করতে পারবে বলে মনে ক্ষ না। চলো, ওপরে যাই, দেখি ব্যাটারা কি করছে। এখন থেকে সব সময় সতক থাকতে হবে আমাদের, পাহারা দিতে হবে, নইলে এখানেই এসে হামলা করকে হঠাৎ এক সময়। আমরা তখন অসতর্ক থাকলেই গেছি।

'ভালই লাগছে আমার এসব ডাকাত-ডাকাত খেলা,' হেসে বুলল বন। ট্রেজার আইলাণ্ড পড়ার সময় কল্পনাও করিনি, গুপ্তধন খুঁজতে এসে আটকা পড়ব আমরা কোনও দ্বীপে।

ওমরও হাসল। মজা লাগছে, না? ঠিকই বলেছ, ট্রেজার আইল্যাণ্ডের সঙ্গে

অনেক মিল আছে, সত্যিই। হ্যামার হলো লঙ জন সিলভার, তার সঙ্গীরা জলদন্ত্য, আর আমরা…' হাসি থিস্তত হলো তার, 'আমরা…হাঁা, বর্ব হলো জিম হকিনস, কিশোর স্কয়ার ট্রেলনী, মুদ, ডক্টর লিভসী, আর আমি—আমি—' ক্যাপ্টেন স্মলেট,' চেঁচিয়ে উঠল বব।

লাফিয়ে উঠে দাঁড়াল ওমর, নাটকীয় ভঙ্গিতে বাউ করল। তারপর ট্রেজার আইল্যাণ্ড বইয়ের সংলাপ নকল করে বলল, 'বান্দা আপনাদের খেদমতে হাজির, ভদুমহোদয়গণ। আপনাদের বহায়তায় লঙ জন সিলভারকে ফাঁসিতে না ঝোলাতে পারি তো আমার নাম ক্যান্টেন স্মলেট নয়। উঠন, সরাই ডেকে যান, মন শক্ত রাখবেন। চলুন দেখি, শয়তানগুলো কি করছে।

উঠে দাঁডাল কিশোর। এমনিতেই সে ভাল অভিনেতা। ট্রেজার আইল্যাও ছবিতে দেখা স্কয়ার ট্রেলনীর ভঙ্গি হুবহু নকল করে বলল, 'ঠিক বলেছেন, ক্যাপ্টেন, আরেকবার আপনার বিচক্ষণতার প্রশংসা করছি। মোহরগুলো পাওয়ার আশায় বুইল্মে।

জোরে হেসে উঠল দর্শকরা।

সারি দিয়ে সিঁড়ি বেয়ে উঠে এল ওরা ওপরে, ছাতে উঠল। ল্যাগুনের ধারে ্রসৈকতে এখনও পড়ে রয়েছে ম্যাবরি। ওর পাশে বসে আছে হ্যামার আর ইমেট চাবা।

'অতে৷ সোজা হয়ে দাঁড়িও না, নিচু হও,' সাবধান করল ওমর, 'ওরা দেখে ফেলবে।'

'তীরে যাবং' উত্তেজিত কণ্ঠে বলল বব। 🦠 🚲 🕏

মাথা ঝোঁকাল ওমর। 'হাঁ। আশা কর্ছি এখন নিরাপদেই খেতে পারব। ওরা निरक्तपत निरा ताल । এই সুযোগে पुरत দেখে এলে মন্দ হয় ना।

'যদি ওরা টের পেয়ে যায়?' মুসার জিজ্ঞাসা। 'যদি আক্রমণ করে?'

'আমরাও প্রতিহত করব। অস্ত্রশস্ত্র নিয়ে তৈরি হয়েই যাব। কিন্তু খব সাবধানে ব্যবং।র করতে হবে আমাদের অস্ত্র, পুরানো জিনিস, ওওলোর বিশ্বীস নেই। নিজেরাই জখম হয়ে যেতে পারি ৷ বব, তৌমার পিস্তলে গুলি আছে?'

'ঠিক আছে, চলো, নিচে। কি করে গুলি ভরতে হয়, দেখিয়ে দেব। কিশোর, মুসা, তোমরা একটা করে মাসকেট নেবে।

আবার নিচে নেমে এল ওরা। যার যার অন্ত পছন্দ করে নিল। সব গাদা-বন্দুক, গাদা-পিস্তল, কি করে গুলি ভরে গুলি করতে হয়, শিখিয়ে দিল ওমর। তারপর আবার বেরিয়ে এল চতুরে। চট করে আরেকবার ছাতে উঠে দেখে নিল ওমর. শক্রবা কি করছে।

সিঁড়ি বেয়ে নেমে এসে নৌকায় চড়ল সবাই। অল্পক্ষণেই পৌছে গেল দ্বীপের চোখা প্রান্তে। নামল। ডিঙিটা টেনে তলে রাখল পানি থেকে দরে, বড একটা পাথরের খাঁজে। হ্যামার বা তার দলের কারও কোন সাডাশব্দ নেই। নিষ্ঠিত হয়ে দ্বীপের ডেতর দিকে রওনা হলো ওরা। একটা টিলার মাথায় উঠে সামনে কি আছে। না আছে দেখল ওমর। ঘন জঙ্গল, ঝোপঝাড়, লিয়ানা লতা, বড় বড় ক্যাকটাস ছাড়া আর কিছু চোখে পড়ল না। অন্যেরাঙু উঠে এল তার পাশে।

মাথা নাড়ল ওমর। না, ওখানে গ্যালিয়নটা আছে বলে মনে হয় না। না কি বলো?

'ওরকম জায়গায় থাকার কথাও না, কিশোর বলল, 'ভুল জায়গায় খুঁজছেন। আর যদি প্রত্যি সত্যি থেকে থাকে, তো ওটা থেকে মোহর বের করে আনা আমাদের কর্ম নয়। দেখেছেন কি ঘন জঙ্গল! আমি লাগালেও ওই জঙ্গল পরিষ্কার করতে কয়েক হপ্তা লেগে যাবে।'

'তবু চলো, খুঁজে দেখি,' ওমর বলল। 'ববের বাবা তো লিখেছেনই এমন জায়গায় রয়েছে জাহাজটা, যেখানে আছে বলে কেউ বিশ্বাস করবে না। ঘন জঙ্গলেই তো ওটা লুকিয়ে থাকা স্বাভাবিক, মান্ত্রল দেখা যাবে না, কিছুই দেখা যাবে না। খুঁজে বের করা খুবই কঠিন হবে, মনে হচ্ছে।'

দুটো ঘণ্টা পুরেদিমে খুঁজল ওরা। জঙ্গলের যেখানেই সামান্যতম ফাঁক ফোকর দেখল, ঘন লতা পাতা গাছগাছালিতে সামান্যতম ফাঁক দেখল, সেখানেই টু মারল। ঝোপনাড়ে ঢাকা উঁচু টিলায় উঠল, শুকনো খাঁড়িতে নামল। কিন্তু জাহাজের চিহ্নুও চোখে পড়ল না।

আরও ঘন জঙ্গলে চোকার চেষ্টা করল ওরা, বিফল হয়ে বাদ দিল সে চেষ্টা। ঝোপঝাড়ে ঢাকা নিচু একটা জায়গা পেরিয়ে উঠল পাহাড়ে, সেই জারুগাটায়, যেখানে ম্যাবরির তাড়া খেয়ে উঠেছিল বব।

পাথরের ওপর বসে পড়ে শার্টের আন্তিন দিয়ে কপালের ঘাম মুছল ওমর।
'দূর! কি কস্টরে বাবা! এমন জানলে কে আসে?' বিরক্তি প্রকাশ করল মুসা।
কস্টের কি দেখেছ?' বলল ওমর। 'আমার তো মনে হয়, মাত্র শুরু হয়েছে।'
'চুলোর যাক মোহর। চলুন, ওসব খোঁজা বাদ দিয়ে ঘরের ছেলে ঘরে ফিরে
যাই।'

'যাবে কিভাবে?' হাসল কিশোর।

'সে তুমি জানো!' চটে উঠল মুসা। তুমিই তো ভুলিয়েভালিয়ে নিয়ে এসেছ। তোমার জন্যেই তো…'

'আরে কি ঝগড়া শুরু করে দিলে ছেলেমানুষের মত?' মৃদু ধমক দিল ওমর। 'থামো। আলো আর বেশিক্ষণ নেই, সে খেয়াল আছে? ঘরে নারকেলও আছে আর মাত্র দু'তিনটে। চলো, কিছু নারকেল কুড়িয়ে নিয়ে যাই। শুকনো সরু গলা দিয়ে নামাতে সুবিধে হবে।'

'হাা, নারকেল জমিয়ে রাখা উচিত আমাদের,' কিশোর বলল।

'বব,' ওমর নির্দেশ দিল, 'যাও তো, চট করে ওদিকটা দেখে এসো। হ্যামার আর ইমেট চাব না আবার এদিকে এসে পড়ে। দেখো, সৈকতে কেউ আছে কিনা।' দৌড়ে গেলু বব।

মুসা আর কিশোর চলল একটা নারকেল কুঞ্জের দিকে, নারকেল কুড়াতে। খুব নেশি দূরে না কুঞ্জটা, কাছেই, জঙ্গলের ধারে গজিয়ে উঠেছে। কিন্তু বারো কদম যাওয়ার আগেই থেমে গেল ওরা, পড়িমড়ি করে ছুটে আসছে বঝা উত্তেজিত চেহারা।

'হুঁশিয়ার!' চাপা গুলায় বলল বব। 'হ্যামার আর চাব এদিকেই আসছে।'

লাফ দিয়ে উঠে দাঁড়াল ওমর। 'কোথায়? কদ্বর?'

'ওই যে, পাথরের স্থপটার ওধারে। এখনে থেকে ঢিল মারলে গিয়ে মাথায় পড়বে। ঝোপের ধারে ঝুঁকে কি জানি খুঁজছে।'

'মরুক হারামজাদারা!' নিজল আক্রোশে ফুঁসল ওমর। 'এখান দিয়ে আর যেতে পারব না, গেলেই দেখে ফেলবে। দুর্গে ফেরাই তো এক মহাসমস্যা হয়ে গেল।' মুসা আর কিশোর ফিরে এসেছে, ওদের নিকে চেয়ে উল্টোদিকে হাত তুলে বলল, 'চলো, দেখি ওদিক দিয়ে যাওয়া যায় কিনা। নৌকার কাছাকাছি গিক্কেলুকিয়ে বসে থাকব। ওরা একট সরলেই ভাগব।'

আগে আগে চলল ওমর, পেছনে সারি দিয়ে অন্যেরা। প্রায় ছুটে চুকল জঙ্গলে। একটা জারগায় কাঁটাঝোপ আর লিয়ানা সামান্য পাতলা। নাকি পথ করা হয়েছিল কোন এক সময়, আবার লতা আর ঝোপ জন্মে ঘন হয়ে আসছে? কে পথ করল? ওরা জানে না, কয়েক মাস আগে হ্যামারের তাড়া খেয়ে এখান দিয়েই চুকেছিল ববের বাবা, লুকিয়েছিল এদিককার জঙ্গলেই, পথটা তৈরি করেছিল তখন।

্জঙ্গলের ঠিক মাঝামাঝি জায়গায় এসে কিসে হোঁচট খেল ওমর। গাছের মত

লম্বা িত্ব একটা, শেওলায় ঢাকা, পথ জুড় আড়াআড়ি পড়ে রয়েছে।

'আঁরে, র্কি এটা?' আপন্মনেই বিড়বিড় করল ওমর। ঝুঁকে পরীক্ষা করল। খানিকটা জায়গার শেওলা সরিয়ে দেখেই সন্দেহ হলো। আরও অনেকখানি জায়গার শেওলা পরিষ্কার করল। ঝড়ে ডেঙে পড়া গাছ বলে তো মনে হচ্ছে না। মানুষের তৈরি না-তো?

মানুষের তৈরিই, জাহাজের মাস্তুল, নিশ্চয় গ্যালিয়নের প্রধান মাস্তুল। ফিরে চাইল ওমর। তার দিকেই তাকিয়ে রয়েছে কিশোর, চোখাচোখি হতেই মাথা ঝোঁকাল। সে-ও বুঝতে পেরেছে। এগিয়ে আসতে গিয়ে পায়ে কাঁটা ফুটল কিশোরের। উহ করে নিচু হয়ে কাঁটা খুলতে গিয়ে ভারসাম্য হারাল, থাবা দিয়ে ওমরের কাঁথ ধরে ফেলল। তৈরি ছিল না ওমর, সে-ও ভারসাম্য হারাল। পড়ে যেতে শুরু করল সে-ও। একটা লতা ধরল। কিস্তু দুজন মানুষের ভার রাখতে পারল না সে লতা, ছিড়ে গেল। পড়ে গেল দুজনেই। তাদেরকে সাহায়্য করতে লাফিয়ে এল মসা আর বব।

অদ্ভূত একটা কাণ্ড ঘটল এই সময়। তীক্ষ্ণ চড়াৎ শব্দে ফেটে যেতে শুরু করল যেন তলার মাটি।

'আরে আরে, মাটি কাঁক হয়ে যাচ্ছে?' চেঁচিয়ে উঠল ওমর। হাত-পা ছোঁড়াছুঁড়ি করে উঠে বসার চেষ্টা করল। পারল না। কিছু বলার জন্যে আবার মুখ খুলল, কিন্তু বলা আর হলো না। তার আগেই ভেঙে গেল নিচের তক্তা, গ্যালিয়নের শেওলায় ঢাকা ভেকের কাঠ। ভাঙা গর্ত দিয়ে নিচে পড়ল ওমর।

বাকি তিনজনের ভারে তক্তা মড়মড় করে ভেঙে গিয়ে গর্ত আরও বড় হলো,

পড়ল তারাও, আট-দশ ফুট নিচের কাঠের মেঝেতে। ওমরের ওপর পড়ল কিশোর, তাই ব্যথা বিশেষ পেল না। উহ্-আহ্ করে উঠল অন্যেরা।

মুসা চেঁচিয়ে উঠল, 'গেছিরে আল্লাহ, মারা গেছি!'

সকলের আগে উঠে দাঁড়াল ওমর। হাঁপাচ্ছে? 'হলো কি? কাণ্ডটা কি হলো?' দ্রুত তাকাল চারপাশে। পড়ার সঙ্গে সঙ্গেই অনুমান করেছিল, দেখে আরও নিশ্চিত হলো এখন।

পোঁ-গাঁ করে, আরও নানারকম বিচিত্র শব্দ তুলে কোকাতে কোকাতে উঠে দাঁড়াল অন্য তিনজন। কোমর ধরে বাঁকা হয়ে আল্লাহকে ডাকছে মুসা, বিড়বিড় করে কি যেন বলছে বব। কিশোর কিছুই বলছে না। উঠে ওমরের মতই তাকিয়ে দেখছে চার পাশে।

'কোখায় এলাম রে ঝুরা! উষ্, কোমরটা বুঝি ডেঙেই গেল! বলি এলাম কোথায়? জবাব নেই কেন? এই কিশোর…,' কনুই দিয়ে খোঁচা মারল মুসা গোয়েন্দা প্রধানের পিঠে।

'যা খুঁজছিলাম আমরা,' জবাব দিল ওমর। হাত দিয়ে বোড়ে কাপড় থেকে শেওলা আর ময়লা পরিষ্কার করছে। 'জাহাজটার ভেতরেই পড়েছি…শশ্বৃ!' হঠাৎ থেমে গেল সে, কান পাতল।

কথা-শোনা যাচ্ছে, খুব কান্ডে। হ্যামার। স্পষ্ট শোনা গেল এখন তার কথা। আমি বলছি, গুনেছি শুন। এদিকেই কোথাও। মিনিটখানেক আগেও ছিল।'

ঠোটে অঙুল চেপে ইশারায় সবাইকে চুপ থাকার নির্দেশ দিল ওমর।

নিচু হরে আন্তে করে মাসকেট তুলে নিল কিশোর, তার সঙ্গেই পড়েছে বন্দুকটা। মুসারটাও পড়েছে, কিশোরের দেখাদেখি সে-ও তুলে নিল। তাকাল ওপর দিকে। ডেকের ভাঙা জায়গায় ফোকর হয়ে আছে, তবে পুরোপুরি দেখা যাচ্ছে না ফাঁকটা, লতাপাতায় ঢেকে দিয়েছে, সবজেটে আলো আসছে ওখান দিয়ে।

'হবে গুয়োর-টুয়োর কিংবা অন্য জানোয়ার,' জোরাল গলা শোনা গেল ইমেট চাবের।

'আমি বলছি কথা শুনেছি!' হ্যামার বলন।

'তাহলে আমাদের সাড়া পেয়ে পালিয়েছে। আর দাঁড়িয়ে থেকে কি হবে? চলো, সরে যাই। জঙ্গলের ডেতর লুকিয়ে আমাদের দেখছে কিলা কে জানে? পালের গোদাটার কাছে পিস্তল আছে। ম্যাবরির মত পিঠে গুলি খাওয়ার ইচ্ছে নেই আমার। চলো। যাবে কোথায় ওরা? কাল সুযোগমত ধরে ফেলব। আরে, চলোনা। দেবে তো মেরে।'

নিশ্চয় বিধা করছে হ্যামার, কারণ পায়ের শব্দ শোনা গেল না তক্ষুণি।

কান পেতে রয়েছে নিচের শ্রোতারা। অবশেষে ফিরল ওপরের দুজন, ধীরে ধীরে চলে গেল, বোঝা গেল শব্দ গুনেই।

আরও কিছুক্ষণ চুপ করে রইল, তারপর সঙ্গীদের দিকে ফিরে ফিসফিস করে বলল ওমর, 'গেছে। এই সুযোগে জাহাজটায় তল্পাশী চালিয়ে দেখি আমরা। কি বলো?' ওমর আর তার দল জাহাজের যেখান দিয়ে পড়েছে, ববের বাবা সেখান দিয়ে পড়েনি, সে পড়েছিল স্যালুনের ছাত দিয়ে স্যালুনে। তখনকার দিনে জাহাজের স্যালুন তৈরি হত সাধারণত পূপের ওপর। ওমর আর তার তিন সঙ্গী পড়েছে জাহাজের মাঝামাঝি জায়গায়।

ভেতরে কি কি আছে দেখায় মন দিল ওরা। এক জায়গায় পড়ে আছে কম্বলের স্থপ, দীর্ঘ দিন সঁ্যাতসেঁতে জায়গায় থেকে ছাতা পড়ে গেছে—সবুজ ছত্রাক। ওগুলোর কাছেই পড়ে আছে কাপড়ের স্থপ, নস্ট হ্রুয়ে গেছে সব ছাতা পড়ে। পচা গন্ধ ছড়াছে। দৃষ্টি আকর্ষণ করার মত কিছু নেই। মরচে পড়া কিছু অস্ত্রশস্ত্র পড়ে আছে ছড়িয়ে ছিটিয়ে, বোধহয় তাড়াহুড়ো করে যাওয়ার সময় ফেলে গিয়েছিল নাবিকেরা। মুল্যবান কিছুই নেই।

'এখানে গুপ্তধন নেই,' জোরে কথা বলতে অস্বস্তি বোধ করছে ওমর, বিষশ্ন এই প্রাচীন পরিবেশ ভাল লাগছে না তার। মতের জগতে এসে হাজির হয়েছে যেন।

বেরিয়ে এল ওরা। নীরবে এগিয়ে চলল জাহাজের কোমর ধরে। পেরিয়ে এল বহু পুরানো কামান—ধুলো ময়লায় ঢাকা, কামানের গোলা, বারুদের পিপা—কয়েকটা আবার বারুদে বোঝাই, মোটা শেকল, দড়ি, গাছের ওড়ি, খুঁটি, এমনি সব জিনিস। ওপরে জায়গায় জায়গায় চিড় ধরেছে তক্তা, ফাটল, আবহা আলো আসছে সেসব পথে, সেই আলোয় কেমন যেন বিকট দেখাছে জিনিসগুলো, গা শিরশির করে।

'গুপ্তধন ছাড়াই অনেক মূল্য জাহাজটার,' বলল কিশোর, 'আনটিক মূল্য। যে কোনো যাদুধর পোলে লুফে নেবে। এত পুরানো জাহাজ এত সংরক্ষিত অবস্থায় আর পাওয়া যায়নি। যাদুধরে রাখলে দলে দলে আসবে দর্শক শুধু এটা দেখার জন্যেই। আমি শুনলে আমিও যেতাম। গুপ্তধন যদি না-ও পাই, বাড়ি ফিরে এই জাহাজের খবর দিলেই রাতারাতি বিখ্যাত হয়ে যাব।'

সাবধানে, খুব ধীরে ধীরে এপোচ্ছে ওরা দেখতে দেখতে, যেন যাদুঘরে রয়েছে, কোনো কিছুতে পা পড়লে কিংবা হাত দিলে যেন এখুনি হাঁ-হাঁ করে ছুটে আসবে প্রহরী।

পাথরের এক বিশাল বয়েম দেখাল ওমর, বোতলের গলাটা খুব সরু, মুখে পাথরের ছিপি আঁটা। গায়ে কালো কালিতে ইংরেজি বড় হাতের অক্ষরে লেখা রয়েছেঃ বেন্ট ওল্ড জ্যামাইকা। বোতলটার দিকে চেয়ে, ট্রেজার আইল্যাণ্ডে জলদস্যুদের গাওয়া সেই বিখ্যাত চরণটি সুর করে গেয়ে উঠল ওমর, ইয়ো হো হো, অ্যাণ্ড আ বটল্ অভ রাম। ভারি পরিবেশ হালকা করার চেষ্টা করল সে।

নিশ্চর ভেতরে রয়েছে অনেক পুরানো মদ। বোতনটার দিকে চেম্নে মাথা ঝোঁকাল কিশোর, 'হ্যা, তা ঠিক। তবে ওটা থেকে নিয়ে খেলে পরের চরণটাও সত্যি হয়ে যাবে ঃ ডিংক অ্যাণ্ড ডেভিল হ্যান্ড ডান ফর দা রেস্ট :'

ওপরে ওঠার একটা সিঁড়ির গোঁড়ায় এসে থামল ওরা। ভালমত পরীক্ষা করে

W.

দেখল, ভার সইতে পারবে কিনা, তারপর পা দিল ওতে। বড় একটা ঘরে এসে ঢুকল। এটা ক্যাপ্টেনের স্যালুন।

্রছাতের প্রায় গোল একটা ফোকর দিয়ে আলো আসছে। ঠিক নিচেই জমে রয়েছে শুকনো পাতা, কুটো, ছেঁড়া শুকনো লতা আর শেওলা। আঙুল তুলে ফোকরটা দেখিয়ে বলল কিশোর, 'ওখান দিয়েই পড়েছিলেন ববের বাবা।'

ববের চোখ অশ্রুসর্জল হয়ে উঠল।

'ইয়ান্না!' ফিসফিস করে বলন ওমর, 'দেখো, দেখো!' মাথা নাড়ছে আন্তে আন্তে, বিশ্বাস করতে পারছে না যেন।

অন্যেরাও দেখল, নাড়া খেলো ওমরের মতই।

প্রচুর টাকা খরচ করে সাজানো হয়েছিল স্যালুন্টা। দেরালের জায়গায় জায়গায় লাগানো রয়েছে সোনালি রঙের সৃদৃশ প্রদীপদানী, তার ফাঁকে ফাঁকে নানারকম ছবি, সবই সাধুদের কিংবা ধর্মীয় কোনো পবিত্র দৃশ্যের। অপরূপ কার্পেটে ঢাকা পুরো মেঝে, আর কি তার রঙ । উজ্জ্বল লাল আর নীলের মাঝে সোনালি আলপনা। দেয়ালের সঙ্গে লোহার চ্যান্টা দণ্ড দিয়ে আটকানো রয়েছে বড় বড় আলমারি, টেউয়ের দোলায় বা ঝড়ের ঝাঁকুনিতে যাতে স্থানচ্যুত না হতে পারে, সে-জন্যে। আলমারির আঙটায় ঝুলছে বড় বড় তালা, বেশির ভাগই খোলা। সামনের দিকের দেয়াল ঘেষে রয়েছে ওয়ালনাট কাঠের মস্ত এক টেবিল, তাতে চমংকার খোদাইয়ের কাজ। কিন্তু এসব দেখে নাড়া খায়নি দর্শকরা। তাদের চমকে দিয়েছে একটা কঙ্কাল। উচু পিঠওয়ালা, জায়গায় জায়গায় তামার কাজ করা একটা ভারি চেয়ারে বসে টেবিলে ঝুঁকে পড়ে রয়েছে কঙ্কালটা।

'খাইছে!' ভয়ে ভয়ে বলল মুসা। 'জ্যান্ত মনে হচ্ছে!' তার ভয়, এখুনি বুঝি, 'হ্যাল্লো, কেমন আছ,' বলে হাত মেলাতে উঠে আসবে পোশাক পরা কঙ্কালটা।

অতি আন্তে কম্বালটার কাছে এগিয়ে গেল ওমর। ফেকাসে হয়ে গেছে চেহারা। বিকট ভঙ্গিতে দাঁত খিঁচিয়ে আছে যেন কম্বাল, কালো অক্ষিকোটর আরও ভয়ংকর করে তুলেছে চেহারাকে, দীর্ঘ এক মুহূর্ত সেদিকে তাকিয়ে রইল ওমর, পরনের কাপড়-চোপড়গুলো দেখল।

ওমরের পাশে এসে দাঁড়িয়েছে কিশোর। ভালোমত দেখে বলল, 'জাহাজটা স্প্যানিশ, সন্দেহ নেই,' খুব আস্তেই বলেছে সে, কিন্তু অস্বাভাবিক এই নীরবতায় অনেক জোরালো হয়ে কথাটা কানে বাজল যেন, 'কিন্তু এই লোকটা স্প্যানিয়ার্ড ছিল না। পোশাক দেখেছেন? জলদসূরে। নিশ্চয় কোনো অঘটন ঘটেছিল, ওর দলে বোধহয় ও-ই বেঁচেছিল শেষ অবধি,' বলতে বলতেই হাত বাড়িয়ে টেবিলে পড়ে থাকা পিস্তলটা তুলে নিল সে। উল্টে পাল্টে দেখে ওমরের হাতে দিয়ে বলল, 'দেখুনতো! পিস্তল-বন্দুকের ব্যাপারে,আমি আনাড়ি।'

ভালমত নাড়াচাড়া করে দেখল পিন্তলটা ওমর, গন্ধ গুঁকল। 'গুলি নেই ভেতরে। মনে হয়—মনে হচ্ছে,' কাঁপা কাঁপা হাতে কন্ধালটাকে চেয়ারসূদ্ধ সামান্য সরাল সে, ঘোরাল নিজের দিকে। 'দেখো, দেখো!'

সবাই গা एएँबाएँबि करत এल, ওমর कि দেখেছে দেখার জন্যে। রঙচটা

পোশাকের পেটের কাছটায় চেপে রয়েছে কঙ্কালের ডান হাতের আঙুলগুলো। গোল একটা ছিদ্র শার্টে, ছিদ্রের ধারটা পোড়া।

এদিক ওদিক তাকাচ্ছে ওমর, মেঝেতে চোখ পড়তেই চমকে উঠল। 'খোদা!' জিভ দিয়ে গুকনো ঠোঁট ভিজিয়ে নিল সে। 'এই পিস্তলের গুলিতেই মরেছে। আতাহত্যা নয়তো? দেখো।'

দেখল সবাই। কণ্ধালুটার জুতোর চারপাশ ঘিরে কার্পেটে কালচে গাঢ় দাগ, শুকনো রক্ত ছাড়া আর কোন কিছতেই ওই দাগ হতে পারে না।

'মন খারাপ হয়ে যায়, না?' অনেকখানি সামলে নিয়েছে ওমর। আবার আগের অবস্থায় সরিয়ে রাখল কঙ্কালটাকে। সরানোর সময় টুপ করে কি যেন পড়ল মেঝেতে। কুড়িয়ে নিল ওটা, অন্যেরাও কৌতৃহলী হয়ে ঝুঁকে এল দেখার জন্যে। 'গুলি,' বলল ওমর। 'এটাই খুন করেছিল লোকটাকে। শরীরের ভেতরেই কোথাও আটকে ছিল, নড়াচড়ায় খসে পড়েছে। সুভনির রাখতে চাও, বব?'

নাক-মুখ বাঁকিয়ে পিছিয়ে পেল বব । দু'হাত নেড়ে বলল, 'না দরকার নেই।' হেসে উঠল অন্যেরা। এতক্ষণের গুরুগন্তীর পরিবেশ হালকা হয়ে গেল হঠাৎ করে।

পিন্তলটা কোমরের বেল্টে গুঁজে রাখল ওমর। রূপার মোমদানীটা দেখিয়ে বলল, 'কমপক্ষে দু'শো পাউও হবে এখনকার বাজারে ওটার দাম। ডুয়ারগুলোতে কি আছে,' বলতে বলতেই টান দিয়ে টেবিলের সব চেয়ে ওপুরের ডুয়ারটা খুলে ফেলল। চামড়ায় বাঁধা একটা বই তুলে নিল ডুয়ার খেকে। আন্তে করে কডার ওলটাল যেন ছিডে যাবে ডয় করছে। প্রথম প্র্চাটা পড়তে গুরু করল।

চেহারার ভাব বদলে যাচ্ছে ওমরের, দৃষ্টি বদলে যাচ্ছে, বইয়ের দিকে ঝুঁকে যাচ্ছে মাথা। বড় বড় হয়ে গেছে চোখ, হাতের আঙুল কাঁপছে। মুখ তুলে তাকাল সে। সবাই অবাক হয়ে আছে তার দিকে। 'কি আছে এতে জানো?' খসখসে হয়ে গেছে ওমরের কণ্ঠ। 'ভয়ংকর এক খুনীর কথা, এই একটু আগে যার কথা বলেছিলাম। লুই ডেকেইনি, যার অনেকগুলো নাম, লুই লা গ্রানডি, দা এক্স্টারমিনেটর, নিজেকেই এক্স্টারমিনেট করেছে, আত্মহত্যাই করেছে বোধহয়।'

হঠাৎ করেই বড় বেশি নীরব হয়ে গেল ঘরটা। ঠিক এমনি নীরবতা বিরাজ করেছিল তিনশো বছর আগে, ডেকেইনি গুলি খাওয়ার আগের মুহূর্তে i

লম্বা দম দিল ওমর। হাতের বইটা দেখিয়ে বলল, 'এটা ডেকেইনির লগবুক। দারুণ লাগবে পড়তে। নিশ্চয় লেখা আছে, কিভাবে, কখন কোন খুনটা করেছিল, কি করেছিল। ভাবছি, কত বীরত্বের গাখা লেখা আছে এতে? কত নিরীহ নাবিকের মৃত্যুর কাহিনী? দেখি তো, ডেকেইনি কিভাবে মারা গেছে…' দ্রুত পাতা উল্টে চলল সে। লেখা যে পৃষ্ঠায় শেষ, সেটাতে এসে থামল। পড়তে শুরু করল জোরে জোরেঃ

···রাম শেষ, জাহাজে বিদ্রোহ চলছে, সবাই দ্বিধাগ্রস্ত। বউনের মোহরই এজন্যে দায়ী, নরকে পচে মরুক চোর হারামর্জাদা। বার বার এলে আমাকে চাপ দিচ্ছে নাবিকেরা, সুমস্ত মোহর সাগরে ফেলে দিতে বলছে, কিস্তু আমি কি আর রাজি হই? মোহরটা অভিশপ্ত হলে ওরাও মরবে, মরুক আর্গে, আমি দেখি, তারপর যা করার করব।

'বাতাস বাড়ুছে আবার, পাল তোলার কেউ নেই। পাইকারী খুন, বিদ্রোহ, ঝড়, নীরবতা, পানির সমস্যা, তারপর আবার ঝড়ের সংকেত। মনে হচ্ছে, শয়তান নিজে এসে হাত লাগিয়েছে, জাহাজে বাস করছে যেন সে, সরাইকে, সূব কিছুকে প্রংস না করে ছাড়বে না। হারামজাদা বউন, নিজেও মরেছে, পোর্ট রয়ালের ফাঁসিকাঠে নিশ্চয় শৈকলবাধা অবস্থায় পচে-গলে শেয হচ্ছে এখন, আমাদেরকেও মেরে রেখে গেছে। ওর মোহরে ভর করেই যেন এসেছে শয়তান। সবাইকে শেষ করেছে; কেউ পাগল ইয়ে পানিতে ঝাঁপিয়ে পুড়েছে, হাঙরেরা খতম করেছে তাদের, কেউ ছুরি দিয়ে আত্মহত্যা করেছে, বাকি রয়েছি আমি…

চুপ হয়ে গেল ওমর।

আর কিছু নেই?' জিজ্ঞেস করল কিশোর।

ভেকেইনি এরপর কি করল, খুব জানতে ইচ্ছে করছে।

জানা যাবে না কোনদিনই। একটা ব্যাপার খেয়াল করেছ? বার বার বউনের মোহরের কথা উল্লেখ করেছে। বউনের অভিশপ্ত মোহর। দ্বিধাগ্রস্ত হয়ে পড়েছিল ডেকেইনির নাবিকেরা। বউন কে জানি না, আমেরিকায় ফিরে জ্যামাইকার পুরানো রেকর্ড ঘাঁটাঘাঁটি করলে হয়তো জানতে পারব। আমার ধারণা, বউনের মৌহরই পড়ে ছিল এই টেবিলে...

'नावा राष्ट्री जुंदल निरायिल,' वरल छेठूल वव ।

হাঁ। কুসংস্কার নেই আমার, আগেই বলেছি। কিন্তু তবু কিছুতেই অবিশ্বাস করতে পারছি না, মোহরটার কিছু অন্তভ ক্ষমতা আছে। যেখানে যার হাতেই গেছে, তারই ক্ষতি করেছে। যতক্ষণ আমাদের কাছে ছিল, একটার পর একটা বিপদে পুড়েছি। ওটা হাতছাড়া হওয়ার পর থেকেই ভাগ্য ভাল হতে শুরু করেছে। অ্যালেন কিনে নিয়েছিল ওটা, তার অবস্থা দেখেছি আমুরা। তারপর আমাদের কি দুরবস্থা। ববের কপাল ভাল, জ্যাকেকটা খুলে ফেলেছিল, নইলে সে-ও মরত। আভর্য, জাকেট্টা এত ঝড়েও ভেলে গেল না, তীরে এসে পড়ল। কিশোর আর মুসা, তোমরা পেলে ওটা, মোহরটা নেয়ার একটু পরেই কি বিপদে পড়েছ, মরতে মরতে বেচেছ। ম্যাবরি নিল ওটা, গুলি খেলোঁ আমার হাতে। আমার বিশ্বাস, ওই মোহরের জন্যেই শেষ হয়ে গেছে ডেকেইনি আর তার দলবল।

'আরও অনেক মোহরের উল্লেখ করেছে ডেকেইনি,' শান্তকণ্ঠে বলল কিশোর।

'বলেছে,' বলল ওমর, 'কিস্তু কেন বলেছে? কেন সব মোহর সাগরে ফেলে দিতে চাপ দিয়েছে নাবিকেরা? কারণ, তারা জানত, এই মোহরের সঙ্গে বউনের মোহরটাও আছে। জানত না, ঠিক কোনটা বউনের অভিশপ্ত মোহর। তাই জাহাজে য়ত মোহর ছিল, সব ফেলে দিতে চেয়েছে।

শেষ অবাধি কি তাহলে সব মোহর ফেলে দিয়েছিল?' নিজেকেই যেন প্রশ্ন

করল কিশোর। 'নইলে গেল কোখায় ওওলো?'

'আমার মনে হয় ফেলেনি,' ওমর বলল। 'তাহলে বউনের মোহরটা থাকত না ডেকেইনির কাছে সে নিজেও মরত না। মোহরণ্ডলো আছে হয়তো জাহাজে, কিংবা কাছাকাছি কোথাও।'

'কিস্তু কোথায় আছে?' ভুরু নাচাল মুসা।

'সেটা বের করার জন্যেই তো এসেছি আমরা,' বৃদ্ধে কিশোর। নিচের ঠোটে চিমটি কাটতে গুরু করেছে সে। 'আমার মনে হয়, শোহর লুকিয়ে রেখে জায়গাটার ম্যাপ তৈরি করে ডেকেইনি, তারপরই কোনভাবে মারা যায়। তার আঁকা আসল ম্যাপটা নেই এখন আমার কাছে, তবে নকলটা আছে, আর কোন্ কোন্ জায়গা বদল করেছি, সেটাও মনে আছে আমার। দেখি রহস্য ডেদ করা যায় কিনা।' পকেট থেকে নকল ম্যাপটা বের করল সে। 'একটা কলম দরকার,' বলেই চোখ পড়ল টেবিলের ওপর। এগিয়ে গিয়ে তুলে নিল পালকের কলমটা, যেটা দিয়ে লিখেছিল ডেকেইনি। ছাতের ফোকর দিয়ে বাইরে তাকাল, আলো কমে গেছে। 'বেরোনো দরকার। আর পনেরো মিনিটেই অন্ধকার হয়ে যাবে। খুব কাছাকাছি না থাকলে আজ আর খুঁজে বের করা যাবে না মোহর, সময় নেই। তাড়াহুড়ো করে দেখে নিই একবার।' কলম আর ম্যাপ টেবিলে রেখে দিয়ে কাজে লেগে গেল সে।

টেবিলের বাকি জুয়ারগুলো খুলে দেখল কিশোর। বেশ কিছু জিনিস রয়েছে, তার মধ্যে তিনটে জিনিস মনোযোগ আকর্ষণ করল। তার একটা, কালো এক টুকরো কাপড়। সুন্দরভাবে ভাঁজ করা। মনে হলো টেবিলক্সথ। জুয়ারটা লাগিয়ে দিল কিশোর, হঠাছ কি মনে পড়তেই টেনে আবার খুলল। কাপড়ের এক কোণ ধরে বের করে এনে ঝাঁকি দিয়ে খুলল পুরোটা, দু হাতে ধরে ছড়াল। কালো একটা পতাকা, সাঝখানে মানুষের খুলির তলায় মানুষের হাড়ের ক্রসচিহ্ন—শাদা কাপড় কেটে সেলাই করে লাগানো হয়েছে। একটা হাড়ের নিচে লেখা বড় হাতের 'এল', আরেকটার নিচে 'ডি'।

'ভাগ্যের কি পরিহাস,' বিড়বিড় করল ওমর। 'যে কঙ্কালের চিহ্ন উড়িয়ে হাজার হাজার মানুষকে খুন করেছে সে, সেই কঙ্কাল হয়ে নিজেই বসে আছে এখন চেয়ারে, তার কঙ্কালখচিত পতাকার কাছেই। মুহুর্তের জন্যেও এখন এই দৃশ্যটা যদি দেখতে পেত ডেকেইনি।'

পতাকাটা আবার ভাঁজ করে ববের দিকে ছুঁড়ে দিল কিশোর। 'রেখে দাও, চমংকার ট্রফি। তুমি রাখতে না চাইলে পরে আমাকে দিয়ে দিয়ো।'

আরেক ডুয়ারে পাওয়া গেল খুব সুন্দর একটা চুনি বসানো আঙটি।

দৈখি তো, হাত বাড়াল ওমর। আঙটিটা নিয়ে দেখতে লাগল ঘুরিয়ে ফিরিয়ে।

অন্য আরেক জ্বারে পাওয়া গেল শ'খানেক রূপার মুদ্রা। একটা তুলে নিয়ে দেখে বলল কিশোর, 'পিসেস অভ এইট। মুসা, একটা ব্যাগ-ট্যাগ পাও নাকি দেখো তো। নিয়েই যাই এগুলো। হ্যামারের হাতে পড়লে আর ফেরত পাওয়া যাবে না। আমরা যেমন দেখেছি, ওরাও দেখে ফেলতে পারে জাহাজটা।'

এরপর সবাই মিলে খুঁজল পুরো ঘর। প্রতিটি আলমারি খুঁজে দেখল। মোহর মিলল না কোথাও। রয়েছে গাদা গাদা সিল্ক, ্রাটিন আর মিহি সুতার কাপড়, পোকায় কেটে নষ্ট করে দিয়েছে। জাহাজের খোলেঁ ফুকে, খোঁজাখুঁজি করল। মোহর পাও্যা গেল না, তবে কয়েক পিপা ছাতা পড়া চিনি, ক'ফি আর ময়দা খেল।

্র অনেক জায়গা খোঁজার বাকি রয়ে গেল, থাকারও ইচ্ছে আছে ওদের। কিন্তু থেকে লাভ নেই। অন্ধকার হয়ে গেছে।

'আলো ছাড়া হবে না,' বলল ওমর।

'আলো থাকলেও রাতে থাকছি না আমি এখানে,' জোরে মাধা নাড়ল মুসা।
লুই ডেকেইনির ভূত ঠিক এসে ঘাড় মটকাবে।'

মুসার বলার ধরনে হেসে ফেলল সবাই।

'এই, ওমর ডাই,' আবার বলল মুসা, 'থিদে পায়নি আপনার? চলুন না, বেরোই।'

' হাঁ, চলো যাই। সকালে আবার আসব।'

কিন্তু যত সহজে বলে ফেলল, তত সহজে বেরোনো গেল না। উঠবে কিভাবে? ওমরের কাঁপে দাঁড়িয়ে ফোকরের ধার পরে দোলা দিয়ে ওঠার চেষ্টা করল মুসা, তক্তা ভেঙে ধুড়ুম করে পড়ল আবার নিচে, সবার ভয় হলো, স্যালুনের মেঝে ভেঙে না খোলে পড়ে যায়। ওভাবে বেরোনোর চেষ্টা বাদ দিতে হলো। একা বেরোতে কতখানি কষ্ট হয়েছিল ববের বাবার, উপলব্ধি করল ওরা। মনে পড়ল, জাহাজের খোল কেটে বেরিয়েছিল কলিনস।

খোঁজাখুঁজি করতেই ফোকরটা পাওয়া গেল, জাহাজের সামনের গলুইয়ের নিচে। হাতে হাতে ট্রফিণ্ডলো নিয়ে বেরিয়ে এল ওরা। বিষশ্ন অতীত ছেড়ে বেরিয়ে এল যেন বর্তমান পৃথিবীর উচ্জুল তারাখচিত আকাশের নিচে।

যেভাবে রেখে গিয়েছিল, তেমনিই রয়েছে নৌকাটা। পানিতে নামিয়ে তাতে চড়ে বসল সবাই। ফিরে এল উপদ্বীপে।

কাল খুব সকালে বেরোব, 'যেতে যেতে বলল ওমর। নারকেলের মালায় নারকেলের পানি, শুক্ত শুকনো খাবার গলায় আটকে গোলে সেই পানি দিয়ে নামিয়ে নিচ্ছে। 'মোহর খোঁজার আগে এই দুর্গটাকে দুর্ভেদ্য করে নিতে হবে। প্রতিরোধ যাতে করতে পারি, সেই ব্যবস্থা করতে হবে। বেশিদিন লুকিয়ে থাকতে পারব না এখানে, এক সময় দেখে ফেলবেই হ্যামার আর ইমেট চাব, জেনে যাবে কোথায় আছি আমরা। হয়তো বারডুও ফিরে আসবে। কি করবে তখন ব্যাটারাং আমি হলে, দ্বীপের প্রান্তে এসে পাখরের স্থূপের আড়ালে বসে থাকতাম, যাতে উপদ্বীপথেকে কেউ বেরোতে না পারে। ওরাও যদি তাই করেং আমি হলে অবশ্য দেখামাত্র শুলি করতাম না, কিন্তু ওরা করবে।'

'কি করব আমরা কাল সকালে, বললেন না?' শুকনো মাংস চিবাতে চিবাতে বলল মুসা।

'প্রচুর নারকেল এনে জমিয়ে ফেলতে হবে। বারুদ আনতে হবে জাহাজ থেকে, লড়াই লেগে গেলে তখন অনেক বারুদের দরকার পড়বে। আর আজ রাত থেকেই পাহারা দিতে হবে আমাদের।

খাওয়া শেষ হলো। প্রথমে ববকে পাহারায় রাখার সিদ্ধান্ত নিল ওরা। দু'ঘণ্টা পর এসে মুসাকে তুলে দেবে সে। এমনি করে একজনের পর একজন পাহারা দিয়ে রাতটা পার করে দেবে।

'ম্যাপটা ভালমত দেখা দরকার,' বলল কিশোর। '

'এখনই?' বলল ওমর। 'সকালে দেখলে হয় না? খামোকা মোম জ্বালিয়ে লাভ কিং'

ভাগ্য ভাল, আমাদের জিনিস আবার ছিনিয়ে আনতে পেরেছি হ্যামারের কাছ থেকে। কিন্তু তা না হলেও কি অন্ধকারে থাকতাম? এত নারকেল থাকতে?' হাসল কিশোর। 'আলোর অভাব হবে না।' পকেট থেকে ম্যাপটা বের করে আলোর সামনে বিছাল সে। জাহাজ থেকে পালকের কলম, কালির দোয়াত নিয়ে এসেছে। কালি শুকিয়ে গেছে, কিন্তু তাতে সামান্য পানি ঢেলে নিতেই আবার কালি হয়ে পোল। পাতলা কালি, তবে কাজ চলবে।

'আরেকটা ম্যাপ এঁকে ফেলি,' বলল কিশোর। ডেকেইনির লগবুক থেকে একটা শাদা পাতা ছিঁড়ে নিয়ে তাতে আরেকটা ম্যাপ আঁকল। ডেকেইনির আঁকা ম্যাপটার মতই হলো অবিকল, নকলটার মত ভুল জারগায় চিহ্ন দিল না, যতদূর সম্ভব সঠিক জারগায় দেরার চেষ্টা করল। সবই আঁকল ঠিকঠাক, কিন্তু কোনটা কিসের চিহ্ন জানে না। এক দুর্বোধ্য রহস্য মনে হলো। অন্য তিন জনের দিকে চেয়ে বলল, 'কিছু বোঝা যাচ্ছে?'

'তুমি বুঝেছ?' মুসা প্রশ্ন করল।

'सो ।'

'কিশোর পাশা যে রহস্যের মীমাংসা করতে পারেনি, আমরা তার কি কচুটা বুঝবং আমি ঘুমাতে যাচ্ছি, তুমি সমাধান করে জানিও;' উঠল মুসা, করল বিছাবে।

'আরে দাঁড়াও, কাজ আছে,' হাত তুলল কিশোর।

'কি?' ঘুরে তাকাল মুসা।

'ওই দুই ভদ্রলোক, ঘরের কে!ণ দেখাল কিশোর। 'ওদেরকে ঘরে রেখে ঘুমাতে অস্বস্তি লাগবে। চলো, সাগরে ফেলে দিয়ে আসি।'

'মাপ চাই, ভাই, আমি পারব না,' হাতজোড় করল মুসা।

'আরে দূর, এসো,' হাত ধরে টানল কিশোর, 'কদ্ধালই তো, ভয় কি? পাথরের যেমন প্রাণ নেই, ওণ্ডলোরও নেই।'

কিন্তু কন্ধাল দুটো বের করে ফেলার সময় দেখা গেল, মুসার চেয়ে কম ভয় পাচ্ছে না কিশোর, কম অস্বস্তি বোধ করছে না। হেঁইও হেইও করে কন্ধাল দুটো পানিতে ফেলে দিল ওরা।

'বব, তুমি থাকো,' বলল ওমর। 'দু'ঘণ্টা পর এসে মুসাকে ভেকে দিয়ে।' 'কিস্তু সময় বুঝুব কি করে?' প্রশ্ন তুলল বব। 'ঘড়ি কই?'

'অনুমান,' কিশোর বলল। 'ওই যে, ওদিকে নারকেল গাছগুলো দেখেছ? চাঁদ যখন গাছগুলোর মাথায় উঠবে, ধরে নেবে, দু'ঘণ্টা হয়েছে। ও হাঁা, বন্দুক রেখো -সঙ্গে ![']

আই, আই, মিস্টার ট্রেলনী, স্যার, ট্রেজার আইল্যাণ্ডের জিম হকিনসের সংলাপ ধার নিল বব। পাহারা দিতে চলল।

সাত

সময় ফো কাটতেই চাইছে না ববের। অনেকগণ পর্যন্ত নিচ থেকে কথাবার্তা শোনা গেল, কমতে কমতে থেমে গেল এক সময়। নিশ্চর ঘুমিয়ে পড়েছে। গ্রীপ্পমণ্ডলের রাত, কেমন যেন শ্বাসকদ্ধকর পরিবেশ, অসহা নীরবহা। সামান্যতম শব্দ নেই কোথাও। পাথরে চেউ আছড়ে পড়ার মৃদু ছপছপ শব্দ ছিল, সেটাও থেমে গেছে। নারকেলের পাতা স্থির, তারাগুলো অস্বাভাবিক উজ্জ্বল, এহু কাছে মনে হচ্ছে, ফো হাত বাড়ালেই ছোঁয়া যাবে। আকাশ যেন মন্ত এক গম্বুজ, ওখান থেকে সুতো দিয়ে ঝুলিয়ে দিয়েছে কেউ তারাগুলো। দিগান্তে উকি দিল ল্লিচে চাঁদ, ধীবে পীরে উঠতে শুকু করল ওপরে, রূপালী করে দিল সাগরকে। রহস্যময় হরে উঠল দ্বীপটা। শাদা বালির সৈকত আর মাঝে মাঝে পাথরের স্থপকে দেখে মনে হচ্ছে, সাগরের পানি থেকে মাথা তুলেছে কোন অজানা দানব।

অবাক ইয়ে প্রকৃতির এই রূপ দেখছে আর ভাবছে বব। পাশে রাখা বন্দুকের গায়ে হাত বোলাল। ঠিক এখানটায় এমনিভাবে বন্দুক নিয়ে বসে দূর অর্তাতে এমনি কোন রাতে নিশ্চয় পাহারায় ছিল কোন জলদসূ। যে দুটো কন্ধাল ফেলে দিয়ে এসেছে খানিক আগে, তাদেরও কেউ হতে পারে। আচ্ছা, ওদেরই মত ববও তো একদিন কন্ধালে পরিণত হবে, সেদিনও কি ঠিক এমনি থাকবে প্রকৃতি? এমনি করে চাঁদ উঠবে, জ্যোৎস্লা বিলাবে, আকাশে জুলবে তারা? এমনিই থাকবে সব, জানে বব, কিন্তু বিশ্বাস করতে মন চায় না। এই সুন্দর পৃথিবী থেকে হারিয়ে যাবে সে একদিন, সানুষের মন থেকে চিরতরে মুছে যাবে তার স্মৃতি, ভাবতেই যেন কেমন লাগে। কোন দিন মনে হয়নি, কিন্তু এই পরিবেশে আজ হঠাৎ করেই মনে হলো, জীবনের কোন অর্থ নেই। এই জন্মানো, বেঁচে থাকা, তারপর একদিন ময়ে যাওয়া, এর কোন মানেই নেই।

আফা, এই দুর্গে কারা ছিল? ডেকেইনির লোক? নাকি দিম্বিজয়ী মহানাবিক ডেক? জানে না বব, হয়তো কেউই জানে না, জানার কোন উপায় নেই। আহা, কিরোমাঞ্চকর দিনই না কাটিয়েছে তারা! মরে গেছে ঠিক, কিন্তু উপভোগ করে গেছে জীবনটা। আফসোস হলো ববের, কেন আরও দু'তিনশো বহুর আগে জম্মাল না? ডেকের নাবিকদলের একজন হতে বড় ইচ্ছে করে। লুই ডেকেইনির দলের কেউ হতেও আপত্তি থাকত না তার। সেই তো জম্মাল, কিন্তু এমন এক যুগে, যখন ভাত-কাপড়ের চিন্তা করতেই সময় শেষ। দুত্তোর, জম্মানোর নিকুচি করি, লাখি মারি এই বেচে থাকার কপালে!—বিড়বিড় করল সে। ভাগ্যিস কিশোর পাশার সঙ্গে দেখা হয়েছিল, নইলে এই ক'দিনের অভিযানের স্বাদটুকুও পাওয়া হত না।

প্রচণ্ড হতাশা গ্রাস করল তাকে। কপাল্টটো মোহর যদি পায়ও, বড়লো হ

হয়তো হবে, খাওয়া-পরার ভাবনা হয়তো থাকবে না, কিন্তু নুই ডেকেইনির মত জলদস্য কি আর হতে পারবে? পাবে সেই রোমাঞ্চের স্থাদ? হতে পারবে ডেকের মত দিশ্বিজয়ী নাবিক? পারবে না, কোনদিনই পারবে না, কারণ সেই যুগ আর নেই। চিরতরে শেয হয়ে গেছে। কাঠের জাহাজে পাল তুলে অজানার উদ্দেশ্যে বোরোনোর অবকাশ আর নেই। ববের ধারণা, মানুষ নিজেই নিজের সর্বনাশ করেছে, ইঞ্জিন আবিদ্ধার করে, লোহা আর ইম্পাত দিয়ে জাহাজ তৈরি করতে শিখে। মস্ত চিমনি দিয়ে ভকভক করে বেরোয় কালো ধোঁয়া, দৃর, এ কোন দৃশ্য হলো নাকি? শাদা পাল ঘিরে চক্কর দিয়ে উড়ন্ত সী-গাল, সফেদ অ্যালবেট্রস, কোথায় সেই ছবি, আর কোথায় কালো শমাঝে গাঁউউউউ করে কান ঝালাপালা করে দিয়ে বেজে ওঠা লোহার জাহাজের বিরক্তিকর বাশি নাতাসে থাবা দিয়ে বিরক্তিকর শব্দ সরানোর চেষ্টা করল যেন বব।

. কিন্তু এই মুহূর্তে জীবন খুব একটা একখেয়ে নয় ববের জন্যে, অনেকের চেঃ। সে ভাগ্যবান। দারুণ রোমাঞ্চকর এক অভিযানে এসেছে। আর সত্যিই যদি গুপ্তধন পেয়ে যায় তাহলে তো এক লাফে বড়লোক। গুপ্তধন, মোহর! শব্দ দুটো উচ্চারণ করল সে বিড়বিড় করে। কোথায় আছে ওগুলো? ম্যাপটার কথা ভাবল। মাথামুণ্ডু কিছুই বুঝতে পারেনি। আচ্ছা, মোহরটায় কোন সংকেত নেই তো? যেটা গর্তে ফেলে দিয়েছে ওমর ভাই? যেটাকে অভিশপ্ত ভাবা হচ্ছে?

বতই ভাবল বব, মনে হলো, উচিত হয়নি, মোটেই উচিত হয়নি ফেলে নেয়া। ভালমত দেখা দরকার ছিল। হয়তো ওতেই রয়েছে গুপ্তধনের নিশানা, আঁচড় কেটে বা অন্য কোনভাবে চিহ্ন দিয়ে রেখেছে হয়তো ডেকেইনি।

মোহরটা পরীক্ষা করে দেখার ইচ্ছে প্রবল হয়ে উঠল ববের। খুব বেশি দূরে তো নয়। নৌকা নিয়ে যাবে আর আসবে, বড় জোর মিনিট দশেক লাগবে। এটুকু সময়ে কিছু ঘটবে না, নিজেকে বোঝাল বব। পাহারা ছেড়ে যাওয়া মোটেই উচিত হবে না, এটাও জানে। কিন্তু সব কিছুই এত বেশি শান্ত, অঘটন ঘটার আশংকা মনে আসতেই চাইছে না।

অবশেষে মনস্থির করে নিল সে, যাবে। পাহারা ছেড়ে যাচ্ছে বলে একটা অন্যায়বোধ পীড়া দিচ্ছে মনকে, জাের করে দমন করল সেটা। দ্রুত ছাত থেকে নেমে ঘরে চুকল। সবাই গভীর ঘুমে অচেতন। শান্ত পরিবেশ। পা টিপে টিপে একধারের দেয়ালের কাছে এসে ঠেস দিয়ে রাখল রাইফেলটা, হাতড়ে বের করল তার পিস্তল, কােমরে গুঁজে বেরিয়ে এল চতুরে। সিঁড়ি বেয়ে নেমে নৌকা খুলে সাগরে ভাসাল। রঙনা হলাে দ্বীপের দিকে।

বিকেলে যেখান দিয়ে উঠেছিল, সেখান দিয়েই উঠল বব। পাথরের খাঁজে নৌকা রেখে পাহাড়ে উঠতে শুক্ত করল। ওপরে উঠে নিচে তাকিয়ে দেখল একবার। নির্জন, কোন সাড়াশন্দ নেই। কেন জানি মনে হলো তার, এমনি নীরবতা বিরাজ করছিল তখন প্যালিয়নের ভেতর, লুই ডেকেইনির কন্ধালটা দেখার পর। তার প্রেতাত্মা ঘোরাফেরা করছে না-তো? দূর, কি যা-তা ভাবছে? নিজেকে ধমক দিল সে। কিন্তু ভয় তাড়াতে পারল না মন থেকে। আবার তাকাল এদিক ওদিক। অস্বস্তি

ভল্টিম—১

বোধ করছে। আবার বোঝাল মনকে, 'মানুষ মরে পেলে আর কিছু করতে পারে না। ছত-ফৃত সর বাজে কথা।' গর্তটার কাছে এসে দাঁড়াল সে, ম্যাবরির ভয়ে যেটাতে লুকিয়েছিল, মোহরটা যেটাতে ফেলেছে ওমর, সেই গর্ত। আবার ফিরে তাকাল। চাদের আলোয় রহস্যময় মনে হচ্ছে বনভূমিকে, কিছু কিছু ছায়াকে মানুষের ছায়াবলে ভুল হচ্ছে। হ্যামার আর ইমেট চাব লুকিয়ে থেকে তাকে দেখছে না তো?

ভীষণ দুরুদুরু করছে বুক। গর্তে নেমে পড়ল বব। আন্চর্য, মাটিতে হাত দিতেই পেয়ে গেল মোহরটা। হাতে নিয়েই মনে পড়ল ওটার অওড ক্ষমতার কথা। কাঁপা হাতে মোহরটা নিয়ে সোজা হয়ে দাঁড়াল সে। গর্তের বাইরে চ্যাপ্টা একটা পাথরে মোহরটা রেখে দু'হাতে ভর দিয়ে গর্ত থেকে বেরোতে গেল। কিন্তু পর্তের দেয়ালে বেরিয়ে থাকা একটা পাথরে আটকে গেল পিস্তন, ইটাচকা টানে আবার নেমে আসতে বাধ্য হলো বব। বেল্ট থেকে খুলে গর্তে পড়ে গেল পিস্তন। যতই তাড়াহড়ো করতে চায় আরও দেরি হয়ে যায়। বসে পড়ে পিস্তনটা হাতড়ে খুজতে তিক করল।

হাতে ঠেকল গোল একটা কিছু, পিন্তল নয়। জিনিসটার আকার আর ওজন চমকে দিল তাকে। কিন্তু ডাবলুনটা তো রেখে দিয়েছে বাইরে, পাথরের ওপর। তাহলে এটা কি আরেকটা? উঠে মুখ বাড়িয়ে দেখল, ডাবলুনটা আগের জারগায়ই আছে। কিন্তু হাতেও তো আরেকটা। চাঁদের আলোয় চমকাচ্ছে, তুল হতেই পারে না। তারমানে দুটো হলো? অসম্ভব···বিশ্বাস করতে পারছে না সে। উত্তেজনায় কাঁপছে, কপাল বেয়ে দরদর করে ঝরছে ঘাম। ভৃতের ভয় ফিরে এল আবার মনে। নিশুর ডেকেইনির ভৃতই এই কাণ্ড করছে, তাকে বোকা বানানোর জন্যে। কেন যে এসেছিল মরতে? কেন এসেছিল অভিশপ্ত মোহরের লোভে···

আরেকটা ভাবনা মাথায় আসতেই চকিতে দূর হয়ে গেল ভূতের ভয়। এট করে বসে পড়ে আঙুল দিয়ে খামচে মাটি সরাতে শুরু করল। এক গাদা পোল জিনিস হাতে ঠেকল, গলা শুকিয়ে গেল তার। বেড়ে গেল বুকের দুরুদুরু। দম বন্ধ হয়ে থাবে যেন। গর্তের দেয়ালে হেলান না দিয়ে আর পারল না, এক মুঠো গোল জিনিস তুলে নিয়ে দেখল। শব্দ শুনল। না, কোন ভুল নেই। মোহরই। পেয়েছে! পেয়ে গৈছে সে ভেকেইনির শুপুধন! 'মোহর! মোহর!' চেঁচিয়ে উঠল সে নিজের অজান্তেই। ভুলে গেল পিশুলের কথা, ভুলে গেল কোথায় রয়েছে। বসে পড়ে আবার মাটি খুড়তে শুরু করল আঙুল দিয়ে। আরও মোহর ঠেকল হাতে। হাতে জোরে কামড় মারল সে। জেগেই আছে, ঘূমিয়ে স্বপ্ন দেখছে না।

জামা পাজামায় পকেট নেই, মেহর নিয়ে যেতে পারবে না, যেখানে ছিল সেখানেই গুণ্ডলো আবার ফেলে বেরোতে যাবে, এই সময় কানে এল মানুষের কথা। ধড়াস করে এত জোরে লাফ মারল হৃৎপিণ্ড, ববের মনে হলো বুকের খাচা ভেঙে বেরিয়ে যাচ্ছে। পরিষ্কার চিনতে পারছে কণ্ঠস্বর। হ্যামার।

'এদিকেই কোখাও লুকিয়েছে ব্যাটারা, তখনও বলেছি, এখনও বলছি,' তিক্ত শোনাল হ্যামারের কণ্ঠ।

'তো হলো কি তাতে?' ইমেট চাব বলল। 'ঘাবড়ানোর কি আছে? কাল বেড়

দিয়ে ধরব ব্যাটাদের!

'ওরা কি করছে যদি জানতে পারতাম,' বলল হ্যামার। পরক্ষণেই স্বর বদলে গেল। 'মারে, ওটা কিং'

দ্রুত এগিয়ে এল দুই জোড়া পায়ের শব্দ, গুনতে পেল বব। গর্তের পারে এসে দাঁড়িয়ে পড়ল। ভয়ে কুঁকড়ে গেল সে।

্বারে, মোহর, ইমেট চাবের বিস্মিত কণ্ঠ, 'এটা এল কোথা থেকে?'

'নি চর মোহরগুলো খুঁজে পেয়েছে ব্যাটারা। নেয়ার সময় পড়ে গেছে কোনভাবে।'

'না, ম্যাবরির পকেট থেকে পড়েছে। ওর কাছে একটা মোহর ছিল, মনে আছে? এখানেই পড়েছিল সে, এখান থেকেই তুলে নিয়ে সেছি। ওই যে, রক্ত। মোহরটা রাখতে পারল নান্বেচারা। আর দেখেই বা কি হবে? যেখানে গেছে, ওখানে মোহর কোন কাজে লাগবে না।'

'হাত সরাও, ইমেট, আমি আগে দেখেছি, ওটা আমরে,' কর্কশ কণ্ঠে বলে উঠল হ্যামার।

'কি হলো, বিগং এটা কি ধরনের ব্যবহারং একটা মোহরই তো, এটার জন্যে…'

'দাও বলছি ওটা!' হ্যামারের গর্জনে গর্তে থেকেও কেঁপে উঠল বব।

'নইলে কি করবে?' পাল্টা গর্জন করে উঠল ইমেট চাব। ও ছুরি—ছুরির ভ্র দেখাদ্ছ—,' কথা বন্ধ হয়ে গেল তার আচমকা, বিচ্ছিরি ঘড়ঘড়ানি শোনা গেল। ধড়াস করে মাটিতে আছড়ে পড়ল ভারি কিছু, পাথরে ঘষাঘষির শব্দ হলো কয়েক মুহুর্ত, তারপর চুপ।

্র্তু জোরে ঠোঁট কামড়ে ধরল বব, অনেক কস্টে সামলাল নিজেকে, চিৎকার করে উঠেছিল প্রায়। মনের পূর্দায় পরিষ্কার দেখতে পাচ্ছে ছবি, গর্তের বাইরে কি ঘটেছে।

'আমার সঙ্গে ইতরামি···আমার সঙ্গে···,' ভরংকর কর্চে বিভূবিড় করল হ্যামার। তুঁহ।'

পায়ের শব্দ চলে গেল। শ্বন্তির নিঃশ্বাস ফেলল বব। কিন্তু আরও মিনিট দশেক বাইরে বেরোনোর সাহস হলো না। কুঁকড়ে বনো থাকতে থাকতে হাতে পায়ে খিল ধরার অবস্থা। অবশ্যে আন্তে করে সোজা হয়ে উকি দিল গর্ভের বাইরে। এক নজরই যথেষ্ট, দ্বিতীয় বার আর ইমেট চারের গলাকটো লাশটার দিকে চাওয়ার সাহস হলো না।

মোহর নেয়ার জন্যে অপেক্ষা করণ না বন, পিন্তলটা খুঁজে বের করার জন্যেও থামল না আর। এক লাফে বেরিয়ে এসে সোজা দৌড় দিল নৌকার দিকে। বার দুই হোঁচট খেরে পড়তে পড়তে কোনমতে সামলে নিল, পায়ের চামড়া ছড়ে গেল ধারাল পাথবে লেগে, কেয়ারই করল না। নৌকার ওপর এসে প্রায় হুমড়ি খেয়ে পড়ল। কাপা আঙুলে কি ভাবে দড়ি খুলল, বলতে পারবে না, নৌকাটা এনে ফেলল। পানিতে। লাফিয়ে উঠে বসে দাঁড় বেয়ে তীর কেগে ছুটল। ঘোরের মধ্যে যেন পেরিয়ে এল প্রণালীটা, নৌকা বাধল ঘাটে, একেক লাফে দুটো তিনটে করে সিঁড়ি

ডিঙিয়ে উঠে এল ওপরে।

'থামো! কে?' বরফ-শীতল ওমরের কণ্ঠ।

'আ-আমি, যব,' হাঁপাচ্ছে বব।

'উঠে এসো।'

চতৃরে উঠে এলো বব। ছায়া থেকে বেরিয়ে এল ওমর। অন্য দু'জন তার পেছনে।

'কোথায় গিয়েছিলে?' কঠিন কণ্ঠে জিজ্ঞেস করল ওমর।

'দ্বীপে। আৰমি পেয়েছি…,' হাঁপানোর জন্যে কথা বলতে পারছে না। ধারাল ছুরির মত কেটে বসল যেন ওমত্রের কথা, 'কি পেয়েছ সেটা পরের কথা। পাহারা ছেডে গিয়েছ কেন?'

'কিন্তু∙∙'

'কোন কৈফিয়ত শুনতে চাই না। গেছ কিনা, বলো আগে।'

'शा।'

'অন্যায় করেছ?'

'र्डा ।'

'আর কক্ষনো করবে না। ভাগ্য ভাল, কিছু ঘটেনি। কিন্তু ঘটতে পারত। প্রাইকে বিপদে ফেলে দিতে পারতে।'

'সরি! আর এমন **হবে** না।'

'ঠিক আছে। কিন্তু এটা করলে কেন্?'

'ডাবলুনটা আনতে পিয়েছিলাম।'

'কী?' ধাকা খেয়ে যেন পিছিয়ে এল ওমর। 'সেই অভিশঙ মোহর?'

'হা। ভাবলাম…'

'ভাবাতাবি পরের কথা। মোহরটা এনেছ? জলদি ফেলো, ছুঁড়ে ফেলো গানিতে।'

সানতে পারিনি। হ্যামার নিয়ে গেছে।

'কি করে জানলে?'

আমি গর্ত থেকে তুঁলে একটা পাথরে রেখেছিলাম। একটু পরেই হ্যামার স্মার ইমেট চাব এল। মোহরটা দেখে এ বলে আমি নেব, ও বলে আমি নেব। কথা কাটাকাটি, শেষে ইমেট চাবের গলা ফাঁক করে দিল হ্যামার। মোহরটা নিয়ে চলে গেল।'

মুসা আর কিশোরের দিকে তাকাল ওমর। 'কি, বলেছিলাম না, মোহরটা অভিশপ্ত?' বদলে গেছে তার কণ্ঠস্বর, ফ্যাসফেনে হয়ে উঠেছে। 'বউনের মোহরের জন্যে আরেকজন মরল। হ্যামার নিয়ে গিয়ে কপালে দুর্গতি টেনে আনল আর কি।' ববের দিকে ফিরল আবার সে। এতক্ষণ কি করলে?'

'গর্তে বসেছিলাম। আরও অনেকগুলো পেয়েছি।'

'কি পেয়েছ?'

'মোহর.' বোম ফাটাল ফেন বব।

চুপ হয়ে গেল সবাই।

আরও মোহর পেয়েছ?' বলল অবশেষে কিশোর।

'হ্যা ।'

'কতগুলো?'

'কয়েকশো হতে পারে, কিংবা কয়েক হাজার,' হাত উল্টাল বব।

'শিওর্থ' ওমর বলল।

'শিওর। হাতে নিয়ে দেখেছি।'

'ঘূমিয়ে পড়োনি তো?' ওমরের কণ্ঠে স্পষ্ট সন্দেহ। 'স্বপ্ন দেখেছ?'

এক পা সামনে বাড়ল বব। চেঁচিয়ে উঠল, 'স্বপ্ন? মোটেই না। বললাম তো, হাতে নিয়ে দেখেছি।'

এগিয়ে এল কিশোর: 'কোথায় পেলে বব?'

'ওমরভাই যে গর্তে ডাবলৃনটা ফেলে দিয়েছিল। ম্যাবরির ভাড়া খেয়ে ওটাতেই লুকিয়েছিলাম।'

ী নাহ, বিশ্বাস হচ্ছে না!' গাল চুলকাল ওমর, মাথা নাড়ল আনমনে। 'এত সাধারণ একটা গর্তে মোহর লুকিয়েছিল ডেকেইনি?'

ই্যা, তাই,' প্রায় চেঁচিয়ে উঠল কিশোর। 'এখন বুঝতে পারছি। ম্যাপে পাহাড় বোঝানো আছে, আকাবাকা লগ্ন দাগ দিয়ে, দাগের এক জায়গায় ছোট একটা গোল চিহ্ন, তারমানে গর্তটা। ওই গর্তে মোহর রেখে মাটি চাপা দিয়ে রেখেছিল ডেকেইনি। বব, হ্যামার আর ইমেট চাব ওখানে কি করতে এসেছিল?'

'কুগারার্তা গুনে তো মনে হলো, আমাদের খুঁজতে।'

'কি কি বলেছে গুনেছ ভালমত?'

'খুব বেশি কিছু বলেনি। তবে একটা কথা জরুরী মনে হলো, আগামীকাল বেড় দিয়ে নাকি ধরবে আমাদের।'

'উঁউহ্!' মুখ বাঁকাল মুসা। 'পুকুরে জিয়ানো মাছ পেয়েছে আর কি। হারামির বাদ্যা! কিডাবে ধরবে, বলেছে?'

'না তবে কথাটায় বেশ জোর ছিল। এমনভাবে বলল, যেন আগামীকাল বিশেষ কিছু ঘটতে যাত্তে, তাতে আমাদের ধরা খুব সহজ হয়ে যাবে।'

ি চিন্তিত হয়ে পড়ল ওমর। 'বুঝতে পারছি না। কিডাবে আমাদের ধরবে? কিছুক্ষণ আগে ছিল চারের বিরুদ্ধে দুই, এখন হয়েছে এক। ম্যাবরি আহত, তাকে গোণার বাইরে রাখা যায়…'

`মনে হয় সারা গেছে,` বলে উঠল বব। 'ইমেট চাব বলছিল, ম্যাবরি এমন এক জায়গায় গেছে, যেখানে মোহর কোন কাজে লাগবে না তার।'

্ 'অভিশপ্ত ডাবলূনের আরও শিকার,' নরম গলায় বলল ওমর। 'ইমেটের লাশ ' কোখায়?'

'গর্তটার ধারেই পড়ে আছে।'

কাল সকালেই ওকে সরিয়ে ফেলতে হবে। লাশ দেখতে ফিরে এসে না আবার মোহর আবিষ্কার করে বসে হ্যামারের বাচ্চা। এখন রাতের বেলা কিছু করতে পারব না, তবে আলো ফোঁটার সঙ্গে সঙ্গে কাজে নাগব। চলো, ঘুমিয়ে নিই। মুসা, তুমি পাহারায় থাকো। ববের মত ঘাড়ে ডুত চাপবে না তো?'

राजन पूजा। प्राथा नाएन।

ওমর আর কিশোরের পেছন পেছন ঘরে নেমে এল বব। শুরে খালি এপাশ-ওপাশ করতে লাগল, ঘুম এল না সহজে। ঘুমের মধ্যেও দুঃস্বপ্ন দেখল, হ্যামার আর লুই ডেকেইনি হাতে হাত মিলিয়েছে, মন্ত দুই ছুরি নিয়ে তাড়া করছে তাকে।

আট

ধরমড়িয়ে উঠে বসল বব। অন্ধকার রয়েছে এখনও, আবছা একটা মূর্তিকে নড়াচড়া করতে দেখল সে। আরও ভালমত দেখার জন্যে সোজা হয়ে বসল।

বাইনের কেউ নয়, ওমর। ববকে নড়াচড়া করতে দেখে বলল, 'উঠে পড়ো। বেরোনোর সময় হয়েছে।'

'এখনও ডোর হয়নি, না?'

হয়নি, তবে হবে। তারার আলে। কমে গেছে, পাঁচ মিনিট পরেই ভোরের আলো ফুটবে। আরে এই মুসা, আবার গুয়ে পড়লে যে? ওঠো, ওঠো, নারকেল ভেঙে নাস্তা সেরে নাও। আমি বন্দুকণ্ডলো গুছিয়ে নিই।'

হাই তুলতে তুলতে উঠে বসল মুসা। 'দরকার পড়বে?'

শক্র যখন রয়েছে, পডতেও পারে।

'কিশোর কই?'

'ছাতে, পাহারা দিচ্ছে, নাস্তাও সেরে নিচ্ছে। জলদি করো, রেডি হঙ্গে নাও।' লাফিয়ে উঠে দাঁড়াল মুসা। 'হায় আল্লাহ, মোহরের কথা তুলেই গিয়েছিলাম। ওগুলো আনতে যাচ্ছি আমরা?'

'হ্যা। ওওলোও আনতে হবে।'

নারকেল ডাঙল মুদা। ঢকচক করে পানি খেলো। নারকেল সুদ্ধ অর্ধেকটা মালা ববকে দিয়ে বাকি অর্থেকটা দিতে গেল ওমরকে।

'আমি খেয়েছি.' বলল ওমর। 'তোমরা জলদি সেরে নাও।'

'নৌকায় বসেই খেতে পালব, চলুন যাই,' মুসা বলল।

চত্বরে বেরিয়ে কিশোরকে ডাকল ওমর, ছাত থেকে নামতে বলল। ফেকাসে নীল হয়ে গেছে আকাশ, পুব দিগন্তে লালচে আলো। সূর্য উঠবে। কি ডেবে ছাতে উঠে গেল ওমর। ল্যাপুন আর তার আশপাশে যতদূর দেখা যায়, দেখল। হ্যামারকে দেখা যাচ্ছে না, উভচরটাও না। ফেরেনি সিডনি বারডু।

একটা করে মাসকেট নিয়ে সিঁড়ি বেয়ে নেমে এল ওরা, নৌকায় উঠল। পাঁচ মিনিটে পেরিয়ে এল প্রণালী, পাথরের খাজে তুলে রাখল নৌকাটা। বব তার কিশোরকে দাঁড়াতে বলল ওমর। 'মুসা, তুমি আমার সঙ্গে এসো।' 'কি ব্যাপার?' জিজ্ঞেস করল কিশোর।

কাজ আছে, সেরে ডাকব। তোমরা পাহারা দাও। হ্যামারকে দেখলে জানাবে। একটা পাথরের ওপর বসে পড়ল কিশোর। কি কাজ সারতে গেছে ওমর ভাই, অনুমান করতে পারছে। কিছুক্ষণ পর উল্টো দিকে পানিতে ঝপাং করে শব্দ হতেই স্বৃত্তির নিঃশ্বাস ফেলল। 'ভাল,' বিড়বিড় করল সে, 'ইমেট চাবের লাশ আর দেখতে হলো না আমাকে। সোনার লোভ কত মানুষের যে সর্বনাশ করল!'

'স্বৰ্ণ সৰ্বনাশ করেনি, মানুষ নিজেই নিজের সর্বনাশ করেছে,' গম্ভীর হয়ে বলল বব।

ওমরের জাক শোনা গেল। তাড়াতাড়ি উঠে ছুটল বব আর কিশোর।

'বব,' ওমর বলল, 'আগে হাটো, পথ দেখাও। মোহর তুমি খুঁজে পেয়েছ, আগে গর্তে নামার সন্ধান তোমার প্রাপ্য।'

উজ্জ্বল হয়ে উঠল ববের মুখ। পথ দেখিয়ে নিয়ে চলল সঙ্গীদের। গওঁটার কিনারে এসে হাত তুলে দেখিয়ে বলল, 'ওটা।'

'আল্লাহ্! সড়্যিই তো,' গর্তে উঁকি দিয়ে দেখে প্রায় চেঁচিয়ে উঠল ওমর।

হাসিতে উজ্জ্বল হয়ে উঠল কিশোর আর মুসার মুখ:

লাফিয়ে গর্তে নেমে এক মুঠো মোহর তুলল ওমর। ঠিকই বলেছ তুমি, বব। কয়েক হাজারের কম না।

'আরও বেশিও হতে পারে.' বলল বয়। 'গুণব নাকি?'

'এক মিনিট,' হাত তুলল কিশোর, 'মাথা গরম করলে চলবে না। এখানে বসে গোণা রিসকি হয়ে যাবে, আর গোণার দরকারই বা কি? যা আছে তো আছেই। এগুলো এখান থেকে নিতে হলে ওই দুর্গেই নিতে হবে। তারপর মোহর পাহারা দিয়ে বসে থাকতে হবে ওখানে, কতদিন কে জানে। ঝড় উঠলে, সাগরের অবস্থা ঝারাপ হলে বেরোতে পারব না, দ্বীপে আসতে পারব না, মোহর সামলাতে গিয়ে শেষে না খেয়ে মবতে হবে। ওদিকে হ্যামার কি করছে সেই জানে। চুপ করে বসে থাকার পাত্র সে নর, নিশ্চয় কোন শয়তানী বুদ্ধি আটছে। শীঘ্রি কিছু একটা করবে সে। আমাদের ইশিয়ার থাকা দরকার।'

'ঠিকই বলেছ,' গর্ত থেকে বেরিয়ে এলো ওমর। 'তৈরি থাকতে হবে আমাদের মুসা, নারকেল কুড়াও গিয়ে। যত বেশি পারো, জমাও। কিশোর, জাহাজটায় যেতে পারবে আবার?'

'পারব। কেন?'

'বারুদ আনতে হবে।'

'আহ্হা,' মাথা কাত করল কিশোর।

'বব,' বলন ওমর, 'যাও তো, এক দৌড়ে গিয়ে বালতিটা নিয়ে এসো, ফুটা বালতিটা। মোহরগুলো নিতে হবে। আমি বাইরে তুলে রাখছি।'

হ্যামার এলে? মুসা প্রশ্ন করন।

'আসুক। চারজনের বিরুদ্ধে যদি লাগার সাহস থাকে, আসুক না। পকেটে অভিশপ্ত ডাবলূন, সে-তো এমনিতেই মরা। যাও, তোমরা যার যার কাজে চলে যাও।'

নারকেল কুড়িয়ে ন্ত্র্প করে ফেলল মুসা। বালতি নিয়ে এলো বব। কিশোরঙ

বারুদের পিপে নিয়ে হাজির—জাহাজে ঢোকা আর বেরোনোর পথ পেয়ে গেছে, কাজটা আর মোটেই কঠিন নয় এখন। মোহর তুলে গর্তের পাড়ে জমাচ্ছে ওমর।

সূর্য অনেক উপরে উঠেছে। কড়া রোদ। কপালের ঘাম মুছতে মুছতে বলল ওমর, 'মুসা, নারকেল ভাঙবেং খুব খিদে পেয়েছে।'

'এখুনি আনছি,' নারকেল আনতে চলে গেল মুসা।

'বারুদ কতখানি আনলে?' কিশোরকে জিজ্ঞেস করল ওমর।

'আধ পিপার বেশি। এর বেশি আর বইতে পারলাম না।'

'ওতেই চলবে। দুর্গেও কিছু আছে। ছোটখাট লড়াই ঠেকানো যাবে।'

'লড়াই হবেই? কিন্তু বুঝতে পারছি না, লড়াইটা কার বিরুদ্ধে করবং হ্যামার তো একলা,' নিজের সঙ্গেই আলোচনা করছে যেন কিশোর। 'যাকগে, যখন হয় তখন দেখা যাবে। এখন মোহর সরানো দরকার।'

'হ্যা,' ওমর বলল, 'অনেক মোহর। সরাতে সময় লাগবে। তুলছিই গুধু, শেষ

আর হয় না।'

নারকেল ভেঙে নিয়ে এল মুসা। গর্তের পাড়ে বসে খেলো চারজনে, জিরিয়ে নিল।

'কিশোর,' ওমুর বলল, 'তুমি আর মুসা মোহরগুলো দুর্গে নিতে থাকো। আমি

আর বব তুলে বালতি ভরে দিচ্ছি।

বার বার নৌকা নিয়ে আসা আর যাওয়া, বেশ পরিশ্রমের কাজ, গর্ক খুঁড়ে মোহর তোলাও কম মেহনত নয়। সময় লাগল অনেক। কিন্তু অবশেষে শেষ হয়ে এল কাজ। শেষবারের মত বালতি ভরা হলো মোহর দিয়ে। আর নেই। ওমরের অনুমান, চল্লিশ থেকে পঞ্চাশ হাজার মোহর নিয়ে যাওয়া হয়েছে।

'যাক বাবা, সারলাম, বাঁচা পেল,' স্বস্তির নিঃশ্বাস ফেলল ওমর। 'কিন্তু হামোরের পাতা নেই কেন্ ু কি ক্রছে?' একটা শব্দ শোনা গেল। 'ওই যে সাড়া

বোধহয় মিলল। বব, এক দৌড়ে গিয়ে দেখে এসো তো।

সৈকতে পা দিয়েই থমকে দাঁড়াল বব। হাঁ করে চেয়ে রইল এক মুহূর্ত তারপর ঘুরে দৌড় দিল। দূরে থাকতেই চেঁচিয়ে বলল, 'জলদি আসুন, জলদি! পালাতে হবে!' নৌকার দিকে ঘূটল সে।

পার্থরে বসে বিশ্রাম নিচ্ছিল, লাফিয়ে উঠে দাঁড়াল তিনজনে। 'কি হয়েছে?'

টেচিয়ে জিজ্ঞেস করল ওমর।

'সৈন্য!' জবাব দিল বব। 'ম্যারাবিনা থেকে, সৈন্য নিয়ে এসেছে,' কণ্ঠে আতংক, 'অনেক সৈন্য। এদিকেই আসছে ওরা।'

আর দেরি কর্ল না ওমর। ছোঁ মেরে মাসকেট তুলে নিল, হাত বাড়াল বালতির দিকে। কিন্তু তাড়াহড়ো করতে গিয়ে বালতিতে পা লাগিয়ে টান মেরে বসল কিশোর, কাত হয়ে পড়ে গেল বালতি, ছড়িয়ে পড়ল সমস্ত মোহর। কুড়িয়ে তুলতে গেল আবার ওণ্ডলো।

'রাখো রাখো,' বলে উঠল ওমর। 'তোলার সময় নেই। জলছদ নৌকার দিকে

দৌড় দাও।

নৌকা পানিতে নামিয়ে দাঁড় হাতে তৈরি হয়ে আছে বব। কিশোর আর মুসা উঠল। গভীর পানিতে নৌকা ঠেলে দিয়ে লাফিয়ে উঠে বসল ওমর। এক পাশে কাত হয়ে বেশ খানিকটা পানি উঠল নৌকায়, উল্টে যাচ্ছিল প্রায়।

পাথরের স্তুপের কাছ থেকে শোনা গেল সন্মিলিত চিৎকার। ওদের ৮৮খে ফেলেছে সৈন্যরা। খানিকক্ষণ পর আবার শোনা গেল চিৎকার।

'মোহরগুলোও দেখেছে,' ববের হাত থেকে দাঁড় নিয়ে জোরে জোরে বাইতে শুরু করল ওমর।

কিশোরের ছড়িরে ফেলা মোহরগুলোই প্রাণ বাঁচাল ওদের। রাইফেলের নিশানা করে ফেলেছিল কয়েকজন সৈন্য, ট্রিগার টিপতে যাবে, এই সময় তাদের কানে এল, 'মোহর! মোহর!' চিৎকার। অন্যেরা লুটছে, তারাই বা বাদ পড়ে কেন? ছুটল তারাও। গিয়ে দেখে সত্যি মোহর কুড়াচ্ছে তাদের সঙ্গীসাথীরা, রাইফেল কাধে ঝুলিয়ে তারাও কুড়াতে লেগে গেল। হ্যামারের শত চিৎকারেও কান দিল না কেউ।

ইমেট চাবের অটোমেটিকটা নিয়ে নিয়েছিল হ্যামার, ওটা নিয়েই ছুটে এল সৈকতে। রাগে, উত্তেজনায় থরথর করে কাঁপছে, হাত ঠিক রাখতে পারল না, এলাপাতাড়ি গুলি ছুঁড়ল, নৌকার ধারেকাছে এল না একটাও।

সব মোহর কুড়িয়ে পকেটে ভরল সৈন্যরা, আর একটাও পড়ে রইল না। রাইফেল তুলে নিয়ে ফিরে এল আবার সৈকতে। কিন্তু ততক্ষণে অনেক দূরে চলে এসেছে নৌকা। গুলি করল সৈন্যরা, দু'একটা বুলেট নৌকার একেবারে কাছে পানি ছিটাল, কিন্তু লাগল না কারও গায়ে।

'ওলি করো, কিশোর,' বলল ওমর। 'কারও গায়ে লাগুক না লাগুক, ভয় দেখাও।'

গর্জে উঠল কিশোরের মাসকেট। প্রচণ্ড ধান্ধা লাগল। এত ধান্ধা দেৱে কল্পনাও করেনি সে, বাঁকা হয়ে গেল এক পাশে। পাথরে বাড়ি লেগে বিকট শব্দ তুলে সৈন্যদের মাথার উপর দিয়ে উড়ে গেল বল। চোখের পলকে ডাইভ দিয়ে আড়াল নিল ওরা। ওখান থেকে গুলি ছুঁড়তে থাকল একনাগাড়ে।

নিরাপুদেই সিঁড়ির গোড়ায় এসে ভিড়ল নৌকা।

'জলদি উঠে যাও,' বলল ওমর। 'একরারে একজন করে।'

লাফিয়ে সিঁড়ি ডিঙিয়ে উঠে এল তিন কিশোর। যাটের কাছে নৌকাটাকে শক্ত করে বেঁপে ওমরও উঠে এল। 'হাউফ্ফ,' করে মুখ দিয়ে নিঃশ্বাস ফেলে বঙ্গে পড়ল অন্যদের পাশে, একটা নিচু পাথরের দেয়ালের আড়ালে। বড় বাঁচা বেঁচেছি। কিন্তু ব্যাটারা এল কিভাবে?'

ছাতে উঠল ওমর, হামাওড়ি দিয়ে চলে এল কিনারে। সাবধানে উকি দিল। যা দেখার দেখে পিছিয়ে এসে বলল, 'অবস্থা ভাল না।'

'কি?' জানতে চাইল কিশোর।

জাহাজ নিয়ে এসেছে ব্যাটারা, সাইজ দেখে মনে হলো ট্রলার। কোস্ট

গার্ডদের বোধহয়। কিন্তু জানল কিভাবে…'

বারড়ু, সিডনি বারড়ু, বলল কিশোর। 'ও-ই গিয়ে খবর দিয়েছে ম্যারাবিনায়, সাহায্য চেয়ে পাঠিয়েছিল নিচয় হ্যামার। অ্যালেন কিনি মরেছে বটে, কিন্তু তার দোসরগুলো তো আছে। কোনটার চেয়ে কোনটা কম শয়তান না।

'হঁয়া, ঠিক বলেছ,' তর্জনী নাড়ল ওমর। 'ইউনিফর্ম পরা ওই শয়তানটাকেও দেখেছি সৈন্যদের সঙ্গে, ওই যে ওই অফিসারটা, যেটা এসে এগিয়ে নিয়ে গিয়েছিল আমাদেরকে।'

'কতজন আছে?'

'ঠিক বোঝা গেল না, তিরিশ-চল্লিশ কিংবা তার বেশিও হতে পারে।'

'হুঁ। ভাগ্যিস, নারকেলগুলো এনে রেখেছিলাম। আরি…,' শব্দ গুনে ফিরে। তাকাল কিশোর।

'বারছু! বারছু আসছে,' চেঁচিয়ে বলল মুসা। হাত তুলে দেখাল, দক্ষিণ-পশ্চিম থেকে উড়ে আসছে বিমানটা।

কপালে হাত রেখে দেখল ওমর, মাথা নাড়ল, 'হ্যা, আমাদের উডচরটাই।ু

সহজে ছাড়বে না, বোঝা যাছে।

ছাতে উঠে এল চারজনেই, নিচু দেয়ালের ছোট ছোট ফোকর (বন্দুকের নল চুকিয়ে শত্রুদের ওপর ওলি চালানোর জন্যে তৈরি হয়েছে ফোকরওলো) দিয়ে দেখছে। সৈকত থেকে সামান্য দূরে জঙ্গলের ছায়ায় গিয়ে বসেছে সৈন্যরা। হাত নেড়ে তাদেরকে কি যেন বলছে হ্যামার।

ফিরল হ্যামার। এগিয়ে এল সৈকত ধরে। দূর্গের দিকে চোখ।

'কি ব্যাপার?' বিডবিড করল ওমর।

'আরি, মিল করতে আসছে মনে হয়!' অবাক কণ্ঠে বলল কিশোর।

হ্যামারের হাতে একটা লাঠি, মাথায় শাদা কাপড় বাঁধা। পানির একেবারে কিনারে এসে উঁচু একটা পাথরে চড়ল, লাঠিটা মাথার ওপর তুলে কাপড় নাড়ল জোরে জোরে। চেঁচিয়ে বলল, 'এই, শুনছ? এইই, তোমরা?'

আমাকে কডার দাও,' ছেলেদেরকে বলল ওমর, আমি বললেই গুলি চালাবে।' হ্যামারকে বলল, 'কী? চেঁচাচ্ছ কেন?'

'একটা অফার দিতে এসেছি,' বলল হ্যামার।

'বলো ৷'

মোহরগুলো দিয়ে দাও, বিনিময়ে তোমাদেরকে ম্যারাবিনায় পৌছে দেব।

হাসল ওমর। 'ধন্যবাদ। ম্যারাবিনায় যাব না।' 'মোহরণ্ডলো দেব না?' রেগে উঠছে হ্যামার।

'যা পেয়েছ পেয়েছ, আর একটাও না।'

'ঠিক আছে,' দাঁতে দাঁত চাপল হ্যামার। 'ধরে এমন ধোলাই দেব, গলার এই জোর থাকবে না। বলতে দিশে পাবে না, কোথায় রেখেছ মোহর।'

'ধোলাই তো পরের কথা, আগে ধরতে হবে তো আমাদের?'

'শাআলা!' গাল দিয়ে উঠল হ্যামার। 'দাঁড়া, আগে ধরি, জ্যান্ত ছাল ছার্ডিয়ে

নেব।' মুখ খিস্তি করে আরও কয়েকটা গাল দিল সে, ঘুসি পাকিয়ে হাত ঝাঁকাল বার কয়েক। দুপদাপ করে নেমে ছুটে গেল নিজের লোকজনের কাছে। মিনিটখানেক পর তিনজন সৈন্য রাইফেল হাতে ছুটে গেল ট্রলারের দিকে।

'কি করতে চায়?' নিচু ক**ন্ঠে** বলল কিশোর।

নৌকা নিয়ে আসবে মনে হচ্ছে,' বলল ওমর। 'লড়াই করতেই হচ্ছে। চতুরে স্থপ করে রাখা হয়েছে চকচকে সোনালি মোহরগুলো। 'তেমন বুঝলে সব মোহর পানিতে ফেলে দেব, তবু ব্যাটাদেরকে দেব না। চলো, রেডি হই।' ছাত থেকে নেমে বলল সে, 'আমাদের কাছে মাসকেট আছে, জানে হ্যামার, কিন্তু ওগুলোর খবর জানে না,' হেসে কামানগুলো দেখাল। সুইডেল-গান্টার কথাও জানে না। পয়লা চোটেই ওদেরকে ভয় পাইয়ে দিতে হবে।'

কাজে লেগে গেল চার অভিযাত্রী। কড়া রোদ মাথার ওপরে। দরদর করে ঘামছে ওরা, কামান-বন্দুকে বারুদ ঠাসছে। পাচ পাউও ওজনের একটা গোলা তুলে নিয়ে বলল মুসা, 'এটা যদি লাগে হ্যামার মিয়ার মুখে? ডেনটিস্ট্ দেখানোর আর দরকার পড়বে না?' বলেই ঢুকিয়ে দিল একটা কামানে।

তার রসিকতায় হাসল অন্যেরা।

বেজায় ভারি সুইডেল-গানটা। নিচ থেকে এনে প্রণালীর দিকে নিশানা করে বসাতে গিয়ে ঘামে চুপচুপে হয়ে গেল একেকজন। বারুদের পিপা, গুলি, পিস্তলবন্দুক, এমনকি ছুরি-বন্নম যা আছে, সব নিয়ে আসা হলো ওপবে, হাতের কাছে রাখা হলো। এভাবে দেখল ওমর, ওভাবে দেখল, সন্তুষ্ট হয়ে মাথা নাড়ল, 'হাঁ, ঠিক হয়েছে।'

'আচ্ছা, এক কাজ করলে কেমন হয়?' প্রস্তাব রাখল কিশোর। 'লুই ডেকেইনির নিশানটা উভিয়ে দিই?'

'খুব ডাল হয়,' আনন্দে হাত তালি দিয়ে উঠল বব। 'দারুণ হয়।' 'ডাল বলেছ,' হাসিতে ঝকঝকে শাদা দাঁত বেরিয়ে পড়ল মুসার। 'মন্দ বলোনি,' ওমরও হাসছে।

ববের উৎসাহই বেশি। ছুটে নিচে গিয়ে কালো পতাকাটা নিয়ে এল সে। নৌকার দাঁড়ের মাথার বেঁধে উড়িয়ে দিল ছাতের ওপরে। সুর করে গেয়ে উঠল ট্রেজার আইল্যাণ্ডের জলদস্যুদের সেই বিখ্যাত গান, 'ফিফটিন মেন অন দা ডেড ম্যানস চেস্ট, ইয়ো হো হো, অ্যাণ্ড আ বট্ল্ অভ্রাম।'

ববের সঙ্গে গলা মিলিয়ে কোরাস গাইল অন্যেরাঃ 'ড়িংক অ্যাণ্ড দা ডেভিল হ্যাড ডান ফর দা রেস্ট, ইয়ো হো হো, অ্যাণ্ড আ বটল অভ রাম।'

ফোকর দিয়ে দেখল কিশোর, এদিকেই চেয়ে আছে সৈন্যরা। মুখের ভাব বোঝা যাচ্ছে না দূর থেকে, কিন্তু তাজ্জ্ব যে হয়েছে তাতে কোন সন্দেহ নেই। 'ওরা ভাবছে, আমরা পাগল হয়ে গেছি।'

'ভুল ভাবছে?' হাসিতে উচ্ছ্র্ল ওমরের মুখ। হঠাৎ সাগরের দিকে চোখ পড়তেই চেঁচিয়ে বলল, 'মাখা নামাও! ওরা আসছে।' ল্যাণ্ডনের পাশ দিয়ে বেরিয়ে এপিয়ে আসছে একটা নৌকা, দাঁড় টানছে চারজন লোক। তীর ঘেঁষে চলছে। গাছপালার আড়ালে অদৃশ্য হয়ে গেল ওটা। হ্যায়ারকে মাথা নিচু করে সেদিকে ছুটে যেতে দেখা গেল। খানিক পূরে আড়াল থেকে আবার বেরিয়ে এল নৌকাটা।

'কতজন?' বিচ্চৃবিড় করল কিশোর।

'চোদ্দ-পনেরোজন হবে,' আন্দাজ করল ওমর।

দ্বীপের চোখা প্রান্তের কাছে চলে এল নৌকা। লোকের ভারে প্রায় ডোবে ডোবে। বার বার হাত ঝাকি দিয়ে কি যেন বলছে হ্যামার, বোধহয় আরও জোরে দাঁড টানতে বলছে।

'আমি না বললে গুলি করবে না,' নিচু গলায় নির্দেশ দিল ওমর। আরও এগিয়ে এল নৌকা।

হঠাৎ আদেশ দিল ওমর, 'ফায়ার!'

গর্জে উঠল মাসকেট, বার বার তীরের পাহাড়ে পাহাড়ে প্রনিত-প্রতিপ্রনিত হলো বিকট আওয়াজ। নৌকার পাশের পানি ছিটকে উঠল গুলি লেগে। পাটাতনে নুয়ে পড়ে গেল নৌকার একজন। কিন্তু দাঁড় বাওয়া থামাল না ওরা, দ্রুত এগিয়ে এল।

'ওলি রুরো,' আদেশ দিল আবার ওমর। থেমো না।

আরও দুর্জন সৈন্য পড়ে গেল। দুহাত শূন্যে তুলে লাফিয়ে উঠল একজন, বাঁকা হয়ে পানিতে পড়ল ঝপাং করে। একবার কাত হয়ে আবার সোজা হলো নৌকাটা, থামল না, এগিয়ে আসছে আরও দ্রুত।

মার্সকেট ফের্লে সুইডেল-গানের কাছে চলে এল ওমর। নৌকার দিকে নল ফেরাতে ফেরাতে অছুত হাসি ফুটল মুখে। টাচ-হোলে কিছু আলগা বারুদ ঢেলে দিয়ে কম্বল-ছেঁড়া দিয়ে বানানো সলতেয় আগুন ধরিয়ে দাগল কামান। নলের মুখ দিয়ে ঝলকে বেরোল আগুন, আগুনের ফুলবুরি ছিটিয়ে ছুটে গেল এক ঝাঁক বল। প্রচণ্ড শব্দে কানের পর্দা ফেটে গেছে মনে হলো অভিযাত্রীদের, কামানের নলের সামনে কালো ধোঁয়ার মেঘ।

প্রতিক্রিয়া দৈখে বোরা হয়ে গেল খেন ওমর। এত জোরে পিছু-ধাক্কা দেবে সুইভেল-গান, কল্পনাও করেনি সে। প্রায় শ'খানেক বল ভরে দিয়েছিল, সব ছুটে গেছে ঝাঁক বেঁধে। টগবগ করে ফুটতে শুরু করল যেন কিছুটা জায়গায় পানি, আরেকটু হলেই গিয়েছিল উলেট নৌকা। সৈন্যদের গোঙানি আর আতংকিত চিংকার শোনা গেল। চারজনের মাত্র একজনের হাতে দাঁড় রয়েছে, কিন্তু ওই তাওবের মাঝে সে-ও বাইতে পারছে না, কিংবা বাওয়ার কথা ভুলেই গেছে। সব শব্দ ছাড়িয়ে শোনা যাচ্ছে হ্যামারের কুৎসিত গালাগাল। ধাক্কার চোটে নৌকার নাক ঘুরে গেছে আবার যেদিক থেকে এসেছে সেদিকে।

সামলে নিল আবার সৈন্যরা। কারও দাঁড় পানিতে পড়ে গিয়েছিল, কারও বা নৌকার পাটাতনে, তাড়াতাড়ি তুলে নিয়ে দ্বিগুণ বেগে দাঁড় বেয়ে ছুটে গেল তীরের দিকে। পালাচ্ছে। পাগলের মত হাত চালাল শুমর। ওদের পালাতে দেয়া চলবে না। সুইভেল-গানে আবার বল ভরে বারুদ ঠাসছে। চোখ তুলে দেখল, তীরের কাছে চলে গেছে নৌকা। তাড়াতাড়ি সলতে লাগিয়ে আশুন ধরিয়ে গুলি করল আবার।

বু-ম্-ম্ করে কানফাটা গর্জন তুলে আবার তপ্ত বল ছিটাল সুইডেল-গান।

এবার আর রেহাই পেল না নৌকা, উল্টে গেল। তীরের কাছে অগজীর পানিতে মৃদু ঢেউরে দুলছে। জনাতিনেক সৈন্য হাত-পা ছুঁড়ছে পানিতে, বাকিরা স্থির হয়ে ভাসছে। দুর্বল ভঙ্গিতে আঙুল দিয়ে বালি খামচে খামচে নিজেকে শুকনোয় টেনে তোলার চেষ্টা করছে একজন। হ্যামারসহ আরও তিনজন ছপছপ করে হাঁটু পানি ভেঙে পড়িমড়ি করে উঠল ডাঙায়, উঠেই দৌড় দিল জঙ্গলের দিকে। দেখতে দেখতে হারিয়ে গেল পাথরের স্থপের আড়ালে।

'গুলি করো,' নির্দেশ দিল ওমর। 'মাঁঝরা করে দাও নৌকার তলা, যাতে ওটা নিয়ে আর না আসতে পারে,' বলতে বলতেই হাত বাড়িয়ে আবার মাসকেট তুলে নিয়ে গুলি চালাল। নৌকার উপুড় হয়ে থাকা তলা থেকে কাঠের চিলতে উড়ে গেল। বল ভরে গুলি চালাল আবার। পরের পাঁচ মিনিট একনাগাড়ে গুলি চালিয়ে গেল ওরা। ওমরের প্রায় প্রতিটি গুলিই লক্ষ্য ভেদ করল, অন্যাদের কোন কোনটা লাগল, তবে বেশির ভাগই মিস হলো। তাদেরই কারও একটা গুলি নৌকায় নালেগে লাগল গিয়ে ক্রল করে ওঠার চেষ্টা করছে যে আহত লোকটা, তার গায়ে। পড়ে পোল সে কাদা পানিতে, স্থির হয়ে রইল।

পড়ে সেল সে কাদা পানিতে, স্থির হয়ে রইল। 'ভয় পেয়েছে ব্যাটারা,' দম নিয়ে বলল ওমর, 'এত খোলামেলাভাবে আর আসার সাহস করবে না,' ধীরে সুস্থে মাসকেটে গুলি ভরছে সে।

দাঁত বের করে হাসল কিশৌর, বারুদের গোঁয়া লেগে কালো হয়ে গেছে মুখ। 'হাাঁ, আর ছেলেমানুষ ভাববে না আমাদেরকে। ওমরভাই, কি মনে হয়? আবার আসবে?'

আসবে তো বটেই। মরার আগে হাল ছাড়বে না হ্যামার। সব রকমে চেষ্টা করে দেখবে। আক্রমণ করে না পারলে, খাবার আর পানি আটকে দেবে। তখন আর কোন উপায় থাকবে না আমাদের, ওর কথা শুনতে বাধ্য হব।'

সে-তো অনেক পরের কথা, খাবার ফুরোলে তবে তো,' এতক্ষণে খাবার কথা মনে পড়ল মুসার। 'এখুনি সুযোগ, গোটা কয়েক নারকেল ভাঙলে কেমন হয়ং'

রাইফেল গর্জে উঠল, একটা বুলেট এসে লাগল পাথরে, বিইঙঙ করে পিছলে বেরিয়ে গেল মাথার ওপর দিয়ে। ঝট করে মাথা নুইয়ে ফেলল মুসা।

'অসতর্ক হলে কি হবে বুঝলে তো?' ভুরু নাচাল ওমর। 'তখনও বোকামি করেছ দেখেছি, কয়েকবার দাঁড়িয়ে উঠেছ। ওরা ঠিকমত ওলি চালাতে পারলে তোমার নিজের নারকেলই ডেঙে পড়ে থাকত এতক্ষণে। খবরদার, আর কক্ষনো মাখা তুলবৈ না।'

জ্র-কুঞ্চিত হলো ববের। বোকার মত বলল, 'আমাদেরকে গুলি করছে?' তো কাকে? পাথরে হাত সই করছে? পাথরের আড়ালে লুকিয়ে থেকে আমাদের দেখলেই গুলি ছুঁড়ুবে। মনে হচ্ছে, এইই করবে ওরা আপাতত। যাও, ডাড়াতাড়ি গিয়ে কিছু মুখে দিয়ে এসো। আমি পাহারায় থাকছি। তোমরা এলে আমি যাব।'

বিকেল গড়িয়ে গেছে। ছেলেরা যখন ফিরে এল, পশ্চিমে হেলে পড়েছে তখন পূর্য। শত্রুদের দেখা যাচ্ছে না, তবে মাঝেমধ্যে একআপটা বুলেট ছুটে এসে আঘাত মানছে পাথরের দেয়ালে। কারও কোন ক্ষতি করতে পারছে না। এটা বোঝা যাচ্ছে, দুর্গের দিকে কড়া নজর রেখেছে শত্রুরা।

রাত নামল। চার জন সৈন্য ছুটে এল উল্টানো নৌকাটার দিকে। তারার আলোয় তাদের আবছা মূর্তি লক্ষ্য করে গুলি ছুঁড়ল অভিযাত্রীরা। যেমন এসেছিল, তেমনি তাড়াহুডো করে আবার ফিরে গেল সৈন্যরা।

রাত গভীর হলো। সৈন্যদের সাড়া নেই আর। কাউকে দেখা গেল না।

কড়া পাহারা দিতে হবে আজ রাতে, ওমর বলল সঙ্গীদেরকে। 'ঘুমোতে হবে এখানে শুয়েই। বব, আজও দ্বীপে যাবে নাকি?'

'মাথা খারাপ!' জোরে মাথা নাড়ল বব।

নয়

ভোর হলো। ববের এখন ডিউটি। সাগরের ওপর হালকা কুয়াশা, পোঁয়ার চাদর টেকে রেখেছে যেন দ্বীপটাকে। সূর্য উঠল। এক ঝটকায় সরিয়ে নিয়ে গেল ঝুলে থাকা কুয়াশা। চেঁচিয়ে উঠল বৰ তীক্ষ্ণ-কণ্ঠে, 'এই, তোমরা জলদি এসো। ওমরভাই। জলদি আসুন।'

ছুটে এসে উঠল সবাই ছাতে।

3.0

'কি ব্যাপার? কি হয়েছে?' চোখ ডলতে ডলতে জিজ্ঞেস করল ওমর।

খোলা সাগরের দিকে আঙুল তুলে দেখাল বব। আয়নার মত সমতল সাগর, কাঁচা রোদে চিকচিক করছে। তাতে টেউ তুলে আন্তে আন্তে দুর্গের দিকে এগিয়ে আসছে ট্রলারটা, আগের দিন যেটাকে ল্যাণ্ডনের কাছে দেখা গিয়েছিল। গলুইয়ের নিচে পানি ছিটকে পড়ছে দু'দিকে, পানির ছোট ছোট কণাণ্ডল্লোতে রোদ লাগায় মনে হচ্ছে হীরের টুকরো। শিল্পীর তুলিতে আঁকা যেন এক অপরূপ ছবি, কিন্তু ওমরের তা মনে হচ্ছে না। মৃত্যুর পরোয়ানা নিয়ে আসছে সুন্দর জাহাজটা।

্ তাহলে এই ব্যাপার,' বিড়বিড় করল ওমর। জাহাজ থেকে আক্রমণ

চালাবে।'

'সারেঙ ছাড়া তো আর কাউকে দেখা যাচ্ছে না,' দেখতে দেখতে বলল কিশোর।

'নি'চয় নিচে রয়েছে, যাতে গুলি না করতে পারি আমরা। থাকুক। সুইডেল-গানটার কথা জেনে গেছে ওরা, কিন্তু কামানের কথা জানে না এখনও। সই করে দু একটা গোলা জাহাজে ফেলতে পারলেই কাপিয়ে দিতে পারব। শোনো,' ভারি হলো ওমরের কণ্ঠ, 'এ-যাকং ডাকাত-ডাকাত খেলা খেলে এসেছি, কিন্তু এটা খেলা নয়। প্রাণপণে লড়তে হবে এবার। হ্যামারের হাতে পড়া চলবে না। তাব শয়তানীর শক্ষী আমরা, তাকে খুন করতে দেখেছি। সাক্ষী বাঁচিয়ে রাখতে চাইবে না সে কিছুতেই। এসো, হাত লাগাও।' বক্তৃতা শেষ করল সে। কোমরের পিস্তল খুলো নিষ্ণে তাতে বারুদ আর গুলি ভরল। চলো, কামানের মুখ ঠিক করে রাখি।'

কামানের মুখ ঘোরাতে ঘোরাতে ববের মনে হলো, তিনশো বছর পিছিয়ে গেছে সে, রক্তে লড়াইয়ের উন্মাদনা। নিজের অজান্তেই নিজেকে জলদস্যু ভারতে শুরু করেছে।

'আচ্ছা শিক্ষা হয়েছে গতকাল,' বলল ওমর, 'দেখছ, কেমন লুকিয়ে আছে? কারও ছারাও দেখা যাচ্ছে না।'

'এসব কামানের রেঞ্জ কত, বলতে পারবেন?' জিজ্ঞেস করল কিশোর। 'নাহু,' মাথা নাড়ল ওমর। 'এত পুরানো জিনিস ছুঁরেও দেখিনি কোন দিন। 'জাহাজ সই করে দিন না তাহলে মেরে। কত দূরে যায়, এক গোলাতেই বুঝে

যাব।'

'ঠিক বলেছ,' সায় দিল ওমর। 'সরো, আমি গোলা ছোঁড়ার সময় কাছে থাকবে না। কি পরিমাণ নাঁকি দেবে কে জানে। পাগলা ঘোড়ার মত লাফিয়ে উঠলেও অবাক হব না। একটা কামানের পেছনে বসে পড়ল ওমর। আগের দিনই গোলা ভবে রেখেছে। 'আওন, কিশোর, জলদি।' কামানের মুখ সামান্য সরিয়ে জাহাজের দিকে নিশানা করল।

কম্বল ছিঁড়ে সলতে বানানোই আছে। একটাতে আগুন ধরিয়ে এগিয়ে এল কিশোর। ওমরভাই, দিন না, পয়লাটা আমিই করি। কিভাবে করতে হবে ভধু দেখিয়ে দিন।

কিশোরের দিকে চেয়ে কি ভাবল ওমর, সে-ই জানে। হাসি ফুটল মুখে। বৈশ, তবে খুব সাবধান। ওই ভোজালিটা আনো। ওটার মাথায় সলতে রেখে লাগিয়ে দাও বারুদে। দিয়েই সরে যাবে এক পাশে।

তৈরি হলো কিশোর।

'ফায়ার!' চেঁচিয়ে আদেশ দিল ওমর।

কামানের মুখ দিয়ে ছিটকে বৈরোল কমলা আগুন, পেছনে ঘনকালো ধোঁয়ার মেঘ, বাজ পড়ল যেন ঠিক কানের কাছে, এত প্রচণ্ড শব্দ। দ্বীপের পাহাড়ে প্রতিধ্বনি তুলল সে আওয়াজ। জাহাজটা এখন কোরার্টার মাইল দূরে, ওটার পেছনে পানিতে পড়ল গোলা, চারিদিকে ছিটকে উঠল পানি।

'গৈছিল,' কামান ছুঁড়তে পারার আনন্দে ধেই ধেই করে এক পাক নেচে নিল কিশোর। 'আরেকটু হলেই লেগে গিয়েছিল। ওমর টেন কামানের মুখ সামান্য নামিয়ে দিন, পরের বারেই লাগিয়ে দেব।'

মুসা আর ববকে খাঁলি কামানে আবার গোলা-বারুদ ভরার নির্দেশ দিয়ে পাশের কামানটার কাছে বসল ওমর। দেখে নিল সব ঠিকঠাক আছে কিনা। কিশোরকে আশুন আনতে বলে সরে গেল।

'ফায়ার!' আবার আদেশ দিল ওমর। 'বুম্ম্!' আবার কমলা আগুন ছুটে গেল জাহাজের দিকে। এবার আর মিস হলো না। ট্রলারের পেছনে কাঠ ভাঙার শব্দ হলো, শুন্যে লাফিয়ে উঠল কাঠের চিলতে।

'লাগিয়েছি! লাগিয়েছি!' আবার নাচতে শুরু করন কিশোর, সেই সঙ্গে

হাততালি ৷

`এতে চলবে না,' ওমর সন্তুষ্ট নয়। 'ইঞ্জিনরুমে ঢোকাতে হবে, কিংবা পাশে এমন জায়গায় ছিদ্র করে দিতে হবে, যাতে পানি ঢোকে। দেখি, এসো।' আরেকটা কামানের কাছে এসে কসল সে।

প্রথমটায় গোলা-বারুদ ভরে ফেলেছে বব আব মুসা, দ্বিতীয়টায় ভরতে লেগে গেল। এ-কাজে ওস্তাদ হয়ে গেছে দুজনে।

কামানের নিশানা ঠিক করল ওমর, তিনটেরই। মুগা আর বরকেও কামান দাগার জন্যে তৈরি হতে বলল।

তিনজনেই তৈরি।

আরার আদেশ দিল ওমর, 'রেডি। ফায়ার!'

কামানের গর্জনে কেঁপে উঠল পাথরের দুর্গ, কানে তালা লেগে যাওয়ার জোগাড়। কালো ধোঁয়া ঢেকে দিল সামনেটা, জাহাজ দেখা যাচ্ছে না। দেখার অপেক্ষা করলও না ওরা, দ্রুতহাতে গোলা-বারুদ ভরতে শুরু করল আবার।

কালো পোঁয়া সরে গেছে। জাহাজের দিকে চোখ পড়তেই চেঁচিয়ে উঠল তিন্ কিশোর, একই সঙ্গে। আনন্দে লাফাচ্ছে।

'মাস্তুল গেছে,' বলল বব।

ঠিকই বলেছে। মাস্তুল ভেঙে পড়েছে সামনে ডান পাশে। আগের দিনের পালের জাহাজ হলে খেমেই যেত, কিন্তু আধুনিক ট্রলার ইঞ্জিনে চলে। থামল না, কিন্তু লক্ষ্য ঠিক রাখতেও পারল না, জাহাজের নাক সোজা রাখতে হিমশিম খেয়ে যাছে সারেঙ। কেন গোলমাল হচ্ছে, বুঝতে পারছে জাহাজের লোকেরাও, তিনজন কুড়াল হাতে এসে কোপাতে শুরু করল। মাস্তুলের গোড়ার দিকটা পুরোপুরি ছিন্ন হয়নি, সেটা কেটে পানিতে ফেলে দেবে মাস্তুলটা। আরও ক্ষতি হয়েছে জাহাজের, মূল কাঠামোর এক জায়গায় লেগেছে আরেকটা গোলা, ভেঙে গেছে। মাস্তুলের ভারে এক পাশে বিশ্রীভাবে কাত হয়ে গেছে ট্রলার।

'মাসকেট!' গর্জে উঠল ওমর। 'যারা মাস্তুল কাটছে, খতম করে দাও। হাল কাজ করছে না মনে হচ্ছে, মাস্তুলটা সরাতে না পারলে করবেও না।'

একনাগাড়ে গুলি চালিয়ে গেল চারজনে। কার গুলি লেগে, বোঝা গেল না, পড়ে গেল তিনজনের একজন। আরেকজন পালাল। তৃতীয়জন বড় বেশি দুঃসাহসী, মারাত্মক গুলি উপেক্ষা করে কুপিয়ে চলল।

মাসকেট ফেলে দিয়ে সুইভেল-গানের মূখ ঘোরাল ওমর। গুলি করল।

ভয়ানক ক্ষতি করল বলৈর ঝাঁক, কাঠের চিলতের ঝড় উঠল ডেকের একটা অংশে। তৃতীয় লোকটাও পড়ে গেল। কিন্তু দুই এক গড়ান দিয়েই আবার উঠে পড়ল, মরেনি, আহত হয়েছে। ক্রল করে চলে গেল আড়ালে।

আজ দিতীয় দফা অবাক হলো ওমর সুইতেল-গানের প্রচণ্ড ধরংস-ক্ষমতা

দেখে। 'বাপরে বাপ, শৈলের চেয়ে খারাপ!' বিড়বিড় করল সে।

'ট্রলারের বারোটা বেজেছে,' বলল মুসা।

জাহাজের গতিপথ ঠিক নেই, ইঞ্জিন চালু রয়েছে এখনও, কিন্তু নাক ঘুরে গেছে আরেকদিকে। দাঁড়িয়ে থাকার সাহস নেই সারেঙের, বসে পড়েছে, সেই অবস্থায়ই জাহাজ সামলানোর প্রাণপণ চেষ্টা চালাচ্ছে, পারছে না।

কামান দাগতে থাকো,' কিশোর আঁর মুসাকে আদেশ দিল ওমর। 'আসার বলার জন্যে বসে থেকো না। গোলা ভরো আর ছাড়ো। বব, মাসকেটগুলো ভরো তমি।'

একের পর এক পোলা ছুটল। সুইভেল-গান থেকে গুলি ছুঁড়ছে ওমর। গোলার আঘাতে ছিন্নভিন্ন হরে বাচ্ছে জাহাজের গা, চামড়া ক্ষত করে দিচ্ছে সুইভেল-গানের বল। জাহাজের ডেকে আর পানিতে কাঠের চিলতের ছড়াছড়ি। কিন্তু চেষ্টা করেও সারেঙের গ'রে লাগানো বাচ্ছে না, লোকটার ভাগ্য ভাল। নিরস্তও হচ্ছে না সে। এত পোলাগুলির মাঝেও হাল ছাড়ছে না। নড়াচড়ায় মাস্ত্রলটা আপনা-আপনি গড়িরে পড়ে গেছে পানিতে। কলে জাহাজের নাক সোজা করে কেলেছে আবার সারেঙ, এগিরে আসছে ধীরে ধীরে।

উদ্বিগ্ন হয়ে পড়েছে ওমর। আরেকটু এগোলেই কামানের রেঞ্জের এপাশে চলে আসবে জাহাজ। নোরাতে নোরাতে একেবারে চতুরের সঙ্গে লেগে গেছে নলের মুখ, আর নামানো যাবে না। কোনমতে সিঁড়ির কাছাকাছি জাহাজ আনতে পারলে আর ঠেকানো যাবে না সৈন্যদেরকে, দরকার হলে পানিতে ঝাঁপিয়ে পড়ে সাতরে চলে আসবে, তারপর উঠে আদ্ধবে সিঁডি বেয়ে।

তবে, এখনই সব চেয়ে বড় সুযোগ। কামানের আওতায় রয়েছে জাহার্জ, খুবই কাছে। কোনমতে একটা গোলা ডেক পার করে যদি ইঞ্জিন রুমে চুকিয়ে দেয়া যায়, ব্যস, হয়ে গেল কাজ। ইঞ্জিন তো যাবেই, ডেকে লুকিয়ে থাকা সৈন্যও মরবে বেশ কিছ।

হঠাৎ ডেকে বেরিয়ে আসতে শুরু করল সৈন্যরা। তাদের মাঝে রয়েছে। হ্যামার, চেঁচিয়ে সাহস দিচ্ছে স্বাইকে, শুলি করতে বলছে।

গুলি শুরু করল সৈন্যরা।

ঘামে ভিজে সপসপ করছে ওমরের গা। টেনে ছিঁড়ে গা থেকে শার্টটা খুলে ফেলে দিল। মরিয়া হয়ে উঠেছে বেদুইন। কিছুতেই পরাজয় বরণ করবে না, যে করে হোক ঠেকাবেই দুশমনকে। মাথা নোয়াও, নুইয়ে রাখো!' চেঁচিয়ে বলল সে।

ঝাঁকে ঝাঁকে গুলি এসে লাগছে পেছনের দেয়ালৈ, কোনটা খসে পড়ছে চতুরে, কোনটা পিছলে যাচ্ছে তীক্ষ্ণ শব্দ তুলে। মারাত্মক।

সুইডেল-গানটা, সরিয়ে আরেকটু সামনে নিয়ে এল ওমর। ডেক সই করে ছাড়ল আরেক ঝাঁক গুলি। সুইডেল-গান ব্যবহার শেষ, আর নাগাল পাবে না জাহাজের। ছিড়েখুঁড়ে গেল ডেক, দুজন সৈন্য পড়ে গেল, কিন্তু ইঞ্জিন আগের মতই সচল।

🕟 মরিয়া হয়ে উঠেছে তিন কিশোরও। মাসকেট তুলে সারেঙকে লক্ষ্য করে গুলি

করল কিশোর। নিশানা ভাল না, সারেঙের মাথার ওপর দিয়ে গেল গুলি। এট করে মাথা নুইরে ফেলল লোকটা। ববের দিকে বন্দুকটা ছুঁড়ে দিয়ে গুলিভর্তি আরেকটা তুলে নিল কিশোর। আবার গুলি করল সারেঙকে। আর্তনাদ করে উঠে পড়ে গেল লোকটা, আস্তে আস্তে উঠল আবার। এক হাত দিয়ে আরেক হাত চেপে ধরে রেখেছে, বেকায়দা ভঙ্গিতে বাঁকা হয়ে আছে আহত হাতটা। যাক, একটা গুলি অস্তত খেয়েছে।

সুইভেল-গানে গুলি বর্ষণের পর পরই শূন্য হয়ে গেছে ডেক, আবার নিচে গিয়ে লুকিয়েছে সবাই।

'থামো,' আদেশ দিল ওমর। 'আন্দাজে গুলি করো না আর। ডালমত দেখে নিশানা করে তবে। ব্যাটারা বেরোক।'

কিন্তু আর বেরোল না কেউ।

কাছে চলে আসছে ট্রলার, শিগগিরই ঘাটে লাগবে। এখুনি কিছু একটা করতে না পারলে আর সময় পাওয়া যাবে না।

টেনেইচড়ে একটা কামানকে একেবারে কিনারে নিয়ে এল ওমর, তাকে সাহায্য করল অন্য তিনজন। জাহাজটা এসে চাপ দিয়ে চ্যাপ্টা করে দিল ঘাটে বাধা নৌকাকে। চতুরের এক জাগগায় নিচু দেয়াল, ছাতে যেমন আছে, মাঝে মাঝে ফোকর। দেয়ালের নিচেই এখন জাহাজটা। ওমরের উদ্দেশ্য বুঝতে পারল না অন্যেরা। কোন ফোকরে চুকিয়েই এখন কামান দাগা যাবে না। তাহলে?

কামানের নল কোন ফোকরে ঢোকাল না ওমর, দেয়াল সই করে দিল বারুদে আগুন ধরিয়ে। বিস্ফোরণের গরম ঝাপটা যেন ছ্যাকা দিয়ে গেল অভিযাত্রীদের, কালো ধোঁয়া ঢেকে দিল সামনেটা। ধোঁয়া সরে যেতে দেখা গেল, দেয়ালের বড় একটা অংশ ধসে গিয়ে পড়েছে জাহাজের ডেকে। চেঁচামেচি আর গোঙানিতে ভরে গেছে বাতাস, মাঝে মাঝে রাইফেল গর্জে উঠছে, পাথরে বাড়ি খেয়ে শিস কেটে বেরিয়ে যাচ্ছে বুলেট।

লড়াইয়ের উন্মাদনায় পাগল হয়ে উঠেছে বব, তার জীবনে এত উত্তেজনা আর ক্ষিত্রত আসেনি। উল্লাসে চেঁচাচ্ছে সে।

ভাঙা দেয়ালটার দিকে স্থির চোখে চেয়ে আছে কিশোর। হঠাৎ চিৎকার করে উঠল, 'ওমরভাই, আসুন!'

কিশোরের উদ্দেশ্য বুঝতে পারল ওমর, সে নিজেও একই কথা ভাবছিল। অন্য দুজনকে ডেকে বলল সাহায্য করতে।

ি 'হেঁইও_{ছ্ল} হেঁইও,' করে ধাকা দিয়ে কামানটাকে ঠেলে দিল ওরা চত্বরের বাইরে।

ক্ষণিকের জন্যে বাতাসে ঝুলে রইল ভারি লোহার তাল, তারপর ডিগবাজি খেয়ে নেমে গেল নিচে। পড়ল গিয়ে জাহাজের ডেকে। ঠেকাতে পারল না ডেক এত ভারি একটা জিনিস, ভোতা শব্দ তুলে ছিঁড়ে থেল, যেন তুলোট কাগজ, মস্ত কালো ফোকর সৃষ্টি করে ডেকের নিচে অদৃশ্য হয়ে গেল কামানটা। ভীষণভাবে কেঁপে উঠল জাহাজ। প্রায় সঙ্গে সঙ্গেই জনা ছয়েক লোক নিয়ে ডেকে বেরিয়ে এল হ্যামার। থৈ ফুটছে তার মুখে, বিচ্ছিরি সব গাল দিয়ে চলেছে অনর্গল। সৈন্যদেরকে নিয়ে সিঁড়িতে উঠে পড়ল সে।

'মাসকেট!' চেঁচিয়ে উঠল ওমর। থাবা দিয়ে তুলে নিল হাতের কাছে পড়ে থাকা একটা বন্দুক। হ্যামারকে সই করে দিল ট্রিগার টিপে। তলি ফুটল না। বারুদ ভরা হয়নি বোধহয় ঠিকমত।

এই সুযোগে সিঁড়ির আধাআধি উঠে চলে এল হ্যামার, দাঁত বেরিয়ে পড়েছে কুৎসিত ভঙ্গিতে—মুখব্যাদান করে রেখেছে যেন একটা জ্বানোয়ার, হাতে রিভল্ভার।

বন্দুকটা ছুঁড়ে মারল ওমর। হ্যামারের হাতে বাড়ি লেগে রিডলভারটা উড়ে গিয়ে পড়ল পানিতে।

থামল না হ্যামার। গাল দিয়ে উঠে এক টানে ছুরি বের করল। দুপদাপ করে লাফিয়ে উঠে আসছে।

সাঃঘাতিক একটা মুহুর্ত। কি ঘটে কি ঘটে! এদিক ওদিক তাকাল ওমর, একটা পিস্তল দেখে ছোঁ মেরে তুলেই গুলি চালাল। তাড়াহুড়োয় গুলি লাগাতে পারল না হ্যামারের গায়ে, কিন্তু একেবারে মিস হলো না, তার পেছনের লোকটা আর্তনাদ করে উল্টে পড়ে গেল।

এবার্থ এবার কি হবেং

ওমরের কানের কাছে গর্জে উঠল পিস্তল, পলকের জন্যে বিধির হয়ে গেল সে। এবারও হ্যামারের গায়ে লাগল না, তার পেছনের আরেকটা লোক উল্টে পড়ল, তার ধাক্কায় গড়িয়ে পড়ল আরেকজন।

ফিরেও তাকাল না হ্যামার, উঠে এল ওপরে, তার প্রায় গায়ে গা ঘেঁষেই এল আর দুজন।

যে কোন একটা অস্ত্রের জন্যে পাগল হয়ে উঠেছে ওমর। কামানে আগুন দিয়েছিল যে ভোজালিটা দিয়ে কিশোর, সেটা চোখে পড়তেই তুলে নিতে ছুটল, কিন্তু ধাড়ুম করে উপুড় হয়ে পড়ল একটা পাথরে পা বেধে। বনবেড়ালের মৃত তার ওপর ঝাঁপিয়ে পড়ল হ্যামার।

এঁকেবেঁকে পিছলে সরে যাওয়ার চেষ্টা করল ওমর, পারল না, তার বুকের ওপর চেপে বসল হ্যামার। রোদে ঝিক করে উঠল তার হাতের ছুরির তীক্ষ্ণ ধার ফলা। দাঁত বের করে কুৎসিত হাসি হাসল ডাকাতটা, ওমরের গলার ওপর পীরে ধীরে নামিয়ে আনছে ছুরি, জনাই করবে।

গর্জে উঠল পিস্তল। স্থির হয়ে গেল হ্যামারের হাত, খলে পড়ল ছুরি, ছোট্ট একটা কাশি দিয়ে এক পাশে টলে পড়তে শুরু করল সে নিজেওঃ স্লো মোশন ছায়াছবির মত ঘটছে ঘটনা।

ধাকা দিয়ে হ্যামারকে গায়ের ওপর থেকে ফেলে উঠে বসল ওমর। ফিরে চেয়ে দেখল, দু'হাতে পিন্তল উচিয়ে ধরে কাঁপছে কিশোর, নল থেকে ধোঁয়া ব্রেরোচ্ছে। ছাই হয়ে গেছে মুখ।

'থ্যাংকিউ, কিশোর,' ফ্যাসফেঁসে কণ্ঠে বলল ওমর। পরক্ষণেই জোজালিটা

जुरन निरंश नांकिरंश डेर्फ माँडान।

ঘটনার আকস্মিকতায় বিমৃঢ় হয়ে গেছে হ্যামারের সঙ্গীনাথীরা। ওমরকে ভোজালি হাতে উঠে দাঁড়াতে দেখে যেন প্রাণ ফিরে পেল। আক্রমণ আর করল না, নেতার পতন ঘটার পর সাহস আর মনের জোর দুইই হারিয়েছে ওর:। অস্ত্র ছুঁড়েফেলে দিয়ে ওপর খেকেই ঝপাঝপ লাফিয়ে পড়ল সাগরে। ব্যাপার দেখে ঘাবড়েগেল জাহাজীরাও, বিধবস্ত জাহাজটাকে সরিয়ে নিতে ওক করল। ধুম্ম্ ধুন্ম্ করে ওলি চালাল মুসা আর বব।

'ব্যস, হয়েছে,' হাত তুলল ওমর। 'গুলি থামাও।'

দেয়ালে ঠেশ দিয়ে বসে আছে কিশোর। ঢুল উসকোখুসকো। হাঁপাচ্ছে আর ঘামছে। পিন্তলটা পড়ে আছে এক পাশে।

মুসার চোখ লাল, ধপ করে বসে পড়ল। আন্তিন দিয়ে রক্ত মুছল গালের একটা কাটা থেকে।

বব যেন নিম্প্রাণ একটা পুতুল, শুন্য চোখে চেয়ে আছে ট্রলারটার দিকে। 'বেশি কেটেছে?' মুসাকে জিজ্জেস করল ওমর।

'নাহ,' দুর্বল কর্ষ্ঠে বলল মুসা। 'একটা গুলি পাথরে বাড়ি খেয়ে এসে লেগেছিল।'

জাহাজটার দিকে ফিরে চাইল ওমর, পঞ্চাশ গজ দূরে গিয়ে নাক ঘোরাচ্ছে তীরের দিকে। 'শিক্ষা হয়েছে ব্যাটাদের।' একটা ভাব এনে ভোজালি দিয়ে কেটে মুসার দিকে বাড়িয়ে ধরল। 'নাও, খেয়ে নাও, ভাল লাগবে।'

্র এক ডাবে কি হবে এক বালতি পানি দরকার, ডাবটা হাতে নিয়ে টলতে টলতে উঠে দাঁড়াল মুসা। এত পিপাসা জীবনে লাগেনি। নৌকাটা কোখায়?

'আমাদেরটা? ডুবে গেছে। ধাকা দিয়ে চ্যাপ্টা করে ডুবিয়ে দেয়া হয়েছে। জাহাজটা তীরের দিকে যাচ্ছে, পানি উঠছে হয়তো। উঠুক আর না উঠুক, আজ আর আসছে না। ···মাথা অত উঁচিও না, নোয়াও, গুলি করে কসতে পারে।···আচ্ছা, সিডনি বারুডুকে দেখলাম না-তো। তোমরা দেখেছে?'

'না,' মাথা নাড়ল কি**শো**র।

বব আর মুসা জানাল, ওরাও দেখেনি।

'প্লেনটা দখল করতে না পারলে লাভ হবে না কিছু,' চিন্তিত হয়ে পড়ল ওমর। ছাতে উঠল গিয়ে। ল্যাণ্ডনে বিমানটা আছে কিনা দেখবে। সাগরের দিকে একটা নড়াচড়া দৃষ্টিপোচর হতেই ঝট করে ঘুরল ভালমত দেখার জন্যে। 'হায় আল্লাহ্!' চেচিয়ে উঠল সে।

আরও বিপদ আসছে মনে করে ছাতে উঠে এল অন্যেরা। বড় জোর মাইল খানেক দুরে, দ্বীপের দিকে মুখ করে ছুটে আসছে লন্না একটা বড় জাহাজ।

সর্বনাশ! বিড়বিড় করল বব। ডেস্ট্রয়ার। ওটা হামলা চালালে আর ঠেকাতে পারব না।

তীক্ষ্ণ দৃষ্টিতে দেখতে দেখতে হঠাৎ হাসি ফুটল কিশোরের মুখে। না না, আক্রমণ করবে না। আমেরিকান। নেডির শিপ, বুঝতে পারুছ না?…কিন্তু এখানে এল কেন? জালদস্যুতা শেষ হয়ে গেছে অনেক বছর আগে, টহল দিচ্ছে না জাহাজটা। দেখি, কি করে।

'ইস্, যদি আমাদের তুলে নিত,' বলল মুসা। 'এক প্লেট ডিম ভাজা আর রুটি যদি খেতে দিত, আর কিছু পনির, একটা মুরগী, কলা…'

'तात्ना ना आत.' में शंज नाड़न वर्ने, 'तात्ना ना ।'

ববের কথার ধরনে হৈসে ফেলল সবাই। জানে, বিপদ পুরোপুরি কাটেনি এখনও, দোদুল্যমান অবস্থা, কিন্তু জাহাজটা দেখে হালকা হয়ে গেছে সবার মন। কেন ফেন মনে হচ্ছে, ওটা শক্রপক্ষের নয়।

'কোনভাবে জানাতে পারি না, আমরা এখানে আছি?' প্রস্তাব দিল মুসা। 'হ্যা, ঠিক,' সায় দিল ওমর। 'এসো, চেঁচাই সবাই মিলে…'

এক সঙ্গে জোরে চিৎকার করে ডাকল ওরা, কিন্তু কোন সাড়া এল না।

'কালা নাক্তি সব?' গোঁ গোঁ করল মুসা। ডিম ভাজার চিন্তায় বিমর্ষ। 'আবার ডাকিথ'

চিৎকার করে আবার ডাকল ওরা। সাড়া মিলল না এবারেও। তবে থামতে শুরু করল ড্রেস্ট্রয়ার। বোট নামাল। ঝিলিক দিয়ে উঠল ছয় জোড়া ভেজা দাঁড়, দুত গতিতে ছুটে এল নৌকাটা উপদ্বীপের দিকে। গলুইয়ের কাছে বসে আছে শাদা পোশাক পরা একজন অফিসার।

ছাদ থেকে চত্বুরে নেমে এল অভিযাত্রীরা। ছুটে এসে দাঁড়াল ভাঙা নিচু দেয়ালের ধারে। নৌকা কাছে আসতেই ডেকে বলল ওমর, 'ওদিক দিয়ে ঘুরে আসুন। সিঙি আছে।'

স্পষ্ট আদেশ শোনা গেল। উপদ্বীপের এক পাশ ঘুরে সিঁড়ির কাছে এসে থামল নৌকা। পানিতে ভাসছে খানিক আগের খণ্ডযুদ্ধের আলামত। অবাক হয়ে দেখছে অফিসার। অভিযাত্রীদের দিকে চেয়ে হাসল কয়েকজন নাবিক।

হালকা পারে সিঁড়ি বেয়ে চত্বুরে উঠে এল অফিসার। আদিম কামান-বন্দুকণ্ডলোর দিকে চেয়ে থমকে গেল। একে একে তারুলি চারটে বারুদে-মাখামাখি শরীরের দিকে। কি ব্যাপার? ডাকাত পড়েছিল নাকি?

'হাা,' জবাব দিল ওমর। 'আরেকটু হলেই দিয়েছিল শেষ করে। অনেক কষ্টে বেঁচেছি। লড়াই করে।'

'এওলো দিয়ে?'

'খেলনা ভাবছেন নাকি? একেকটা গোলা যে কাও করেছে, যদি দেখতেন···সইডেল-গানটার কথা বাদই দিলাম।'

কালো পিতাকাটার দিকে চোখ পড়তে তুরু কোঁচকালো লেফটেন্যান্ট। 'জলদস্যঃ'

'আধুনিক জলদস্য ।'

'আপনারা?'

'আমরা ট্রেজার আইল্যাণ্ডের গুপ্তধন-সন্ধানী,' পরিবেশ হালকা করার জন্যে নাটকীয় ভঙ্গিতে বাউ করল ওমর। 'ধরে নিন, আমি ক্যাপ্টেন স্মলেট। আর এই যে ইনি স্কয়ার ট্রেলনী, ইনি ডক্টর লিডসী, আর ও জিম হকিনস। আর এই যে,' বাঁকা হয়ে পড়ে থাকা হ্যামারের লাশটা দেখাল, 'এ হলো লঙ জন সিলভার।'

'মারা গেছে?'

'উপায় ছিল না। না মারলে আমরা মরতাম।'

আদিম কামান-বন্দুক, জলদস্যুর কালো পতাকা, অভিযাত্রীদের পোশাক-আশাক আর অবস্থা দেখে বোকা হয়ে গেছে যেন অফিসার, ব্যাপারটাকে কি ভাবে নেবে বুঝতে পারছে না। তবে তার হাবভাবে মনে হলো, অভিযাত্রীদের পাগল ভাবছে সে। 'তা গুপ্তধন মিলল?'

'নিশ্চয়ই। নইলে এত খুনখারাপী কেন?' মোহরের স্থপ দেখাল ওমর। 'ওই যে। চাইলে দু'একটা নিতেও পারেন, স্যুভনির রাখবেন।'

হাঁ হয়ে গৈল অফিসার। এগোবে কিনা ভাবতে ভাবতেই চোখ পড়ল হ্যামারের পাশে পড়ে থাকা একটা মোহরের দিকে। নিচু হয়ে সেটা ফুলতে গেল।

হাঁ-হাঁ করে উঠল ওমর। 'ওটা না ওটা না। নিলে মরবেন।' লাফিয়ে এসে ছোঁ মেরে তুলে নিয়ে ছুঁড়ে ফেলল। চকিতের জন্যে সোনালি একটা পনুক সৃষ্টি করে উড়ে গেল ডাবলুনটা, পড়ল পানিতে। হারিয়ে পেল। স্বস্তির নিঃশ্বাস ফেলল সে। 'অভিশপ্ত। অনেক মানুযের প্রাণ নিয়েছে।'

কিছু না বুঝেই মাথা নাড়ল লেফটেন্যান্ট। চলুন, জাহাজে চলুন। ক্যাপ্টেনকে সব খুলে বলবেন।

^{*}খুব ভাল কথা, চলুন,' খুশি হলো ওমর। অফিসারের পিছু পিছু নেমে এল ওরা বোটে। •

দশ

ভাগ্য ভাল আমাদের, আপনারা এসেছেন,' লেফটেন্যান্টের সঙ্গে আলাপ জমানোর চেষ্টা করল ওমর। কেন এসেছিলেন?'

হাসল অফিসার। 'কেন? যে কাও করেছেন আপনারা, ওয়েস্ট ইণ্ডিজের অর্ধেকটা কাঁপিয়ে দিয়েছেন। বিশ মাইল দূর থেকে গোলার আওয়াজ গুনেছি, কালো ধোঁয়া দেখেছি। আমরা তো ভাবছিলাম, দ্বীপপুঞ্জগুলো যুদ্ধ ঘোষণা করে বসেছে। এরপরেও দেখতে আসব না?'

'অ।' হাসল ওমর। জাহাজের কাছে চলে এসেছে বোট। রেলিঙে সার দিয়ে দাঁডিয়ে আছে কৌতুহলী দর্শক, তাদের দিকে তাকাল সে।

অস্ফুট শব্দ করে উঠল বর্ব। কিরে চেয়ে দেখল ওমর, চোখ বড় বড় হয়ে গেছে ববের। ফেকাসে চেহারা।

'কি হয়েছে?' উদ্ধিয় হয়ে প্রশ্ন করল ওসর। 'ব্যথা লেগেছে কোথাও?'

'না, কিছু না,' মাখা নাডল বব।

'কিছু তো বটেই। কি?'

'মনে হলো···মনে হলো, বাবাকে দেখলাম! ডেকে,' নিচু গলায় বলল সে।' ঝট করে মুখ ফিরিয়ে রেলিঙের কাছে দর্শকদের দেখল আরেকবার ওমর। 'কই, কোথায়?'

ববের কথা অফিসারের কানেও গেছে। তীক্ষ্ণ চোখে তাকিয়ে আছে ববের দিকে। 'তুমি কলিনস না তো?'

ুহাঁ, কলিনস, বব কলিনস, অবাক হলো বব, তার নাম জানল কি করে

লোকটা?

'তাহলে ঠিকই দেখেছ,' মাথা কাত করল লেফটেন্যান্ট। 'তোমার বাবা-ই। এক বন্দরে আমাদের ক্যাপ্টেনের সঙ্গে দেখা হয়ে যায়। ক্যাপ্টেন তাকে আগে থেকেই চিনতেন। অদ্ভুত এক গল্প শোনাল কলিনস, গুপ্তধনের গল্প। সাহায্য করার জন্য অনুরোধ করল ক্যাপ্টেনকে। এমনভাবে বলল, যাচাই করে দেখতে রাজি হয়ে গেলেন ক্যাপ্টেন, তাছাড়া এদিক দিয়েই যাওয়ার কথা আমাদের। কলিনসকে জাহাজে তুলে নিলেন তিনি।'

কিন্তু ববের কানে অফিসারের কথা চুকল কিনা বোঝা গেল না। রেলিঙের দিকে চেয়ে রয়েছে সে। আরেকজন মধ্যবয়েসী দর্শক এসে দাঁড়িয়েছে, ববের মতই চুলের রঙ, একজন সিভিলিয়ান।

জাহাজের গা ছুঁল বোট। সিঁড়ি নামানো হলো। কারও অনুমতির অপেক্ষা না করে সিঁড়ি বেয়ে দ্রুত উঠে গেল বব। সোজা গিয়ে ঝাঁপিয়ে পড়ল সিভিলিয়ান লোকটার বাড়ানো দুই হাতের মাঝে।

উঠে গেল ওমর, কিশোর আর মুসা। বব আর তার বাবার তখন মুখে হাসি,

চোখে পানি। দর্শকরা ঘিরে ধরল অভিযাত্রীদেরকে।

'সাড়া ফেলে দিয়েছি মনে হচ্ছে,' কিশোরের কানের কাছে মুখ এনে ফিসফিস করে বলল ওমর।

মাথা ঝোঁকাল গুধু কিশোর।

জাহাজের পেছন দিকে ডেকে একটা কাঠের সামিয়ানার তলায় অপেক্ষা করছেন ক্যাপ্টেন। অভিযাত্রীদের তাঁর কাছে নিয়ে এল লেফটেন্যান্ট, পেছন পেছন এল কৌতৃহলী দর্শকের দল।

ক্যাপ্টেনের বয়েস অল্প, তরুণ। বিচিত্র পোশাক পরা অভিযাত্রীদের দেখে একই সঙ্গে কৌতৃহল, সন্দেহ আর বিশ্বয় ফুটল তার চোখে। ইঙ্গিতে চেয়ার দেখিয়ে বসতে বললেন তাদেরকে। জিজেস করলেন, 'দল্পতি কে?'

'ইনি,' ওমরকে দেখিয়ে দিল কিশোর।

'কি হয়েছিল?' আবার প্রশ্ন করলেন ক্যাপ্টেন।

'সবই বলব,' ওমর বলল, 'কিন্তু তার আগে পানি খাওয়ান আমাদের। গোসলও করতে হবে। হাতমুখের যা অবস্থা।' হাসল সে।

পানি আনতে বললেন केंग्रल्फेन। 'आंत्र?'

দ্বীপের ধারে একটা ল্যাণ্ডনে আমাদের প্লেন আছে, শত্রুরা দখল করে নিয়েছে, ওটা ফিরিয়ে আনতে লোক পাঠান, প্লীজ। আর আপনার লেফটেন্যান্ট সাহেব আমাদেরকে যেখান থেকে নিয়ে এসেছেন, অনেক মোহর আছে ওখানে, ওগুলোও আনা দরকার। তাড়াতাড়ি না করলে লুট হয়ে যাওয়ার সম্ভাবনা আছে। কিছু ডাকাত দ্বীপে আশ্রর নিয়েছে। মোহর নিয়ে থেনে করে পালাতে পারে।

স্থির দৃষ্টিতে ওমরের মুখের দিকে চেরে আছেন ক্যাপ্টেন। 'তার মানে, বলতে চাইছেন সত্যিই গুপ্তধন খুঁজে পেরেছেন আপনারা?'

'এক্টা দুটো নয়, হাজার হাজার।'

'তাই?'

'বলেছিলাম না, স্যার, মোহর আছে, অনেক মোহর,' বলে উঠল ববের বাবা। 'গুধু মোহর না,' ওমর বলল, 'আরও অনেক মূল্যবান জিনিস আছে দ্বীপে।'

'निकेत्र भानित्रनेठो **युँ**ज **प्यर्रा**रहन जायनाता? कलिनम स्यंटात कथा चलिह्ल?'

ই্যা। আমার সঙ্গে গৈলে দেখাতেও পারি। কিন্তু আপে আমাদের পানি আর খাওয়া…'

উঠে দাঁড়ালেন ক্যাপ্টেন। 'হ্যা হ্যা, আগে ঠাণা হয়ে নিন, তারপর বলবেন সব কিছু। আমি লোক পাঠিয়ে দিচ্ছি দ্বীপ্রে।'

গায়ে সাবান মাখতে মাখতে বাবার সঙ্গে কথা বলছে বব। জানা গেল, হ্যামারের ছুরি খেয়ে সেদিন মরেনি কলিনস, দমটা ছিল কোনমতে। যমে-মানুষে টানাহেঁচড়া করে শেষে ডার্ডাররা বাঁচিয়েছে তাকে। অনেক সময় লেগেছে সুস্থ হতে। ভাল হয়েই আরেকটা চিটি লিখেছে ববের কাছে, কিন্তু পায়নি বব, সে তখন বেরিয়ে পড়েছে গুপ্তধনের সন্ধানে। জ্যামাইকার কিংসটন বন্দরে চলে গেছে এরপর কলিনস, ওখানেই দেখা ডেস্ট্রয়ারের ক্যাপ্টেনের সঙ্গেন প্রাচীন গ্যালিয়ন আর মোহরের কথা কৌতৃহলী করে তুলেছে তরুপ ক্যাপ্টেনকে। বিশ্বাস করার আরও কারণ ছিল, কলিনস যে এলাকার কথা বলেছে, ওখানে আগেও কয়েকটা জাহাজের ধবংসাবশেষ পাওয়া গেছে, তাছাড়া ওই এলাকাটা এককালে ছিল জলসদ্যুদের স্বর্গরাজ্য। তেবেচিস্তে শেষে কলিনসকে জাহাজে তুলে নিলেন ক্যাপ্টেন।

জানা পেল, মাত্র আপের দিন বিকেলে বেতারে একটা মেসেজ প্রেছেন ক্যাপ্টেন, ম্যারাবিনার প্যান-আমেরিকান রেডিও স্টেশন মেসেজটা পাঠিরেছে, চারজন আমেরিকানকে নিয়ে একটা বিমান নিখোঁজ হয়েছে দক্ষিণ সাগরের কোথাও। গুপ্তধন নয়, বিমানটাকেই খুঁজছিল ডেক্ট্রয়ার। কামানের গোলার শব্দ কানে আসতেই দ্রুত গতিতে ছুটে এসেছে খোঁজ নিতে। সবচেয়ে বেশি অবাক হয়েছে বব আর ববের বাবা, দুঁজনের কেউ কাউকে আশা করেনি এখানে।

এক ঘণ্টা পর। বেশ ভাল একটা ভূরিভোজন শেষে চার অভিযাত্রীকে আবার নিয়ে আসা হলো সামিয়ানার নিচে। সিক্রস্কিটাকে উদ্ধার করে এনে ডেস্ট্রয়ারের সঙ্গে বেঁধে রাখা হয়েছে। মৃদু ঢেউয়ে দুলছে ওটা স্বচ্ছ নীল পানিতে। ক্যাপ্টেনের চেয়ারের পাশে স্থূপ করে রাখা হয়েছে মোহর।

চেয়ারে বসল অভিযাত্রীরা।

ওমরকে বললেন ক্যাপ্টেন, 'এবার গুরু করুন আপনার কাহিনী। তাড়াহুড়োর দরকার নেই, খুলেই বলুন সব।'

কফির কাপ টেনে নিল ওমর। তারপর গুরু করল গল্প। একেবারে গোড়া থেকে, কিছুই গোপন করল না, মাঝে মাঝে কথা যোগ করল তিন কিশোর। রুদ্ধশাসে গুনলেন ক্যাপ্টেন আর তাঁর অফিসারেরা।

'অবিশ্বাস্য,' ওমরের কথা শেষ হলে বললেন ক্যাপ্টেন। 'চোখের সামনে প্রমাণ রয়েছে, তা-ও বিশ্বাস করতে কষ্ট হচ্ছে।…তো, আপনাদের এখন কোথায় যাওয়ার ইচ্ছে?'

'হ্যা, তাই যেতে হবে। আপনাদেরকে ছাড়তে পারছি না এখন, সরি, যেতে হবে আমাদের সঙ্গেই। একটা কোর্ট অড ইনকয়্যারী হবে, তারপর আদালত থেকে যা রায় হয়. হবে। হাজার হোক, মানুষ খুন করেছেন আপনারা।'

'কিন্তু প্রাণ বাঁচাতে করেছি। আর কোন উপায় ছিল না।'

'বুঝতে পারছি। মাননীয় আদালতও নিশ্চয় বুঝবেন। কিছু হবে না আপনাদের। এই একটা রুটিন গুনানী, তারপর খালাস দিয়ে দেয়া হবে। তবৈ মোহর সব পাবেন না আপনারা, আইন অনুযায়ী অর্ধেক নিয়ে নেবে স্টেট।'

'নিক। তার পরেও যা থাকবে, অনেক টাকার জিনিস,' হাসল ওমর। 'আর মোহর! প্রাণে যে বেঁচেছি এইই যথেষ্ট। আপনাদেরকে অনেক ধন্যবাদ।'

'ও হঁয়,' বললেন ক্যাপ্টেন, 'ট্রলারে একজন সিডিলিয়ান ছিল। লাশের পকেটের কাগজপত্র ঘেঁটে তার নাম জানা গেছে, সিডনি…'

···বারড়ু, বলে উঠল ওমর। 'ও-ই পাইলট, আমাদের বিমান চোরদের একজন। ম্যারাবিনা থেকে চুরি করেছিল। হ্যামারের সঙ্গে ওর থাকার কথা, তাই ভাবছিলাম, বারড়ু গেল কোথায়? বোধহয় ডেকের নিচে থাকতেই আমাদের গুলি লেগে মরেছে।

'গোলা লেগে,' ওধরে দিলেন ক্যাপ্টেন। 'শরীরের অর্ধেকটা উড়ে গেছে, যেন শেলের আঘাতে…'

'গোলাও নয়,' হাসল ওমর। 'আদিম সুইডেল-গানের কাও।'

হুঁ। আচ্ছা, চলুন এখন দ্বীপে যাই। গ্রীলিয়নটা দেখাল আমাদের। দুর্গটীও। এসব প্রাচীন জিনিসের প্রতি আমার ভারি কৌতৃহল। যাবেন?

'সানন্দে। আসলে, আমরাও ভালমত দেখতে চাই জাহাজটা। সেদিন তাড়াহড়ো ছিল, তাছাড়া অন্ধকার, দেখতে পারিনি সব।'

বাকি দিনটা দ্বীপে কাটাল অভিযাত্রীরা, কখনও একা, কখনও দল বল নিয়ে। রাজকীয়-গ্যালিয়নের ভেতরে বাইরে যতখানি দেখা সম্ভব, দেখল। দ্বীপটা খুরে দেখল। সারাক্ষণ তাদের সঙ্গে সঙ্গের রইল নৌ-বাহিনীর একজন গার্ড। যখন অন্ধকার হলো, আর কিছু দেখা গেল না, তখন ফিরে এল ওবা জাহাজে। দুর্গ থেকে লুই ডেকেইনির কালো পতাকাটা খুলে নিয়ে এসেছে বব, বন্ধুদের অনুমতি নিয়ে রেখে দিয়েছে ওটা তার কাছে, ট্রফি।

পরদিন সকালে সূর্য ওঠার পর ছাড়ল ডেস্ট্রয়ার। রাতের বেলায়ই বেতারে কিংসটনে আমেরিকান নৌ-ঘাঁটির সঙ্গে যোগাযোগ করেছেন ক্যাপ্টেন, তাঁর ওপরওয়ালার সঙ্গে কথা বলেছেন। সোজা ওখানে গিয়ে রিপোর্ট করার আদেশ পৈয়েছেন ক্যাপ্টেন।

ক্রেন দিয়ে টেনে তুলে ডেকে বহাল তরিয়তে ক্যানভাসের চাদর দিয়ে ঢেকে রাখা হয়েছে সিকরস্কিটাকে। ডেক চেয়ারে বসে কফি খেতে খেতে কথা বলছে ওমর আর ববের বাবা।

ুবব, কিশোর আর মুসা দাঁড়িয়ে আছে রেলিঙের পারে। নোঙ্গর তোলা দৈখছে। রাতের বেলারই করেকটা ডলফিন এসে জমা হয়েছে জাহাজের ধারে, ফেলে দেয়া খাবারের টুকরো-টাকরার লোডে। স্বদ্ধ পানিতে খেলা জুড়েছে গুণুলো। কখনও তাড়া করে যাচ্ছে একে অন্যকে, বোজলোর মুখের মত নাক দিয়ে উতো মারছে পেটে, কখনও লাফিয়ে শুন্যে উঠে ডাইড দিয়ে পড়ছে। সূর্যের সোনালি আলোয় অপরূপ সুন্দর লাগছে জীবগুলোকে।

জাহাজ ছাড়ল। উলফিনের দলও চলল সঙ্গে সঙ্গে। কোথা থেকে এসে হাজির ইলো একটা শাদা অ্যালবৈট্রস, উড়ে চলল জাহাজকে অনুসরণ করে।

অভিশপ্তটা মারা গেছে, প্লেনে বাড়ি খেয়ে, পাখিটীকে দেখতে দেখতে বলল মুসা।

'কে বলল তোমাকে?' ঘুরল কিশোর।

'কেন, মরেনিং তাহলে অ্যাকসিডেন্টটা করল কেং'

'অ্যালবেট্রসই, এটার মতই সাধারণ আরেকটা পাখি। অভিশাপ-টভিশাপ কিচ্ছু না, ঝডের তাড়া খেয়ে দিশেহারা হয়ে পড়েছিল, ধাকা লাগিয়েছিল প্রেনের সঙ্গে।'

'মোহরের অভিশাপ তাহলে বিশ্বাস করো না তুমি?' বলল বব।

'অভিশাপ না কচু। সব মনের ভয়।'

'তাহলে এই যে, এতগুলো অঘটন ঘটল? মোহরটা যে-ই ছুঁলো, মরল?' প্রতিবাদ করল মুসা।

ুর্মি মরেছি? আমি, বব, কিংবা ওমরভাই মরেছে? ববের বাবা মরেছেন, আসলে যা ঘটার এমনিতেই ঘটত। হ্যামার আর অন্যরা যারা মরেছে, মোহরের লোডে মরেছে, অভিশাপে নয়। ঠাণ্ডা মাখায় ভালমত বিচার-বিশ্লেষণ করে দেখো কোন দ্বিধা থাকবে না আর।

'তুমি বলতে চাইছ, ওমরভাই খামোকাই অভিশপ্ত মোহরটা ফেলেছে? না ফেললেও চলত?' বব আফসোস করল। 'আহ্হা, তাহলে তো ভুল হয়ে গেছে। স্যুভনির রাখতে পারতাম।'

'ওটাই যে সেই মোহরটা, কি করে জানলে?' ভুরু নাচাল কিশোর। 'গর্তে-পেয়েছ, আরও তো মোহর ছিল। সবই একরকম। কোনটা তুলতে কোনটা তুলে পাথরে রেখেছ, শিওর হচ্ছ কি করে?'

'তাই∙তো!'

'যাক ওসব কথা। দেশে ফিরে এত টাকা দিয়ে কি করবে বলো দেখি?'

আমি আর কি করব? ভাল হোস্টেলে থেকে ভাল ইসকুলে পড়ালেখা করব, ব্যস। তবে বাবা বোধহয় ভাল দেখে একটা জাহাজ কিনবে,' হঠাৎ কিশোরের হাত চেপে ধরল বব। 'কিশোর, আমার একটা কথা রাখবে? তিন গোয়েন্দায় শরিক করে নাও না আমাকে, চার গোয়েন্দা করে ফেলো। প্লীজ।'

হাসল কিশোর। কৌশলে এড়িয়ে গেল অনুরোধটা, বলল, কৈন, গোয়েন্দা হতে চাও কেন? ভাল একটা পালের জাহাজ বানিয়ে জলদস্যূ হয়ে যাও না? টাকা তো আছেই।'

আহা, তা যদি হতে পারতাম,' দীর্ঘশ্বাস ফেলল বব। নীল পানিতে ডলফিনের খেলা দেখতে দেখতে স্বপ্নের জগতে হারিয়ে পেল সে, বোধহয় লুই ডেকেইনির কথাই ডাবছে। এক সময় মুখ তুলে বলল, 'জলদস্যু হই আর না হই, নাবিক হবই। জাহাজ নিয়ে বেরিয়ে পড়ব খোলা সাগরে। এতদিন মনে দােষ দিয়েছি বাবাকে, কিস্তু আজ বুঝতে পারছি, কিসের নেশায় ঘর ছেড়েছে বাবা। এই খোলা আকাশ, খোলা বাতাস, নীল সাগর···আহা!' আবার স্বপ্ন দেখতে শুক্ত করল সে।

4



সবুজ ভূত

প্রথম প্রকাশঃ অক্টোবর, ১৯৮৭

'তীক্ষ' চিৎকার গুনে চমকে উঠল রবিন মিলফোর্ড আর মসা আমান।

পুরানো ড্রাইড ওয়েতে দাঁড়িয়ে আছে ওরা,
চারপাশে আগাছার জঙ্গল। চোখ মস্ত এক পোড়ো
বাড়ির দিকে। এক পাশ থেকে তেঙে ফেলা গুরু
হয়েছে, নতুন বাড়ি করা হবে। চাঁদের আলোয়
কেমন ফেন অবাস্তব, রহস্যময় মনে হচ্ছে ভাঙা

বাড়িটাকে।

রবিনের কাঁপে ঝোলানো একটা পোর্টেবল টেপ রেকর্ডার, চালু করে দিয়ে পরিবেশ আর দৃশ্যাবলীর বিস্তারিত ব্যাখ্যা করছে জোরে জোরে, টেপ করে নিচ্ছে। চিৎকার শুনে চুপ হয়ে গেল ক্ষণিকের জন্যে। মুসার দিকে ফিরে বলল ালকে বলে, ভূতুড়ে বাড়ি। ভূতের চিৎকার না তো?'

্রিযেন তার কথার জবাব দিতেই আবার শোনা গেল টানা চিৎকার ঃ ইইইইইইই-আআআআহ্হ্! মানুষ না, যেন কোন জানোয়ারের কণ্ঠ। ঘাড়ের রোম খাড়া হয়ে গেল ছেলেদুটোর।

'ভূতই!' ঢোক গিলল মুসা। চাপা কণ্ঠে বলল, 'চলো, পালাই।'

'দাঁড়াও,' ঘুরে দৌড় দেয়ার ইচ্ছেটা রোপ করল রবিন। দ্বিপা করছে মুসা, তার দিকে চেম্বে বলল, 'দেখি আর কোন শব্দ হয় কিনা। রেকর্ড করে নেব। কিশোর হলে তা-ই করত।'

গোয়েন্দাপ্রধান কিশোর পাশা আসেনি ওদের সঙ্গে।

'কিন্তু…,' থেমে গেল মুসা। ভলুম কন্ট্রোল ঠিক করে মাইক্রোফোন বাড়ির দিকে বাড়িয়ে ধরেছে রবিন, যদি আর কোন আওয়াজ না হয়।

হলো। আবার সেই আগের মতই টানা চিৎকারঃ ইইইইইইই-আআআআহহ।

'আর না, চলো ভাগি।' ঘুরে ছুটতে শুরু করল মুসা।

একা দাঁড়িয়ে থাকার সাইস ইলো না রবিনের, মুসার পিছু নিল সে-ও, পার্ক করে রাখা সাইকেলের দিকে।

হঠাৎ জোর করে ধরে তাদের থামিয়ে দিল কেউ।

আউউ!' লম্বা এক লোকের ওপর হুমড়ি খেয়ে পড়েছে মুসা। ববকে ধরেছে বেঁটে আরেকজন।

বেশ কয়েকজন লোক যেন মাটি ফুঁড়ে উদয় হয়েছে, গায়ে পড়ার আগে খেয়ালই করেনি দুই গোয়েন্দা। চিৎকার জনে বোধহয় দেখতে এসেছে লোকগুলো, কি হচ্ছে বাডিতে।

'তুমি তো মিয়া ফেলেই দির্যেছিলে আমাকে,' মুসাকে বলল লস্ত্রা লোকটা।

'কিসের চিৎকার?' জিজ্জেস করল বেঁটে লোকটা রবিনকে। 'দেখলাম দাঁড়িয়েছিলে, তারপরই দৌড় দিলে।'

'জানি না,' বলন মুসা, 'ভৃত ছাড়া আর কি?'

'ভূত? বোকা কোথাকার। মানুষের চিৎকার। কেউ বিপদে পড়েছে।'

একই সঙ্গে কথা বলতে শুরু করল পাঁচ-ছয়জন লোক, মুসা আর রবিনের উপস্থিতি ভুলেই গেল। নানারকম মন্তব্য করছে ওরা। সব ক'জনই ভদ্রলোক, অস্তত পোশাকে আশাকে তা-ই মনে হচ্ছে। বোধহয় প্রতিবেশী, রাতের বেলা পোড়ো বাড়িতে চিৎকার শুনে তদন্ত করে দেখতে এসেছে।

'চলুন, চুকে দেখি,' প্রস্তাব দিল একজন। অস্বাভাবিক ভারি কণ্ঠ, জোরে জোরে কথা বলে। চাদের দিকে পেছন করে রয়েছে, লোকটার চেহারা স্পষ্ট দেখতে পেল না রবিন, তবে গোঁফ আছে দেখা যাচ্ছে। 'বাড়ি ভাঙা হচ্ছে শুনে দেখতে এসেছিলাম। পুরানো বাড়ি, যদি কিছু বেরোয়-টেরোয়? —চিৎকার শুনেছি, তাতে কোন সন্দেহ নেই। ইট খসে পড়েছে কারও মাথায়।'

'পুলিশকে খবর দেয়া দরকার',' বলল আরেকজন। কণ্ঠে দ্বিধা। পরনে চেককাট্য

স্পোর্টস জ্যাকেট। 'ওরা চুকে দেখুক কার কি হয়েছে।'

'নিন্চয় কেউ ব্যথা পেঁয়েছে,' বিলল ভারি কণ্ঠ। 'চলুন দেখি সাহায্য করতে পারি কিনা। পুলিশের জন্যে দেরি করলে মরেও যেতে পারে।'

'ঠিকই বলেছেন,' সায় দিল ভারি লেসের চশমা পরা একজন। 'চলুন, আগে আমরাই গিয়ে দেখি।'

'আপনারা যান, আমি পুলিশ ডেকে আনছি,' বলল চেক-জ্যাকেট।

একজনের সঙ্গে ছোট এক কুকুর, কুকুরের গলার চেন ধরে দাঁড়িয়ে চুপচাপ দেখছিল এতক্ষণ বাড়িটাকে। চেক-জ্যাকেটকে ডেকে বলল, আরে কই যাচ্ছেন, সাহেব? পেঁচার ডাকও হতে পারে। শেষে লোক হাসাবেন তো। থামুন।

থেমে গেল চেক-জ্যাকেট, দ্বিধা করল, ঘুরল। 'ঠিক আছে…'

নেতৃত্ব দিল বিশালদেহী একজন লোক, কৌতৃহলী জনতার সব ক'জনের মাথাকে ছাড়িয়ে গেছে তার মাথা, সেই অনুপাতে শরীর। বলল, 'আসুন, সবাই। ছ'সাতজন আমরা, টর্চও আছে। চুকে দেখি, তেমন কিছু দেখলে পুলিশ জাকা যাবে। এই যে ছেলেরা, বাড়ি যাও, তোমাদের আসতে হবে না।'

পাথরে তৈরি পথ ধরে গটগট করে হেঁটে চলল সে। এক মুহূর্ত দ্বিধা করে অনুসরণ করল অন্যেরা। কুকুরের মালিক আর চেক-জ্যাকেট রয়েছে সবার পেছনে, নির্ভয় হতে পারছে না।

'এসো,' রবিনের হাত ধরে টানল মুসা, 'বাড়ি চলে যাই।'

'কিসের শব্দ না জেনেই?' রবিন যেতে চাইছে না। 'কিশোর কি ভাববে? তার পিন-মারা সইতে পারবে? আমরা গোয়েন্দা, এভাবে চলে যাওয়া উচিত না। তাছাড়া এখন আর ভয় কি? অনেক লোক।' লোকগুলোর পেছনে রওনা হলো রবিন। মাথা নেড়ে একটা দীর্ঘস্বাস ফেলে মুসা তার পিছু নিল।

বাড়ির মন্ত সদর দরজায় এসে দাঁড়াল লোকগুলো। এখনও দ্বিধাগ্রস্ত। অবশেষে দরজায় ঠেলা দিল বিশালদেহী লোকটা। খুলে গেল পাল্লা। ওপাশে গাঢ় অন্ধকার।

টির্চ জালান,' বলল নেতা। 'দেখি কি আছে।'

নিজের হাতের টর্চ জ্বেলে ভেতরে ঢুকে পড়ল সে। অন্ধকার চিরে দিল আরও তিনটে উজ্জ্বল আলোক রশ্মি। লোকগুলো সব ঢোকার পর ওদের অলক্ষ্যে নিঃশব্দে ভেতরে পা রাখল দুই গোয়েন্দা।

বিরাট এক হলিরুম। ঘুরিয়ে ঘুরিয়ে আলো ফেলে দেখতে লাগল লোকেরা। বিবর্ণ সিন্ধের কাপড়ে দেয়াল ঢাকা, কাপড়ে আঁকা প্রাচ্যের নানারকম দৃশ্যের রঙও চটে গেছে জায়গায় জায়গায়।

হলের এক জায়গা থেকে উঠে গেছে সুদৃশ্য সিঁড়ি, তাতে আলো ফেলন একজন।

'ওটা থেকে পড়েই বোধহয় পঞ্চাশ বছর আগে ঘাড় ভেঙেছিল চীনা বুড়ো ফারকোপার কৌন,' বলল যে লোকটা সিড়িতে আলো ফেলেছে সে। 'উঁহ্, গন্ধ! পঞ্চাশ বছরে ঘর খোলেনি নাকি কেউ?

'কে খুলতে যাবে ভূতের বাড়িং' বলল আরেকজন। 'এমন জায়গা, ভূত থাকা বিচিত্র নয়। এসে এখন দেখা না দিলেই বাঁচি।'

'যন্তোসৰ বাজে বকবকানি,' বিড়বিড় করল নেতা। 'আসুন, নিচতলা থেকেই খঁজতে শুরু করি।'

বড় বড় একেকটা ঘর। তম্ন তম্ন করে খোঁজা হতে লাগল। আসবাবপত্র নেই, মেঝেতে পুরু ধুলো। এক প্রান্তের ঘরে পেছনের দেয়াল অনেকখানি নেই, ওখান থেকেই ভাঙা শুরু করেছে শ্রমিকেরা।

কোন ঘরেই কিছু পাওয়া গেল না। শৃন্য বাড়ি। কথা বললেই প্রতিধ্বনি উঠছে, ফলে জোরে কথা বলতে অস্বস্তি বোধ করছে সবাই, ফিসফিস ফরে বলছে। এ-প্রাস্তে কিছু নেই, বাড়ির অন্য প্রাস্তের দিকে চলল ওরা। বড়সড় একটা পারলারে চলে এল। এক প্রাস্তে বড় ফায়ারপ্লেস, আরেক প্রাস্তে উচু জানালা। গুটি গুটি পারে ফায়ারপ্লেসের সামনে এসে দাঁডাল লোকেরা, অস্বস্তি বাডছে।

'আমাদের দিয়ে হবে না,' নিচু কণ্ঠে বর্লল একজন। 'পুলিশ…'

'শৃশৃশৃ' হঁশিয়ার করল আরিকজন, বরফের মত জমে গেল যেন সবাই।' 'শব্দঃ'

'ইঁদুর-টিদুর, ফিসফিস করে বলল তৃতীয় আরেকজন। 'আলো নেভান। অন্ধকারে নডে কিনা দেখি।'

নিভে গেল সব ক'টা টর্চ। ঘন কালো অন্ধকার গিলে নিল যেন মানুষগুলোকে। ধুলোয় ঢাকা ময়লা কাচের শার্সি দিয়ে চাঁদের আলো আসছে এত স্লানভাবে, অন্ধকার একটুও কাটছে না।

'দেখন!' বলে উঠল একজন, গলা টিপে ধরা হয়েছে যেন তার। 'দরজার

একদক্ষে ঘুরল সবাই। দেখল।

যে দরজা দিয়ে ওরা ঢুকেছে, ওটার পাশেই দাঁড়িয়ে আছে এক সবুজ মূর্তি।
শরীর থেকে আবছা দ্যুতি বেরোচ্ছে, কেঁপে উঠছে মাঝে মাঝে। রবিনের মনে হলো
দুঃস্বপ্ন দেখছে সে। ওটা কি? লম্বা একজন মানুষই তো, নাকি? গায়ে সবুজ ঢোলা
আলখেলা?

'ভূত!' গোনা গেল দুর্বল কণ্ঠে চিৎকার। 'বুড়ো ফারকোপার কৌন!' 'আলো!' চেঁচিয়ে আদেশ দিল বিশালদেহী লোকটা। 'টর্চ জালুন।'

আলো জ্বালার আগেই নড়তে শুরু করল সবুজ মূর্তিটা। দৈয়ালের ধার ধরে যেন বাতাসে ভেসে চলল, বেরিয়ে গেল খোলা দরজা দিয়ে। তিনটে আলোর রশ্মি ছুটে গেল মূর্তিটার দিকে, চোখের পলকে নেই হয়ে গেল ওটা।

্রাম মরে গেছি, দোজথে আছি এখন! রবিনের কানে কানে বলল মুসা। 'ওটা

দোজখের দারোয়ান।'

'গাড়ির আলো হতে পারে,' নিস্তেজ কণ্ঠে বলল একজন। 'জানালা দিয়ে এসেছে। চলুন তো, ওপাশের ঘরে গিয়ে দেখি।'

দল বেঁধৈ এসে ঢুকল সবাই পাশের বড় ঘরে, আরেকটা হলরুম। আলো ঘূরিয়ে দেখল। কিচ্ছু নেই। আলো নেভানোর পরামর্শ দিল একজন, তাহলে 'ড়তটা' আবার আসতে পারে।

অন্ধকারে অপেক্ষা করে আছে ওরা। চাপা গোঁ গোঁ করছে ছোট্ট কুকুরটা।

এইবার মুসা দেখল সবার আগে। এদিক ওদিক তাকাচ্ছে সুবাই। মুসাও তাকাচ্ছে, হঠাৎ চোখ পড়ল সিঁড়ির দিকে। 'ওই যে! আল্লাহ্রে খাইছে!' চেচিয়ে উঠল সে। 'সিঁড়িতে!'

ু সবাই দেখল। সিঁড়ির ধাপগুলোর ওপর দিয়ে যেন বাতাসে ভেসে উঠে গেল

মৃতিটা দোতলায়।

্র 'ধরো!' বলে উঠল বিশালদেহী লোকটা। 'বোকা বানাচ্ছে আমাদের। ধরো, ব্যাটাকে।'

দুপদাপ করে উঠতে শুরু করল সবাই। দোতলায় কেউ নেই। সবুজ মূর্তি গায়েব।

'হুম্ম্, একটা বৃদ্ধি এসেছে মাথায়,' কিশোরের ভঙ্গি নকল করে বলল রবিন। ঘুরে একজন আলো ফেলল তার মুখে। সবাই ফিরে তাকাল। 'এক কাজ করতে পারি। যে রকম ধুলো, নিশ্চয় পায়ের ছাপ ফেলেছে। ওই ছাপ অনুসরণ করে ধরে ফেলতে পারব ব্যাটাকে। আমরা এখনও ওদিকে যাইনি, ছাপ পড়লে শুধু ওটারই পড়বে।'

____'ঠিক বলেছে, ছেলেটা,' সায় দিল কুকুরের মালিক। 'আলো ফেলুন। আলো

रकरल रमथून।'

প্রচুর পুলো আছে, কিন্তু তাতে পায়ের ছাপ নেই, অথচ ওদিকেই গেছে মূর্তিটা, স্পষ্ট দেখেছে সবাই। 'নেই!' বলল কুকুরের মালিক। 'অঙ্কুত কাণ্ড! কি দেখলাম তাহলে?' কেউ জবাব দিল না। সবাই ভাবছে। প্রত্যেকে যেন পড়তে পারছে প্রত্যেক্তর মনের কথা।

'আবার আলো নিভিয়ে দেখা যাক তো,' বলন আগের বার যে পরামর্শ দিয়েছিল সে।

চলুন কাটি এখান থেকে, বলল আরেকজন, কিন্তু তার কথা ঢাকা পড়ে গেল অন্যদের সমর্থনে, ইঁয়া হ্যা, আলো নিভিয়ে দেখা যাক।

ভয় পাচ্ছে ঠিক, কিন্তু সেটা দেখাতে চাইছে না অনেকেই।

আলো নিডে গেল। সিঁড়ির মাথায় দাঁড়িয়ে অপেক্ষা করছে সবাই। নিচে হলের দিকে চেয়ে আছে রবিন আর মুসা, এই সময় বলে উঠল কেউ, 'এই, এই যে। বাঁয়ে।'

একটা দরজার পাশে দাঁড়িয়ে আছে। মানুষেরই আকার, সবুজ, স্পষ্ট হয়েছে আরও। মনে হচ্ছে যেন বুড়ো ফারকোপারই সবুজ আলখেল্লা পরে দাঁড়িয়ে আছে। ভয় পাবেন না, ফিফিস করে বলল কেউ। দেখি কি করে।

নীরবে অপেক্ষা করে রইল দর্শকরা।

নড়তে শুরু করল মূর্তিটা। হলের দেয়ালের ধার ঘেঁষে আস্তে আস্তে ভেসে গেল এক প্রান্ত থেকে আরেক প্রান্তে। কোণের কাছে গিয়ে হঠাৎ অদৃশ্য হয়ে গেল। 'চলুন, দেখি কোখায় গেলং' বিড়বিড় করল এক দর্শক। 'পালানোর তো চেষ্টা

করে না ।

'এবার ছাপ দেখা যাক,' বলে উঠল রবিন। 'ওই দেয়ালের কাছে কেউ যায়নি। «দেখি, পায়ের ছাপ আছে কিনা।'

সঙ্গে সঙ্গে জ্বলে উঠল দুটো টর্চ। দেয়ালের নিচের মেঝেতে ফেলল আলো।
'নেই!' ভারিকণ্ঠ বলল। 'কিচ্ছু নেই ধুলোতে, কোন দাগই নেই। ওটা যা-ই
হোক, বাতাসে ভেসে চলে, মাটিতে পা রাখে না!'

শেষ না দেখে ফিরছি না, দৃঢ় কণ্ঠে বলল বিশালদেহী নেতা। আসুন আমার সঙ্গে।

হলের কোণে চলে এল সবাই, এখান থেকে অদৃশ্য হয়েছে মূর্তিটা। এক পাশে দরজার পরে করিডর, শেষ মাথা গিয়ে মিশেছে আরেক ঘরের আরেকটা দরজার সঙ্গে। দুটো দরজাই খোলা। আলো ফেলে সন্দেহজনক কিছু দেখা গেল না।

আলো নিভিয়ে দিয়ে আবার অপেক্ষায় রইল ওরা। খানিক পরেই একটা দরজায় দেখা দিল মূর্তি। দেয়াল ঘেঁষে এগিয়ে গেল হলের আব্ধেক প্রান্তের দিকে। শেষ মাখায় গিয়ে থামল। তারপর ধীরে, অতি ধীরে আবছা হতে হতে মিলিয়ে গেল। রবিনের মনে হলো, দেয়ালে মিশে গেল ওটা।

এবারেও পায়ের ছার্প বা বালিতে কোনরকম দাগ পাওয়া গেল না।

পুলিশ ডাকতেই হলো। দলবল নিয়ে নিজেই এসে হাজির হলেন লস অ্যাঞ্জেলেসের পুলিশ-প্রধান ইয়ান ফ্লেচার। কিছুই পেল না পুলিশও। আহত কোন মানুষ কিংবা জানোয়ার, কিচ্ছু না। পোড়-খাওয়া পুলিশ অফিসার ইয়ান ফ্লেচার, কিছুতেই বিশ্বাস করতে পারলেন না, ভৃত দেখেছে লোকে, কিন্তু আটজন সুস্থ মস্তিষ্ক লোকের কথা উড়িয়েই দেন কিভাবে? যা-ই হোক, একজন পুলিশকে পাহারায় রেখে দলবল নিয়ে ফিরে গেলেন তিনি।

গড়ীর রাতে তাঁকে ফোন করল এক গুদামের দারোয়ান, সবুজ একটা জ্বলম্ভ মূর্তিকে দেখতে পেয়েছে সে। গুদামের দরজার কাছে নড়াচড়া করছিল, সে এগোতেই পীরে ধীরে মিলিয়ে গেছে।

সে-রাতেই থানায় ফোন করল এক মহিলা। গভীর রাতে গোঙানির শব্দ জনে ঘুম ভেঙে যায় তার। একটা রহস্যময় সবুজ জ্বলজ্বলে মূর্তিকে দেখেছে সে তার বাড়ির বারান্দায়। যেই আলো জ্বেলেছে মহিলা, সঙ্গে সঙ্গে মিলিয়ে গেছে মূর্তিটা। দু জন ট্রাক-ড্রাইভার রিপোর্ট করল, তাদের গাড়ির কাছে সবুজ জ্বলম্ভ মূর্তি দেখেছে।

শেষ রিপোর্ট এল পুলিশের একটা পেট্রল-কার থেকে। রেডিওতে খবর পাঠাল দুই অফিসার, রকি বীচের গ্রীন হিল গোরস্থানে একটা সবুজ মূর্তি দেখেছে ওরা। দ্রুত সেখানে এসে পৌছুলেন ফ্রেচার। বিরাট লোহার গেট ঠেলে চুকলেন গোরস্থানে। শাদা লগ্ধা একটা স্তত্তে হেলান দিয়ে দাঁড়িয়ে থাকতে দেখলেন একটা সবুজ মূর্তিকে। তাঁকে এগোতে দেখেই ফেন ধীরে ধীরে মাটিতে মিশে গেল মূর্তিটা।

টর্চ জ্বেলে দেখলেন ফুেচার। কিন্তু আর কিছুই চোখে পড়ল না। দ্রুত এসে দাঁড়ালেন স্তন্তের কাছে। স্মৃতি-স্তম্ভ। মৃতের নাম, জন্ম-মৃত্যুর তারিখ আর কিডাবে মারা গেছে, লেখা রয়েছে। কিছুতেই বিশ্বাস করতে পারছেন না অভিজ্ঞ পুলিস-প্রধান। কবরটা বুড়ো ফারকোপার কৌনের। পঞ্চাশ বছর আগে সিঁড়ি থেকে পড়েভ আড়ু ভেঙে যে মরেছিল।

দুই

ইইইইইই-আআআআহ্হ্! শোনা গেল ভৃতুড়ে চিৎকার, কিন্তু আঁতকে উঠল না মুসা আর রবিন, কারণ শব্দটা আসছে টেপ রেকর্ডারের স্পীকার থেকে।

লোহালঞ্চর আর বাতিল মালের জঞ্জালের তলায় লুকানো মোবাইলহোমের হেডকোয়ার্টারে বসে আছে তিন গোয়েন্দা। আগের রাতে রবিনের রেকর্ড করে আনা টেপটা গভীর আগ্রহে শুনছে কিশোর পাশা।

'এই শেষবার, আর চিৎকার করেনি,' বলল রবিন। 'এরপর সামান্য কিছু কথাবার্তা, লোকের। বাড়ির ভেতরে ঢোকার আগে সুইচ অফ করে দিয়েছিলাম, আর কিছু রেকর্ড হয়নি।'

কথাবার্তা যা যা রেকর্ড হয়েন্ডে, গভীর মনোযোগে শুনল কিশোর। রেকর্ডিংয়ের সুগর মাইক্রোফোনের ভলুমে বাড়িয়ে দিয়েছিল রবিন, ফলে স্পষ্ট আওয়াজ, পরিষ্কার বোঝা যাচ্ছে সব। টেপ শেষ হতেই সুইচ টিপে মেশিন থামিরে দিল কিশোর, নিচের ঠোটে চিমটি কাটা শুকু হয়েছে।

'মানুষের গলার মতই লাগল,' আনমনে বলল কিশোর। 'যেন সিঁড়ি থেকে

গড়াতে গড়াতে পড়ছে লোকটা, শেষ মাথায় পড়ে হঠাৎ থেমে গেছে। বোধহয়

চেঁচানোর ক্ষমতা ছিল না আর।

'ঠিক বলেছ!' চেঁচিয়ে উঠল রবিন। 'তা-ই ঘটেছিল পঞ্চাশ বছর আগে। সিঁড়ি থেকে পড়ে ঘাড় ভেঙে মরেছিল ফারকোপার বুড়ো। পড়ার সময় নিশ্চয় ওরকমভাবে চেঁচিয়েছে।'

'এক মিনিট,' আঙুল তুলল মুসা। 'সে তো পঞ্চাশ বছর আগের কথা। এতদিন পর কেন শোনা গেল?'

'হয়তো,' হালকা গলায় বলল কিশোর, 'পঞাশ বছর **আ**গোর চিৎকারটা জমেছিল বাতাসে, এতদিন পর শব্দ হয়ে বেরিয়েছে।'

'দূর, ঠাট্টা কোরো না। পঞ্চাশ বছর আগের শব্দ কি করে শোনা গেল?'

'জানি না। রবিন, খোঁজখবর নিশ্চয় করেছ। শোনাও তো কৌন প্রাস্যুদের ইতিহাস,' প্রাসাদ শব্দটা বাংলায় বলল কিশোর।

'প্রাসাদ?' বুঝতে না পেরে জিজ্ঞেস করল রবিন।

'বাংলা। বড় বড় বাড়িকে বলে। হাঁ, বলো, কৌন ম্যানশন সম্পর্কে কি কি জানলে?'

লম্বা দম নিল রবিন, তারপর শুরু করল, বাড়িটা ভেঙে ফেলা হচ্ছে শুনে গতকাল মুসাকে নিয়ে দেখতে গিয়েছিলাম। ভেবেছিলাম, পুরানো বাড়ির ওপর ভাল একটা ফিচার করে স্কুল ম্যাগাজিনে ছাপতে দেব। সেজন্যেই টেপরেকর্ডার নিয়ে গিয়েছিলাম সঙ্গে, যা যা দেখব, খুঁটিনাটি সর রেকর্ড করে রাখব, পরে লেখার সুবিধে হবে ভেবে।

'চাঁদের আলোয় কেমন যেন ভৃতুড়ে দেখাচ্ছিল বাড়িটা। ঢোকার পর বড় জোর পাঁচ মিনিট কাটল, তারপরই শোনা গেল প্রথম চিৎকার। মাইক্রোফোনের ভূল্যুম বাড়িয়ে দিলাম। তুমি আগ্রহ দেখারে জানতাম।'

'খুব ভাল করিছ,' বলল কিশোর। 'এতদিনে সত্যিকার গোয়েন্দার মত ভাবনা-চিম্তা আরম্ভ করেছ। টেপে গুনেই বাড়িটা কত বড়, আশেপাশে আগাছার জঙ্গল কেমন, বুঝে গেছি। লোকের কথাবার্তাও গুনেছি। ওসব আর বলার দরকার নেই, বাড়ির ভেতরে ঢোকার পর কি কি ঘটল, বলো।'

বিস্তারিত জানাল সব রবিন, কিভাবে বাড়িতে চুকে ঘরের পর ঘর খুঁজেছে, কোথায় কিভাবে উদয় হয়েছে সবুজ ভূত, গায়েব হয়ে গেছে, সব।

'এবং ভূতের পায়ের ছাপ পাওয়া যায়নি,' যোগ করল মুসা। 'রবিনের মনেই প্রথম প্রশ্নটা জেগেছিল। বলতেই টর্চ নিয়ে খোজা শুরু করল সবাই।'

'ভাল,' বলল কিশোর। 'তা কতজন লোক সবুজ জিনিসটাকে দেখেছে, মানে, তোমাদের সঙ্গে ক'জন ছিল?'

'ছ'জন,' জানাল মুসা।

'না, সাত,' হাত নাড়ল রবিন।

চোখে চোখে তাকাল দুঁজন।

'ছয়,' আবার বলল মুসা, 'আমি শিওর। বিশালদেহী নেতা, ভারিকণ্ঠ, কুকুরের

মালিক, মোটা লেপের চশমা পরা লোকটা, আর, আর দু'জন, তাদের দিকে ভালমত খেয়াল দিইনি।

'কি জানি,' নিশ্চিত হতে পারছে না র্রবিন। 'তিনবার গুণেছি আমি। একবার গুণেছি ছয়জন, আর দু'বার সাতজন।'

'কতজন, সেটা বড় কথা না,' নিজের নীতিবাক্য নিজেই ভুলে গেল কিশোর—রহস্যভেদের কাজে কোন ব্যাপারকেই ছোট করে দেখা উচিত নয়, সে যত তুচ্ছই হোক। যাক, বাড়ির ইতিহাস বলো এখন।'

বলছি, শৈটের গলার কাছের একটা বোতাম খুলে দিল রবিন। 'আজকের কাগজে বাড়িটার সম্পর্কে অনেক কথা ছাপা হয়েছে। লাইব্রেরিতে কোন বইরে কিছু পাইনি। কৌন ম্যানশন অনেক আগে তৈরি হয়েছে। রকি বীচে শহর গড়ে ওঠারও অনেক আগে।

'খবরের কাগজে লিখেছে, আশি-নন্দই বছর আগে বুড়ো ফারকোপার তৈরি করেছিল বাড়িটা। চীটা ব্যবসা-বাণিজ্য করেছে, নিশ্চয় খুব ঘোড়েল লোক ছিল। ওর সম্পর্কে বিশেষ কিছুই জানা যায়নি, তবে যতটা জানা গেছে, চীনে নাকি কি এক গোলমাল পাকিয়ে সেখান থেকে পালিয়ে এসেছিল। বিয়ে করে নিয়ে এসেছিল এক অপরূপ সুন্দরী চীনা-রাজকুমারীকে। শোনা যায়, প্রথমে এসে উঠেছিল স্যান ফ্রানসিসকোয়, ভাইয়ের বাড়িতে। ভাইয়ের স্ত্রীর সঙ্গে বনিবনা না হওয়ায় রাগ করে চলে এসেছিল এই রকি বীচে।

কৈউ কেউ বলে, আসলে চীন-রাজবংশের উচ্চপদস্থ কারও সঙ্গে লেগেছিল ফারকোপার কৌন, হয়তো স্ত্রীর ভাই বা বাপ, বা ঘনিষ্ঠ কারও সঙ্গে, সেই লোক নাকি প্রতিশোধ নেয়ার জন্যে উঠে পড়ে লেগেছিল। তাই রকি বীচে এসে বাড়ি করে লুকিয়েছিল বুড়ো। জানো তো, এদিকটায় তখন বসতি গড়ে ওঠেনি, বুনোই ছিল।

কৌন ম্যানশনে বেশ রাজকীয় হালে বাস করেছে ফারকোপার। এক গাদা চাকর-বাকর ছিল। চীনের মানচু রাজবংশের লোকের মত আলখেল্লা পরতে পছন্দ করত সে, তার প্রিয় রঙ ছিল সবুজ। খাবার আর নিত্য প্রয়োজনীয় জিনিসপুত্র লস অ্যাঞ্জেলেস থেকে আনিয়ে নিত ওয়াগনে করে, হপ্তায় একবার। একদিন এসে বাড়িটা খালি পেল ওয়াগনের ড্রাইভার। শুধু হলের সিঁড়ির গোড়ায় পড়েছিল বুড়ো ফারকোপারের লাশ। ঘাড় ভাঙা।

'পুলিশ এল। তাদের সন্দেহ, অতিরিক্ত মদ খেয়ে সামলাতে না পেরে সিঁড়ি থেকে পড়ে মরেছে বুড়ো। ভয়ে পালিয়েছে চাকর-বাকরেরা। এমনকি বুড়োর বৌ-ও।

'অনেক খোঁজ-খবর করল পুলিশ, কিন্তু এমন কাউকে পেল না যে কিছু জানাতে পারে। এমনিতেই চীনারা বাইরের লোকের কাছে গোপন কথা ফাঁস করে না, তখনকার দিনে আরও রেশি মুখ বুজে থাকত। কাছেপিঠে যে কয়েকজন চীনা ছিল, তাদের মুখ থেকে একটা শব্দও বের করতে পারেনি পুলিশ। বুড়োর চাকরদের কাউকে পায়নি। হয় চীনে পালিয়ে গিয়েছিল, নয়ত লস অ্যাঞ্জেলেসের চায়না টাউনে গিয়ে দেশোয়ালী ভাইদের মাঝে লুকিয়েছিল।

'যা-ই হোক, পুরো ব্যাপারটা একটা রহস্য। জানামতে বুড়োর একমাত্র আত্মীয় তার মৃত ভাইয়ের বিধবা স্ত্রী, আইনত তিনিই পেলেন বাড়িটা। ভারড্যান্ট ভ্যালিতে আঙুরের খেত ছিল তার। কৌন ম্যানশন বিক্রির প্রস্তাব পেয়েছেন মহিলা অনেকবার, কিন্তু বিক্রি করতে রাজি হননি। বাড়িটায় এসে থাকেনওনি কোনদিন। তিনি মারা যাওয়ার পরেও ঠিক একই রকমভাবে পড়ে থাকল বাড়িটা, পড়ে পড়ে নস্ট হলো। তারপর, এই এ-বছর মহিলার মেয়ে, মিস দিনারা কৌন বিলঙিং ডেভেলপমেন্ট কোম্পানীর কাছে বাড়িটা বিক্রি করতে রাজি হয়েছেন। তারাই গতকাল থেকে বাড়ি ভাঙা ওক করেছে, নতুন বাড়ি তুলবে। বাস, এই জানি।'

'হুঁ,' সোজা হয়ে বসল কিশোর। 'কাগজণ্ডলো দেখা যাক এবার।'

করেকটা খবরের কাগজ টেনে নিয়ে এক এক করে টেবিলে বিছাল গোয়েন্দাপ্রধান। লগ অ্যাঞ্জেলেসের একটা আর স্যান ফ্রানসিসকোর একটা কাগজেও খবরটা ছাপা হয়েছে, স্থানীয়গুলোতে তো হয়েছেই—বড় বড় হেডলাইন দিয়ে। লিখেছেও অনেক জায়গা নিয়ে। কেউ হেডিং দিয়েছে : 'চেঁচানো ভূতের ভাঙা বাড়ি পরিত্যাগ, রকি বীচে আতঙ্ক'; কেউ 'পোড়ো বাড়ি ভাঙা ভরু, রকি বীচে সবুজ ভূতের উৎপাত'; কেউ বা আবার লিখেছে, 'পুরানো আন্তানা ধ্বংসপ্রাপ্ত, নতুন আন্তানার খোজে বেরিয়েছে সবুজ ভূত'।

যার যা কলমের মাথায় এসেছে লিখেছে, বানানো, রঙ চড়ানো, নানাজনের নানা মন্তব্য খুব রস দিয়ে সাজিয়েছে। তবে, আসল তথ্য সব কাগজেই প্রায় এক, রবিন একটু আগে যা বলেছে। যারা যারা ভূত দেখেছে, তাদের কথাও লেখা হয়েছে, বাদ পড়েছে তথু পুলিশ-প্রধান ইয়ান ফুেচার আর তার দুই সহকারী অফিসারের কথা। ইচ্ছে করেই খবরের কাগজওয়ালাদের কাছে নিজেদের কথা, চেপে গেছে তারা, হাসির পাত্র হতে চায়নি।

'রকি বীচ নিউজ' কাগজটায় হাত রেখে বলল কিশোর, 'এতে লিখেছে, একটা গুদামের বাইরেও দেখা গেছে ভূতটাকে, তারপর এক মহিলার বাড়ির বারান্দায়, এরপর দেখেছে দু'জন ট্রাক-ড্রাইভার। পুরানো একটা হোটেলে তখন খাচ্ছিল ড্রাইভাররা, এই সময়ই বাইরে ট্রাকের কাছে ভূতটাকে ঘোরাফেরা করতে দেখেছে

তারা। তারমানে, বোঝাতে চাইছে, পুরানো আস্তানা ধ্বংস হয়ে যাওয়ায় উদ্বিম হয়ে উঠেছে ভূতটা, নতুন আস্তানার খোজে আছে।'

'হ্যা,' খুব জোর দিয়ে বলল মুসা, 'এমনও হতে পারে, রকি বীচ থেকে চলে যাওয়ার তালে আছে সে, ট্রাকে চড়ে, তাই ট্রাকের কাছে ঘোরাঘুরি করছিল।'

'ভূত তো এমনিতেই যেখানে খুশি যৈতে পারে, চোখের পলকে, তার যানবাহনের দরকার হবে কেন?'

'আমি কি জানিং' দু'হাত উল্টাল মুসা।

হাসল কিশোর। 'যা-ই হোক, খুব রহস্যময় কাও। আরও তথ্য না পেলে, কিংবা নতুন কিছু না ঘটলে…' বাধা পেয়ে থেমে গেল সে।

বাইরে থেকে ডাকছেন মেরিচাচী। 'রবিন, এই রবিন, জলদি এসো।'

রবিনের বাবা হঠাৎ করে পাশা স্যালভিজ ইয়ার্ডে?

তাড়াহুড়ো করে দুই সুড়ঙ্গ দিয়ে বেরোতে গুরু করল তিন গোয়েন্দা।

দুই সুড়ঙ্গ মানে, একটা লম্বা লোহার মোটা পাইপ। এক মুখ কায়দা করে যোগ করে দেয়া হয়েছে মোবাইল—হোমের মেঝের একটা পর্তের সঙ্গে। আরেক মুখ জঞ্জালের বাইরে, একটা লোহার পাত ফেলে সেটা ঢেকে রাখা হয় সারাক্ষণ। হামাণ্ডড়ি দিয়ে চলাচল করতে যাতে অসুবিধে না হয়, সেজন্যে পুরু কার্পেট পেতে দেয়া হয়েছে পাইপের ভেতরে।

্বাইরে বেরোল তিন গোয়েন্দা। জঞ্জালের বেড়ার পাশ দিয়ে ঘুরে বেরিয়ে এল

স্যালডিজ ইয়ার্ডের কাচে-ঢাকা ছোট্ট অফিসঘরের সামনের আঙিনার।

অফিসের বাইরে দাঁড়িয়ে লম্না এক ভদ্রলোকের সঙ্গে কথা বলছেন মেরিচাচী। বাদামী গোঁফে আঙুল বুলিয়ে উজ্জ্বল চোখের তারা নাচিয়ে বললেন ভদ্রলোক, 'এই যে, এসে পেছে আপনার তিন আসামী। রবিন, তোমার সঙ্গে ফ্রেচার কথা বলতে চায়। মুসা, তোমার সঙ্গেও।'

চৌক গিলল মুসা। পুলিশ-প্রধান তার সঙ্গে কথা বলতে চান? আগের রাতে যা যা দেখেছে-শুনেছে, দ্রুত গুছিয়ে নিতে শুরু করল মনে।

ঝাঁকড়া চুলে আঙুল বোলাল কিশোর। 'আংকেল, আমি আসব?'

'এসোঁ,' হাসলেন মিস্টার মিলফোর্ড। 'এসো, বাইরে গাড়িতে বসে আছে। টাফ।'

গেটের বাইরে দাঁড়িয়ে আছে একটা কালো সিডান। স্টিয়ারিং হুইলে এক হাত রেখে বসে আছেন ইয়ান ফুেচার। মোটাসোটা মানুষ, মাথার সামনের দিকটায় টাক, হাসিখুশি। ববের বাবার দিকে চেয়ে হাসলেন। বাড়িতেই পেয়েছ তাহলে। এসো, গাড়িতে ওঠো। দেখো রজার, আগে থেকেই বলে দিচ্ছি, আমাকে বাঁচাবে জোঁকগুলোর হাত থেকে। আরিব্বাপরে বাপ। রিপোর্টার তো না একেককটা—এসো, গাড়িতে ওঠো।

'আমিও তো খবরের কাগজের লোক,' গাড়িতে উঠে বললেন মিস্টার মিলফোর্ড।

'সেজন্যেই তো বলছি। তুমি আমার প্রতিবেশী, সহায়তা করবে আর কি, একটু। যেভাবে প্রশ্ন শুরু করে ওরা, মুখ ফসকে কি বলতে কি বলে ফেলি, দেবে ছেপে। যাবে আমার এত বছরের ক্যারিয়ার।'

'ঠিক আছে ঠিক আছে, ভেব না,' হাত তুললেন ফিন্টার মিলফোর্ড। 'এক কাজ করি। কৌন ম্যানশনে যেতে যেতেই শুনি ওরা কি কি দেখেছে।'

আরও কয়েকজনের মুখে শুনেছি অবশ্য,' ইঞ্জিন স্টার্ট দিতে বললেন ফুেচার, 'তবু আরেকবার শোনা যাক। বলো তোমরা।'

সংক্ষেপে সব বলল রবিন, মাঝে মাঝে কথা যোগ করল মুসা। চুপচাপ গাড়ি চালাতে চালাতে গুনলেন পুলিশ-প্রধান। তারপর বললেন, 'অন্যেরাও এই একই কথা বলেছে। অনেকেই দেখেছে। তবু বিশ্বাস করতাম না, যদি···' খেমে গেলেন ফুেচার, আরেকটু হলেই দিয়েছিলেন ফাঁস করে।

'যদি?' সঙ্গে সঙ্গে কথা দালেন মিস্টার মিলফোর্ড।

'ना, किंघू ना ।'

'কিছু তৌ বটেই। ইয়ান, কিছু লুকোচ্ছ তুমি। ভৃতটাকে তুমিও দেখেছ, না? এ-কারণেই অসম্ভব বলে উড়িয়ো দিচ্ছ নঃ।'

'হাঁ,' পথের দিকে কাকিয়ে আছেন ফুেচার, 'আমি দেখেছি। গোরস্থানে। ফারকোপার কোনের কনরের কাছে, মারবেলের একটা খুঁটিতে হেলান দিয়ে দাঁড়িয়েছিল। আমি এগোচেই মিশে গেল মাটিতে, যেন কবরে চুকে পড়ল।'

পিঠ খাড়া হয়ে গেছে তিন কিশোরের !

আড়চোখে ফ্রেচারের দিকে তাকালেন মিস্টার মিলফোর্ড, মুচকে হাসলেন, 'নোট করে নেব?'

'না না,' আঁতকে উঠলেন ফ্লেচার, ছেলেদের দিকে ফিরলেন। 'এই, কাউকে কিছু বলবে না। তোমরা আছ ভুলেই গিয়েছিলাম। বলবে না তোং'

'না, স্যার, বলব না.' কিশোর মাথা নাডল।

আমি একা নই,' চীফ নিশ্চিন্ত হলেন কিনা বোঝা গেল না, 'আরও অনেত্বকই দেখেছে, নিশ্চয় কাগজ পড়েছ। দু'জন ট্রাক-ফ্রাইচ্চার দেখেছে। এক মহিলা দেখেছে। এক গুদামের দারোয়ান দেখেছে। আমি দেখেছি, আমার দু'জন অফিসার দেখেছে, রবিন আর মুসা দেখেছে।'

'মোট ন'জন,' হিসাব করলেন মিস্টার মিলফোর্ড 🗀

'না, পনেরো,' শুধরে দিলেন ফুেচার। 'আরও ছ'জন ছিল রবিন আর মুসার সঙ্গে। মোট পনেরো জন দেখেছে ভৃতুড়ে মুর্তিটাকে।'

'ছ'জনই ছিল, ঠিক জানেন?' প্রশ্নী করল কিশোর। 'নাকি সাতজন? মুসা আর রবিন একমত হতে পারছে না।'

'আমি শিওর না। চারজনের রিপোর্ট গুনেছি আমরা। তিনজন বলেছে, তোমরা ছাড়া আরও ছ'জন ছিল। একজন বলেছে সাতজন। অন্য দুই বা তিন, যে-ক'জনই হোক, ওদের রিপোর্ট নেয়া হয়নি। ওরাও আসেনি। বোধহয় পাবলিসিটি চায় না। পনেরো হোক আর ষোলোই হোক, এতগুলো লোক দেখেছে, চোখের ভুল বলে উড়িয়ে দেয়া যায় না। নিজের চোখে দেখলাম, মাটিতে মিলিয়ে গেল, অবিশ্বাস করি কি করে?'

অযত্নে গজিয়ে ওঠা ঘাসে-ঢাকা ড্রাইডওয়েতে চুকল গাড়ি। দিনের আলোয় চমৎকার লাগছে বাড়িটাকে, একটা অংশ ডাঙা অবস্থাতেও। সদর দরজায় পাহারা দিচ্ছে দু'জন পুলিশ। বাদামী সূটে পরা এক লোক অস্থির ভাবে পায়চারি করছে ওদের সামনে। গাড়িটাকে দেখেই দাঁড়িয়ে গেল।

'কে?' বিডুবিড করল ফ্রেচার। 'আরেকটা জোঁক বোধহয়।'

এগিয়ে এল লোকটা। 'চীফ ফুেচার?' খুব মিষ্টি কণ্ঠ। 'আপনি পুলিশ চীফ তো? আপনার অপেক্ষায়ই আছি। আমার মকেলের বাড়িতে আমাকে চুকতে দিচ্ছে না কেন আপনার লোক?

'আপনার মক্ষেল?' ভুরু কুঁচকে গেল পুলিশ-প্রধানের। 'কে আপনি?' 🔺

'আমি উলফ টার্নার,' পরিচয় দিল লোকটা। এ-বাড়ি মিস দিনারা কৌনের, আমি তার উকিল, দূর সম্পর্কের ডাইয়ের ছেলে। তার ডালমন্দ দেখাশোনার ডার আমার ওপর। সকালে খবরের কাগজ পড়েই ছুটেছি, স্যান ফ্রানসিসকো থেকে উড়ে এসেছি। আমি ডালমত তদন্ত করতে চাই। পুরো ব্যাপারটাই অবিশ্বাস্য মনে হচ্ছে আমার কাছে, পাগলের প্রলাপ।'

'অবিশ্বাস্য, ঠিক,' মাখা দোলালেন ফুেচার, 'তবে পাগলের প্রলাপ নয়। য়াক, আপনি এসেছেন, খুশি হলাম মিস্টার টার্নার। নইলে আসার জন্যে খবর পাঠাতে হত হয়তো। ও হঁয়, পাহারা রেখেছি, কারণ, যখন-তখন যে কেউ চুকে পড়তে পারে। আমার নির্দেশ আছে, কাউকে যেন চুকতে না দেয়া হয়। তাই আপনাকে চুকতে দেয়নি। চলুন, এখন চুকি। এই যে, এই ছেলেরাও গতরাতে এসেছিল এখানে, সবুজ মৃতিটাকে দেখেছে। এজন্যেই এখন নিয়ে এসেছি। কোখায় কোখায় দেখা গেছে, দেখাবে আমাদের।'

তিন কিশোর আর মিস্টার মিলফোর্ডের সঙ্গে টানারের পরিচর করিয়ে দিলেন ফ্রেচার। তারপর সদর দরজার দিকে রওনা হলেন। পথ ছেড়ে সরে দাঁড়াল প্রহরীরা। বিরাট হলে চুকলেন তিনি, সঙ্গে অন্য পাঁচজন। আবছা আলো হলে, গা হ্মছমে পরিবেশ। রবিন আর মুসা দেখাল, ঠিক কোথায় প্রথম উদয় হয়েছিল মৃতিটা।

্র মুসা ওদেরকে সিঁড়ির কাছে নিয়ে এল। 'এই সিঁড়ির ওপর দিয়ে ভেসে হলে নেমেছিল মূর্তিটা,' জানাল সে।

'ভেসে বলছ কেন?' প্রশ্ন করলেন পূলিশ-প্রধান।

'মাটিতে পাস্ত্রের ছাপ দেখা যায়নি, সবাই খুঁজেছি। উড়ে না নামলে কি করে নামলং ছাপ খোঁজার কথা রবিনের মনে হয়েছিল। সবাই খুঁজেছি, কিন্তু ছাপ-টাপ দেখিনি।'

'তারপর?' জিজ্ঞেস করলেন মিস্টার মিলফোর্ড।

উড়ে হলের ওই যে, ওখানটায় চলে গেল, হাত তুলে দেখাল মুসা, 'দেয়ালের কাছে। এক সময় দেয়ালের ভেতর দিয়ে ঢুকে মিলিয়ে গেল।'

'আঁম্ম্ন্,' জ্রুটি করলেন ফ্লেচার, দেয়ালের দিকৈ তাকিয়ে আছেন।

অনিষ্ঠিত ভঙ্গিতে মাথা ঝাঁকাচ্ছে উকিল। 'র্ঝতে পারছি না কিছু? ভূতুড়ে বাড়ির কিসুসা অনেক গুনেছি। আমার বিশ্বাস হয় না ওসব।'

'কি বিশ্বাস হর?' ভুকু নাচালেন ফুেচার। 'কি ছিল বলে আপনার ধারণা?'

চোখ মিটমিট করল উকিল। 'আমি কি করে জানবং'

'সেটা জানার জন্যেই এসেছি আমরা। আপনি আসাতে কেন খুশি হয়েছি, জানেনং'

'কেন্?'

🥫 **'আজ সকালে মইয়ে দাঁড়ি**য়ে বাড়ির এক জায়গায় প্লাস্টার ভাঙছিল এক শ্রমিক।

এই খে, আমরা যেখানে রয়েছি, তার নিচের তলারই একটা সাইড। কিছু একটা দেখে কাজ থায়িয়ে হঠাৎ চেচিয়ে উঠল সে।

'কী?' সামনে ঝুঁকে এল টার্নার। 'কি দেখলে?'

'ও শিওর না। তবে ওই যে দেয়ালটা,' যেটা গলে ভৃত অদৃশ্য হয়েছে বলেছে মুসা, সেদিকে দেখিয়ে বললেন ফুেচার, 'লোকটার ধারণা, ওটার ওপাশে। একটা গোপন কুঠুরিমত আছে। আপনার অনুমতি পেলে ডেঙে ঢুকতে পারি আমরা।'

কপালি ডলল টার্নার। মিস্টার মিলফোর্ডের দিকৈ তাকাল, তিনি তখন নোটবইয়ে নোট লিখন্ডে বাস্ত। হগাপন কুঠুরি?' রীতিমত অবাক হয়েছে উকিল। কৃই, এ বাড়িতে তেমন কোন কুঠুরি আছে বলেতে। গুনিনি।'

প্রচণ্ড উত্তেজনা কোনমতে দীময়ে রেখেছে তিন কিশোর। উকিলের অনুমতি পেয়ে কুড়াল আর শাবল নিয়ে এল দুই পুলিশ। দেয়ালের একটা জায়গা দেখিয়ে বললেন ফ্রেচার, 'ডাঙো।

প্রচণ্ড বিক্রমে দেয়ালের ওপর ঝাঁপিয়ে পড়ল পুলিশ দুজন। একটা ফোকর করে ফেলল। বোঝা গেল, ওপাশে ফাঁপা জায়গা রয়েছে, অন্ধকার, দেখা যায় না কি আছে। আরও বড় করা হলো ফোকর, মানুষ ঢুকতে পারবে। হাত ঢুকিয়ে দিয়ে ভেতরে টর্চের আলো ফেললেন ফ্রেচার।

অস্ট্রত স্বরে কিছু বললেন, তারপর ফোকর গলে ঢুকে পড়লেন ভেতরে। ঢুকবে কিনা দ্বিধা করছে উকিল, কিন্তু ফুেচারের পেছনে মিস্টার মিলফোর্ডকে যেতে দেখে সে-ও ঢুকল। বাইরে দাঁড়িয়ে তাদের উত্তেজিত কথা শুনতে পেল তিন গোয়েন্দা।

ফোকর দিয়ে উকি দিল কিশোর, তারপর দুই সহকারীর দিকে একবার চেয়ে

সে-ও ঢুকে পড়ল। মূসা আর রবিনও ঢুকল।

ছোট একটা কক্ষ, ছয় বাই আট ফুট। দেয়ালের একটা ফাটল দিয়ে আলো আসছে, আন্তর খসানোর সময়ই নিশ্চয় ফেটেছে।

্ঘরে আর কিছু নেই, শুধু একটা কৃফিন।

কর্মিক পালিশ করা নিচু কাঠের টেবিলে রাখা আছে কফিনটা, জারগায় জারগায় চমৎকার খোদাইয়ের কাজ। ডালা তোলা। ভেতরের কিছু দৃষ্টি আকর্ষণ করেছে ফুেচার আর অন্য দুজনের।

পায়ে পায়ে এগিয়ে এসে ছেলেরাও উঁকি দিল কফিনের ভেতরে। চমকে উঠল। একটা কঙ্কাল। পুরোটা দেখা যাচ্ছে না। দামী আলখেল্লায় ঢেকে আছে। এক সময় খুব সুন্দর ছিল কাপড়টা, এখন অনেক জায়গায় নষ্ট হয়েছে দীর্ঘদিন অবহেলায় পড়ে থেকে।

সবাই নীরব। অবশেষে কথা বললেন মিস্টার মিলফোর্ড, দৈখো, প্লেটটা দেখো!' কফিনের পায়ে আটকানো রূপার একটা পাত দেখালেন। তাতে ইংরেজিতে লেখা ঃ ফারকোপার কৌনের প্রিয় স্ত্রী শান্তিতে ঘুমোচ্ছেন এখানে।

'ফারকোপারের চীনা স্ত্রী ।' খসখসে শোনাল চীফের কণ্ঠ ।

'অথচ লোকে ভেবেছে, বুড়ো মারা যাওয়ার পর চীনে পালিয়েছে মহিলা,' . বিড়বিড় করলেন মিস্টার মিলফোর্ড। লোকের কথা। দেখুন দেখুন, কফিনের ভেতরে হাত ঢুকিয়ে দিল উকিল। জিনিসটা বের করে আনল টার্নার। একটা মালা। পোল গোল পাথরের মত কিছু দিয়ে তৈরি হয়েছে। টর্চের আলোয় ভোঁতা ধুসর আভা বিকিরণ করছে।

"এটাই বোধহয় সেই বিখ্যাত গোস্ট পার্লস,' বলল উকিল। 'আমাদের পারিবারিক অলংকার, চীন থেকে নিয়ে এসেছিল মিস্টার ফারকোপার কৌন। অনেক দামী জিনিস। মিস্টার কৌন ঘাড় জেঙে মরল, তার স্ত্রী নিখোঁজ হয়ে গেল। আমরা ডেবেছিলাম, হারটা নিয়ে আবার দেশে ফিরে যাওয়ার পথে কোনভাবে লাপান্তা হয়ে গেছে মহিলা। অথচ এখানে, এই বাড়িতেই ছিল এতগুলো বছর!'

চার

হেডকোয়ার্টারে কাজে ব্যস্ত মুসা আর রবিন। সবুজ ডৃত সম্পর্কে খবরের কাগজে যা যা লেখা বেরিয়েছে, সবগুলোর কাটিং কেটে দিচ্ছে মুসা, আঠা দিয়ে বড় একটা খাতায় সেগুলো সেঁটে রাখছে রবিন।

সবুজ ভূত সম্পর্কে লোকের আগ্রহ কমে আসছিল, কিন্তু হঠাৎ করে পোড়ো বাড়িতে গোপন কুঠুরি, কফিনের ভেতরে বুড়ো ফারকোপারের চীনা স্ত্রীর মৃতদেহ আর মুক্তোর মালা আবার নতুন করে সাড়া জাগাল রকি বীচের লোকের মনে। প্রথম পাতায় বড় বড় হেডিং দিয়ে ছাপা হলো সেই খবর।

ফারকোপার কৌনের অতীত ইতিহাস আরও গভীরে খুঁড়ে বের করার জন্যে একযোগে ঝাঁপিয়ে পড়ল রিপোর্টারেরা। জানা গেল, চীনা জাহাজে ক্যাপ্টেনের চাকরি করেছে কিছু দিন ফারকোপার। দুর্বর্ধ নাবিক নাকি ছিল সে, ভয়াবহ ঝড়কেও পরোয়া করত না, জাহাজ নিয়ে চুকে পড়ত ঝড়ের মাঝে। বেশ কয়েকজন মানচুরাজবংশীয় ব্যক্তির সঙ্গে ঘনিষ্ঠতা ছিল তার, প্রায়ই নানারকম মূল্যবান জিনিস তাকে উপহার দিত তারা। তবে গোস্ট পার্ল তাকে উপহার দেয়া হয়নি, ওটা সে চুরি করেছে, তারপর তাড়াহড়ো করে স্ত্রীকে নিয়ে পালিয়েছে, আর কোনদিন চীনে যাওয়ার আশা ত্যাগ করে। তারপর, বাকি জীবনটা কৌন ম্যানশনে লুকিয়ে কাটিয়েছে।

'ভাবো একবার,' হাত থামিয়ে বলে উঠল হঠাৎ রবিন, 'এমন একটা লোক এই রকি বীচেই ছিল এতদিন, আর কি কাণ্ডটাই না ঘটাল। বাবা আর চীফ কি ভাবছে জানোং'

পাতব শব্দ হতেই থেমে গেল রবিন। দুই সূড়ঙ্গের মুখের লোহার পাত সরানোর আওয়াজ। চাপা খসখস শব্দ হলো কিছুক্ষণ, তারপর ট্রেলারের মেঝেতে লাগানো ট্র্যাপড়োরে টোকা পড়ল।

দরজার হুড়কো সরিয়ে দিল মুসা।

গর্তের মুখে বেরিয়ে এল কিশোরের মাথা। 'হুফ্ফ্!' মুখ দিয়ে নিঃশ্বাস ফেলল সে. উঠে এল। যা গরম পডেছে। —ভাবছি।'

'সাবধান, কিশোর,' হেসে বলল মুসা, 'ভাবাভাবিটা এখন একটু-কমাও। নইলে মগজের বেয়ারিং জ্বলে গিয়ে শেষে আমাদের মতই ভোঁতামাথাদের একজন হয়ে যাবে।'

শব্দ করে হাসল রবিন।

কিশোরের মগজ সম্পর্কে খুব উঁচু ধারণা মুসার, কিন্তু সুযোগ পেলেই সেটা নিয়ে বন্ধুকে খোঁচা মারতেও ছাড়ে না সে। কিন্তু সাবধানী ছেলে কিশোর, এড়িয়ে যায়। মেজাজ শান্ত রাখার ক্ষমতা তার অপরিসীম।

মুসার কথা যেন শুনতেই পায়নি কিশোর, এমনি শুঙ্গিতে গিয়ে ধপ করে বসে পড়ল তার সুইভেল চেয়ারে। 'ভাবছি,' আবার বননা সে। 'ভাবায় লাভও হচ্ছে অবশ্য। অনেক-বছর আগে কৌন ম্যানশনে কি ঘটোছিল, অনুমান করতে পারছি।'

`তোমার কষ্ট না করলেও চলত, কিশোর,` রধিন বলল। `বাবা আর চীফও এ-নিয়ে অনেক ভেবেছেন···`

'আমার ধারণা,' রবিনের কথা কানে তুলল না কিশোর।

'বাবা আর চীম্ফের ধারণা,' কিশোরকে কথা শেষ করতে দিল না রবিন। সে যা জানে, সেটা তার আগেই কিশোর বলে ফেলুক, এটা হতে দিল না। 'রোগে ছুগে মারা গেছে ফারকোপারের স্ত্রী। সুন্দর একটা কফিনে ভরে তাকে তথন বাড়িরই ছোট্ট একটা ঘরে রেখে দিল বুড়ো নাবিক, প্রিয়তমা স্ত্রীকে দূরে মরিয়ে দিতে মন সায় দেয়নি হয়তো, মৃত্যুর পরও তাই কাছে কাছে রেখেছে। সম্ভবত করিজর দিয়ে কফিনটা সেই ঘরে ঢুকিয়েছে বুড়ো, তারপর জানালা দরজা ভেঙে ইট গেঁখে বন্ধ করে দিয়েছে ফোকর। তার ওপর প্লাস্টার করে দিয়েছে। বাইরে থেকে দেখে আর বোঝার উপায় ছিল না, একটা গোপন কুঠুরি আছে ওখানে।

্রতারপর কতদিন বেঁচে ছিল ফারকোপীর, জানা যায়নি। এক রাতে সিঁড়িতে

আছাড় খেয়ে পড়ে মরল সে।

চাকরেরা বুড়োর লাশ দেখে ভয়ে রাতেই পালাল। স্যান ফ্রানসিসকোর চীনা-পল্লীতে ঠাই নিয়েছিল, না দেশে পালিমেছিল, জানা যায়নি। কারণ, স্বদেশীদের ব্যাপারে আমেরিকান পুলিশের কাছে মুখ খোলেনি চীনা-পল্লীর চীনারা।

'যতদুর জানা যায়, আত্মীয় বলতে একজুনই ছিল ফারকোপারের, তার

ভাইয়ের স্ত্রী। স্যান ফ্রানসিসকোর ভারড্যান্ট ভগলিতে আঙুরখেত…'

'এসব পুরানো কথা,' হাত তুলল কিশোর, 'জানি।'

শৈষ পর্যন্ত শোনোই না,' বলৈ চলল রবিন। 'এত কাছেই থাকে, অথচ মহিলা কোন দিন ফারকোপারের বাড়িতে আসেনি। তার মেয়ে দিনারা কৌনও না। মায়ের মৃত্যুর পর আঙুরের খেত আর কৌন ম্যানশনের মালিক হয়েছে মেয়ে।

পুরানো রাড়িটাকে এতদিন কেন বিক্রি করেনি ওরা, সেটা এক রহস্য। কেন এভাবে ফেলে রেখেছিল, সেটাও। এই এতদিন পরে বাড়ি বিক্রি করতে রাজি

হয়েছে মিস দিনারা কৌন।

তারপর, মুসা যোগ করল, 'বাড়ি ভাঙা শুরু হতেই বিরক্ত হয়ে উঠল সবুজ ভূত। গোপন কুঠুরি থেকে বেরিয়ে চেঁচিয়ে সাবধান করল। ভূত অবশ্য বুঝতে পেরেছে, যত যা-ই করুক, ওই বাড়িতে আর থাকতে পারবে না সে, তাই নতুন আস্তানার খোঁজে বেরিয়েছে।' তোমার তাই ধারণা, কিশোর বলন। 'ওটা ফারকোপার বুড়োর ভৃত, এতেও নিশ্চয় কোন সন্দেহ নেই।'

'তোমার আছে? ওটা যদি ভূত না হয়, আমার নাম বদলে রাখব।'

'নামটা শেষে সত্যিই না বদলাতে হয়…'

কিশোরের কথায় বাধা দিল রবিন। 'তোমার কি মনে হয়, ভূত না ওটা? অন্য কিছু ভেবে থাকলে গিয়ে বলো চীফকে, হয়তো পুরস্কার দিয়ে দেবেন।'

'মানে?' চোখ মিটমিট করল কিশোর।

কৈন, কাল শোনোনি? সবার সামনেই তো চীফ বলেছেন, ভৃতটাকে তিনিও দেখেছেন। পরে বাবাকে বলেছেন, ভৃতে বিশ্বাস করেন না তিনি, কিন্তু এই ব্যাপারটাকে অবিশ্বাসও করতে পারছেন না। তাই জোর গলায় হুকুম দিতে পারছেন না সহকারীদের যে, সবুজ জিনিসটাকে ধরে এনে দাও। এখন যদি কেউ প্রমাণ করতে পারে ওটা ভৃত নয়, তাকে পুরস্কার দেবেন না?'

হম্ম,' মাথা দোলাল কিশোর, খুশি মনে হচ্ছে তাকে। 'তাহলে সবুজ ভূতের কেসটা নিতে পারি আমরা, অন্তত পুলিশ ডিপার্টমেন্টকে সাহায্য করার জন্যে হলেও। যত সহজ ভাবছ, ব্যাপারটা তত সহজ না-ও হতে পারে। এর পেছনে অনেক গভীর রহস্য লুকিয়ে আছে, আমি শিওর।'

'এক মিনিট,' হাত তুলল মুসা। 'পুলিশ আমাদের সাহায্য চায়ন্দি, এক নম্বর। দুই নম্বর, ওই ভূতপ্রেতের ব্যাপারে নাক গলাতে ব্যক্তিগতভাবে আপত্তি আছে আমার।'

বব আপত্তি করল না, চুপ করে রইল।

'কেন, আপত্তি কেন?' ভুক নাচাল কিশোর। 'তিন গোয়েন্দার নীতিই তো হলো, যে-কোন জটিল রহস্য সমাধানের চেষ্টা করা। ভূতরহস্য কি রহস্য নয়? ভূত বিশ্বাস করি না মোটেও, কিন্তু যদি সত্যিই থেকে থাকে, আর একটাকে 'াাকড়াও করতে পারি, কি রকম সাড়া পড়বে, ভেবেছ?' রবিন আর মুসার দিকে তার্কিয়ে নিল একবার করে। 'হ্যা, গোড়া থেকে শুরু করি। গতরাতে আবার দেখা গিরেছিল ভূত?'

ু 'কাগজে তো কিছু লেখেনি,' বুলল রবিন। 'চীফকে জিজ্ঞেস করেছিল বাবান।

চীফ জানিয়েছেন, নতুন কোন রিপোর্ট আসেনি থানায়।'

'সে-রাতে কৌন ম্যানশনে যে ক'জন ভূতটাকে দেখেছে, সবার সঙ্গে কথা বলেছেন তোমার বাবা?'

নাই। চারজনের সঙ্গে বলেছে। বিশালদেহী লোকটা, কুকুরের মালিক, আর কৌনের নুই প্রতিবেশী।

'বাকি দু'জন?'

কারা ছিল, সেটাই জানা যায়নি। বাবার ধারণা, ওরা পাবলিসিটি চায় না, বন্ধুদের হাসির খোরাক হতে নারাজ। আমি শিওর, দুজন নয়, তিনজনই।

্রি ঠিক আছে, ধরে নিলাম সাত জনই। কৌন ম্যানশনে আসার সাধ জেগেছিল কেন হঠাৎ?' 'জ্যোৎস্নায় হাঁটাহাঁটি করছিল ফারকোপারের প্রতিবেশীরা, এই সময় দু'জন লোক এসে তাদেরকে প্রস্তাব দিল, চাঁদের আলোয় ভাঙা পোড়ো বাড়ি কেমন লাগে, দেখতে যাওয়ার। লোকগুলোকে চেনে না প্রতিবেশীরা। তবে প্রস্তাবটা তাদের মনে ধরল। ড্রাইডওয়েতে চুকেই চিৎকার শুনতে পেল ওরা। তারপর কি হয়েছে, সব

'বাডি ভাঙা বন্ধ হয়েছে?'

আপাতত। গোপন আরও কুঠুরি আছে কিনা, খুঁজেছে পুলিশ। পাওয়া যায়নি। এখনও বাড়িটাকে কড়া পুলিশ পাহারায় রাখা হয়েছে। বাবা বলছে, ওখানে নতুন বাড়ি করলেও আর বিশেষ সুবিধে হবে না, ডাড়াটে পাওয়া মুশকিল হবে। ভূতের ভয়ে আসতে চাইবে না লোকে।

চুপ হয়ে গেল কিশোর, ধ্যানময় হয়ে রইল যেন কয়েক মিনিট, দৃষ্টি ছাতের দিকে। অবশেষে মুখ নামিয়ে রবিনকে বলল, 'টেপরেকর্ডারটা নাও, শুনি আবার ক্যান্সেটটা।'

রেকর্ডারের সুইচ টিচে দিল রবিন। কানে আঘাত হানল গ্রীক্ষ্ণ বিকট চিৎকার। তারপর লোকের কথাবার্তা। শুনতে শুনতে ক্রকুটি করল কিশোর। 'কিছু একটা রয়েছে টেপে, ঠিক বুঝতে পারছি না, বের করে আনতে পারছি না। আদ্যা, কুকুরের আওয়াজ যে গুনলাম, কি জাতের কুকুর?'

'কুকুরের জাত দিয়ে কি হবে?' হাত নেড়ে বলল মুসা।

'হতেও পারে। কোন কিছুকেই ছোট করে দেখা উচিত হবে না।'

'ফক্স্ টেরিয়ার,' বলল রবিন, 'রোমশ। ছোট্ট কুকুর। কিছু বুঝলে?'

বোঝেনি, বলতে বাধ্য হলো কিশোর। আবার বাজিয়ে গুনল টেপটা, আবার। কি যেন একটা ইঙ্গিত রয়েছে, কিন্তু ধরতে পারছে না সে। টেপরেকর্ডার বন্ধ করে খবরের কাগজের কাটিং পড়ায় মন দিল।

শহরের বাইরে চলে গেছে স্থুজ্ ভূত,' বলল মুসা, 'এতে কোন সন্দেহ নেই। বাডি ভাঙা শুরু হতেই সটকে পড়েছে।'

জবাব দিতে গিয়েও থেমে গেল কিশোর। ফোন বেজে উঠেছে। রিসিভার তুলে নিয়ে কানে ঠেকাল। 'হ্যালো?'

ফোনের সঙ্গে কায়দা করে আটকানো লাউড-স্পীকার জ্যান্ত হয়ে উঠল। সবাই শুনতে পেল কথা। 'লঙ ডিসট্যান্স্ কল,' বলল মহিলাকণ্ঠ। 'রবিন মিলফোর্ডকে চাই।'

একে অন্যের দিকে তাকাল ছেলেরা।

'রবিন, তোমার,' বলে রিলিভার বাড়িয়ে ধরল কিশোর।

'হ্যান্নো, রবিন মিলফোর্ড বলছি,' উত্তেজনায় গলা মৃদু কাঁপছে তার।

ইয়াল্লো, রবিন,' বলল এক মহিলাহ ঠ, বৃদ্ধা, আওয়াজৈই বোঝা গেল। 'আমি দিনারা কৌন। ভারভ্যান্ট ভ্যানি থেকে বলছি।'

দুনারা কৌনৃ! ফারকোপার কৌনের ভাইঝি।

'र्ह्या, वल्न?'

'আমার একটা উপকার করবে?' অনুনয় করলেন মহিলা। 'তুমি আর তোমার বন্ধু, মুসা আমান, দয়া করে আসবে একবার ভারড্যান্ট ভ্যালিতে?'

'ভারড্যান্ট ভ্যা**লিতে** ! কেন?'

তোমার সঙ্গে কথা বলা খুব জরুরী। আমার চাচাকে দেখেছ তোমরা—ইয়ে, মানে, তাঁর ভূত দেখেছ। দুজন প্রত্যক্ষদর্শীর মুখ থেকে সব শুনতে চাই। ভূতটা কেমন, কি করেছে, সব—, চুপ হয়ে গেলেন দিনারা, বোঝা যাচ্ছে, দ্বিধা করছেন। শেষে বলেই ফেললেন, জানো, আমি—আমিও গতরাতে দেখেছি, এই ভারড্যান্ট ভ্যালিতে। আমার ঘরে।

পাঁচ

কিশোরের দিকে সপ্রশ্ন দৃষ্টিতে তাকাল রবিন।

'হাা,' বলে দেয়ার জন্যে মাথা ঝুঁকিয়ে ইঙ্গিত করল কিশোর।

'হ্যা'নিশ্চয় আসব, মিস কৌন,' টেলিফোনে বলল রবিন। 'মুসাও আসবে হয়তো! অবশ্য যদি আমাদের বাবা-মার কোন মাপত্তি না থাকে।'

'তা-তো বটেই, তা-তো বটেই,' স্বস্তির নিঃশ্বাস ফেললেন মহিলা। 'সেজন্যেই আগে তোমাদের বাড়িতে ফোন করেছি। তোমার মা'র আপত্তি নেই, মুসার মা-ও রাজি হয়েছেন। ভারড্যান্ট ভ্যালি খুবই সুন্দর জায়গা, বুঝেছ? আর তোমাদের বয়েসী এক নাতি আছে আমার, রিচার্ড মিঙ কৌন, তোমাদের সঙ্গ দিতে পারবে। প্রায় সারাজীবনই চীনে কাটিয়েছে।'

কিভাবে কখন যেতে হবে, বিস্তারিত জানালেন মিস কৌন। ছ'টার প্লেন ধরতে হবে রবিন আর মুসাকে, স্যান ফ্রানসিসকোয় যাবে। এয়ারপোর্টে তাদের সঙ্গেদখা করবেন তিনি, গাড়িতে করে নিয়ে যাবেন ভারড্যান্ট ভ্যালির বাড়িতে। আরেকবার ধন্যবাদ জানিয়ে রিসিভার নামিয়ে রাখলেন তিনি।

'দারুণ হলো! আনন্দে জ্বলজ্বল করছে রবিন। 'ভাল একখান জার্নি করে আসা যাবে।' হঠাৎ মনে পড়ল তার, 'কিন্তু তোমাকে তো যেতে বলেনি, কিশোর?'

আহত হরেছে কিশোর অবশ্যই, কিন্তু সেটা প্রকাশ করল না। আমি ভূত দেখিনি, তোমরা দুজন দেখেছ, তোমাদেরকেই তো বলবে। বললেও অবশ্য আমি এখন খেতে পারতাম না, জরুরী কাজ আছে। বড় ট্রাকটা নিয়ে কাল চাচা-চাচীর সঙ্গে স্যান ডিয়েগো খেতে হবে। নেডির বাতিল মালের একটা লট আছে, দেখেন্তনে আনা দরকার।

'যা-ই বলো, তোমাপে খাড়া যেতে ভাল লাগছে না,' মুসা আন্তরিক দুঃখিত। 'আর ধারেকাছে যদি ভূত থাকে তাহলে তো কথাই নেই। তুমি ছাড়া গতি নেই আমাদের।'

মুসার কথায় মনে মনে খুশি হলো কিশোর। বলল, 'হয়তো এটা ভালই হলো। ভারড্যান্ট ভ্যালিতে ভূত দেখা গেল, তোমরা তদন্ত চালাতে পারবে। এদিকে, খোজখবর করে রহস্য সমাধানের চেষ্টা করব আমি। টীম ওয়ার্ক করছি আমরা, ঠিক, কিন্তু তিনজনকে একই সঙ্গে একই জায়গায় খেকে কাজ করতে হবে, এটা কোন যুক্তি নয়। একই কাজের জন্যে দরকার পড়লে তিন জনকে তিন জায়গায় যেতে হবে না?'

অকাট্য যুক্তি, কিন্তু মুসা আর রবিনের মন খুঁত খুঁত করতেই থাকল। জোর করে ওদেরকে তুলে বাড়ি পাঠাল কিশোর, তৈরি হওয়ার জন্যে।

মুসা আর রবিনের মা সুটকেস গুছিয়েই রেখেছেন। ছেলেরা বাড়তি কিছু জিনিস নিল, একটা করে টর্চ, কিছু চক—রবিন সঁবুজ রঙের, মুসা নীল—দরকারের সময় দেয়ালে বা অন্য কোন জায়গায় তিন গোয়েন্দার আন্চর্যবোধক চিহ্ন এঁকে সংকেত রাখার জন্যে।

লস অ্যাঞ্জেলেস এয়ারপোর্টে তাদেরকে তুলে দিতে গেলেন রনিনের মা গাড়ি নিয়ে, সঙ্গে গেল কিশোর।

'ফোনে যোগাযোগ রাখবে আমার সঙ্গে,' বলল গোয়েন্দাপ্রধান। 'কিছু ঘটলে জানাবে। ভৃতটা যদি ওখানে আবার দেখা যায়, তেমন বুঝলে আমিও চলে আসব পরে।'

বার বার ছেলেকে হুঁশিয়ার করে দিলেন রবিনের মা, 'সাবধানে থাকবে। আর দেখো, মহিলার সঙ্গে কোন খারাপ ব্যবহার কোরো না।'

'ও তো কারও সঙ্গেই খারাপ ব্যবহার করে না, আন্টি,' প্রতিবাদ করল কিশোর।

'জানি,' হাসলেন মিসেস মিলুফোর্ড, 'তবু বলছি।'

প্লেন ছাড়ল। আকাশে উঠল বিশাল জেট, উড়ে চলল উত্তরমুখো। বেশি না, মাত্র এক ঘটার ভ্রমণ, এরই মাঝে ডিনার আছে, তাই সময়টা আরও কম মনে হয়। দেখতে দেখতে স্যান ফ্রানসিসকোয় পৌছে গেল বিমান, ল্যাণ্ড করল।

লাউণ্ডে মুসার বয়েসী, প্রায় তীর সমান লয়, চওড়া কার্ধ, এক কিশোরের সঙ্গে পরিচয় হলো তাদের। এগিয়ে এসে স্বাগত জানাল, চলন-বলন-চেহারায় পাকা আমেরিকান ছাপ, চোখ দুটো গুধু চীনা, তা-ও পুরোপুরি নয়।

পরিচিত হলো রিচার্ড কৌন, মিঙ নামটাই তার পছন্দ, তাই ওটা ধরে ডাকতেই অনুরোধ জানাল নব পরিচিত বন্ধুদের। স্বন্ধ সময়েই জানিয়ে দিল, তার রক্তের চার ডাগের এক ভাগ চীনা, তবে বয়েসের চার ডাগের তিন ভাগ কাটিয়েছে চীনে, হংকং এ। মালপত্র বইতে মুসা আর রবিনকে সাহায্য করল সে, পথ দেখিয়ে বের করে নিয়ে এল বিমানবন্দর থেকে। ব্যস্ত রাস্তা পার হয়ে এসে দাড়াল বিরাট পার্কিং লটে।

একটা স্টেশন ওয়াগন অপেক্ষা করছে ওদের জন্যে, ছোটখাট একটা বাস 'বললেই চলে। ড্রাইভিং সীটে বসা এক তরুণ মেকসিকান।

'হুগো,' লোকটাকে বলল মিঙ, 'এরাই আমাদের মেহমান। ও রবিন মিলফোর্ড, আর ও মুসা আমান। চলো, সোজা বাড়ি চলো। প্লেনে কি খেয়েছে না খেয়েছে, নিশ্য খিদে পেয়েছে।'

'সি, সিনর মিঙ,' দরজা খুলে লাফিয়ে নামল হুগো। দু'হাতে দুটো ব্যাগ তুলে নিয়ে গিয়ে গাড়ির পেছনের সীটে রাখল। ফিরে এসে বসল আবার ড্রাইভিং সীটে। তার ঠিক পেছনেই উঠে বসল ছেলেরা, তিনজন একই সীটে পাশাপাশি। গাড়ি ছাডল হুগো।

স্যান ফ্রানসিসকো শহরটা ভালমত দেখার ইচ্ছে ছিল মুসা আর রবিনের, কিন্তু ইহতাশ হতে হলো। শহরের ভেতরে গেল না গাড়ি, মোড় নিয়ে বেরিয়ে এল এক প্রান্ত দিয়ে। উঠে পড়ল হাইওয়েতে। পথের দুধারে কোথাও পাহাড়, কোথাও খোলা জায়গা।

'অনেক বড় আঙুরের খেত তোমার দাদীর, নাং' এক সময় জিজেস করল মসা।

্বাত্তি 'অনেক বড়,' বলল মিঙ। 'গেলেই দেখবে। মদ চোলাইয়ের কারখানাও আছে। দাদীমা বলে, সব আমাকে দিয়ে যাবে। কিন্তু আমার কেন জানি নিতে ইচ্ছে করে না।'

আগ্রহ-প্রকাশ করল রবিন আর মুসা। অনেক কথাই জানাল মিঙ যেতে যেতে। জানা গেল, ফারকোপার কৌনের প্রপৌত্র মিঙ কৌন। চীনা রাজকুমারী ছিল ফারকোপারের দ্বিতীয় স্ত্রী, প্রথম স্ত্রীর মৃত্যুর পর বিয়ে করেছিল।

যেখানেই স্তেত, প্রথম স্ত্রীকে সঙ্গে নিয়ে যেত ফারকোপার, জাহাজে যখন সেদুর সাগরে পাড়ি জমাত, তখনও কাছছাড়া করত না। এমনি এক ভ্রমণের সময়েই সস্তান জন্ম দিতে পিরে মারা গেল মহিলা। সদ্যপ্রসূত ছেলেকে নিয়ে মুশকিলে পড়ল ফারকোপার, হংকং থেকে রওনা হয়েছিল, তাড়াতাড়ি ফিরে গেল আবার ওখানেই।

শিশুর দেখাশোনা কে করবে? ফারকোপারের পক্ষে সম্ভব নয়। হংকভের এক আমেরিকান মিশনারিতে ছেলেকে রাখার ব্যবস্থা করল। এর কিছুদিন পরেই রাজবংশের লোকের সঙ্গে গোলমাল বাধল তার, সুন্দরী রাজকুমারীকে বিয়ে করা নিয়ে। আর থাকা যাবে না চীনে, বুঝে ফেলল। শেষে গোস্ট পার্ল চুরি করে বৌকে নিয়ে পালিয়ে এল আমেরিকায়। তার ছেলে রয়ে গেল হংকভেই।

সেই ছেলে, রবার্ট কৌন বড় হলো, লেখাপড়া শিখল, কিন্তু আমেরিকার আর ফিরল না। মিশনারির ডাক্টার হিসেবে থেকে গেল হংকঙেই, বিয়ে করল এক চীনা তরুণীকে। এক ছেলে হলো তাদের, জেমস। করেক বছর পরেই পীত জুরে প্রায় একই সঙ্গে মারা গেল জেমসের বাবা-মা, এতিম ছেলেটাকে নিয়ে এল মিশনারি। বড় হতে লাগল ছেলে, বড় হয়ে বাবার সভই ডাক্টার হলো সেও। চীনেই থেকে গেল। বিয়ে করল এক ইংরেজ মিশনারির মেয়েকে। তাদেরই ছেলে মিঙ। মিঙের যখন কয়েক বছর বয়েস, পীত নদীতে নৌকাডুবিতে মারা গেল তার বাবা-মা। এতিম শিশুর দায়িতু নিতে হলো আবার মিশনারির।

व-পर्यस्त तत्वे थामव मिछ । मीर्चश्वाम ठाभव ।.

চুপ করে রইল রবিন আর মুসা।

সামলে নিয়ে আবার কথা শুরু করল মিঙ, 'নৌকায় আমিও ছিলাম। কিন্তু বেঁচে গেলাম, বাঁচান জেলেরা। ওরাই পৌছে দিয়েছে মিশনারিতে। আমার দাদা আর বাবা যেখানে বড় হয়েছে, সেখানে নয়, অন্য এক মিশনারিতে কয়েক বছর গেল। আমি কে, বাড়ি কোথায় কিছুই জানি না তখন। জানার জন্যে পাগল হয়ে উঠলাম। শৈষে মিশনারি শ্বুলের একজন শিক্ষককে বললাম। আমার বাবা আর মায়ের ডাকনাম গুপু জানি, আর জানি আমার বাবা ডাক্তার ছিল। আর দুজনেই ফে মিশনারির লোক ছিল, একথা জেলেরাই জানিয়ে গেছে, আমাকে দিয়ে যাওয়ার সহত্র। পুরানো রেকর্ড ঘেঁটে অনেক কষ্টে আমার পরিচয় বের করলেন স্যার। কিডাবে কিডাবে খোঁজ করে দাদীমার নাম-ঠিকানা জোগাড় করলেন তিনি, চিঠি পাঠালেন তাঁর কাছে।

'দাঁদীমাই আমাকে আমেরিকায় নিয়ে এপেছে। গারপর তার সঙ্গেই আছি। আমাকে খুব ভালবাসে। এতদিন ভালই ছিলাম আমরা, হঠাৎ করে আমার দাদার বাবার ভূত এসে গোলমাল করে দিয়েছে সব। খুবই চিন্তিত হয়ে পড়েছে দাদীমা। ভলক-আইকেল অবশ্য তাকে শাস্ত করার যথেষ্ট চেষ্টা করছে। আমিও দাদীমাকে সাহায্য করতে চাই, তার ভাল চাই।'

'ভূতের ব্যাপারে তোমার কি মনে হয়?' প্রশ্ন করল রবিন। 'বুঝতে পারছি না।'

এরপর আর বিশেষ কোন কথা হলো না। উত্তেজনায় ভরা দিন গেছে। ঢুলুচুলূ হয়ে এসেছে মুসার চোখ, রবিনও হাই তুলছে। নরম গদিতে আরামে হেলান দিয়ে দ'জনেই ঘমিয়ে পড়ল এক সময়।

গাড়ি থামার সঙ্গে সঙ্গে চোখ মেলল এবিন। উঁচু পাহাড়ের ওপাশে অন্ত যাচ্ছে সূর্য। পাথর আর কাঠে তৈরি বিশাল এক বাড়ির সামনে দাঁড়িয়েছে গাড়ি। দুঁপাশে পাহাড়। ছোট একটা উপত্যকার বাড়িটা। আশপাশে তাকিয়ে দেখল সে। ইতিমধ্যেই পাহাড়ের গোড়ায় অন্ধকার নামতে শুরু করেছে। অস্পষ্ট দেশা যাচ্ছে, মাইলের পর মাইল বিছিয়ে থাকা খেত, কালো ছোট ছোট ঝোপ, নিশ্চয় আঙুর লতার ঝাড়।

'মুসা, ওঠো,' ধাকা দিল রবিন !

চৌখ মেলল মুসা। মুখের কাছে হাত নিয়ে এসে হাই তুলল বড় করে। তারপর উঠে দাঁড়াল।

মেহমানদের পথ দেখাল মিঙ। চওড়া কাঠের সিঁড়ি বেয়ে উঠে এল বাড়ির এক পাশের ছোট্ট আঙিনার।

'এটাই দাদীমার বাড়ি,' বলল মিঙ। 'চলো, আগে তার সঙ্গে দেখা করি।' রেডউডের প্যানেল করা বিরাট এক হলক্রমে এসে ঢুকল ওরা। লস্ত্রা, সম্ভ্রান্ত চেহারার এক সহিলা এগিয়ে এলেন হাসিমুখে, স্থাগত জানালেন ছেলেদের।

কোন অসুবিধে হয়নি তো?' জিজেস করলেন মহিলা। 'তৌমরা এসেছ, খুব খুশি হয়েছি।'

কোন রকম অসুবিধে হয়নি, জানাল রবিন আর মুসা।

তাদেরকে ডাইনিং রুমে নিয়ে চললেন মহিলা।

জানি, খিলে পেয়েছে তোমাদের,' বললেন দিনারা কৌন, 'বসো, চেয়ারে বসো। আজ আমার শরীরটা ভাল নেই। তাছাড়া সারাদিন খুব কাজের চাপ গেছে। কাল তোমাদের সঙ্গে কথা বলব, হাাঁ?' ব্রোঞ্জের ছোট একটা ঘণ্টা বাজালেন তিনি। মাঝবয়েসী এক চীনা পরিচারিকা এসে ঢকল।

'ছেলেদের খাবার দাও, সুই,' নির্দেশ দিলেন মিস কৌন। 'মিঙ, তোরও নিন্চয় খিদে পেয়েছে?'

মিঙ জবাব দেয়ার আগেই বলে উঠল সূই, 'জিজ্ঞেস করার দরকার কি? ওই বয়েসে ছেলেদের খিদে পাবেই। এটাই তো খাওয়ার বয়েস।' তাড়াহুড়ো করে বেরিয়ে গেল পরিচারিকা।

উল্টো দিকের একটা দরজা দিয়ে একজন লোক ঢুকল ঘরে। দেখামাত্র চিনল দুই গোয়েন্দা। ডলফ টার্নার। উদ্বিগ্ন মনে হচ্ছে তাকে।

'এই যে ছেলেরা, এসে গেছ,' হালকা, মিষ্টি গলায় বলল টার্নার। 'কাল কল্পনাও করিনি, আজই তোমাদের সঙ্গে আবার দেখা হরে যাবে। তো আছ কেমন? ভাল?' জবাবের অপেক্ষা না করেই বলল, 'কি যে কাও শুরু হয়েছে। কিছুই বুঝতে পারছি না। কেউই পারছে না।'

তোমরা বসো,' রবিন আর মুসাকে বলল মিস কৌন। 'আমি গিয়ে শুয়ে পড়িগে। তোমাদের কোন অসুবিধে হবে না। মিঙ আছে, সব দেখবে। ডলফ, খুব খারাপ লাগছে। সিঁডি বেয়ে যেন উঠতে পারব না, একট ধরবে আমাকে?'

'নিচয়ই,' দ্রুত এসে মিস কৌনের বাহু ধরল টার্নার। সিঁড়ির দিকে নিয়ে চলল মহিলাকে।

হঠাৎ করেই অন্ধকার হয়ে গেল ঘর। সুইচ টিপে আলো জ্বালল মিঙ। 'পাহাড়ী এলাকা, হঠাৎ করেই রাত নামে।'

টেবিলে খাবার সাজাল সুই।

্র্ব্রুক করো,' বলল মিঙ।

্রা, শুরু করে; সুই বলদ। 'খাওয়ার সময় কথা বেশি বলবে না। পেট পুরে খাও। কোন রকম লজ্জা কোরো না।'

'খাওয়ার ব্যাপারে আমার কোন লজ্জা নেই,' হাত নাড়ল মুসা। প্লেনে কি খেয়েছে না খেয়েছে কখন হজম হয়ে গেছে তার। হাবভাবে মনে হচ্ছে, গত তিন দিন কিছু খায়নি।

জহুরী জহুর চেনে। ভোজন রসিককে চিনে নিল অভিজ্ঞ পরিচারিকা। খানার সরবরাহ করতে লাগল সেভাবেই।

গরুর মাংসের ঠাণ্ডা রোস্ট, গরম রুটি, নানারকম আচার, আলুর সালাদ, আর আরও কয়েক রকম ঠাণ্ডা খাবার, চেহারা আর গন্ধে রবিনের থিদেও বেড়ে গেল।

খাওয়া শুরু করতে যাচ্ছে, এই সমুয় বাধা পড়ন।

দোতুলা থেকে শোনা গেল তীক্ষ্ণ চিৎকার।

'র্দাদীমা!' লাফ দিয়ে উঠে দাঁড়াল মিঙ। 'নিক্টয় কিছু হয়েছে।'

পড়িমড়ি করে সিঁড়ির দিকে দৌড় দিল সে। তাকে অনুসরণ করল দুই গোয়েন্দা। তাদের পেছনে সুই, আর আরও কয়েকজন চাকর—চোখের পলকে কোথা থেকে জানি উদয় হয়েছে ওরা।

ওপরে সিঁড়ির পাশে আরেকটা হল, শেষ মাথায় একটা দরজা খোলা।

সেদিকেই দৌড দিল মিঙ।

বিছানার চিত হয়ে পড়ে আছেন মিস কৌন। তার ওপর ঝুঁকে আছে টার্নার। হাতের তালু ডলছে, আর উত্তেজিত কণ্ঠে জিজ্যেস করছে কিছু। সুইকে দেখে চেঁচিয়ে বলল, স্মৈলিং সন্ট। জলদি।

্ছুটে গিয়ে বেডরুম সংলগ্ন বাথরুমে ঢুকল সুই, র্নোরয়ে এল একটা শিশি হাতে।

সুখ খুলে ধরল মিস কৌনের নাকের কাছে।

্রতিক পড়েই নড়েচড়ে উঠলেন মিস কৌন, আন্তে করে চোখ মেললেন। ভিড় দেখে লজ্জিত কণ্ঠে বললেন, 'ছেলেমানুয়ী করে ফেলেডি, নাণ জীবনে এই প্রথমবার বেহুশ হলাম।'

'কি হয়েছিল দাদীমা?' ভীষণ উপ্নিম হয়ে পড়েছে মিঙ। 'চিম্কার করলে কেন?'

'ভূতটাকে আবার দেখেছি,' গলার স্বর স্বাভাবিক রাখার টেষ্টা করছেন মহিলা। 'ডলফকে গুড নাইট জানিয়ে বেডরুমে ঢুকলাম। আলো জ্বালতে যাব, এই সময় দেখলাম ওটাকে।'

'কোথায়?'

'ওই জানালাটার পারে। স্পৃষ্ট। কড়া চোখে তাকিয়ে ছিল আমার দিকে। পরনে সবুজ আলখেলা, ঠিক যেমনটি পরত ফারকোপার চাচা। চেহারাটা স্পৃষ্ট নয়, তবে চোখণ্ডলো পরিষ্কার, লাল টকটকে।' গলার স্থর খাদে নামিয়ে ফিসফিস করে বললেন, 'আমার উপর রেগে আছে। থাকবে, জানতাম। মা তার কাছে প্রতিজ্ঞা করেছিল তার মৃত্যুর পর বন্ধ রাখবে কৌন ম্যানশন, কখনও খুলবে না। কখনও ওখানকার শান্তি নষ্ট করেবে না। অথচ আমি কি করেছি? মায়ের প্রতিজ্ঞা নষ্ট করেছি, বাড়ি বিক্রি করতে রাজি হয়েছি। তার স্ত্রীর শান্তি নষ্ট করেছি, ফারকোপার চাচা রাগ তো করবেই আমার ওপর।'

ছয়

দিনারা কৌনকে শাস্ত করে আবার এসে খাবার টেবিলে বসল রবিন, মুসা আর মিঙ। খাওয়া চলল উত্তেজিত কথাবার্তার মধ্যে দিয়ে।

কমলার রস খাইয়ে মিস কৌনকে বিছানায় শুইয়ে দিয়েছে সুই। মনিবানীর কাছেই বয়েছে। যে হারে ধমক-ধামক মেরেছে চাকর-বাকরকে, তাতে স্পষ্ট বুঝে গেছে দুই গোয়েন্দা, এ-বাড়িতে যথেষ্ট প্রতিপত্তি ওই চীনা মহিলার।

ওপর তলা থেকে নেমে এল টার্নার, গম্ভীর।

'ড়তটা আপনি দেখেছেন?' জিজ্ঞেস করন মুসা।

মাথা নাড়ল টার্নার, 'আন্টিকে ঘরের দরজায় পৌছে দিয়ে ফিরেছি। হঠাৎ চেঁচিয়ে উঠলেন। লাফ দিয়ে গিয়ে ঢুকলাম। সুইচে হাত রেখে টিপছেন, এই সময় দেখেছেন ভূতটাকে। আমি ঢুকতেই আলো জ্বলে উঠল, ঢলে পড়তে শুরু করলেন তিনি। ধরলাম তাকে, বিছানায় শোয়ালাম। এত তাড়াহুড়োর মাঝে ভূত দেখার সময় কোথায়?' হাতের উল্টো পিঠ দিয়ে কপাল ডলল সে।

'চাকর-বাকরের মুখ ৰন্ধ রাখা যাবে না,' চিন্তিত ভঙ্গিতে বলল আবার টার্নার।

'ঠেকানো যাবে না কিছুতেই। কাল সকাল হতে না হতেই সারা এলাকায় ছড়িয়ে পড়বে গুজব।'

'খবরের কাগজকে নিয়ে ভাবনা?' জিজ্ঞেস করল রবিন।

'খবরের কাগজওলারা যা ক্ষতি করার করে ফেলেছে। আমি আমাদের শ্রমিকদের কথা ভাবছি। গতরাতেও যে আটি ভূত দেখেছেন, ফোনে বলেছেন তোমাদেরকে?'

^{প্ন} মাথা ঝোঁকাল মুসা আর রকিন।

'এ-বাড়ির দু'জন চাকরানীও দেখেছে,' বলল টার্নার। 'ভয়ে আধমরা হয়ে গিয়েছিল। অনেক বলেকয়ে বুঝিয়েছি ওদের, খবরটা গোপন রাখতে। বিশেষ কাজ হয়েছে বলে মনে হয় না। সারাদিনে ছড়িয়ে পড়েছে গুজব, রকি বীচের ভূত এসে ঠাই নিয়েছে ভারড়ান্ট ভ্যালিতে। ব্যাপারটা নিয়ে কানাঘুষো করছে শ্রমিকরা।'

ৈ।মিব রা ভয় পাবে ভাবছেন?' বলল মিঙ।

'পাবে মানে? সর্বনাশ হয়ে যাবে!' উত্তেজনা দমন করল টার্নার। প্রসঙ্গ বদলে বলল, 'যাকগে, মেহমানদের অস্থির করে দেয়াটা উচিত হচ্ছে না।' রবিন আর মুসাকে বলল, 'তোমরা এসব নিয়ে কিছু তেব না। তো, গোস্ট পার্লের ব্যাপারে আগ্রহ আছে? গতকাল তো ভালমত দেখোনি, আজ দেখতে চাও?'

একই সঙ্গে মাথা কাত করল মুসা আর রবিন।

খাওয়ার পর দুই গোয়েন্দাকে নিয়ে চলল টার্নার। ডাইনিং রুমের লাগোয়া মাঝারি একটা হল পেরিয়ে ছোট একটা অফিসঘরে ওদেরকে নিয়ে এল সে। চকচকে পালিশ করা বড় একটা টেবিল, টেলিফোন, কয়েকটা ফাইলিং কেবিনেট, আর ঘরের কোণে প্রবানো একটা আয়রন সেফ রয়েছে।

ঝুঁকে বসে সেফের ভারাল ঘোরাতে শুরু করল টার্নার। ক্লিক শব্দ করে খুলে গেল তালা। কার্ডবোর্ডের ছোট একটা বাক্স হাতে ফিরে এল আবার ছেলেদের কাছে। টেবিলে বাক্সটা রেখে ডালা খুলল। নেকলেসটা বের করে রাখল একটা সবুজ বুটিং পেপারের ওপর।

বুঁকে এল মুসা আর রবিন, তাদের পাশে মিঙ। বড় বড় মুক্তো, একেকটার আকার একেক রকম, ধূসর রঙ। কেমন জানি মুক্তোগুলো। রবিনের মায়ের একটা মুক্তোর হার আছে, মুক্তোগুলোর কিছু লাল, কিছু শাদা, চকচকে, মস্ণ, কিন্তু এই মুক্তোগুলো ওরকম নয়। আঙুল বুলিয়ে দেখল, কেমন খসখসে।

'এমন মুক্তো আর দেখিনি,' বলল মুসা।

'এজন্যেই এগুলোর নাম রাখা হয়েছে গোস্ট পার্ল,' বলল টার্নার। 'এগুলো তোলা হয়েছিল ভারত মহাসাগরের একটা ছোট উপসাগর থেকে। প্রাচ্যের ধনীরা এগুলোর খুব দাম দেয়, কিন্তু আমি বুঝি না কেন। যেমন বাজে চেহারা, তেমনি রঙ। এখনও নেকলেসটার দাম দশ-পনেরো লাখ ড্লারের কম না।'

'আরিব্যাবা, তাই নাকি?' ভুরু কুঁচকে গেল মিঙের। 'তাঁহলে তো সমস্যা মিটে গেল। এটা বিক্রি করেই সমস্ত ঋণ শোধ করতে পারবে দাদীমা, বেঁচে যাবে অঙ্কিরের খেত। নেকলেসটা নিশ্চয় দাদীমা পাবে?' 'কিছু অসুবিধে আছে,' মাথা নেড়ে বলল টার্নার। 'ফারকোপার কৌন নেকলেসটা তার চীনা স্ত্রীকে দান করে দিয়েছিলেন। আইনত এখন ওটা মহিলার কোন নিকট আত্মীয়ের পাওনা।'

কিন্তু তাঁর পরিবার তাঁকে ত্যাগ করেছে, অবাক **হ**য়ে বলল মিঙ। 'তাছাড়া চীনের বিপ্লব আর যুদ্ধের সময় তাঁর পরিবার নিশ্চিঞ **ধেয় গে**ছে, কেউ বেঁচে আছে

কিনা সন্দেহ।'

'আছে,' ভুরুর ওপরে জমে ওঠা বিন্দু বিন্দু ধাম মুছল টার্নার। স্যান ফ্রানসিসকোতে এক চীনা উকিল আছে। মে চিঠি দিয়েছে আমাকে। চীনা মহিলার বোনের এক বংশধর নাকি বেঁচে আছে। নেকলেসটা সাবধানে রাখতে বলেছে, যে কোন সময় ওটা নিডে আসতে পারে। তবে এত সহজে দিছে না। কেস করবে, করুক। কে পাবে ওটা, সাক্ষী-প্রমাণ নিয়ে রায় দিতে দিতে কয়েক বছর লেগে যাবে আদালতের।'

কপাল কুঁচকে গেল মিঙের। মুখ খুলতে গিয়েও পায়ের শব্দ শুনে থেমে গেল। তাডাহুড়ো করে কে জানি আসছে। দরজায় জোরে ধাক্কা দিল কেউ।

'কে? এসো.' ডাকল টার্নার।

দরজা খুলে ভেতরে ঢুকল লম্বা চওড়া, মাঝবয়েসী, কালো এক লোক। চোখের দৃষ্টি তীক্ষ্ণ। ছেলেদের যেন দেখতেই পেল না, হাঁপাতে হাঁপাতে বলল, 'মিস্টার টার্নার, এক নম্বর প্রেসিং হাউসের কাছে ভূত দেখা গেছে। তিনজন মেকসিকান শুমিক দেখেছে, আতঞ্চিত হয়ে পড়েছে ওরা। আপনার যাওয়া দরকার।'

'সর্বনাশ!' গুঙিয়ে উঠল টার্নার। 'এখুনি যাচ্ছি, চলো।' তাড়াতাড়ি নেকলেসটা সেফে ভরে দরজা লাগিয়ে দিল। তারপর তিন কিশোরকে নিয়ে কাল লোকটার পেছনে পেছনে ছুটে বেরিয়ে এল বাইরে। জীপ অপেক্ষা করছে। চড়ে বসল তাত্ত্ব। গর্জে উঠল ইঞ্জিন। দু'পাশের হাড়ে প্রতিধ্বনি তুলে অন্ধকার উপত্যকা ধরে ছটে চলল গাড়ি।

পথ খুব খারাপ, উঁচুনিচু, এবড়োখেবড়ো, প্রচণ্ড ঝাঁকুনি। কিন্তু মাত্র পাঁচ মিনিটের পথ, তাই রক্ষা। নিচু একটা পাকা বাড়ির সামনে এসে থেমে গেল জীপ। কংক্রিট আর ইটের তৈরি মজবুত দেয়াল, হেডলাইটের আলোয় দেখল দুই গোয়েন্দা। বাডিটা নতুন।

নাফিয়ে জীপ থেকৈ নামল সবাই। আঙুরের রসের তীব্র সুবাসে দাতাস ভারি,

সদ্য পিষে বের করা হয়েছে রস।

'ও মিস্টার মরিসন,' কালো লোকটার পরিচয় দিল মিঙ, 'ফোরম্যান। খেত লাগানো আর আঙুর তোলার দায়িতু তার।'

বাড়ির অন্ধকার ছায়া থেকে বেরিয়ে এল এক তরুণ, পরনের কাপড়ে বালি আর ময়লা।

হেডলাইট নিভিয়ে দিল মরিসন। গন্তীর কণ্ঠে জিজ্ঞেস করল, 'জ্যাক, আমি যাওয়ার পর আর কিছু দেখা গেছে?'

'না, স্যার, আর কিছু দেখা যায়নি,' জবাব দিল জ্যাক।

'ওই তিন ব্যাটা কোথায়ং'

'কি জানি। আপনি যাওয়ার পরই ভেগেছে। দৌড়ে,' হেসে উঠল জ্যাক, 'সে কি দৌড়। বোধহয় কাফেতে গিয়ে ঢুকেছে,' হাত তুলে উপত্যকার শেষ প্রান্তে এক গুচ্ছ আলো দেখল সে। 'ভূত দেখার গল্প বলছে সবাইকে।'

'মেরেছে!' মরিসনের কণ্ঠে শংকা। 'যেতে দিলে কেন্?'

'ঠেকানোর চেষ্টা করেছি। রাখতে পারিনি। এমনই ভয় পেয়েছে।'

'হুঁ, আণ্ডনে কেরোসিন পড়ল!' তিক্ত হয়ে উঠেছে মরিসনের কণ্ঠস্বর। 'ব্যাটারা এখানে অন্ধকারে কি করছিল?'

আমিই আসতে বলছিলাম, এখানে দেখা করতে বলেছিলাম আমার সঙ্গে। ভূতের কিচ্ছা ওরাই ছড়াচ্ছিল, তাই ধমকে দিতে চেয়েছিলাম, বেশি শয়তানী করলে চাকরি থেকে তাড়িয়ে দেব। আমার আসতে দেরি হয়ে গেল, ওরা অপেক্ষা করেছিল এখানে অন্ধকারে। তখনই নাকি কি একটা দেখেছে, আমার বিশ্বাস হয় না।

আমারও না। কল্পনা, স্রেফ কল্পনা। ভূত নিয়ে এত বেশি আলাপ আলোচনা

করেছে, ছায়া দেখলেই ভূত ভাবে এখন।'

'কল্পনাই হোক আর যাই হোক, ক্ষতি যা করার করে ফেলেছে,' এতক্ষণ চুপচাপ কথা গুনছিল টার্নার। 'যাও, গাঁয়ে গিয়ে দেখো, বুঝিয়ে-গুনিয়ে শান্ত করতে পার কিনা শ্রমিকদের। মনে হয় না খুব এবংটা লাভ হবে।'

'হবে না। বাড়ি দিয়ে আসব আপনাকে?' বলল মরিসন।

'হ্যা···হায় হায়,' হঠাৎ চেঁচিয়ে উঠে কপালে চাপড় মারল টার্নার। 'মিঙ! নেকলেস রেখে সেফে তালা লাগিয়েছিলাম? মনে আছে?'

'কি জানি, খেয়াল করিনি,' বলল মিঙ।

'আমার মনে হয়,' স্মৃতির আনাচে-কানাচে হাতড়ে বেড়াল মুসা, 'আমার মনে হয়···হাঁ, নেকলেসটা রেখে জোরে দরজা বন্ধ করেছিলেন, হ্যাণ্ডেল ঘুরিয়েছিলেন।' 'হ্যা হ্যা, মনে পড়েছে। কিন্তু ডায়াল ঘুরিয়েছিলাম?'

ভাবল মুসা: মনে করতে পারছে না। 'না, বোধহয়। দরজা লাগিয়েই তো ঘটলেন···'

'আমারও তাই মনে হচ্ছে,' অস্বাভাবিক গন্ধীর হয়ে গেছে টার্নারের কণ্ঠ। 'শ্রমিকেরা ভূত দেখেছে গুনে এতই ঘাবড়ে গিয়েছিলাম, তালা লাগানোর কথাও মনে হয়নি। মরিসন, জলদি, জলদি বাড়ি নিয়ে চলো আমাকে। ছেলেরা থাক এখানেই। ফিরে এসে নিয়ে যেয়ো।'

'ঠিক আছে। মিঙ, এই যে, আর টর্চটা রাখো,' শক্তিশালী একটা টর্চ মিঙের হাতে গুঁজে দিয়ে জীপে গিয়ে উঠল মরিসন। টার্নার আগেই উঠে বসেছে। স্টার্ট নিয়ে চলে গেল জীপ। জ্যাক চলে গেল গ্রামের দিকে।

'কি কাণ্ড!' ইঞ্জিনের আওয়াজ মিলিয়ে যেতে বলল রবিন। 'প্রথমে বাড়িতে ভূত, তারপর এখানে। কিন্তু মিঙ, ভূত দেখা নিয়ে সবাই এত উতলা হয়ে উঠেছে কেনং'

নীরব অন্ধকারে নিজেদের অজান্তেই গা ঘেঁষাঘেঁষি করে এসেছে তিন কিশোর।

'এখন আঙুর তোলার পুরো মৌসুম,' মিঙ বলল। রোজই আঙুর পাকত্বে, তুলে এনে প্রেসিং মেশিনে ফেলছে শ্রমিকরা। রস বের করে রাখা হচ্ছে। ঠিক সময়ে তোলা না হলে বেশি পেকে যাবে, কিংবা পচে যাবে, ভাল মদ আর তৈরি হবে না ওগুলো দিয়ে।' থেমে অন্ধকারেই এদিক ওদিক তাকাল। 'আঙুর তুলতে অনেক লোকের দরকার, কিন্তু সারা বছর এই কাজ হয় না। 'গাই মৌসুমের সময়ই গুধু আসে শ্রমিকেরা, তারপর চলে যায় অন্য কোথাও। অনেক দেশের লোক আছে। মেকুসিকান আর এশিয়ানই বেশি, আমেরিকানও আছে কিছু। দরিদ্র লোক ওরা, কর্মঠ, কুসংস্কারে বোঝাই ওদের মন,' বলে গেল মিঙ। 'রিকি বীচে ভূত দেখা যাওয়ার খবর গুনেই শ্রমিকেরা বিচলিত হয়ে উঠেছিল। এখানেও দেখা গেছে গুনলে আর থাকবে না, কোন কিছুর বিনিময়েই ঠেকিয়ে রাখা যাবে না, পালাবে। খেতে আঙুর পচে নষ্ট হবে, তুলে না আনা গেলে রসও হবে না, যাবে এ বছরের ফসল। অনেক টাকা গচ্চা দিতে হবে দাদীমাকে। এমনিতেই সময় এখন ভাল ষাছে নাতার, অনেক টাকা ঝণ, তার ওপর ফসল নষ্ট হলে সে-জনেই এত ভেঙে পড়েছে দাদীমা।'

'ষ্ট্, মুশকিল,' সহানুভূতির স্বরে বলল মুসা। 'সব দোষ তোমার দাদার বাবার। ওর ভূত বাইরে বেরোনোই তো যত গওগোল।'

না, 'জোর দিয়ে বলল মিঙ, 'আমি বিশ্বাস করি না। দাদার বাবা আমানের ক্ষতি করতে পারে না, হাজার হোক তার রক্ত আমরা। ওটা অন্য কোন শ্রতান লোকের ভূত।

এত প্রত্যয়ের সঙ্গে কথাটা বলল মিঙ, রবিনের ইচ্ছে হলো বিশ্বাস করে ফেলে। কিন্তু কৌন স্যানশনে ভূতটাকে দেখেছে সে, দেখেছে ঢোলা সবুজ আলখেল্লা। যদি ওটা ভূত হয়, ঝুড়ো ফারকোপার ছাড়া আর কারও না।

এক মুহূর্ত নীরব রইল তিনজনেই। কি বলবে ভাবছে। অবশেষে বলল রবিন, 'দেখতে পারলে শিওর হতাম রকি বীচ আর এখানকারটা একই ড়ত কিনা।'

'শিওর হলে কি হবে? ভৃত ভৃতই, তা যার ভৃতই হোক,' মুসার কণ্ঠে অস্বস্তি। 'ইস, কিশোরটা যদি থাকত এখন।'

'এই ভূতটা এখনও কারও কোন ক্ষতি করেনি,' বলল মিঙ। 'গুধু দেখা দিয়েই মিলিয়ে যায়। ডয়ের কিছু নেই। আর যদি দাদার বাবার ভূত হয়ই, তাহলে তো আরও ডয় নেই, আমাদের ক্ষতি করতেই পারে না। রবিন, চলো না এক নম্বর প্রেসিং হাউসে দেখি, এখনও আছে কিনা।'

রবিন আর মুসাকে নিয়ে বিন্ডিংটার চারপাশে একবার চক্কর দিল মিঙ। জায়গাটা তার ভালমত চেনা, টর্চ জ্বালার প্রয়োজনই বোধ করল না। আলো জ্বালন না আরও একটা কারণে, অন্ধকারে ছাড়া দেখা দেয় না ভূতটা।

ৈ চেয়ে চেয়ে চোখ ব্যথা করে ফেলল ওরা, কিন্তু ভূতের দেখা নেই, শুধু অন্ধকারে বাড়িটার কালো ছায়া, বিরাট আরেকটা ভূতই যেন। হাঁটতে হাঁটতেই মিঙ জানাল, আঙুর এনে এখানে বড় বড় ট্যাংকে রাখা হয়। মেশিনের সাহায্যে চিপে রস বের করা হয়, সেই রস গড়িয়ে গিয়ে জমা হয় অন্য ট্যাংকে। সেখান থেকে পাম্পের সাহায্যে নিয়ে যাওয়া হয় মদ চোলাইয়ের কারখানায়। সে এক এলাহি কাণ্ড। পাহাড়ের বিরাট গুহার ভেতরে ছোট পুকুর কাটা হয়েছে, তাতে জমা হয় আঙুরের রস, বিশেষ পদ্ধতিতে মদ তৈরি হতে থাকে। সারা বছরই উত্তাপ আর আর্দ্রতা এক রকম থাকে গুহার ভেতরে, মদ বানানোর জন্যে এটা খুব দরকার।

মিঙের কথায় বিশেষ মন নেই রবিনের। সে ভৃতটাকে খুঁজছে।

'চলো ভেতরে যাই,' বলল মিঙ। 'মেশিন আর ট্যাংকণ্ডলো দেখাব। একেবারে নতুন, মাত্র গত্রু বছর কেনা হয়েছে। কিনে এনেছে ডলফ-আংকেল। বাকিতে। অনেক টাকা। কি করে শোধ করবে ভাবছে দাদীমা। তার ধারণা, এত টাকা কোনদিনই শোধ করতে পারবে না।'

হেডলাইটের আলো দেখা গেল। খানিক পরেই ছেলেদের পাশে এসে থামল

জীপ।

'এসো, ওঠো,' ডাকল মরিসন, 'বাড়িতে দিয়ে আসি। কাজ আছে আমার। গাঁয়ে গিয়ে খুঁজে বের করতে হবে তিন হারামজাদাকে। শ্রমিকদেরও বুঝিয়ে-সুঝিয়ে শাস্ত করা দরকার।'

হাঁ, খুব জরুরী কাজ,' বলল মিঙ। 'আপনি চলে যান না। মাত্র তো মাইলখানেক, আমরা হেঁটেই চলে যেতে পারব। এই যে, আপনার টর্চ। চাঁদ উঠতে, অসুবিধে হবে না আমাদের।'

ঠিক আছে, মাথা কাত করল মরিসন। 'এতক্ষণে ভয় দেখিয়ে শ্রমিকদের ভাগিয়ে দিয়েছে কিনা হারামজাদারা, কে জানে।'

ইঞ্জিনের গর্জন তুলে পাহাড়ী পথ ধরে উপত্যকার শেষ প্রান্তের আলোকগুচ্ছের দিকে চলে গেল ট্রাক।

ইস্সি, চলে যেতে যে বললাম,' বলল মিঙ, 'তোমাদের কোন অসুবিধা হবে না তো?'

'না না, অসুবিধে কিসের,' তাড়াতাড়ি বলল রবিন, 'হাঁটতে বরং ভালই লাগবে। দেখতে দেখতে যাব।'

পুলো আর পাথরের কুচিতে ভরা আঁকাবাঁকা পথ, জ্যোৎস্নার আলোয় ধৃসর। বাতাসে পাকা আঙ্করের গন্ধ।

চলতে চলতে বলল মিঙ, 'ব্যবসায় লাল বাতি জ্বালিয়ে ছাড়বে ওই ভূত। শ্রমিকদের ঠেকানো যাবে না, চলে যাবেই। অনেক টাকা গচ্চা দিতে হবে দাদীমাকে, মেশিনের টাকা শোধ করতে পারবে না। খেত খামার সব তার কাছ খেকে নিলাম করে নেবে ব্যাংক।' একটু চুপ থেকে বলল, 'একটাই উপায় আছে এখন। মুক্তোর মালাটা। ওটা বদি পাওয়া যেত, বিক্রি করে ঋণ শোধ করে দেয়া যেত।'

কেউ কোন জবাব দিল না। কি বলবে? নেকলেস কে পাবে, সেটা কৌন পরিবারের ব্যক্তিগত সমস্যা, আদালত নিষ্পত্তি করবে, এ-ব্যাপারে রবিন আর মুসা কি সাহায্য করতে পারবে? এরপর আর কোন কথা হলো না। তিনজনেই চিস্তিত, চুপচাপ হাঁটতে থাকল। বাড়িটা দেখা যাচ্ছে, বেশির ভাগ আলোই নিভানো, কয়েকটা গুধু জলছে। আশপাশটা বড় বেশি শাস্ত।

সিঁড়ি বেয়ে আঙিনায় উঠল ওরা। কারও সাড়া না পেয়ে অবাক হলো মিঙ। বিড়বিড় করল, 'গেল কোথায় সব? চাকরবাকরেরা না হয় ঘুমাতে গেছে, কিন্তু ডলফআংকেন? তার তো এ-সময়ে হলে থাকার কথা। অফিসে?'

ু অফিসরুমে রওনা হলো মিঙ, পেছনে দুই গোগেন্দা। দরজা ভেজানো। টোকা

দিল মিঙ। জবাবে গোঙানি শোনা গোল, আন ঘযার আওয়াজ।

সতর্ক হয়ে উঠল মিঙ, পাকা দিয়ে খুলে ফেলন পাদ্রা। মেঝেতে পড়ে আছে টার্নার, হাত পা বাধা। বাদামী একটা কাপজের ঠোঙা মাথার উপর দিয়ে টেনে এনে মুখ ঢেকে দেয়া হয়েছে।

'আংকেল!' চেঁচিয়ে উঠে ছটে গেল মিঙ।

মাথার ঢাকনাটা খুলতে শুরু করল আগে সে, রবিন আর মুসা তাকে সাহায্য করল। ঢোখ ঠিকরে বেরিয়ে আসবে যেন টার্নারের। কথা বলতে পারছে না, মুখে কাপড বাঁধা।

'দাঁড়ান, আগে বাঁধন কেটে নিই,' হাত তুলল মিঙ, 'তারপর সব ভনব।'

পকেট নাইফ বের করে আগে মুখের কাপড় কাটল সে, তারপব হাত পায়ের বাধন খুলতে শুরু করল। জোরে জোরে দম নিচ্ছে টার্নার। বাধন কাটা হতেই কজি আর গোড়ালি ডলতে শুরু করল।

'কি হয়েছিল?' জানতে চাইল মুসা।

বৈড়িতে ফিরে অফিসে ঢুকলাম। দরজার আড়ালে লুকিয়েছিল ব্যাটা। পেছন থেকে জড়িয়ে ধরল, কোথা থেকে আরেকটা এসে হাজির হলো। দুজনে মিলে আমাকে মেঝেতে ফেলে বেঁধে ফেলল। তারপর ঠোঙাটা টেনে দিল মাথায়। সেফের দরজা খোলার শব্দ· সেক!' লাফ দিয়ে আয়রন সেফটার দিকে ছুটে গেল সে।

देक्षिथात्मक काँक रुद्य आर्छ भान्ना। यटिका मिट्य वकटीतम थूटल रुक्नल भरतिहा। र्याकार्थकि कतन। पतन भीरत भीरत। मूथ रुक्कारम।

'निकटनअठे!' किजकिज केंद्र दनन र्ज, 'त्नेंटे!'

সাত

বসার ঘরে চুপচাপ বসে আছে কিশোর, একা। চাচা-চাচী বাড়ি নেই। গভীর ভাবনায় ডুবে আছে সে, চিমটি কাটছে নিচের ঠোটে। হঠাৎ সোজা হলো, ঠোটের কাছ থেকে সরে এল হাত। গলা ফাটিয়ে চেঁচিয়ে উঠল, যৃত জোরে পারে। অপেকা করতে লাগল।

বারান্দায় পায়ের আওয়াজ হলো। খানিক পরেই দরজায় উঁকি দিল বােরিস, বিশালদেহী দুই ব্যাভারিয়ান ভাইয়ের একজন, ইয়ার্ডের কর্মচারী। তার ভাই রোভার গেছে মেরিচাটী আর রাশেদ চাচার সঙ্গে, স্যান ডিয়েগােতে। 'কি হয়েছে, কিশোর?' বোরিস উদ্বিম।

'শোনা গেছে তাহলে,' শান্ত কণ্ঠে বলল কিশোর।

যাবে না? বাড়ি ফাটিয়ে ফেলেছ। তোমার জানালা খোলা, আমার জানালা খোলা। কি ব্যাপার, বাড়িটাড়ি মেরেছে?' কিশোরের মাথা আর কাঁধে চোখ বোলাচ্ছে বোরিস।

ফিরে তার ঘরের জানালার দিকে তাকাল কিশোর, খোলা। চোখে ক্ষেড জমল।

'কি ব্যাপার?' আবার জানতে চাইল বোরিস। 'কিছু হয়েছে বলে তো মনে হয় না।'

'হয়নি, শুধু জানালাটা বন্ধ করতে ডুলে গেছি।'

'তাহলে চেঁচালে কেন?'

'চিৎকার প্র্যাকটিস করছিলাম।'

'কিশোর, তুমি ঠিক আছ?' ভুক কোঁচকাল বোরিস। 'অসুস্থ নও তো? হোকে (ও কে)?'

ি 'ইয়েস, হোকে,' হাসল কিশোর! 'আপনি যান, ঘুমোনগে। আজ রাতে আর চেঁচাব না।'

ভয় পাইয়ে দিয়েছিলে, সন্দেহ যাচ্ছে না বোরিসের। কিন্তু আর কিছু বললও না, দরজাটা ভেজিয়ে দিয়ে চলে গেল তার ঘরে। দু'ভাই একই ঘরে থাকে, মূল বাড়ি থেকে পঞ্চাশ গজ দরে ছোট্ট একটা কটেজে।

যেখানে ছিল সেখানেই বসে রইল কিশোর। মগজে চিন্তার ঘূর্ণিপাক। কি যেন একটা আসি আসি করছে মনে, কিন্তু আসছে না, সবুজ ভৃতের ব্যাপারে। ক্ষান্ত দিয়ে শেষে উঠে পড়ল। শোয়ার সময় পেরিয়ে যাচ্ছে।

দোতলায় যাওয়ার জন্যে উঠল। আচ্ছা, রবিন আর মুসা কি করছে?—ভাবল সে। যেন তার প্রশ্নের জবাব দিয়েই বেজে উঠল টেলিফোন। দুই লাফে গিয়ে রিসিভার তুলে নিল সে। কি ব্যাপার রবিন? ভূতটা আবার দেখেছ?

'না, মিস কৌন দেখেছেন,' উত্তেজিত শোনাল রবিনের কণ্ঠ। 'তারপর যা সব কাণ্ড ঘটন না···'

বৈশি উত্তেজিত হয়ে পড়েছ, বাধা দিল কিশোর। শাস্ত হয়ে বলো সব। কিচ্ছু বাদ দেবে না। যথন যেভাবে ঘটেছে, বিস্তারিত বলো।

এ-মুহূর্তে কাজটা রবিনের জন্যে বেশ কঠিন। নেকলেস চুরির কথা বলার জন্যে পাগল হয়ে উঠেছে সে। কিন্তু ওভাবে শুনতে চায় না কিশোর, জোর করে নিজেকে শান্ত করল রবিন। এক এক করে বলে পেলু, সে আর মুসা ভারভ্যান্ট ভ্যালিতে যাওয়ার পর কি কি ঘটেছে। সব শেষে নেকলেস চুরির ঘটনা বলে হাঁপ ছাড়ল।

হুঁমম,' বলল কিশোর। জোরে জোরে দম নিচ্ছে রবিন, শুনতে পাচ্ছে টেলিফোনেই। 'এটা আশা করিনি। তো, এখন কি হচ্ছে? তদন্তের আয়োজন চলছে?'

স্থানীয় শেরিফকে ডেকে এনেছে টার্নার, শেরিফ হামফ্রে। তিন কাল শেষ, এক

কালে ঠেকেছে বয়েস, কাজকর্ম কিছু বোঝেটোঝে মনে হয় না। শহর থেকে অনেক দূরে ভারড্যান্ট ভ্যালি, কাছাকাছি থানা নেই, পুলিশ নেই, শেরিফ আর তার সহকারীই ভরসা। সহকারীটাও বসেরই মত, গাল দেয়া ছাড়া আর কিছু জানে না।

শৈরিকের ধারণা, কাগজে নেকলেসটার খবর পড়ে শহর থেকে চোর এসে চুরি করে নিয়ে গেছে। ওরা যখন সেক খুলছিল, টার্নার ওখন ঘরে চুকেছে। তাকে বেধে হারটা নিয়ে পালিয়েছে ঢোর আর তার সহকারী। শৌলিক বলছে, ইতিমধ্যে অর্ধেক পথ চলে গেছে ঢোরেরা। সানে ফ্রান্সিসকোর পুলিশকে ক্যোন করবে, কিন্তু ভারছে কোন লাভ হবে না।

নিচের ঠোঁটে চিমটি কাটল কিশোর। একেবারে অসৌক্রিক কথা বলেনি শেরিক। কিন্তু কিশোর বিশ্বাস করতে পারছে না। সবুজ ড়ঙের সঙ্গে এই হার চুরির কোন সম্পূর্ক নেই তোও

'তুমি আর মুসা চোখ খোলা রেখো,' পরামর্শ দিল কিশোর। 'আমি ওখানে থাকতে পারলে ভাল হত। কিন্তু যেতে পারছি না। চাচা চাচী বাড়ি নেই, আরও একদিন থাকবে স্যান ডিয়েগোতে, রোভারও নেই, বোরিস একা সামলাতে পারবে না। যোগাযোগ রেখো। যখন যা ঘটে, ফোনে জানিও।' রিসিভার নামিয়ে রাখল সে।

নতুন করে আবার ব্যাপারটা নিয়ে ভাবার লোভ জাগছে, কিন্তু জোর করে দমন করল ইচ্ছেটা । ঘুমাতে চলল।

নানারকম স্বপ্ন দেখল, ঘুমের মধ্যেই একটা কণ্ঠ ওনল চেনা চেনা, কিন্তু চিনতে পারল না।

পরদিন সকালে মনে রইল না, রাতে কি স্বপ্ন দেখেছে।

সকালে ঘুম থেকে উঠে মনেপ্রাণে আশা করল কিশোর, যাতে কাজ বেশি না থাকে ইয়ার্ডে, ক্রেতা না আসে, তাহলে হার চুরির ব্যাপারটা নিয়ে ঠাণ্ডা মাথায় ভাবতে পারবে।

কিন্তু ঘটল্ উল্টো। একের পর এক খরিদার আসতেই থাকল, দরক্ষাক্ষি করতে লাগল, তর্ক করল, দু'এক জন তো জিনিস আর দর নিয়ে আরেকটু হলে ঝাণড়াই বাধিয়ে দিত। হিমশিম খেয়ে গেল কিশোর আর বোরিস, ঘেমে সারা। একটা মিনিট চুপ করে ক্সতে পারল না কিশোর, ভাববে কখন? পাঁচটার সময় অফিস বন্ধ করে দিল সে। বিক্রি বন্ধ। দম ফেলার অবকাশ পেল এতক্ষণে।

সুযোগ মিলতেই ভাবতে বসে গেল কিশোর। ধীরে ধীরে একটা ধারণ রূপ নিতে শুরু করল মনে।

'বোরিস,' চেঁচিয়ে ডাকল কিশোর, 'আপনি থাকুন। আমি চললাম।'

কিশোরের স্বভাব বোরিসের জানা। পাল্টা কৌন প্রশ্ন করল না। বলল, 'ঠিক আছে, যাও। আমি আছি। কোখায় যাচ্ছ?'

'তদন্ত করতে,' বোরিসকে আর কোন প্রশ্ন করার সুযোগ না দিয়ে সাইকেল নিয়ে বেরিয়ে পড়ল কিশোর। দ্রুত চালিয়ে শহরের প্রান্তে ছোট একটা জলাশয়ের ধারে জংলা জায়গায় চলে এল, এখানেই কৌন ম্যানশন। ড্রাইডওয়েতে চুকে দেখল, বাড়ির সামনে পুলিশের একটা গাড়ি দাঁড়িরে আছে। কিশোরকে দেখে গাড়ির জানালা দিয়ে মুখ বের করল একজন পুলিশ। আগের দিন সকালে চীফের সঙ্গে যখন এসেছিল তখন এই লোকটাকে এখানে দেখেছিল কিশোর।

সাইকেল ঘোরাও, খোকা, বলল লোকটা। কৌতুহলী দর্শকদের তাড়ানোর জন্যেই পাহারায় আছি এখানে। উফফ, সারাটা দিন অার ভাল্লাগছে না এখন।

স্ট্যাণ্ডে সাইকেল তুলে পকেটে হাত ঢোকাল কিশোর। 'আরও অনেকে এসেছিল?'

'এসেছে মানে?' মুখ বাঁকাল লোকটা। 'পাগল করে দিয়েছে আমাকে। সুভনির শিকারিদের জ্বালায়—উফ্ফ্, বদ্ধ পাগলের দেশ এটা। বেশি কথা বলতে পারব না, খোকা, চলে যাও।'

'আমি সুডনিরের জন্যে আসিনি,' এগিয়ে এল কিশোর। 'গতকাল দেখেছেন আমাকে, মনে নেই? আপনাদের চীফের সঙ্গে এসেছিলাম।'

ভাল করে তাকাল পুলিশম্যান। 'ও হাঁ৷ হাঁ়া---সেজন্যেই চেনা চেনা লাগছিল। তা কি ব্যাপার?'

তিন গোয়েন্দার একটা কার্ড বাড়িয়ে ধরল কিশোর, 'আমি কিশোর পাশা।'

কার্ড পড়ে হাসতে গিয়েও থেমে গেল পুলিশম্যান, কি জানি, চীফের সঙ্গে এসেছিল যখন, ফেলনা না-ও হতে পারে। গোয়েন্দা, নাং দ্বীফের হয়ে কাজ করছং'

তাঁর হয়ে করছি না, তবে আমি যা করব, সফল হতে পারলে খুব খুশি হবেন চীফ। আগেও অনেক কাজ করেছি।' এখন কি করতে চায়, জানাল কিশোর।

মাথা ঝোকাল পুলিশম্যান। 'ঠিক আছে। যাও।'

পাথরের সিঁড়ি বৈয়ে বাড়ির বারান্দায় উঠল কিশোর, ভেতরে চুকল। তীক্ষ্ণ চোখে দেখছে সব। যেদিক থেকে ভাঙা শুরু হয়েছে, সেখানে এসে দাঁড়াল। পরীক্ষা করে দেখল, দেয়াল খুব পুরু।

আর কোন গোপন কুঠরি খোঁজার চেষ্টা করল না কিশোর, পুলিশই ভালমত খুঁজেছে, অহেতুক সময় নষ্ট করা হবে। সিঁড়ি দিয়ে দোতলায় উঠল। সিঁড়ির মাথায় দাড়িয়ে চেঁচিয়ে উঠল গলা ফাটিয়ে। এক মিনিট অপেক্ষা করে নিচে নেমে বড় হলো ক্রমটায় চুকে আবার চিৎকার করল। তারপর বেরিয়ে এল বাইরে। পুলিশম্যানের কাছে এসে জিজ্ঞেস করল, 'কিছ্ শুনেছেন?'

্র চিৎকার ন্তনেছি। একবার একেবারে স্কীণ, আরেকবার একটু জোরে। দরজা

বন্ধ ছিল তো।'

'ভূত হে-রাতে চেঁচিয়েছে, তখনও দরজা বন্ধ ছিল্' বলল কিশোর। এদিক ওদিক তাকাল। বাড়ির এক কোণে একটা বড় সাজান ঝোপ দেখে তার ভেতরে এসে ঢুকল। চেঁচিয়ে উঠল জোরে। বেরিয়ে আবার পুলিশম্যানের কাছে এসে জিজ্ঞেস করল, 'এবার?'

'অনেক জোরে,' জবাব দিল লোকটা, 'স্পষ্ট। কিন্তু কি প্রমাণের চেষ্টা করছ?' 'কোথা থেকে চেঁচিয়েছিল ভূতটা। নিশ্চয় বাইরে ছিল। বাড়ির ভেতরে থেকে চেঁচিয়ে থাকলে স্বীকার করতেই হবে, ব্যাটার ফুসফুসের জোর অসাধারণ।

ভূতের ফুসফুস আছে কিনা তাই বা কে জানে, হাসল পুলিশম্যান।

কিন্তু কিশোর হাসল না। 'এটাই পরেন্ট।'

বুঝতে না পেরে মাথা চুলকাল লোকটা। বোঝাল না তাঁকে কিশোর, সাইকেলের দিকে হাঁটতে ওক করল।

'খোকা,' ডাকল পুলিশমান, 'কাটের্ড এই আন্চর্যবােধ্রুলো কেন?' .

হেসে ঘূরে চাইল কিশোর। 'নোকের কৌ ১২ল জাগানোর জন্যে। আছাড়া সব রক্তম আন্তর্য, উদ্ভট রহস্যের সমাধান করতে চাই খামরা, চিহ্নগুলো দেয়ার সেটা মারেক কারণ।'

সাইকেলে উঠে আরেকবার ফিরে তাকাল কিশোর, তথ্যত মাথা চুলকাচ্ছে পুলিশম্যান। মুচকি হেসে বেরিয়ে এল ভাইভওয়ে ধরে।

কিন্তু বেশি দূরে গেল না কিশোর। কৌন ম্যানশন থেকে কয়েক ব্লুক দূরে এসে থামল। আধুনিক মডেলের করেকটা বাড়ি এখানে, ফা'রুকোপারের মধ্যযুগীয় বাড়িটার সঙ্গে বেমানান। সঙ্গে করে স্থানীয় পত্রিকার কিছু পেপার কাটিং নিয়ে এসেছে সে। যে চারজন লোক ভূত দেখার কথা রিপোর্ট করেছে থানায়, তাদের নামধাম লেখা আছে। ঠিকানা খুঁজে একটা বাড়ি বের করল সে। ভ্রাইভওয়েতে চুকল। এই সময় একটা গাড়ি চুকল, কিশোরের পাশে থেমে গেল। ভ্রাইভারের পাশের দরজা খুলে নামল একজন লোক। জিজ্বেস করল, কি চায়। জানাল কিশোর।

লোকটা চারজনের একজন, নাম, হ্যারি পিটারসন। সানন্দে কিশোরের প্রশ্নের জবাব দিল।

জানা পেল, পিটারসন আর তার এক প্রতিবেশী হাঁটতে হাঁটতে গল্প করছিল সে-রাতে, সিগারেট ফুঁকছিল আর বেসবল নিয়ে আলোচনা করছিল, এই সময় দুজন লোক ডাকে তাদেরকে পেছন থেকে। অচেনা লোক, হ্যারি আর তার প্রতিবেশী মনে করছে, আগস্তুক দুজনও তাদের প্রতিবেশী হবে, হয়তো নতুন এসেছে এ-এলাকায়। নইলে এভাবে যেচে এসে কথা বলবে কেন? জ্যোৎশ্লা ছিল। চাঁদের আলোয় পোড়ো বাড়িটা কেমন দেখা যায়, দেখতে যাওয়ার কথা তুলল দুই আগস্তুক। ভালই লাগল প্রস্তাব। রাজি হয়ে গেল পিটারসন আর তার প্রতিবেশী বন্ধু। আগস্তুকদের একজনের ভারি কণ্ঠসর।

গ্যারেজ থেকে দুটো টর্চ নিয়ে এল পিটারসন, একটা দিল তার বন্ধকে।

চারজনে চলল কৌন ম্যানশনের দিকে। পথে আরও দুই প্রতিবেশীর সঙ্গেদেখা, তাদেরকেও সঙ্গে যেতে রাজি করিয়ে ফেলল তারিকণ্ঠ। খুব মজা পাচ্ছিল যেন সে, ভূত নিয়ে হাসি ঠাটা করেছিল, তার পারণা পোড়ো বাড়িতে ভূতের দেখা মিলে যেতে পারে।

'ভূত দেখা যাবেই, জোর দিয়েছিল, একথায়?' জিজ্ঞেস করল কিশোর। মাথা ঝোঁকাল পিটারসন। 'তা দিয়েছিল। তার কথা ফলেছে। একেবারে জলজ্যান্ত ভূত, আশ্চর্য!' 'लाक मुं जनक एठतन ना वलए न?'

'নাহ। তবে একজনকৈ আগে কোথাও দেখেছি মনে হয়েছিল। অন্যজন একেবারে অচেনা। আশেপাশেই কোথাও থাকে ভেবেছিলাম। অনেক প্রতিবেশী আমাদের, সবাইকে চিনি না, চেনা সম্ভবও নয়। গত এক বছরে অনেক নতুন লোক এসেছে।'

'মোট ক'জন গিয়েছিলেন আপনারা?'

ছর,' ভেবে বলল শিটারসন। 'কারও কারও ধারণা, সাতজন, কিন্তু ড্রাইড-এয়েতে যখন চুকি তখন ছ'জনই ছিল। হতে পারে, পেছন পেছন আরও একজন এসেছিল, তবে আমি দেখিনি। তারপরে যা কাও শুক্ত হলো, লোক গোণার কথা মনে থাকে নাকি কারও? তাছাড়া গাঢ় অন্ধকার ছিল। কৌন ম্যানুশন থেকে বেরিয়ে অচেনা দু'জন চলে গেল। আমি আর আমার তিন প্রতিবেশী ঠিক করলাম, পুলিশে খবর দিতে হবে। ওই দু'জনের আর কোন খোঁজ পাইনি।'

বাড়ির ডেতর থেকে বেরিয়ে এল একটা ছোট রোমশ কুকুর, আদুরে গলায় কুঁইকুঁই করে পিটারসনের পায়ে গা ঘষতে লাগল।

'লক্ষী ছেলে,' নিচু হয়ে কুকুরটার গায়ে হাত বুলোল পিটারসন।

'এই কুকুরটাকেই নিয়ে গিয়েছিলেন সঙ্গে?' জানতে চাইল কিশোর।

হাঁ, হাঁটতে বেরোলেই জিমিকে সঙ্গে নিই, বিশেষ করে বিকেলে। সেরাতেও নিয়েছিলাম।

্র কুকুরটার দিকে তাকিয়ে রইল কিশোর। জানোয়ারটাও তাকাল তার চোখে চোখে। মুখ হাঁ, জিভ বের করে হাঁপাচ্ছে, যেন হাসছে তার দিকে চেয়ে! ভুরু কোঁচকাল কিশোর। আবার কিছু একটা মনে আসি আসি করেও আসছে না।

আরও কয়েকটা প্রশ্ন করল কিশোর, কিন্তু নতুন কিছুই জানাতে পারল না পিটারসন, তাকে ধন্যবাদ জানিয়ে সাইকেলে চড়ে বেরিয়ে এল সে।

ধীরে ধীরে প্যাডাল করে চলেছে কিশোর, গভীর চিন্তায় মগ্ন। ইয়ার্ডে পৌছে দেখল, বিশাল সদর দরজা বন্ধ। সূর্য অস্ত যাচ্ছে, এতক্ষণে খেয়াল হলো, তদন্ত করতে গিয়ে বেশ দেরি করে ফেলেছে।

নিজের ঘরে বসে আরামে পাইপ টানছে বোরিস। কিশোর উঁকি দিতেই ডাকল, 'এসেছ। এসো এসো। খুব ভাবছ মনে হচ্ছে?'

'নোরিস,' ঘরে চুকল কিশৌর, 'গতরাতে আমার চিৎকার ওনেছেন। কি রকম মনে হয়েছিল?'

'মনে হয়েছিল বাড়ি মেরে কোন গুয়োরের ঠ্যাঙ ভেঙে দেয়া হয়েছে।'

'কিন্তু আমার জানালা যদি বন্ধ থাকত, শুনতে পেতেন?'

'বোধহয় না। কি বোঝাতে চাইছ?'

উত্তেজনায় লাল ২য়ে উঠল কিশোরের মুখ। চিৎকারটা সবাই শুনেছে, পিটারসনের ছোট কুকুরটাও। হয়তো কোন সূত্র দিতে পারবে ওটা। শার্লক হোমসকে অনেক সময় অনেকভাবে সাহায্য করেছে কুকুর।

তাড়াহুড়ো করে নিজের ঘরে চলে এল কিশোর। খুলতে শুরু করেছে কয়েকটা

প্যাচ।

কৌন ম্যানশনে দরজা-বন্ধ ঘরে চিৎকার করেছিল সে, তার চিৎকার স্পষ্ট শুনতে পায়নি পুলিশম্যান। কিন্তু বাইরে এসে ঝোপের ভেতর থেকে যখন চিৎকার করল, স্পষ্ট শুনতে পেল। এটা একটা জোরাল পয়েন্ট।

টেপরেকর্ডার বের করে রবিনের রেকর্ড করে আনা ক্যাসেটটা চালু করে দিল। মন দিয়ে ওনল চিৎকার, কথাবার্তা আর মতরক্ম আওয়াজ শোনা গেল সব। তারপর চুপচাপ ভাবল কয়েক মিনিট। সোদিন রবিন যা যা বলেছে, আবার পর্যালোচনা করে দেখল মনে মনে। যাতে, খাপে খাপে বসে যাতেছ! কিন্তু অনেকগুলো ব্যাপার এখনও অস্পন্ত, কিংবা দুর্বোধ্য।

ঘর অন্ধকার। আলো জালার দরকার মনে করল না কিশোর, হঠাৎ উঠে গিয়ে ফোনের রিসিভার তুলে ডায়াল শুরু করল। অনেকক্ষণ পর ওপাশে ফোন তুলল কেউ।

হ্যালো, রবিনকে দেয়া যাবে?' অনুরোধ করল কিশোর।
'কে, কিশোর পাশা?' মিস দিনারা কৌনের কণ্ঠ, কাঁপছে।
'হ্যা। রবিনকে দরকার, মিস কৌন। কয়েকটা জরুরী কথা…।'
'…রবিন তো নেই।'
নেই?'
'নেই,' অস্থির কণ্ঠস্বর। 'মুসাও নেই। আমার নাতি মিঙ্ড গায়েব।'

আট

নেকলেস চুরির খবর যে রাতে ফোনে কিশোরকে জানিয়েছে রবিন, তার পরদিন সকালে উঠে নাস্তা সেবে মিঙের সঙ্গে বেরোল সে আর মুসা, ভারড্যান্ট ভ্যালি দেখতে। সেই গুহা দেখতে যাবে, আঙুরের রস গাঁজিয়ে যেখানে মদ তৈরি হয়! মিঙ জানাল, পুকুরটা নতুন কাটা হয়েছে, কিন্তু ওই গুহা আর আশোপাশের সুড়ঙ্গ কাটা হয়েছে অনেক আগে, খনি ছিল ওটা এক সময়।

সারাদিন বাড়ি ফেরার ইচ্ছে নেই ছেলেদের, ঘুরবে, দেখবে কি আছে না আছে। বাড়ি গিয়ে কি হবে? নেকলেস চুরির রহস্য ভেদ করতে পারবে না তারা। শেরিফ হামফ্রের ধারণা ঠিক হলে, চোর এতক্ষণে নিশ্চয় স্যান ফ্রানসিসকোতে পৌছে গেছে, ওকে ধরা এখন পুলিশের পক্ষেও কঠিন। আরও একটা কারণে রাতের আগে ফেরার ইচ্ছে নেই। রিপোর্টার।

সকাল থেকেই খবরের কাগজের লোকজন আসতে গুরু করেছে, তিন কিশোরের অনুমান, নিশ্চয় এখন বাড়িতে গিজ-গিজ করছে লোকে। ছেঁকে ধরেছে মিস কৌনকে। জবাব দিতে দিতে জান খারাপ হয়ে যাচ্ছে হয়তো মহিলার। ফিরে গেলে তিন কিশোরকেও ওদের-মুখোমুখি হতে হবে, ওই ঝামেলার মধ্যে থাকতে রাজি না ওরা।

আস্তাবল থেকে ঘোড়া নিয়ে এসেছে ওরা। ঘোড়ায় চড়তে ওস্তাদ মিঙ, মুসা আর রবিনও পারে—জিনার কাছে শিখেছে, তবে মিঙের মত নয়। জিনা আর মিঙ প্রতিযোগিতায় নামলে বোঝা ফেত, দু জনের মাঝে কে বেশি দক্ষ।

বিষশ্প দেখাদ্দে মিঙকে। 'শ'খানেক শ্রমিক থাকার কথা ছিল এখন,' বলল সে, 'বেশ ক্ষেকটা ট্রাক থাকার কথা, আঙুর বোঝাই করে প্রেসিং হাউসে নিয়ে যাওয়ার জন্যে। অথচ দেখো, মোটে বারো-তেরোজন লোক আছে। মাত্র একটা ট্রাক। ভূতের ভয়ে পালিয়েছে সব। দাদীমার সর্বনাশ হয়েই গেল। কিছুতেই ঠেকাতে পারবে না।'

কোন জবাব জোগাল না রবিনের মুখে।

মিঙকে সাস্ত্রনা দেয়ার জন্যে মুসা বলল, 'এত ভেঙে পড়ছ কেন? আমাদের কিশোর তো আছে। রকি বীচে ভূতের রহস্য সমাধানে ব্যস্ত এখন সে। অসাধারণ বৃদ্ধিমান, দেখো সমাধান করে ফেলবে। ভূতের ভয় না থাকলে আবার ফিরে আসবে শ্রমিকেরা।'

'খুব তাড়াতাড়ি বিছু করতে পারলে হত,' বলল মিঙ, 'নইলে, অন্য জায়গায় কাজ নিয়ে নেবে শ্রমিকেয়া। আজ সকালে সুই কি বলল জানো? আমিই নাকি সকল অনর্থের মূল, আমি অলক্ষুণে। আমি আসার পর থেকেই নাকি যত গোলমাল শুরু হয়েছে ভারড্যান্ট ভ্যালিতে।'

বাজে কথা,' জোর গলায় বলল রবিন, 'কুসংস্কার। অলক্ষুণে আবার হয় নাকি মানুষ্?'

মাথা নাড়ল মিঙ। জানি না। তবে এটা ঠিক, আমি আসার পর থেকেই একটার পর একটা গোলমাল হয়ে চলেছে। এক সঙ্গে অনেক পিপা মদ একবার নষ্ট হয়ে গেল, পিপায় ফুটো হয়ে মৃদ পড়ে গেল, মেশিনের পার্টস ভাঙল। আরও নানারকম গওগোল। কিছুই যেন ঠিকমত চলতে চাইছে না।'

'তাতে তোমার কি দোষ?' মুসা বলন।

'কিছু কিছু অলকুণে মানুষ থাকে না।' বলল মিঙ, 'আমিও তেমনি একজন হতডাগ্য হয়তো। আমি হঙকঙে ফিরে-গেলে হয়তো আবার সব ঠিক হয়ে যাবে, ভূত চলৈ যাবে, আবার হেসে উঠবে ভ্যারড্যান্ট ভ্যালি। যদি শিওর হতে পারতাম, কালই চলে যেতাম। দাদীমার কষ্ট আমি সইতে পারি না।'

এই বিষশ্নতা কাটানো দরকার, নইলে দিনটাই মাটি হবে, ভাবল রবিন। প্রসঙ্গ পরিবর্তন করার জন্যে বলল, 'এই ভারড্যান্ট ভ্যালি তোমারই হবে, নাং আর কোন ভাগবাটোয়ারা নেইং' দু'পাশে পাহাড়ের দেয়াল, মাঝে যতদূর চোখ যায় গুধু আঙ্করের ঝোপ, সেদিকে তাকিয়ে আছে সে।

দাদীমা তার সমস্ত সম্পত্তি আমাকেই উইল করে দিতে চায়। কিন্তু আমি ভাবছি, অর্পেক ডলফ আংকেলকে দিয়ে দেব। এখানকার উন্নতির জন্যে অনেক করেছে সে। খেতথামার বাড়িয়েছে, নতুন মেশিন আনিয়েছে, আবার বিষণ্ণ হয়ে পড়ল মিঙ, 'অনেক লাভ হত। এক বছরেই শোধ করে দেয়া যেত ব্যাংকের ঋণ, কিন্তু সব শেষ করে দিল ওই হারামী ভূত।'

সরু পথ ধরে ঝাঁকি খেতে খেতে ছুটে এল একটা জীপ, ওটাকে সাইড দেয়ার জন্যে পথের একেবারে কিনারে চলে এল তিন ঘোডসওয়ার। খুব তেজি একটা কালো কোল্ট ঘোড়ায় চড়েছে মিঙ, মুসারটা কম নয়েসী ঘোটকী, চঞ্চল, সামলাতে অসুবিধেই হচ্ছে গোয়েন্দাসহকারীর, একটু এদিক ওণিক হলেই উল্টোপাল্টা কিছু করে বসবে ঘোড়াটা। রবিনেরটাও মাদী ঘোড়া, বয়ন্ধ, একেবারে শান্ত, যেভাবেই চালানো হচ্ছে, সেডাবেই চলাছে।

পাশে এসে থেমে পেল জীপ। মুখ বাড়াল ফোরম্যান মরিসন। 'হেই, মিঙ,

অবস্থা তো খুব খারাপ। শ্রমিক নেই, দৈখেছ?'

মাথা ঝোঁকাল মিঙ।

'ওই তিন শয়তানের কাও,' বলল মর্নিসন, 'পগিয়ে দিয়েই ছাড়ল শেষকালে। লোক জোগাড়ের অনেক চেষ্টা করছি, হচ্ছে না। কেউ স্থাসতে রাজি না।'

চুপ করে রইল মিও।

'মিস কৌনকে জানাতে যাচ্ছি। গতিক সুবিধের না।'

জোর করে নিজের বিষয়তা ঝেড়ে ফেলল মিঙ। 'যাকগে, যা হওয়ার হবে। ভাগোর ওপর তো কারও হাত নেই। চলো, আমাদের কাজ আমরা করি।'

পুরো উপত্যকায় ঘুরে বেড়াল ওরা। মাঝেমধ্যে থেমে এটা-ওটা দেখল। প্রেসিং হাউসগুলো সব দেখাল মিঙ। দুপুরের দিকে ক্লান্ত হয়ে পড়ল ওরা, খিদেও লেগেছে খুব। সঙ্গে স্যাওউইচ আর ক্যান্টিনে পানি নিয়ে এসেছে, ব্যাগে করে এনেছে বেড়ার খাবার।

ঠাণ্ডা একটা জারগা আছে, জানাল মিঙ, আরুমে বলে খাওয়া যাবে। পুরানো একটা বিল্ডিঙের ধার দিয়ে নিয়ে চলল সে দুই গোয়েন্দাকে, পুরানো প্রেসিং হাউস, পরিত্যক্তই বলা চলে, খুব বেশি চাপ না থাকলে এখানে কাজ চলে না আজকাল।

আরও একশো গ**জ** এগিয়ে, পশ্চিমের পাহাড় শ্রেণীর গোড়ায় ছায়া প্রাওয়া গেল। ঘোড:গুলোকে ছায়ায় বেঁধে খেতে দেয়া হলো।

পর্বতের গা থেকে ছোট্ট একটা শাখা বেরিয়েছে ওখানে, শাখার গায়ে ঢাল কেটে ভারি একটা দরজা বসানো হয়েছে। দুই গোয়েন্দাকে দরজার সামনে নিয়ে এল সিঙ। 'এটাই সেই গুহা, খেটার কথা বলেছিলাম।' জোরে টান দিয়ে দরজাটা খুলল সে। ডেতরে অল্ককার। আগে খেয়ে নিই, তারপর দেখাব সব কিছু।'

দরজার পাশে বসানো সুইচ বোর্ড, সুইচ টিপে দিল মিণ্ড। ক্লিক করে শব্দ হলো কিন্তু আলো জুলল না। 'ওহুহো, ভুলেই পিয়েছিলাম, ডায়নামো বন্ধ। কার্জ না চললে বন্ধই রাখা হয়। টর্চ জ্যালতে হবে।'

কোমরে ঝোলানো টর্চ খুলে নিয়ে জ্বালল মিঙ। লগ্ন একটা করিডর দেখা গেল, দুর্ধারে পাথরের দেয়াল, ছাত যাতে ভেঙে না পড়ে সেজন্যে কাঠের মোটা মোটা কড়িবর্গা লাগানো হয়েছে, দুই দিকেরই দেয়াল ঘেঁষে সারি দিয়ে রাখা হয়েছে রাশি রাশি জালা। করিডরের ঠিক মাঝখান দিয়ে চলে গেছে সরু লাইন, খানিক দূরে লাইনের ওপর দাঁড়িয়ে আছে একটা ফ্র্যাটকার।

'মদের জালা ফ্লাটকারে তুলে ঠেলে নিয়ে যাওয়া হয় দরজার কাছে,' বুঝিয়ে বলল মিঙ। 'লাইনের শেষ মাথায় ট্রাক দাঁড়ায়, তাতে বোঝাই করা হয় জালা। লাইনের ওপর দিয়ে ফু্যাটকার ঠেলে আনা খুবই সহজ, পরিশ্রম খুবই কম হয়, যত ভারি বোঝাই থাকুক না কেন।'

'বুঝলাম,' হাত তুলল মুসা। কথা আর না বাড়িয়ে আগে পেট ঠাণ্ডা করে। নিলে কেমন হয়ং'

পাথরের দেয়ালে পিঠ ঠেকিয়ে বসল মুসা আর রবিন, মিঙ বসল তাদের মুখোমুখি। লাঞ্চ প্যাকেট খুলল। মাত্র কয়েক ফুট দূরে, দরজার বাইরে অপরাহ্নের কড়া রোদ, তীব্র গরম, অথচ গুহার ভেতরে এখানে বেশ ঠাণ্ডা, যেন এয়ারকুলার লাগানো রয়েছে।

খেতে খেতেই মাঝে মাঝে চোখ তুলে তাকাচ্ছে ওরা, পুরানো প্রেসিং হাউসটা দেখা যাচ্ছে এখান থেকে, কিন্তু ওখান থেকে কেউ দেখতে পাবে না ওদেরকে।

খাওয়া শেষ। হাত-পা ছড়িয়ে আরামে বসে বিশ্রাম নিচ্ছে ওরা। নিজের জীবনের কথা বলছে মিঙ। কয়েকটা পুরানো গাড়ি এসে থামল পুরানো প্রেসিং হাউসের কয়েকশো গজ দূরে, নতুন প্রেসিং হাউসের সামনে।

জনা ছয়েক লোক নামল গাড়ি থেকে, সব ক'জনের বিশাল শরীর, শক্তিশালী।

এক জায়গায় জমা হলো ওরা। কোন কিছুর অপেক্ষা করছে মনে হচ্ছে।

চুপ হয়ে গেছে মিঙ। ভুরু কুঁচকে তাকিয়ে রইল কিছুক্ষণ। 'দাঁড়িয়ে রয়েছে কেন্থ এমনিতেই লোক কম, আঙুর তোলা শুরু করছে না কেন্?'

মরিসনের জীপ এসে থামল লোকগুলোর পাশে, লাফ দিয়ে নামল বিশালদেহী ফোরম্যান। প্রেসিং হাউসের দিকে চলল, তাকে অনুসরণ করল ছয়জন। সবাই ঢোকার পর দরজা বন্ধ করে দিল।

মৌশন ঢালাবে বোধহয়,' বিড়বিড় করল মিঙ। 'তার ব্যাপার, যা খুশি করুকগে। লোকটাকে পছন্দ করি না, কিন্তু কাজ বোঝে। শ্রমিক সামলাতে তার জুড়ি কম। দুর্ব্যবহারও করে।' কনুইয়ে ভর দিয়ে কাত হয়ে আছে সে, রবিন আর মুসার দিকে তাকাল। 'খনির সুড়ঙ-টুড়ঙ দেখার ইচ্ছে আছে?'

আছে, জানাল দুই গোয়েন্দা। কোমরের বেলেট ঝোলানো টর্চ খুলে নিল। তাড়াহুড়ো করে উঠে দাঁড়াতে গিয়ে আলগা পাথরে পা পিছলাল মুসা, পতন ঠেকাতে গিয়ে হাত থেকে ছুটে গেল টর্চ পাথুরে মেঝেতে পড়ে ঝনঝন শব্দ তুলল।

টর্চটা কুড়িয়ে নিয়ে রবিনের টর্চের আলোয় দেখল, কাঁচ আর বাল্ব ভেঙে

পেছে! ইয়ান্না। গেছে আমার টর্চ।

'দুটোতেই চলবে,' বলল মিঙ, 'তবেন্দ্,' প্রেসিং হাউসের কাছে দাঁড়ানো জীপটার দিকে তাঁরাল, 'তবে, ইচ্ছে করলে মরিসনের টর্টটা নিতে পারি। গতরাতে যেটা ধার দিয়েছিল আমাকে। তার টুল বক্সে অন্যান্য যন্ত্রপাতির সঙ্গে রাখে। রাতের আগে ফেরত দিলেই চলবে। তোমরা থাকো, আমি গিয়ে নিয়ে আসি।'

বাধা দিয়ে মুসা বলল, 'তুমি থাকো, আমিই যাই। আমি ভেঙেছি, আনার

নায়িত আমার।'

কি ভাবল মিঙ, মাথা কাত করল, 'ঠিক আছে।' নোটবুক বের করে পাতা ছিঁড়ে তাতে নোট লিখল মরিসনকে, 'টর্চটা ধার নিচ্ছি। রাতের আগে ফেরত দেব।—মিঙ। কাগজটা মুসার দিকে বাড়িরে দিয়ে বলল। কাজের সময় বিরক্ত করা পছন্দ করে না সে। এই নোটটা টুলবক্সে রেখে এসো। যন্ত্রপাতি সব কোম্পানির, আমি লিখে দিয়েছি, কিছু মনে করার নেই তার।

ঘোড়ায় চড়ে চয়া খৈতের ওপর দিয়ে ঢলল মুসা। দুই মিনিটেই পৌছে গেল জীপের কাছে। খেরেদেয়ে আর বিশ্রাম নিয়ে আবার তাজা হরে উঠেছে ঘোটকী, চঞ্চলতা বেড়েছে, সামলাতে বেশ বেগ পেতে ২০০০ মুসার। নেমে রাশ ধরে রাখলশক্ত হাতে। আরেক হাতে খুলল জীপে রাখা টুলনস্যের ভালা। টটটা দেখা যাচ্ছেনা। করেকটা যন্ত্রপাতি সরাতেই পাওয়া গেল ওটা, বাস্মের এক কোণে লুকিয়েছিল। তুলে নিল। পুরানো গাঁচের বড় ভারি জিনিস, কালো প্লান্টিকের খোল, পেছনে রিঙ বা লুপ জাতীয় কিছু নেই কোমরে ঝোলানোর জন্যে, অগত্যা কোমরের বেলেটর ভেতর ওজে রাখল সেটা।

নোটটা বাক্সে রাখল, ডালা তোলাই রইল, যাতে এসে প্রথমেই কাগজটা চোখে পড়ে মরিসনের। অনেক কারদা কসরত করতে হলো ঘোড়ায় চড়তে, কিছুতেই পিঠে নিতে চাইছে না ঘোটকী।

বড় জোর একশো গজ এসেছে, এই সময় পেছনে চিৎকার গুনতে পেল মুসা। ফিরে তাকাল। জীপের কাছে দাঁড়িয়ে জোরে জোরে হাত নাড়ছে মরিসন, চেঁচামেচি করছে। টর্টটা দেখাল মুসা, ইঙ্গিতে বোঝাতে চাইল নোট রয়েছে টুলবক্সে, ঘোড়া থামাল না।

লাফিয়ে জীপে উঠল মরিসন। চিৎকার গুনে প্রেসিং হাউস থেকে অন্য লোকগুলো বেরিয়ে এসেছে, দেখছে। আঙুরের ঝোপ দলে খেত মাড়িয়েই ছুটে আসতে লাগল জীপ। দরজা দিয়ে মুখ বের করে চিৎকার করছে ফোরম্যান, হাত নেডে থামার ইঙ্গিত করছে মুসাকে।

থামতে চাইছে মুসা, কিন্তু ঘোটকী কথা শুনছে না। চেঁচামেচিতে অস্বস্তি বোধ করছে বোধহয়। 'আরে থাম্ থাম্!' রাশ টেলে ধরল সে।

কাছে এসে থামল জীপ। খানিকটা পাশে সরে গেল ঘোটকী। বন্দুকের নল থেকে গুলির মত ছিটকে বেরিয়ে দৌড়ে এল মরিসন। 'চোর! চোর কোখাকার! ছাল ছাড়াব···।' রাগে বাক্য শেষ করতে পারল না, মুখে আটকে গেল।

্ ঘোটকী বোধহয় ভাবল, তাকেই গাল দিচ্ছে লোকটা, মারতে আসছে আকাশমুখী বিরাট এক লাফ মারল। আরেকটু হলেই পড়ে গিয়েছিল মুসা, খণ করে চেপে ধরল জিনের সামনের উঁচু শক্ত মাখাটা।

আবার চেঁচিয়ে উঠল মরিসন।

ঘাবড়ে গিয়ে ছুট লাগাল ঘোটকী, আঙুরের ঝোপ দলে দৌড় দিল পাহাড়ের ঢালের দিকে, অনেক চেষ্টা করেও থামাতে পারল না মুসা। কি আর করবে? দু হাটু ঘোড়ার পেটের সঙ্গে চেপে রেখে, জিন আর রাশ একই সঙ্গে আঁকড়ে ধরে কোনমতে জানোয়ারটার পিঠে উপুড় হয়ে রইল সে।

দূর থেকেই দেখতে পেল মুলা, পাহাড়ের ঢালে সরু একটা পথ উঠে গেছে, বেশ খাড়া। সোজা সেই পথে এসে উঠল ঘোটকী। গতি সামান্য কমল, এই সুযোগে আরেকটু শক্ত হয়ে বসল মুলা। পড়ে যাওয়ার যথেষ্ট ঝুঁকি নিয়ে ফিরে তাকাল একবার। জীপ নিয়ে তাড়া করে আসছে মরিসন। উঁচুনিচু খেতের ওপর দিয়ে সাংঘাতিক ঝাঁকি খেতে খেতে আসছে গাড়ি।

পাহাড়ী পথের গোড়ায় এসে খেমে গেল জীপ। লাফিয়ে নামল মরিসন, ঘুসি পাকিয়ে হাত ঝাঁকাতে লাগল মসার দিকে।

রবিন আর মিঙকে বেরোতে দেখল মুসা। ঘোড়ায় চড়ল ওরা তাড়াহুড়ো করে, মুসার দিকে ছুটে আসতে গুরু করল। মরিসন আর তার জীপের পাশ কাটিয়ে ছুটে এল দ্রুত গতিতে, মিঙ আগে, রবিন পেছনে। সাংঘাতিক জ্যোরে ছুটছে মিঙের কালো কোল্ট, মুসার ঘোটকীর সঙ্গে দূরত কমছে।

একটা পার্থবৈর পাশ কাটাতে গিরে জোরে মোচড় খেলো ঘোটকীর শরীর, কোনমতে দ্বিতীরবার পতন রোধ করল মুসা। একটা মোটামুটি সমতল জারগার এসে আবার গতি বাড়াল ঘোড়া। পেছনে খুরের শব্দ শোনা যাচ্ছে। খানিক পরেই মুসার পাশাপাশি হলো মিঙ। ঘোটকীর রাশ ছেড়ে দিয়েছে মুসা, বাতাসে উড়ছে ওটা, হাত বাড়িয়ে ধরে ফেলল মিঙ। কোল্টের গতি কমাল ধীরে ধীরে, টানের চোটে ঘোটকীও গতি কমাতে বাধ্য হলো। পাশাপাশি দাঁড়িয়ে পড়ল দুটো ঘোড়া, নাক প্রসারিত, জোরে জোরে শ্বাস টানছে, চামড়া ঘামে ভেজা।

'ধন্যবাদ, মিঙ,' হাঁপাতে হাঁপাতে যলন মুসা। আমি তো ভয় পাৰ্চ্ছিলাম, পাহাডের চূড়া থেকে নিচে ঝাঁপিয়ে পড়বে বুঝি ঘোটকীর বাচ্চা।'

অদ্ভূত দৃষ্টিতে মুলার দিকে চেয়ে আছে মিঙ ।

'কি ব্যাপারং অমন করে দেখছ কেনং'

'ভাবছি, মিঙ বলল, 'তোমার ঘোড়াকে তাড়া করল কেন মরিসন?'

'কি জানি। চেঁচামেচি ওঞ্চ করে দিল। চোর বলে গাল দিল। ভীষণ রেগেছে।'

'আসার সময় দেখলাম, ইবলিসের চেহারা হয়ে গেছে। রাগে হাত-পা ছুঁড়ছে। পুকেটে রিভলভার আছে, রাটল সাপ মারার জন্যে দিয়েছে দাদীমা, ওটা প্রায় বের করে ফেলেছিল।'

'বৃঝতে পারছি না,' মাথা চুঁলকাল মুসা। 'পুরানো একটা টর্চের জন্যে এই কাণ্ড কেন করল?' বেল্টে গোঁজা কালো জিনিসটা টেনে খুলে দেখল।

টর্চটার দিকে তাকিয়ে রইল মিঙ। 'ওটা অওটা মরিসনের টর্চ নয়,' চেঁচিয়ে উঠল সে। 'মানে, টুলবক্সে কখনও দেখিনি এটা। গতরাতে আরেকটা দিয়েছিল।'

আমি এটার্হ পেয়েছি। আর কোন টর্চ দেখিনি। তুমি বললে বলেই নিলাম—ও এমন আচরণ করবে জানলে—'

'ভুলই করেছি,' বাধা দিয়ে বলল মিঙ। 'দেখি?' হাত বাড়াল সে। টটটা দিল মুসা। হাতে নিয়ে দেখল মিঙ, ওজন আন্দাজ করল। 'হালকা। ্ভেতরে বোধহয় ব্যাটারি নেই।'

· 'তাহলে তো কোন কাজে আসছে না,' দারুণ বিরক্ত শোনাল মুসার কণ্ঠ। 'এমন একটা জিনিসের জন্যে এই কাও করল মরিসন? কেন?'

'হয়তো∙∙∙়' রবিন দেখে থেমে গেল মিঙ।

টলোমলো পায়ে কাছে এসে দাঁড়াল রবিনের নড়বড়ে বুড়ো ঘোড়া। ফোঁস ফোঁস করে নিঃশ্বাস ছাড়ছে, ঘোড়ার সঙ্গে পাল্লা দিয়েই যেন হাপাছে রবিন। 'উফ্, বেঁচেছি। আরেকটু হলেই গেছিলাম। একবার তো মনে হলো, হাটু ভেঙে আমাকে নিয়েই গড়িয়ে পড়বে ঘোড়া।…কি ব্যাপার? কিছু হয়েছে?'

'এত রাগল কেন মরিসন, তাই ভাবছি,' বলতে নলতে পাঁচে ঘুরিয়ে টর্চের পেছনের ক্যাপ খুলে ফেলল মিঙ। ভেতরে আঙুল চুকিয়ে বের করে আনল তুলোট কাগজের ছোট একটা প্যাকেট। হাতের তালুতে নিয়ে দুর্নিয়ে দিবিয়ে দেখল। খুলল সাবধানে।

'গোস্ট পার্লস!' ভেতরের জিনিসটা দেখে চেঁচিয়ে উঠল মুসা। 'মরিসন চুরি করেছিল!' রবিনও চেঁচাল।

ঠোঁটে ঠোঁট চেপে বসল মিঙের। 'হাই তো মনে হচ্ছে। টর্চের ডেহুর। বাহ, চমংকার বৃদ্ধি। পুরানো যন্ত্রপাতির বাঝে বাতিল টর্চ, কেউ সন্দেহ করবে না। জীপের ডেহুর নিয়েই ঘুরে বেড়াচ্ছিল, কাছছাড়া করার ঝুঁকি নেয়নি।'

'হুঁ, ভাল জায়ুগায়ই লুকিয়েছিল,' বলল রবিন। 'আমাদের হঠাৎ টর্চের দরকার'

হবে, কল্পনাও করেনি।

ভাবছি, প্রেসিং হাউসে লোকগুলোকে নিয়ে কি করছিল?' মিঙের কণ্ঠে অস্বন্তি। 'এখন তো অনেক কিছুই সন্দেহ হচ্ছে। এই যে একের পর এক দুর্ঘটনা, পিপা ফুটো হওয়া, মেশিন ভেঙে যাওয়া, এসবে তার কোন হাত নেই তো?'

'থাকতেওু পারে। চলোু, তোমার দাদীমাকে গিয়ে সব খুলে বলি। শেরিফকে

ডেকে এনে মরিসনকে ধরে জিজ্ঞাসাবাদ করতে পারবেন।

'যত সহজ ভাবছ তত সহজ হবে না,' পীরে বীরে বলল মিঙ। 'মরিসন ডেনজারাস লোক। মরিয়া হয়ে উঠলে কি করবে বলা যায় না। আমাদের এখন বাড়ি ফিরতে দিলে হয়।

'কি করবে?' উদ্বিয় হয়ে উঠল রবিন।

সরাসরি না বলে ঘুরিয়ে বলল মিঙ, 'দেখা যাক কি করে? রবিন, তুমি ঘোড়াওলো রাখো। আমি আর মুসা গিয়ে উকি মেরে দেখে আসি, নিচে কি হচ্ছে।'

তিনটে রাশ হাতে নিয়ে ঘোড়ার পিঠে বসে রইল রবিন। মিঙ্ক আর মুসা ফিরে চলল, যেদিক থেকে এসেছে, সেদিকে।

সমতল জায়গাটার কিনারে এসে ঝুঁকে নিচে তাকাল। পথের গোড়ায় দাঁড়িয়ে আছে দুজন লোক, পাহারায় রয়েছে যেন। ঝাঁকি খেতে খেতে গাঁয়ের দিকে ছুটে যাচ্ছে জীপটা। প্রেসিং হাউসের কাছে দাঁড়ানো দুটো পুরানো গাড়ি স্টার্ট কিংশ্ব: এপিয়ে এল খেতের ওপর দিয়ে, পাহাড়ী পথটাই বোধহয় লক্ষ্য।

সরু পাহাড়ী পথের কয়েকগজ ওপরে এসে থেমে দাঁড়াল আগের গাড়িটা.

পেছনেরটা আড়াআড়ি ভাবে থামল পথের ঠিক গোড়ায়। উদ্দেশ্য বোঝা গেল, পথ রোধ করেছে। ঘোড়া নিয়ে গাড়ি দুটোকে এড়িয়ে যাওয়া যাবে না, যেতে হলে ডিঙিয়ে যেতে হবে, এবং সেটা সম্ভব নয়—আর কোন উপায় নেই!

দম আটকে আসছে যেন মিঙের। নিছু গলায় বলল, 'ঘোড়ার জন্যে গেছে মরিসন। আমরা যাতে পালাতে না পারি, সেজন্যে লোকগুলোকে রেখে গেছে।'

'তারমানে কাঁদে ফেলেছে?'

তাছাড়া আর কি? ওপথে ফিরে যেতে পারব না আমরা, এগিয়ে গিয়ে উল্টো পাশে হয়তো নামতে পারব, কিন্তু সহজ হবে না। নিচে হ্যাশনাইফ ক্যানিয়ন, গভীর একটা গিরিসম্বট তা-ও বক্স ক্যানিয়ন। এক দিক রুদ্ধ, আরেক দিক খোলা। খোলা দিক দিয়ে বেরোলে সরু একটা পথ পাওয়া যাবে, খুব খারাপ পথ, উঁচুনিচু, স্যান ফ্রানসিসকো যাওয়ার মেইন রোডের সঙ্গে গিয়ে মিশেছে।

কিন্তু ওর পথ ধরে গেলেও বাঁচতে পারব না। সহজেই ধরে ফেলবে আমাদেরকে মরিসন। ইতিমধ্যেও ওই পথের শেষ মাথায় পাহারা পাঠিয়ে দিয়েছি কিনা কে জানে। নেকলেসটা ছিনিয়ে নেয়ার জনো মরিয়া হয়ে উঠবে সে, জানা কথা।

'কিন্তু এসৰ করে পার পাবে না,' চেপে রাখা দম ফেলল মুসা। 'নেকলেসটা নিয়ে নেবে, কিন্তু আমরা তো বলে দেব।'

'ওকথা ভাববে না মনে করেছ?' মিঙের অস্বভাবিক শান্ত কণ্ঠ ভয়ের ঠাণ্ডা স্রোত বইয়ে দিল মুসার শিড়দাঁড়ায়। 'আমাদের মুখ বন্ধ করার ব্যবস্থা করবে। যারা যারা এখানে দেখেছে আমাদের, সব মরিসনের লোক, কেউ মুখ খুলবে না।'

চপ হয়ে গেল মসা। গলা শুকিয়ে যাচ্ছে। ঢোক গিলল।

এসো, মুসার হাত ধরে টানল মিঙ। হঠাৎ হাসি ফুটল মুখে, কালো চোখের তারা উজ্জ্বল। 'একটা ফন্দি এসেছে মাথায়। গাঁয়ে গিয়ে ঘোড়া নিয়ে ফিরতে মরিসনের সময় লাগবে। ওকে ফাঁকি দেব আমরা। জলদি করতে হবে। চলো।'

দৌড়ে ফিরে এল ওরা। অধৈর্য হয়ে উঠেছে রবিন। ঘোড়ার পিঠ থেকে নেমে রলল, 'কি ব্যাপার?'

'ফাঁদে আটকেছে আমাদের,' জানাল মুসা। 'নেকলেসটা ফেরত চায় মরিসন, সেইসাথে আমাদের মুখ বন্ধ করে দিতে চায়। লোকগুলো ওর সহকারী।'

'কিন্তু ওকে বোকা বানাব আমরা,' আশ্বাস দিল মিঙ। 'পাহাড়ের চূড়া লম্বালম্বি এগিয়ে গেছে, চূড়ার ওপর দিয়েই বক্স ক্যানিয়নের পাশ কেটে চলে যাব, তারপর নামব। আরেকটা গিরিপথ আছে।'

হৈষাড়ায় চাপল আবার তিনজনে। আন্তে আন্তে চলল মিঙ, ঘোড়াগুলোকে ক্লান্ত করতে চায় না। তার পেছনে রইল রবিন, সবার পেছনে মুসা। তরুণ কোল্টের কোনরকম আড়স্টতা নেই, স্বছন্দে এগিয়ে চলেছে, কিন্তু নড়বড়ে বুড়িটার নড়ার ৺ইছেে নেই, খালি দাঁড়িয়ে পড়তে চাইছে! মুসার তরুণী মেজাজ মর্জিও বিশেষ সুবিধের নয়। যে কোন মুহূর্তে অঘটন ঘটিয়ে ফেলতে পারে। তবু বাধ্য হয়ে ওগুলোতে চড়েই এগোতে হলো ওদের, যা পথ, পায়ে হাটা সম্ভব না।

যা-ই হোক, নিরাপদেই আধ ঘটা পর পাথুরে গিরিপথে এসে নামল ওরা। 'হ্যাশনাইফ ক্যানিয়ন থেকে বেরিয়ে ওদিকে গেছে পথটা,' হাত তুলে দেখাল মিঙ। 'মরিসনের ধারণা ওই পথ ধরে গিয়ে হাইওয়েতে উঠব আমরা। আসলে করব উল্টোটা।' ঘোড়ার মুখ ঘুড়িয়ে নিল সে, চলতে ওক করল সঙ্কীর্ণ পিরিপথ ধরে। দু'পাশে পাহাড়ের খাড়া দেয়াল। মাথার ওপরে আকাশের একটা অংশ গুধু দেখা যায়।

'দুটো হলুদ পাথরের দেখা পেলে এখন হয়,' বলন সিঙ, 'চিহ্ন। গিরিপথ থেকে

বিশ ফুট ওপরে একটা, আরেকটা তার ওপরে।

মিনিট দশেক একটানা চলল ওরা। তিনজনের মাঝে দৃষ্টি শক্তি বেশি তীক্ষ্ণ মুসার, সে-ই আগে দেখল পাখর দুটো। হাত সুলো বলল, 'ওই দুটো?'

মাথা ঝাঁকাল মিঙ। পাথর দুটোয় নিচে এসে গোড়া থেকে নামল। 'নামো।'

দুই গোয়েন্দাও নামল। তাদেরকে অবাক করে দিয়ে ঘোড়াওলোর গায়ে চাপড় মেরে বৈসল মিঙ। চমকে উঠে পেছন ফিরে দৌড়াতে শুরু করল কোল্ট, অন্য দুটো

অনুসরণ করল তাকে।

'হাঁটতে হবে এখন.' বলল মিঙ। 'দরকার পড়লে ক্রলণ্ড করতে হতে পারে। গিরিপথ ওদিকে বন্ধ.' পেছনে দেখাল সে। 'এক জায়গায় ছোট একটা ডোবা আছে। পানির গন্ধ ভঁকে এগিয়ে যাবে ঘোড়াগুলো, পানি খেয়ে বিশ্রাম করবে ওটার পাড়েই। মরিসন যখন বুঝতে পারবে আমরা তাকে ফাঁকি দিয়েছি, খুঁজতে আসবে, ঘোড়াওলো দেখবে, আমরা তখন কয়েক ঘণ্টার পথ দূরে।' ওপর দিকে তাকাল সে। 'ওখান দিয়ে এঁকটা পথ গেছে জানি, অনেকটাই মুছে দিয়েছে পাথরের ধস। আমাদের জন্যে সুবিধেই। আশা করি উঠতে পারব ওখানে,' প্রথম হলুদ পাথরটা 🦿 দেখল সে।

পার্থরের খাঁজে খাঁজে হাত-পায়ের আঙুল বাধিয়ে উঠতে শুরু করল মিগু। তাকে অনুসরণ করল রবিন। তার নিচে মুদা। এসব ব্যাপারে সে ওস্তাদ। নিজে তো উঠছেই, মাঝেমধ্যে নিচ থেকে ঠেলে উঠতে সাহায্য করছে রবিনকেও। দুই মিনিটেই উঠে এল ওরা হলুদ পাথরের কাছে। তাঙ্জব হয়ে দেখল দুই গোয়েন্দা, দুটো পাথরের মাঝে একটা বড় ফোকর। দ্বিতীয় পাথরটা আসলে ছাত সৃষ্টি করে বেখেছে গর্তের মুখে, বেশির ভাগটাই পাহাড়ের গা থেকে বেরিয়ে প্রায় ঝুলে রয়েছে শুন্যে।

'গুহা.' বলন মিঙ। 'অনেক বছর আগে এক খনি-শ্রমিক স্বর্ণের লোভে খুঁজতে

শুরু করে একাই। সুড়ঙ্গ কেটে ঢুকে যায় ডেতরে। ওখানেই ঢুকব আমরা।'

সুড়ঙ্কে নেমে গেঁল মিঙ। পেঁছনে নামল রবিন আর মুসা। গাঢ় অন্ধকারে এগিয়ে চলল অন্ধের মত। কিছুই জানে না কোথায় যাচ্ছে, কি আছে সামনে।

দশ

उरात रभव शास्त्र निरत्र जन पूजनरक भिष्ठ। प्रेटर्टत जारनात्र रम्था रभन रवम वर्ष শুহা। এক জায়গায় একটা সুড়ঙ্গমুখ, আসলে পুরানো খনির গ্যালারি, বহু বছর আগে খোঁড়া হয়েছিল। জায়গায় জায়গায় এখনও ছাত ঠেকা দিয়ে বেখেছে পুরানো কাঠের থাম, তবুও বেঁশ কিছু পথির খসে পড়েছে ছাত থেকে।

'আমার প্ল্যান শোনো.' বলল মিঙ। 'আরও অনেক গ্যালারি আছে এই ় পাহাড়ের নিচে। প্রথম যখন এসেছিলাম্ দেখে তাজ্জ্ব হয়ে গিয়েছিলাম। এক বুড়ো আছে, ন্যাট বারুচ, এখানকার প্রতিটি ইঞ্চি চেনা তার। সারাটা জীবন এসব ুখনিতেই কাটিয়েছে, সোনা খুঁজেছে, মাঝে মাঝেই পেয়েছে ছোটখাটো টুকরো।

'বুড়ো এখন হাসপাতালে। বাকচই চিনিয়েছে আমাকে খনিগুলো। এই গুহা থেকে একটা সুড়ঙ্গ চলে গেছে একেবারে সেই গুহাটায়, যেখানে মদ চোলাই করা হয়। যেটাতে বসে খেয়েছি আমরা খানিক আগে।

'সেরেছে! তাই নাকি?' চেঁচিয়ে উঠল মুসা। গুহার দেয়ালে প্রতিধ্বনিত হয়ে বেশি করে কানে বাজল সে আওয়াজ। কণ্ঠস্বর খাদে নামিয়ে ফেলল সে। 'তারমানে পাহাড়ের ভেতর দিয়ে যাড়ি আমরা? বাহ, কি মজা। ওপরে আমাদেরকে খুঁজছে মরিসন, ঘুণাক্ষরেও ভাবছে না আমরা তার নিচেই রয়েছি।

'ঠিক তাই.' সায় দিল মিঙ। 'এভাবেই বাডির মাইলখানেকের মধ্যে শৌছে যাব আমরা, ওদের অলক্ষ্যে। গুহামুখে পাহারা রাখার কথা ভাববে না ওরা, সুযোগটা নেব আমরা। ওখান দিয়ে বৈরিয়ে এক দৌতে বাডি চলে যাব। তারপর আর ঠেকায় কে? দেব মরিসনের কীর্তি ফাঁস করে।

মুক্তির কথা ভেবে আনন্দিত হলো রবিন, কিন্তু অন্ধকার সূড়ঙ্গ ধরে এতখানি যেতে হবে ভারতেই কেমন জানি লাগছে। যদি আটকে যায়? যদি পাথর পড়ে সামনের পথ বন্ধ হয়ে গিয়ে থাকে? কিংবা যদি পথ হারায় মিঙ? তাহলে হয়তো আর কোন দিনই বেরোতে পারবে না মাটির তলায় এই গোলকধাণা থেকে। পকেটে হাত ঢুকিয়ে সবুজ চকের অস্তিত্ব অনুভব করল সে।

'চিহ্ন রেন্দ্রৈ যাব নাকি?' বলল রবিন। 'তাহলে পথ হারালেও চিহ্ন দেখে।

আবার ফিরে আসতে পারব।'

'হারাব না.' দুঢ়কণ্ঠে বলল মিঙ। 'যদি মরিসন এসে ঢোকে এখানে? টিহ্ন দেখে সব বুঝে গিয়ে আমাদের পিছু নেয়? না, ওসবের দরকার নেই।'

নিজের ওপর প্রচণ্ড আত্মবিশ্বাস মিঙের। কিন্তু রবিন জানে, মানুষ যা আশা করে না, তাই ঘটে যায় অনেক সময়।

মুসা রবিনের সঙ্গে একমত। বলল, 'আমরা এমন চিহ্ন রেখে যাব খেয়ালই করবে না মরিসন। দেয়ালে চক দিয়ে আশ্চর্যবোধক একে দেব, মাঝে মাঝে তীরচিষ্ঠ ऑक्त, একেকবার একেক দিকে মুখ করে, কেউ বুঝবেই गा आমরা কোন্ দিকে গেছি। আন্তর্যবোধকগুলোকে গুরুত্ব দেবে না, তীর্রটিহ্ন ধরে একবার এদিক যাবে, একবার ওদিক, খুরে মরবে শুধু শুধু।

'তা করা যেতে পারে,' মাথা দোলাল মিঙ। তবে এত ভাবনার কিছু নেই। এদিককার খনিওলো চেনে না মরিসন, জানে না মদ চোলাইয়ের গুহাটার সঙ্গে যে এই গুহার যোগাযোগ আছে। হঁটা, ঠিকই বলেছ, হুঁশিয়ার থাকা ভাল। বলা তো যায় না, যদি হারিয়ে ধাই? তবে এই সুড়ঙ্কের মুখে চিহ্ন দেয়া চলবে না, তাহলে

চোখে আঙুল দিয়ে দেখিয়ে দেওয়া হবে কোনটাতে ঢুকেছি আমরা। ভেতরে ঢুকে তারপর চিহ্ন দেয়া শুরু করব।'

সুড়ঙ্গে চুকে পড়ল ওরা। সরু পথ, মাঝে মাঝে ছাত এত নেমে এসেছে, মাথা ঠেকে যায়, নিচু হয়ে চলতে হয়। কোথাও কোথাও সুড়ঙ্গটাকে বেদ করে আড়াআড়িভাবে চলে গেছে আরও সুড়ঙ্গ, কিংবা মৃল সুড়ঙ্গ থেকে বের করে নিয়ে যাওয়া হয়েছে শাখা-সুড়ঙ্গ। ওই সব সুড়ঙ্গমুখে উল্টো পাল্টা তীর চিহ্ন একে দিছে রবিন, যেটা ধরে যাছে, সেটার মাঝে মাঝে দেয়ালে আন্টোনোধক আঁকছে, একবার এ পাশের দেয়ালে, একবার ওপাশের। এমনভাবে আক্টে, গ্রিণাগ্রস্ত হয়ে যাবে যেকেউ, ওরা নিজেরা বাদে।

একটা জারগার খুব সঙ্কীর্ণ হয়ে এল সুড়ঙ্গ, চার ওপর পাথর ধসে পথ প্রায় কদ্ধ।

থামতে বলল মিঙ। 'ক্রল করে শেতে হবে। আমি আগে যাই।' কোমরের বেল্টে গোঁজা কালো টর্চটা, যেটাতে নেকলেন ভরা আছে, সেটা টেনে খুলে মুসার হাতে গুঁজে দিল সে। 'এটা তোমার কাছে রাখো। পাথর আর মাটি সরিয়ে পথ করে নিতে হতে পারে। হারানোর ভয় আছে। যতু করে রাখো।'

মুসাও কোমরের বেল্টের ডেতর গুঁজে রাখল টর্চটা, বাকলেস আরও টাইট করে দিল, যাতে পড়ে না যেতে পারে মহামূল্যবান জিনিসটা। 'আমার হাতে আরেকটা টর্চ থাকলে ভাল হত।'

'তা হত,' স্বীকার করল মিঙ। 'দুটো আছে, এই অন্ধকারে আরেকটা থাকলে কাজে লাগত। রবিন, এক কাজ করো না, তোমারটা দিয়ে দাও মুসাকে। তুমি আমার পেছনে থাকো, তাহলে তোমার আর টর্চের দরকার পড়বে না। কি বলো?'

মাথা কাত করল বটে রবিন, কিন্তু মনে মনে মেনে নিতে পারছে না ব্যাপারটা। এই অন্ধকারে সব চেয়ে যেটা বেশি দরকার, সেটা আলো। কিন্তু অযৌক্তিক কথা বলেনি মিঙ, মুসার হাতে টর্চটা দিল রবিন। তারপর মিঙের পেছনে ক্রল করতে গিয়ে বুঝল, ঠিক কাজই করেছে। হাতে কিছু না থাকায় কাজটা সহজ হয়ে গেছে তার জন্যে।

সুড়ঙ্গের সরু অংশটা বড় জাের শ'খানেক গজ লম্বা, অথচ এটুকু পেরাতেই ওদের মনে হলাে অসীম পথ, শেষ আর হতে চায় না। ইঞ্চি ইঞ্চি করে এগিয়ে চলেছে ওরা। রবিন আর মুসার অবস্থা যেমন তেমন, মিঙের অবস্থা কাহিল। সামনের পাথর দু'হাতে সরিয়ে পথ করে নিতে হচ্ছে তাকে। ধারাল পাথরে লেগে চামডা কেটে রক্তাক্ত হয়ে গেছে হাত।

দাঁড়িয়ে পড়তে ইচ্ছে করছে রবিনের। কিন্তু সোজা হয়ে বসারই উপায় নেই, দাঁড়াবে কিভাবে? একবার সেটা করতে গিয়ে অল্পের জন্যে বেঁচেছে। চার হাত-পায়ে ভর দিয়ে উঠতে চেয়েছিল, তাতেই বিপত্তি, কাঁধের ধাকায় ধসে পড়ল ছাতের আলগা পাথর, ঝরঝর করে পড়ে প্রায় ঢেকে দিল রবিনকে। আটকে গেল সে, নড়তে পারল না, পেছন থেকে এসে অনেক কষ্টে পাথর সরিয়ে তাকে মুক্ত করল মুসা।

'ধন্যবাদ্' হাঁপাতে হাঁপাতে বলল আতঙ্কিত রবিন। আঁর দাঁড়ানৌর চেস্টা

অবশেষে চওড়া হতে শুরু করল সুড়ঙ্গ। দেয়ালে পিঠ ঠেকিয়ে বসে হাঁপাতে লাগল ওরা। টর্চের আলোয় দেখা গেল, ছাতের কাঠের কড়িবর্গা পাথরের চাপে বাঁকা হয়ে গেছে, একটুখানি ঠেলা বা ধান্ধা লাগলেই ধনে পড়তে পারে তাহলে পাথরের তলার জ্যান্ত কবর হয়ে যাবে ওদের।

খানিকক্ষণ একই ভাবে বসে জিরিয়ে নেয়ার পর বলল মিঙ, 'সবচেয়ে খারাপ জায়গাটা পেরিয়ে এসেছি। সামনে আরেকটা আছে, তবে পেছনের মত এত খারাপ নয়। ওটা পেরোতে পারলেই…,' হাসল সে। 'একটা ব্যাপারে নিশ্তিন্ত হয়ে গেলাম। ওই পথে আমাদের পিছু নিতে পারবে না মরিসন, ওই সুড়ঙ্গে জায়গাই হবে না তার, গলে বেরিয়ে আসতে পারবে না, আটকে যাবে।'

বিশ্রাম নিতে নিতে খনির ইতিহাস বলল মিঙ। আঠারেশা উনপঞ্চাশ সালে ক্যালিফোর্নিরার যখন স্বর্ণ আবিষ্কার হয়, তখন খোঁড়া ওরু হয় এই খনি। গুরুর দিকে সহজেই সোনা মিলতে লাগল, ফুরিয়ে আসার পর বেশির ভাগ শ্রমিকই চলে গেল অন্যত্র, কিন্তু কেউ কেউ রয়ে গেল, ওরা বেশি পরিশ্রমী। শাহাড়ের তলায় খুঁড়ে খুঁড়ে সুড়ঙ্গের জাল বানিয়ে ফেলল।

ভারড্যান্ট ভ্যালিতে তার আগে থেকেই আঙুরের চায হত। তারও অনেক

পরে ওখানে আঙ্বরের খেত কি:লেন মিস দিনারা কৌনের মা।

তিরিশের দশকের পরেও টিকে ছিল কিছু কিছু খনিশ্রমিক, তারপর উনিশশো চল্লিশে আর সোনা পাওয়া গেল না, একে একে চলে গেল যারা তখনও ছিল। কেউ কেউ খনি খোড়া বাদ দিয়ে আঙুরের ফার্মে কাজ নিল।

'এখন আর সোনা আছে?' জিজ্ঞেস করল রবিন।

'আছে, খুব অল্প। তবে সেটা তুলতে খাজনার চেয়ে বাজনা বেশি বলে কেউ আর এগিয়ে আসছে না, বলল মিঙ। 'জিরানো হয়েছে। চলো, যাই।'

আবার এগোনোর পালা। দেয়ালে আন্চর্যবোধক আর তীর চিহ্ন এঁকে চলন। রবিন।

একটা জারগায় এসে থমকে গেল মিঙ। কয়েকটা সুড়ঙ্গ এক জারগায় মিলিত হয়েছে মূল সুড়ঙ্গের সঙ্গে। কোনটা দিয়ে যেতে হবে, ভুলে গেছে সে। অবশেষে ডানের একটা সুড়ঙ্গ বেছে নিয়ে তাতে ঢুকে পড়ল। কিন্তু ভুল করেছে। তিনশো গজ গিয়ে সক্ষ হতে হতে মিলিয়ে গেছে সুড়ঙ্গ।

'ভুল পথে এনেছি,' টর্চের আলো জ্বেলে নেখছে ফ্লিঙ । সূড়কের মেঝেতে এক জায়গায় আলো ফেলে চেঁচিয়ে উঠল, 'দেখো দেখো ।'

দেখল রবিন আর মুসা । আলোর মৃদু চকচক করছে শাদা হাড়। প্রথমে মনে হলো, মানুষের হাড়। কিন্তু ভাল মত দেখে বুঝল, কোন জানোয়ারের, বোধহয় আটকা পড়ে গিয়েছিল এখানে, ঢুকে কোন কারণে আর বেরোতে পারেনি, ফুধাতৃষ্ণায় মরেছে।

'গাধার হাড়,' মিঙ বলল। 'মাল বৎযার জন্যে নিয়ে আসা হত। হয়তো ধস্

নেমে পথ বন্ধ হয়ে গিয়েছিল, বেরোতে আর পারেনি অসহায় জানোয়ারটা। লোকটার কি হয়েছিল কে জানে।

গায়ে কাঁটো দিয়ে উঠল রবিনের। তাড়াতাড়ি বেরিয়ে যাওয়ার ইচ্ছে প্রবল হয়ে। উঠল।

ত্রী আবার আপের জায়গায় ফিরে এল ওরা। এবার সঠিক পথ বেছে নিল মিঙ। এগিয়ে চলল। তারও অনেক সুড়ঙ্গ উপসুড়ঙ্গ পেরিয়ে একটা জায়গায় এসে থামল মিঙ। তার গায়ে এসে গুমড়ি খেয়ে পড়ল রকি। 'কি হলো?'

'भवा,' জानाव भिष्ठ ।

'भला'?' भूत्रा ज्यवाक । 'किटगत भला?'

'পাথরের মাঝের চিড়, খুব সরু আর রুক্ষ। প্রাকৃতিক। খনি আর গুহার সঙ্গে যোগাযোগ করে দিয়েছে।

ফাটলের মুখে আলো ফেলল মিঙ। ঠিকই বলেছে, খুবই সরু। সোজা হয়ে দাঁড়াতে পারবে ওর মধ্যে কোনমতে, কিন্তু সামনা-সামনি চুকতে পারবে না, পাশ খেকে চুকতে হবে। 'এটাই।'

্রীর ভেতর দিয়ে যাওয়া যাবে?' বিশ্বাস করতে পারছে না রবিন। 'শিওর?'

ওই সরু ফাটলে ঢোকার বিন্দুমাত্র ইচ্ছে নেই তার।

'শিওর,' বলল মিঙ। 'আগেও[ী]গিয়েছি। মুখের কাছে এসে দেখো। বাতাস লাগছে না? বাইরে থেকে আসছে।'

ু পরীক্ষা করে দেখল মুসা আর রবিন। ঠিকই। গালে ঝিরঝিরে বাতাসের স্পর্শ অনুভব করছে।

'ওর মধ্যে দিয়েই যেতে হবে আমাদের,' আবার বলল মিঙ। 'আর কোন পথ নেই। আমরা এখনও গায়ে গতরে ছোট, তাই পারব। বড় কারও গল্পে সম্ভব নর। আমি আগে যাচ্ছি। তোমরা দাঁড়াও। ওপাশে গিয়ে তিনবার টর্চ জ্বেলে সঙ্কেত দেব, তারপর তোমরা আসবে। রবিন আসবে আগে। তারপর আবার তিনবার টর্চ জ্যাললে মুসা আসবে। ঠিক আছে?'

মাথা কাত করল দই গোয়েন্দা।

ঢুকে গেল মিঙ। ডান হাতে টর্চ। খুব সাবধানে এক পা এক পা করে পাশে হেঁটে চলল। সামান্যতম বাড়তি নড়াচড়া করল না, কোনভাবে যদি কোন জাফ়া থেকে এখন পাথর ধনে পড়ে, আর বেরোতে হবে না কোনদিন। ভয়ঙ্কর পরিস্থিতি।

রবিনের মুখ কালো। মুসার বুক দূরদুর করছে। বার বার আলো ফেলে দেখছে নিজের শরীর, তাকাচ্ছে সরু ফার্টলটার দিকে, অনুমান করতে চাইছে, ফার্টলে তার শরীর চুকবে কিনা। মনে মনে প্রতিজ্ঞা করে ফেলল, আর কখনও বেশি খাবে না, কোনমতে এখন এখান খেকে বেরোতে পারলে হয়, খাওয়া একেবারে কমিয়ে দেবে, যত লোভনীয় খাবারই সামনে থাকুক, প্রয়োজনের অতিরিক্ত ছোঁবেও না। আল্লাহ্ আল্লাহ' করতে লাগল সে।

কতক্ষণ অপেক্ষা করে আছে ছেলেরা, বলতে পারবে না, মনে হলো অনন্তকাল ধ র ফাটলটার দিকে চেয়ে দাঁড়িয়ে রয়েছে। অবশেষে শেষ হলো প্রতীক্ষা, আলো জুলল তিনবার। ওপাশে পৌছে গের্ছে মিঙ।

্বী 'রবিন, যাও,' দীর্ঘশ্বাস ফেলন মুসা। 'মিঙ যখন পেরেছে, তুমিও সহজেই' পারবে। ওর চেয়ে তোমার শরীর অনৈক ছোট, অনেক পাতলা। মুশকিল তো হবে আমার।'

'অত ভেব না,' সান্ত্বনা দিল রবিন। 'মিঙ যখন পেরেছে, তুমিও পারবে। ওর চেয়ে তুমি মোটা নও, একই রকম।' বন্ধুকে বলছে বটে, কিন্তু তার নিজের গলা-ই শুকিয়ে কাঠ। ঢোক গিলল। 'আলো দেখাও।'

পাশ ফিরে 'গলায়' ঢুকে পড়ল রবিন। একেবারে মুখের কাছে দাঁড়িয়ে ডেতরে আলো ফেলল মুসা। অন্য পাশ থেকেও আলো আসছে, টর্চ জ্বেলে রেখেছে মিঙ, রবিনের শরীরের ফাঁক দিয়ে দেখতে পাচ্ছে মুসা সেই আলো।

এণিয়ে যাচ্ছে রবিন। একটা সময় ওপাশের আলো আর দেখতে পেল না মুসা, রবিনের শরীর একেবারে চেকে দিয়েছে আলো। আরও কয়েক মুহুর্ত আলো জ্বেলে রাখল মুসা, তারপর যখন বুঝল মিঙের কাছাকাছি চলে গেছে রবিন, টর্চ নিভিয়ে দিল। অহেতৃক ব্যাটারি খরচ করা উচিত নয় এখন।

আলোর সঙ্কেতের অপেক্ষায় রইল মুসা। কিন্তু কেন জানি দেরি হচ্ছে সঙ্কেত আসতে।

হঠাৎ শোনা গেল উত্তেজিত চিৎকার, 'মুসা-আ। খবরদার, এসো না…' মিঙের কণ্ঠ, থেমে গেল আচমকা, যেন মুখ চেপে ধরা হয়েছে তার।

কিন্তু কি বলতে চেয়েছে মিঙ, বুরতে পেরেছে মুসা, তাকে না যেতে বলেছে। চুপ করে দাঁড়িয়ে রইল সে। কিছুক্ষণ পর আলোর সঙ্কেত এল তিনবার, খানিক পরে আবার তিনবার। আলো দেখেই বোঝা গেছে, টর্চ ধরা হাতটা অস্থির। তাছাড়া রবিনকে ডাকার সময় প্রতিবারে যতক্ষণ করে আলো জ্বেলে রেখেছিল মিঙ, এখন তার চেয়ে কম সময় রেখেছে। এর মানে কি?

মিঙ বা রবিন আলোব সঙ্কেত দেয়নি, অন্য কেউ দিয়েছে। তার মানে শত্রুর হাতে ধরা পড়েছে ওরা।

এগারো

এই সময় মিস কৌনের সঙ্গে টেলিফোনে কথা বলছে কিশোর।

'ওদের কোন খবর নেই, বাতাসে মিলিয়ে গেছে যেন!' বললেন মিস কৌন। 'ঘোড়া নিয়ে গৈছে। বলে গেছে, উপত্যকা ঘুরেফিরে দেখবে। সারাদিন আর পাত্তা নেই। এদিকে আমি পড়েছি এক মহা ঝামেলায়, রিপোর্টার, শেরিফ, ওদেরকে নিয়েই এত বেশি ব্যস্ত । লোক পাঠিয়েছিলাম, অনেক খুঁজেছে। কিন্তু পাওয়া যায়নি ওদেরকে, এমনকি ঘোড়াগুলোও না।'

'কিন্তু গেল কোথায় ওরা?' নিজেকেই প্রশ্ন করল কিশোর।

আমার মনে হয় খনিতে চুকেছে। পাহাড়ের তলায় অনেক সুড়ঙ্গ আছে, চুকে হয়তো আর বেরোতে পারছে না। ওখানে খুঁজতে লোক পাঠাচ্ছি।

নিচের ঠোঁটে একনাগাড়ে চিশটি কেটে চলেছে কিশোর। গোস্ট পার্ল চরি

গেছে, এখন তার বন্ধুরা√নিখোঁজ। নিশ্চয় কোথাও একটা যোগসূত্র রয়েছে। বলন, 'অনেক লোক পাঠাছেন তো?'

'নিশ্চই। শ্রমিক, যারা এখনও আছে, ভূতের ভয়ে পালায়নি, সব্বাইকে। এমনকি বাড়ির চাকর-বাকরও কয়েকজনকে পাঠাচ্ছি। ভারড্যান্ট ভ্যালির পরে যে মরুড়মি, শ্রস্থানেও পাঠিয়েছি কয়েকজনকৈ। তারা এখনও ফেরেনি।'

'যারা যাচ্ছে, তাদেরকে বলে দিন আন্চর্যবোধক চিহ্ন খুঁজতে।'

'কি খুজতে?'

'আন্টর্যবোধক চিহ্ন। খনির দেয়ালে আকা থাকতে পারে। পেলেই যেন '' আপনাকে জানায়।'

'কিন্তু আমি বুঝতে পারছি না…'

ফোনে ব্যাখ্যা করতে পারব না, বাধা দিয়ে বল্যা কিশোর। আমি আসছি। এয়ারপোটে গাড়ি পাঠাবেন, প্লীজ? সঙ্গে রবিনের বাবাকে নিয়ে আসার চেষ্টা করব।

'হ্যা হ্যা. পাঠাব। ছেলেণ্ডলোকে এখন ভালয় ভালয় ফিরে পেলে বাঁচি।'

ধন্যবাদ জানিয়ে লাইন কেটে দিল কিশোর। তারপর রবিনের বাবাকে ফোন করল। বাড়িতেই পাওয়া গেল তাঁকে। সব শুনে কিশোরের সঙ্গে যেতে রাজি হয়ে গেলেন তিনি। বললেন, পত্রিকার একটা জরুরী কাজে বেরোচ্ছেন, এয়ারপোর্টে দেখা করবেন।

দ্রুত তৈরি হয়ে নিল কিশোর। বোরিসকে এসে জানাল মুসা আর রবিনের নিখোঁজ হওয়ার খবর। স্যালভিজ ইয়ার্ডের ভার তার ওপর দিয়ে রওনা হলো বিমানবন্দরে। বোরিসই ছোট ট্রাকটা নিয়ে তাকে প্লেনে তুলে দিয়ে আসতে চলল।

গাড়িতে বসে ভাবছে কিশোর। মিস দিনারা কৌন যত সহজ ভাবছেন, তত সহজে রবিন, মুসা আর মিঙকে পাওয়া যাবে বলে মনে হলো না তার।

কিশোরের অনুমান মিথ্যে নয়।

মদের বড় বড় দুটো জালায় ভরা হলো রবিন আর মিঙকে। ট্রাকে তুলে নিয়ে চলল মরিসন আর দলের লোকেরা। কোথায়, জানে না দুজনে।

গলার' এপাশে অন্ধকার গুহায় থ হয়ে দাঁড়িয়ে রইল কিছুক্ষণ মুসা। বুঝতে পারছে, রবিন আর মিঙকে যারাই বন্দি করে থাকুক, তারা বড় মানুষ, ফাটলে ঢুকতে পারবে না, নইলে এতক্ষণে ঢুকৈ পড়ত। সে এখন কি করবে?

এখানে থেকে লাভ নেই। আবার হ্যাশনাইফ ক্যানিয়নে ফিরে গিয়ে কোথাও লুকিয়ে থাকতে হবে সকাল পর্যন্ত। তাদের খুঁজতে লোক নিশ্চয়ই পাঠাবেন মিস কৌন। তখন রবিন আর মিঙকে মুক্ত করার চেষ্টা করবে।

নেকলেস ভরা টর্চটা কোমরের বেল্টেই গোঁজা রয়েছে, তাতে হাত বোলাল মুসা। মনে মনে আল্লাহকে ডাকল ঃ যেন হাতের টর্চটার ব্যাটারি না ফুরোয়, অন্তত সে না বেরোনোর আগে।

রবিনের কথা এইবার ফলল, কাজে লাগল চিহ্ন। সবুজ চকে আঁকা চিহ্ন ধরে ধরে ফিরে চলল সে। সত্যিই তীর আর আশ্চর্যবোধকের গোলকর্দাদা সৃষ্টি করে রেখেছে রবিন, মুসাও একবার ভুল করে বসল। ভুল স্কুড়ঙ্গ ধরে চলে এল সেই গুহার, যেটাতে গাধা মরেছে।

শাদা হাড়গুলোর ওপর একবার আলো ফেলেই ফিরল মুসা। পা বাড়াতে গিয়েই থমকে দাড়াল। আচ্ছা, নেকলেসটা সঙ্গে নিয়ে খুরছে কেন? যদি ধরা পড়ে যায়? তার চেয়ে লুকিয়ে রাখা কি ভাল নয়? ধরে ফেললেও হারটার লোভে ওদেরকে বাঁচিয়ে রাখতে বাধ্য হবে মরিসন।

হাঁা, ভাল কথা মনে হয়েছে, তাই করবে সে। কিন্তু লুকাবে কোথায়ং কোন পাথরের তলায়ং না, সেটা বোধহয় ঠিক হবে না। সবগুলো পাথরই দেখতে প্রায় এক রকম। নিশানা ভুল করে ফেললে শেষে আর নিজেই খুঁজে বের করতে পারবে না। এমন কোথাও রাখা দরকার, যেখানে রাখলে ভুল করবে না, আবার, শক্ররাও খঁজে পাবে না সহজে।

কোথায় তেমন জায়গা? গাধার হাড়গুলোর ওপর আলো ফেলল সে আবার। ঘুরিয়ে এনে স্থির করল খুলিটার ওপর। হ্যা, এটাই ঠিক জায়গা। খুঁজে পেতে তার কোন অসুবিধে হবে না,অথচ শত্রুরা ঘুণাক্ষরেও কল্পনা করবে না।

ুটর্চ থৈকে খুলে হারটা কাগজের মোড়কমুক্ত করতে সময় লাগল না। খুলিটা 🕻

উল্টে একটা খোড়লে নেকলেস ভরে আবার আগের মত করে ফেলে রাখল।

সঠিক সুড়ঙ্গটা খুঁজে বের করায় মন দিল সে। এই সময় আরেকটা ভাবনা খেলে গেল মনে। খালি টর্চটা সঙ্গে বয়ে বেড়ানোর কোন কারণ নেই। তার চেয়ে-কথাটা কেন তার মনে এল, নিজেই বলতে পারবে না। কয়েকটা পাথর ভর্বে কোথাও লুকিয়ে রাখবে টর্চটা, সময়ে কাজে লেগেও যেতে পারে।

পকেট থেকে রুমাল বের করে কয়েকটা পাথর রেখে পোঁটলা করে ঠেসে ভরল টর্চের ভেতর। পেছনের ক্যাপটা আবার লাগিয়ে একটা পাথরের আড়ালে রেখে দিল টর্চিটা। পাথরটার কয়েক ফুট দূরে ছোট ছোট পাথর দিয়ে একটা স্তুপ তৈরি করল, নিশানা। দরকার লাগলে এসে খুঁজে বের করে নিতে পারবে আবার টর্চিটা।

সুড়ঙ্গ ধরে আবার চলতে শুরু করল মুসা। এসে পড়ল সেই সঙ্কীর্ণ জায়গাটায়। হামাণ্ডড়ি দিয়ে এগিয়ে চলল। একটা জায়গায় এসে শুয়ে পড়ে কল করে এগোতে হলো।

বেশ কয়েক ঘণ্টা ধরে রয়েছে পাহাড়ের তলায়। খালি হয়ে আসছে সেটা জানান দিতে শুরু করেছে পাকস্থলী। এই অন্ধকারও অসহ্য হয়ে উঠেছে। আরেকবার প্রার্থনা করল সে, যেন টর্চের ব্যাটারি ফুরিয়ে না যায়। তাড়াতাড়িও করতে পারছে না। জানে, যে অবস্থায় রয়েছে, তাড়াহুড়ো করলে, কিংবা মাথা গরম করলে, আরও বেশি বিপদে পড়ে যেতে পারে। মাথা ঠাণ্ডা রেখে গীরেসুস্থে কাজ করাই এখন বাঁচার একমাত্র উপায়।

টর্চ হাতে ক্রল করতে অসুবিধে হচ্ছে। বেল্টের পাশে জ্বলম্ভ অবস্থায় ওট গুঁজে রাখল সে। ইঞ্চি ইঞ্চি করে এগিয়ে চলল।

় হঠাৎ খটাস করে তার মাথার সামনে পড়ল একটা পাথর, ছোট। চমকে উঠল সে। ডয়ে ভয়ে তাকাল মাথার ওপর নেমে আসা ছাতের দিকে। ধসে পড়ছে না তো? এখানে ছাত ধসে পড়ার মানে জ্যান্ত কবর হয়ে যাওয়া। পেটের তলায় মাটিতে কম্পন অনুভূত হলো। দম বন্ধ করে পড়ে রইল সে, রুকের ভেতর হাতুড়ির বাড়ি পড়ছে।

যেমন সহসা শুরু হয়েছিল, তেমনি হঠাৎ করেই থেমে গেল কম্পনটা। আন্তে 🌁 করে হাত বাড়িয়ে মাথার কাছ থেকে পাথরটা এক পাশে সরিয়ে দিল মুসা।

মিনিট খানেক চুপচাপ অপেক্ষা করল সে, তারপর আবার চলতে শুরু করল। কাঁপুনিটা কেন শুরু হয়েছিল, বুঝতে পেরেছে। কোথাও ছোটখাট ভূমিকম্প হয়ে গেছে, তারই রেশ এসে পৌছেছে এখানে।

ক্যালিফার্নিয়ার প্রায় সবাই জানে, মুসাও জানে, বিখ্যাত স্যান অ্যানডিয়াস ফল্ট—পাথুরে ভৃত্বকের এক মন্ত চিড়—চলে গেছে পাণ্টম ক্যালিফোর্নিয়ার নিচ দিয়ে। উনিশ্রো ছয় সালে ওই ফল্টের কারণেই ভয়দর ওমিকম্প হয়েছিল স্যান ফ্রানিস্সকোয়। উনিশ্রো চৌষুট্ট সালে আলাসকায় মহাভূমিকম্প ঘটিয়েছিল, ওটাই। সে সময় ওখানকার ভৃপৃষ্ঠ কোথাও কোথাও তিনশো ফুট ঠেলে উঠেছিল, কোথাও বসে গিয়েছিল তার চেয়ে বেশি। প্রতি বছরই কমর্বেশ ভূমিকম্প হয় ওই ফল্টের কারণে, বছরে অসংখ্যবার, তবে তেমন মার্রাত্মক নয়।

জোরে জোরে দম নিচ্ছে মুসা। পেরিয়ে এল সঙ্কীর্ণ সুড়ঙ্গ। চিহ্ন ধরে ধরে চলে এল সেই গুহাটায়, যেটা থেকে যাত্রা গুরু করেছিল।

গুহাটা খালি। নীরব। বাইরে অন্ধকারের কালো চাদর, রাত নেমেছে।

সাবধানে, নিশব্দে গুহামুখের দিকে এগোল সে। টর্চ নিভিয়ে দিয়েছে। কয়েক কদম এগিয়েই থেমে কান পেতে শুনছে সন্দেহজনক শব্দ পাওয়া যায় কিনা। আশা করছে, এখনও গুহামুখটা খুঁজে পায়নি শক্ররা।

গুঁহামুখের বাইরে বেরোল মুসা। তাকাল তারাজ্বলা আকাশের দিকে। এই সময় পাথরের আড়াল থেকে কেউ ঝাঁপিয়ে পড়ন তার ওপর। শক্তিশানী বাহু জড়িয়ে ধরল,তাকে, মুখ চেপে ধরল একটা কঠিন থাবা।

বারো

একটা ঘরে আটকে রাখা হয়েছে মিঙ আর রবিনকে। জানালা নেই, শুধু একটা দরজা, তা-ও তালা দেয়া, চেষ্টা করে দেখেছে দু'জনে, খুলতে পারেনি।

দু'জনেরই কাপড়ে বালি, ময়লা, সুড়ঙ্গে হামাগুড়ি দেয়ার সময় লেগেছে। ঝেড়েমুছেও বিশেষ সুবিধে হয়নি, সাফ হয়নি ময়লা। দু'জনেই গোসল করে নিয়েছে। গুধু তাই না, ভরপেট খেয়েছেও। চমৎকার রানা করা চীনা খাবার।

ি খিদের জন্যে কথা বলার ইচ্ছেই হয়নি এতক্ষণ, পেট ঠাণ্ডা হতে আরাম করে। বসে আলোচনা শুরু করল।

'আছি কোথায় কে জানে?' বলল রবিন, গত কয়েক ঘণ্টার উত্তেজনা অনেকখানি দুর হয়ে গেছে।

'বড় কৌন শহরের তলায়,' বলল মিঙ।'স্যান ফ্রানসিসকো হতে পারে।' 'কি করে বুঝলে? চোখ বেঁধে এনেছে, আমি তো কিছুই দেখিনি, তুমি . দেখেছিলে?'

না। অনুমান। মাঝে মাঝেই ছাত কেঁপে উঠছে, খেরাল করছ না? ট্রাক যাচ্ছে ওপর দিয়ে। আর ট্রাক মানেই বড় শহর। চীনা চাকরেরা এই ঘরে নিয়ে এসেছে আমাদের, চীনা খাবার খাইয়েছে। সারা আমেরিকায় স্যান ফ্রানসিসকোতেই রয়েছে সবচেয়ে বড় চায়না টাউন। কোন সস্ত বড় লোকের বাড়িতে বন্দি হয়েছি আমরা।

'কি করে জানলে?' 🦠

'খাবার। রান্না দেখোনি কি চমৎকার? এত ভাল রাধতে হলে খুব ভাল বাবুর্চি দরকার, খ্রার সে-রকম বাবুর্চি রাখতে অনেক টাকা লাগে।'

'কিশোরের সহকারী তোমারই হওয়া উচিত ছিল,' আন্তরিক প্রশংসা করল রবিন। রকি বীচে থাকলে তোমাকে দলে নিয়ে নিত সে।'

'আমিও খুশি হয়ে যোগ দিতাম। ভারড্যান্ট ভ্যালিতে বড় একা একা লাগে, আমার বয়েসী কেউ নেই তো। হঙকঙে খুব আরামে ছিলাম, বন্ধুরা ছিল, কত খেলেছি। কিন্তু দাদীমার ওখানে—আর খেলার কথা ভেবে কি হবে, এখন হঙকঙও যা, ভারড্যান্ট ভ্যালিও তা।'

মিঙের কথা ব্রাতে পারছে রবিন। এখান থেকে বেরোতেই যদি না পারে, কোন জায়গা ভাল আর কোন জায়গা খারাপ, তা দিয়ে কি হবে?

দরজা খোলার শব্দে ভারনার বাধা পড়ল। এক বুড়ো চীনা, পরনে প্রাচীন চীনের পোশাক, দোড়গোড়ায় দাড়িয়ে আছে।

'এসো,' ভাকল লোকটা।

'কোথায়?' গম্ভীর হয়ে বলল মিঙ।

'বন্দির কোন প্রশ্ন করা উচিত নয়। এসো।'

দৃঢ়, বলিষ্ঠ পায়ে এগিয়ে গেল মিঙ, তাকে অনুসরণ করল রবিন।

বুড়ো চীনার পেছনে পেছনে লগ্না করিডর পেরিয়ে খুদে একটা লিফটে উঠল ওরা। অনেক উপরে উঠে একটা লাল দরজার সামনে থামল লিফট। দরজা খুলে পাশে সরে দাঁড়াল বুড়ো, হাত নেড়ে বলল, যাও। যা যা জিজ্ঞেস করা হবে, ঠিক ঠিক জবাব দেবে, যদি ভাল চাও।'

বিশাল এক গোল হলরুমে ঢুকল ওরা। দেরাল ঢাকা মূল্যবান কাপড়ে, সোনালি সুতো দিয়ে সুচের নানা রকম কাজ ঃ ডাগন, চীনা মন্দির, উইলো গাছ, আর আরও নানারকম সৃদৃশ্য ছবি। এক জায়গায় কিছু উইলো গাছ ঝড়ে দুলছে, একেবারে জ্যান্ত মনে হয়।

'খুব পছন্দ হয়েছে, না?' হালকা, বয়স্ক কিন্তু স্পষ্ট কণ্ঠস্বর। 'পাঁচশো বছর আগের তৈরি।'

ফিরে চেয়ে দেখল, ওরা একা নয়। কারুকাজ করা বিরাট এক কাঠের চেয়ারে বসে আছেন এক বৃদ্ধ। কালো রঙ করা চেয়ার, কোমল পুরু গদি।

বৃদ্ধের পরনে ঢোলা আলখেল্লা, প্রাচীন চীনা সম্রাটরা যেমন পরতেন। ছোট্ট, হলদেটে মখ, চোখে সোনার ফ্রেমের চশমা। 'এগোও,' শান্ত কণ্ঠে বললেন তিনি, 'খুদে বিচ্ছুর দল। অনেক ঝামেলা করেছ। বসো।'

গালিচার ওপর দিয়ে হেঁটে এল ছেলেরা, এত পুরু যে গোড়ালি ডুবে যায়। ছোট দুটো টুল আছে, ওদের জন্যেই এনে রাখা হয়েছে বোধহুয়। বসল। অবাক হয়ে তাকাল বৃদ্ধের দিকে।

'অ।মি হুয়াঙ। বয়েস একশো সাত।'

বিশ্বাস করল রবিন। এত বয়স্ক লোক আর দেখেনি। বয়েসের তুলানায় বেশ তাজা এখনও মিস্টার হুয়াঙ।

'খুদে ঝিঁঝি পোকা,' মিঙেব দিকৈ চেয়ে বলল বৃদ্ধ, 'আমার দেশী রাজ্ঞ বইছে তোমার শরীরে। পুরানো চীনের কথা বলছি, আপুনিক চীন নয়। তোমার পূর্বপুক্ষ মিশেছিল তাদের সঙ্গে। তোমার দাদার বাবা আমাদের রাজকুমারীকে নিয়ে এসেছিল। আসুক। মেয়েমানুষের ব্যাপারে আমার কোন মাথারাথা নেই, যাকে পছন্দ হয়েছে তার সঙ্গে এসেছে। কিন্তু তোমার দাদার বাবা জিনিস চুরি করেছিল। গোস্ট পার্ল।'

এই প্রথম উত্তেজনার চিহ্ন দেখা গেল তাঁর চেহারায়।

'মহামূল্যবান মুক্তোর একটা মালা,' আবার বললেন মিস্টার হুয়াঙ। 'প্রায় সত্তর-পাঁচাত্তর বছর লুকানো ছিল জিনিসটা, আবার বেরিয়েছে। ওটা এখন আমার চাই-ই।' সামান্য সামনে ঝুঁকলেন। জোরাল হলো কণ্ঠ, 'শুনছ বুদে ইদুরের ছানা? মালাটা আমার চাই।'

ভীষণ নার্ভাস হয়ে পড়েছে রবিন, কারণ, নেকলেসটা তাদের কাছে নেই। চাইলেই মিস্টার হুয়াঙকে দিয়ে দিতে পারছে না।

মিঙ বলল, জনাব, জিনিসটা আমাদের কাছে নেই। আরেকজনের কাছে। হরিণের গতি তার, সিংহের হৃদেয়, নেকলেসটা নিয়ে এতক্ষণে নিশ্চয় চলে গেছে আমার দাদীমার কাছে। আমাদের বাড়ি থেতে দিন, দাদীমাকে বলব ওটা আপনার কাছে বিক্রি করে দিতে। তবে, আমার চীনা বড় মায়ের কোন আত্মীয় এসে যদি দাবি করে।'

করবে না, তীক্ষ্ণ হয়ে উঠল মিস্টার হুয়াঙের কণ্ঠ, কারণ তেমন কেউ নেই। অন্য লোকের কারণান্ডি রয়েছে এতে, ব্যাপারটা ঘোরাল করে নেকলেস দখল করতে চায়। খুব ধনী এক লোক, আমার চেয়ে অনেক ধনী। একবার ওর হাতে চলে গেলে আর আমি পাব না।

বাউ করল মিঙ। মিস্টার হুয়াঙের সম্বোধন নকল করে নিরীহ কণ্ঠে বলল, আমরা খুদে ইন্দুরের ছানা, অসহায় বটে, কিন্তু আমাদের বন্ধু বাঘের বাচ্চা। ওর কাছে আছে নেকলেস। পালিয়ে যাবেই। ধনী লোকটার হাতে মালা পড়ে যাওয়া বিচিত্র নয়।

মরবে! চেয়ারের হাতলে টাটু বাজাল মিস্টার হুয়াঙের আঙুল। 'ওকে যারা পালাতে দেবে, তারা মরবে।'

'আমাদের প্ল্যান বুঝে ফেলেছিল আপনার লোক,' বলল মিও। 'ফাটলের

কাছাকাছিই ছিল। তবে আমার মুখ চেপে ধরার আগে চেঁচিয়ে সাবধান করে দিতে পেরেছি আমার বন্ধুকৈ। তাকে আর ধরতে পারবে না। মরিসন আর তার সাঙ্গোপাঙ্গরা এত মোটা, ফাটলে চুকতেই পারবে না।

ু চুকতে তাদের হবেই,' বললেন মিস্টার হুয়াঙ। কাল রাতে নেকলেসটা হাতিয়ে নেয়ার পর ট্রেলিফ্যেন করল আমাকে মরিসন, জিনিস পাওয়া গেছে। তখনই

হঁশিয়ার করেছি, গোস্ট পার্ল হাতছাড়া করা চলবে না…'

থেমে পেলেন তিনি। কোথাও বেল বেজে উঠেছে। রবিনকে অবাক করে দিয়ে চেয়ারেক্সগদির তলা থেকে ফোনের রিসিভার বের করে এনে কানে ঠেকালেন। চুপচাপ শুনে আবার রেখে দিলেন আগের জায়গায়।

'অবস্থার উন্নতি হয়েছে।'

নীরবে অপেক্ষা করতে লাগলেন মিস্টার হুয়াঙ :

কি ব্যাপার? কৌতৃহলে ভেতরে ভেতরে ফেটে পড়ছে রবিন। কি ঘটেছে? হঠাৎ চুপ হয়ে গেলেন কেন মিস্টার হুয়াঙ। তাঁর হাবভাবেই বোঝা খাচ্ছে, কিছু একটা দেখিয়ে চমকে দিতে চাইছেন রবিন আর মিঙকে।

সম্ভব-অসম্ভব অনেক কথাই ভাবল রবিন, একটা কথা বাদে।

খুলে গেল লাল দরজা।

সারা গায়ে পুলো-ময়লা, ফেকাসে চেহারা, টলোমলো পায়ে ঘরে এসে চুকল মুসা আমান।

তেরো

'মুসার্আ!' লাফ দিয়ে উঠে দাঁড়াল রবিন আর মিঙ। 'তুমি ঠিক আছ?'

ুর্ব খিদে লেগেছে,' করুণ হয়ে উঠল মুসার চেহারা। হাতটা ব্যথা করছে। মরিসনের বাচ্চা মুচড়ে ধরেছিল, নেকলেসটা কোথায় রেখেছি বলিনি, সে জন্যে।'

'হারটা তাহলৈ লুকিয়ে ফেলেছ?' উত্তেজিত কণ্ঠে চেঁটিয়ে উঠল রবিন।

`কাউকে বলোনি তো?' যোগ করল মিঙ।

'নাআ, বলিনি,' হাসি ফুটল মুসার চোখে। 'গুহায় লু…'

'চুপ!' চেঁচিয়ে উঠল মিঙ। 'বোলো না। শুনছে।'

নীরব হয়ে গেল মুসা। এই প্রথম চোখ পড়ল মিস্টার হয়াঙের ওপর।

'তুমি খুদে ইঁদুর নও,' মিঙের দিকে চোখ ফেরালেন মিন্টার হয়াঙ, 'ভুল বলেছি। তুমি একটা ড্রাগনের বাচ্চা, ঠিক তোমার দাদার-বাপের মত, হাড়ে হাড়ে শয়তান।' এক মুহূর্ত চুপ থেকে কি ভাবলেন, তারপর তিন কিশোরকে অবাক করে দিয়ে যেন বোম ফাটালেন, 'তুমি আমার ছেলে হবে? পালকপুত্র? আমি ধনী, অনেক টাকার মালিক, কিন্তু আমার ছেলেপুলে নেই। তোমার মত একটা ছেলে পেলে • • • হবে? আমার সব সম্পদ দান করে দিয়ে যাব। আরামে কাটাতে পারবে বাকি জীকন।

'হতে পারলে খুব খুশিই হতাম,' শান্ত কণ্ঠে বলল মিঙ। 'কিন্তু 'দুটো খারাপ কাজ করতে হবে আমাকে।' 'কি কি?'

'একঃ আমার বন্ধুদের সঙ্গে বেঈমানী করে গোস্ট পার্ল আপনার হাতে তুলে দিতে হবে।

মাথা ঝোঁকালেন মিন্টার হুয়াঙ। আমার ছেলে হলে সেটা তোমার কর্ত্ত

'দুই নম্বরঃ নেকলেসটা দেয়ার সঙ্গে সঙ্গে ওকথা আপনি ভুলে যাবেন, আমাকে পালকপুত্র করার ধারেকাছেও যাবেন না।

দীর্ঘশ্বাস ফেললেন মিস্টার হয়াও। 'সামি বলামাত্র যদি রাজি হয়ে যেতে, হয়তো ভুলে যেতাম। কিন্তু এখন? এখন সত্যিই গোমাকে ছেলে হিসেবে পেতে 'চাই।'

'না মিস্টার হুয়াঙ, মাথ করবেন। দুনিয়ার তাবং ধনের বিনিময়েও বন্ধুদের সঙ্গে বেঈমানী করতে পারব না আমি!

খানিকক্ষণ চুপ করে থেকে বললেন মিন্টার হুরাঙ, 'রাজি হলে ভাল করতে। যাকগে। মনের ওপর তো আর জাের চলে না। তবে দরকার হলে নেকলেস আমি জাের করেই আদায় করব।' গদির তলায় হাত দিয়ে চেয়ারে লাগানাে গোপন কুঠুরি থেকে একটা ছােট বােতল, কাচের গেলাস আর গােল একটা জিনিস বের করের আনলেন। 'কাছে এসাে, দেখে যাও।'

কাছে এসে দাঁড়াল তিন কিশোর।

মিস্টার হুয়াঙের বৃদ্ধ, শীর্ণ হাতের তালুতে ধূসর রঙের একটা গোল জিনিস, অনেকটা মার্বেলের মত, তবে অত মসুণ নয়।

জিনিসটা চিনল মিও। 'একটা গোস্ট পার্ল।'

'ডুল নাম দেয়া হয়েছে জিনিসটার, বৈলে বোতলের ছিপি,খুলে তার ভেতর মুক্তোটা ফেলে দিয়ে ঝাঁকাতে লাগলেন মিস্টার হুয়াঙ। বুদবুদ উঠল কয়েক সেকেণ্ড, তারপর গলে বোতলের তরল পদার্থের সঙ্গে মিশে গেল।

'এর নাম রাখা উচিত ছিল,' বোতলের তরল জিনিসটা গেলাসে চালতে চালতে বললেন মিস্টার হুয়াঙ, 'লাইফ পার্ল।'

গেলাসের তরল পদার্থটুকু এক চুমুকে খেয়ে ফেললেন তিনি, যেন ওষুধ খেলেন, একটা ফোঁটাও রাখলেন না। গেলাসটা ভাবার রেখে দিলেন গদির নিচে গোপন কুঠুরিতে। 'একটা কথা অনেকেই জানে না,' বললেন তিনি, 'হাতে গোণা কয়েকজনে শুধু জানে, তারা সবাই ধনী, জ্ঞানী। দুনিয়ার লোক জানে গোস্ট পার্ল খুব দামী। কিন্তু কেন দামী জানে? জানে না। সাধারণ মুক্তোর মত সুন্দর নয় এই পার্ল, বরং কুৎসিতই বলা যায়। মনে হয় যেন মৃত কিছু। এজন্যেই এর নাম হয়েছে গোস্ট পার্ল।'

মিস্টার হুয়াঙ কি বলতে চাইছেন, কিছুই বুঝতে পারছে না তিন কিশোর, চুপ করে রইল ওরা।

করেকশো বছরে, বলে গেলেন বৃদ্ধ, 'মাত্র কয়েকটা গোস্ট পার্ল পাওয়া গেছে, ভারত মহাসাগরের একটা বিশেষ জায়গায়। সেটাও অনেক দিন আগের কথা, ভারপর আর একটাও ওরকম মুক্তো পাওয়া যায়নি। বর্তমানে সারা পৃথিবীতে মাত্র ছ'টা গোস্ট পার্ল আছে, আর পাঁচটাই প্রাচ্যের লোকের কাছে, খুব কড়া পাহারায়। ওদের একেকজনের কত টাকা আছে, নিজেরাই জানে না। কিন্তু ওই কুৎসিত জিনিসগুলোর এত কদর কেন? কারণ,' নাটকীয় ভাবে থামলেন তিনি। 'ওই মুক্তো ' খেলে আয়ু বাড়ে।'

চোখ বড় বড় হয়ে গেল তিন কিশোরের। যা বলছেন, মনেপ্রাণে বিশ্বাস করেন বলেই বলছেন মিস্টার হুয়াঙ।

লম্বা দম নিয়ে আবার বললেন তিনি, 'শত শত বছর আগেই ব্যাপারটা আবিষ্কৃত হয়েছে চীনে। প্রথমে জানত শুধু রাজ-রাজড়ারা, তারপর জানল বড় বড় জমিদারেরা, তারপর কিছু বড় ব্যবসায়ী—আমার মত লোকেরা। আমার বয়েস একশো সাত, এত দিন কি ভাবে বেঁচেছি জানো। মুক্তো খেয়ে, গোস্ট পার্ল, একশোটার মত খেয়েছি।' তাঁর কালো কুতকুতে চোখের তারা মিঙের ওপর নিবদ্ধ হলো। 'বুঝতে পারছ খুদে ডাগন, কেন নেকলেসটা আমার চাই ও একেকটা মুক্তো তিন মাস করে আয়ু বাড়ায়, নেকলেসটাতে আছে আটচল্লিশটা মুক্তো, তার মানে আরও বারো বছর বাড়তি জীবন!' কণ্ঠস্বর চড়ছে তাঁর। 'মুক্তোগুলো আমার চাই, যে করেই হোক, কিছুই আমাকে ঠেকাতে পারবে না। আমার পথে বাধা হলে ধুলোর মতই ঝেড়ে ফেলে দেব তোমাদেরকে। আরও বারো বছর জীবন…বুঝতেই পারছ কত মূল্যনা আমার জন্যে।'

ঠোঁট কামড়ে ধরল মিঙ। মুসা আর রবিনের কানের কাছে ফিসফিস করে বলল, 'ফালতু হুমকি দিচ্ছে না। যা বলছে, করবে। দেখি দর ক্যাক্ষি করে।'

'দর ক্যাক্ষি করবে?' শ্রবণশক্তি অত্যন্ত প্রখর মিস্টার হুয়াঙের, মিঙের কথা সব শুনেছেন। 'ঠিক প্রাচ্যের লোকের মত কথা বলেছ। ন্যায্য দর ক্যাক্ষিতে উভয়ু দিকই রক্ষা হয়। বলে ফেলো।'

"নেকলেসটা কোথায় আছে, মুসা যদি বলে, কিনে নেকেন? না না, আমার জন্যে বলছি না. টাকাটা দাদীমাকে দেবেন?'

মাথা নাড়লেন মিস্টার হয়াঙ। 'টাকা দিয়ে দিয়েছি মিরিসনকে, তাকে দেব বলেছিলাম, দিলেছি। তবে,' মিঙের মুখের ভাব লক্ষ্য করতে করতে বললেন, 'একটা কাজ করতে পারি। তোমার দাদীমা আঙ্বর খেত আর মদের কারখানা আমার কাছে বন্ধক রেখেছে। আমি তোমার দাদীমাকে সময় বাড়িয়ে দিতে পারি টাকা শোধ করার জন্যে, ছোট ছোট কিস্তিতে দেয়ার পরামর্শ দিতে পারি। কথা দিতে পারি, ভূতটা আর দেখা দেবে না। শ্রমিকেরা ফিরে এসে কাজে লাগবে, তোমার দাদীমা ভরাড়বির হাত থেকে রেহাই পাবে।'

চোখ মিটমিট করল তিন কিশোর।

'কার ভূত জানেন তাহলে?' চেঁচিয়ে উঠল মিঙ। 'কি করে জানলেন।'

মৃদু হাসলেন মিস্টার হয়াঙ। 'ছোট ছোট অনেক বিদোই জানা আছে আমার। নেকলেসটা কোথায় আছে মরিসনকে দেখিয়ে দাওগে, তোমার দাদীমার সব দুঃখ শেষ।'

্ 'শুনতে ভালই লাগছে,' মাথা ঝোঁকাল মিঙ। 'কিন্তু বিশ্বাস কিং'

অবচেতনভাবে রবিন আর মুসাও মাথা ঝোঁকাল, এই প্রশ্ন তাদের মনেও। 'আমি মিন্টার হুয়াঙ,' তীক্ষ্ণ হয়ে উঠল কণ্ঠস্বর, 'আমার দেয়া কথা ইস্পাতের চেয়েও শক্ত।'

'ওনাকে জিজ্ঞেস করো, মিঙ,' বলল রবিন, 'মরিসনকে বিশ্বাস কি?"

'ঠিক,' সায় দিল মুসা। 'মরিসন যা বলে, করে ঠিক তার উল্টো। কেউটে সাপকে বরং বিশ্বাস করা যায়, কিন্তু ওকে নয়।'

<u> मुत्रकात पिरक राज्या जाकराना भिग्छात एयाछ, 'भित्रमनरक जाञराज वर्राना ।'</u>

দীর্ঘ দুই মিনিট অপেক্ষা করে রইল ছেলেরা। খুলে গেল লাল দরজা। লিফট থেকে নামল মরিসন। ধীরে ধীরে এগিয়ে এল, হাবডাবে অস্বস্থি প্রকাশ পাচ্ছে।

'সুখ খুলেছে?' ছেলেদের দিকে বুড়ো আঙুলের ইঙ্গিত করে মিস্টার হুয়াঙকে

জিজ্ঞেস করল মরিসন।

'ভদুভাবে কথা বলো।' গর্জে উঠলেন মিস্টার হুয়াঙ। 'ওদেরকে অবহেলী করবে না। তোমার মুত নর্দমার কীট নয় ওরা। ড্রাগনের বাচ্চার সঙ্গে ক্রিমির যে-রকম ব্যবহার করা উচিত, তেমন ব্যবহার করো।'

রাগে লাল হয়ে গেল মরিসনের মুখচোখ, কিন্তু মিস্টার হয়াঙের কালো চোখের দিকে তাকিয়ে ধীরে ধীরে ফেকাসে হয়ে গেল চেহারা, মড়ার মুখের মত ফেকাসে।

'সরি, মিস্টার হুয়াঙ, আমি জানতে চাইছিলাম।'

তোমার চাওয়া না চাওয়ায় কিছুই এসে যায় না, ধমকে উঠলেন মিস্টার হয়াঙ। যা হুকুম করব, পালন করবে। শোনো, আজ রাতে ওরা যদি নেকলেসটা তোমার হাতে তুলে দেয়, কোন ক্ষতি করবে না ওদের। বেঁধে রাখতে পারো, তবে খুব শক্ত করে নয়। এমরভাবে বাঁধবে, যাতে ঘটাখানেকের মধ্যে নিজেরাই বাঁধন মুক্ত হতে পারে। ভালমত ওনে রাখো, ওরা একটা আঘাত পেলে, তোমাকে একশোটা আঘাত করা হবে। আমার আদেশ অমান্য করলে ছুরি দিয়ে খুঁচিয়ে মারা হবে তোমাকে।

কয়েকবার ঢোক গিলল মরিসন, তারপর বলল, 'ভারড্যান্ট ভ্যালিতে লোক গিজগিজ করছে, গরুখোঁজা খুঁজছে। অনেক কস্টে ওদের নজর হ্যাশনাইফ ক্যানিয়ন থেকে অন্য দিকে সরাতে পেরেছি। ছেলেণ্ডলোকে আবার ওখানে নিয়ে গেলে…'

'ওখানে ওদের কে নিতে বলেছে তোমাকে? নেকলেসটা কোথায় আছে জেনে নিলেই তো হয়। তারপর তোমার সুবিধেমত জায়গায় নিয়ে গিয়ে বেঁধে রাখো। এমন কোথাও যেখানে থেকে ওদের বাড়ি ফেরা সহজ হয়।'

উঠলেন মিস্টার হুয়াঙ। ঢোলা আলখেলার নিচটা গাউনের মত ছড়িয়ে রইল। বসা অবস্থায় বোঝা যাচ্ছিল না, কিন্তু এখন দেখা গেল, লম্বা নন তিনি, বেঁটেই বলা চলে, পাঁচ ফুটের সামান্য বেশি।

'এসো,' মরিসনকে ডাকলেন তিনি। 'ওরা এখানেই থাকুক। নিজেদের মাঝে আলোচনা করে ঠিক করুক কি করবে। বুদ্ধি আছে ওদের, আমার ধারণা, ঠিক সিদ্ধান্তই নেবে।'

মিস্টার হুয়াঙের পেছনে বেরিয়ে গেল মরিসন।

'আন্তে কথা বলবে,' ফিসফিস করে বলল মিঙ। 'মুসা, নেকলেসটা কোথায়, উচ্চারণও করবে না। লুকানো মাইক্রোফোন নিশ্চয় আছে। অন্য কথা বলো, সময়ু নষ্ট করো।'

'নেকলেসটা লুকিয়ে কাজের কাজ করেছি,' বিয়েপ্ন কণ্ঠে বলল মুসা, 'অন্তত সময় তো পাওয়া গেল। নইলে তো গেছিলাম। ····তোমরা ধরা পড়লে কিডাবে?'

'লুকিয়েছিল ব্যাটারা,' বলল মিঙ। 'আমাকে বেরোতে দেখেছে। আমি রবিনকে টর্চ জ্বেলে সঞ্চেত দিয়েছি, তা-ও দেখেছে। রবিন বেরোতেই এসে আমাকে আর রবিনকে জাপটে ধরেছে।'

'এবং গাধামী করেছে,' রবিন বলল। 'অপেক্ষা করা উচিত ছিল ওদের। মুসা

বেরোলে তারপর ধরা উচিত ছিল।'

র্ভ্,' মাথা দোলাল মুসা। 'মিঙ চেঁচিয়ে হুঁশিয়ার করল। বুঝলাম, কিছু হয়েছে। তারপর টর্চ জ্বালল তিনবার, ওতেও গোলমাল লক্ষ্য করলাম। আর কি বেরোই!' হাসল সে। 'কিন্তু একটা কথা বুঝতে পারছি না, আমরা কোথায় আছি, সেটা জানল কি করে?'

'ঘোড়। নিয়ে এসে পাহাড়ে চড়েছিল মরিসন,' বলল মিঙ। 'আমাদেরকে হ্যাণনাইফ ক্যানিয়ন পেরিয়ে যেতে দেখেছে। অনুমান করে নিয়েছে আমরা কি করতে যাচ্ছি। ওর জানা আছে গলাটার কথা।' বিরক্ত ভঙ্গিতে মাথ্য নাড়ল সে। 'আমি ডেবেছি আমি খুব চালাক। অথচ সোজা এসে মরিসনের খপ্পরের পড়লাম।'

আমাদেরকে ক্যানিয়ন পেরিয়ে যেতে না দেখলে ধরতে পারত না, মুসা বলল, সৈটা আমাদের দুর্ভাগ্য। তোমার আর কি করার ছিল? যাকগে, যা হবার হয়েছে। একটা ব্যাপারে তো শিওর হলে, মরিসন বেঈমান। মেশিনপত্র সে-ই ভেঙেছে, ইচ্ছে করে, মদের পিপা ফুটো করে দিয়েছে। সব তার শয়তানী।

'হাা,' বলন মিঙ। 'ও আর ওর সাঙ্গোপাঙ্গরাই করেছে। কিন্তু 'কেন? এসব তো শুরু করেছে বছর খানেক আগে থেকে, ভূত দেখা যায়নি তখনও। ভারড্যান্ট

জ্যালিতে গোস্ট পার্লের কথা ওখানকার কেউ জানত না তখন।

'নিন্দর আছে কোন কারণ,' বলল রবিন। 'আমাদেরকে কিভাবে এনেছে, শোনো। পিপায় ভরে ট্রাকে করে এনেছে। একটা জারগায় এসে থামল ট্রাক, মরিসনের সঙ্গে কথা বলল কয়েকজন লোক। কথাবার্তায়ই বুঝলাম, তাদেরকে পাঠিয়েছেন মিঙের দাদীমা, আমাদের খুঁজতে। গুরা নিন্দর কল্পনাও করেনি, ওদের কয়েক হাতের মধ্যেই রয়েছি আমরা।'

'চেঁচালে না কেন?' বলল মুসা।

'মুখ বেঁধে রেখেছিল,' বলল মিঙ। 'চালাক আছে মরিসন। মদের পিপায় মানুষ রয়েছে কে ভাববে? তাছাড়া তাকে সন্দেহও করে না কেউ। সে বলল, স্যান ফ্রানসিসকোর দিকে যাচ্ছে, আমাদের খুঁজতে। আমাদের না নিয়ে ফিরবে না। কাজেই তার অনুপস্থিতিতে সন্দেহ করবে না কেউ।' 'হুঁ, ব্যাটা চালাকই,' স্বীকার করল মুসা।

'স্যান ফ্রানসিসকোর পথে কয়েক মাইল চলল ট্রাক,' আঁবার বলল মিঙ, 'তারপর থামল। মদের পিপা থেকে বের করে একটা স্টেশন ওয়াগনে তোলা হলো আমাদের। পেছনে শুইয়ে দিয়ে চাদর দিয়ে চেকে দেয়া হলো। আমার ধারণা, হ্যাশনাইফ ক্যানিয়নের।দিনে যে আমারা গেছি তার সব চিহ্ন মুছে দিয়েছে মরিসন। ঘোড়াগুলোও নিশ্চয় সরিয়ে ফেলেছে চেলেছিলাম, তোমাকে ধরতে পারবে না, কিন্তু ধরে ফেলে। নিশ্বলেটা ছিলিয়ে নেবে এখন!

'ভা পারছে না । নেকলের আমি দেব না,' দুঢ় কর্প্তে বলল মুসা। 'না দিয়ে পারবে না।'

'সেটা দেখা যাবে,' নিজের দুই হাতের দিকে ভাকাণ মুসা। 'আপাত্ত হাতমুখ ধোয়ার পানি যদি পেতাম, আব কিছু খাবার। পেট জ্বাছে। গুহায় বসে কি খেয়েছি না খেয়েছি, কখন হজম হয়ে গেছে। আর যা কষ্ট করেছি বেরোতে। ভাগ্যিস রবিন চিহ্ন দিয়ে রেখেছিল, নইলে বেরোতেই পারতাম না।'

ফিসফিস করে বল্ল রবিন, 'যে দুটে পিপায় ভরা হয়েছিল আমাদেরকে, এক

त्रुत्गारं तत्र पूटोटंड छिक् बँदर्क पिराष्टि।

্রতিতে কি?' নিচু গলায় বলল মুসা। 'কিচ্ছু বুঝবে না কেউ। কিশোরও বুঝবে কিনা সন্দেহ।'

'ফিসফিসানি বাদ দাও,' বলল মিঙ। স্বাভাবিক গলায় কথা বলো, নইলে সন্দেহ করবে আমরা ফন্দি আটছি।'

'ফন্দি আর কি করবং' হতাশ ভঙ্গিতে দু'হাত নাড়ল মুসা। 'মিস্টার হুয়াঙের হাত থেকে মুক্তি পাওয়া মুশকিল।'

'আমারও তাই ধারণা,' মাথা দোলাল মিঙ। 'বোঝাই যাচ্ছে, অনেক বড়লোক তিনি, প্রচণ ক্ষমতা। একটাই উপায় আছে আমাদের, নেকলেসটা তাঁকে দিয়ে দেয়া।'

'এত সহজেই দ্রিয়ে দিতে বলছ?' ভুক কুঁচঁকাল মুসা। ভাবছে, কি কষ্ট করেই না লুকিয়েছে নেকলেসটা। এত কিছুর পর, মিস্টার হুয়াঙকে দিয়ে দিতে হবে?

্মুফতে তো দিচ্ছি না,' মুসার হতাশা দূর করার চেষ্টা করল মিঙ। 'মিস্টার হুয়াঙ কথা দিয়েছেন, আমাদেরকে মুক্তি দেবেন। তার কথা বিশ্বাস করি। তাছাড়া দাদীমার কস্টুও কমবে, পীরেসুস্থে ঋণ শোধ করতে পারবে! এর বেশি আর কি চাই আমরা।'

'তা-ও বটে। আচ্ছা, সত্যি কি বিশ্বাস হয়, মুক্তো আয়ু বাড়াতে পারে? আমার কাছে পাগলামি মনে হচ্ছে।'

আমি অবিশ্বাস করছি না। অবিশ্বাস্য মনে হচ্ছে, কিন্তু সত্যি হতে পারে। টানের ওমুধ বিদ্যা অনেক পুরানো। ইদানীং পশ্চিমা বিজ্ঞানীরা আবিষ্কার কবেছেন, বিশেষ এক ধরনের ব্যাপ্তের চামড়ায় মূল্যবান ওমুধ হয়, অথচ শত শত বছর আগেই এটা জানা: ছিল চীনের কবিরাজনের। বাঘের গোঁফ আর দানবের হাড়ের ওঁড়ো অনেক জটিল রোগের মহৌষধ, এটা অনেক আগে থেকেই বিশ্বাস করে চীনারা।

'আমিও পড়েছি এ-ব্যাপারে,' বলল রবিন। 'ওই দানবরা হলো প্রাগৈতিহাসিক ম্যামথ, সাইবেরিয়ার দাঁতাল বাঘ আর কিছু প্রকাণ্ড প্রাগৈতিহাসিক জন্তুজানোয়ার।'

'এখন কথা হলো, ওসবে যদি রোগ সারে, ভৃতুভে মুক্তোই বা কেন আয়ু বাড়াবে না?' প্রশ্ন রাখল মিঙ। 'মিস্টার হুয়াঙ মনেপ্রাণে বিশ্বাস করেন এটা, আর গুধু বিশ্বাসই অনেক সময় জটিল রোগ সারিয়ে দেয়, এটা তো এখন বৈজ্ঞানিক সত্য।'

'আচ্ছা, সবুজ ভূতের ব্যাপারে সত্যি সব জানেন মিস্টার হুয়াঙ?' বলল রবিন। 'একটা ব্যাপার আচর্য লাগছে। প্রায় একই সময়ে একই জায়গায় উদয় হলো সবুজ ভূত আর ভূতুড়ে নেকলেস!'

'ওসব ভৈবে লাভ নেই,' বলল মিঙ। 'নেকলেসটা দিয়ে দিচ্ছি এ ব্যাপারে তাহলে একমত আমরাং'

মাথা কাত করল মুসা আর রবিন।

গিলা চড়িয়ে ডাকল মিঙ, 'মিস্টার হুয়াঙ, সিদ্ধান্ত নিয়েছি আমরা ।'

এক জায়গায় কাপড় সরিয়ে বেরিয়ে এলেন মিস্টার হয়াঙ, সঙ্গে তিনজন চাকর। কাপড়ের পেছনে ওখানে চার-চারজন মানুষের লুকানোর জায়গা থাকতে পারে, বাইরে থেকে দেখে বোঝা যায় না।

'কি সিদ্ধান্ত নিলে, খুদে ড্রাপন?' জানতে চাইলেন মিস্টার হুয়াঙ, হয়তো আড়ালে থেকে সবই শুনেছেন, কিন্তু সেটা প্রকাশ করলেন না।

'নেকলেসটা দেব।'

'কোথায় আছে ওটা?'

'খনিতে,' জবাব দিল মুসা।

মরিসনকৈ ডেকে আনালেন মিস্টার হুরাঙ। 'ও গিয়ে নিয়ে আসতে পারবে। ততক্ষণ তোমরা এখানে আমার মেহমান। নেকলেসটা পেলে তোমাদের ছেড়েদেব। বাঁধার আর দরকার হবে না। ফিরে গিরে পুলিশকে হয়তো বলবে আমার কথা, কিন্তু লাভ হবে না। আমাকে খুঁজে পাবে না ওরা, হাওয়ায় মিলিয়ে যাব। আমৈরিকার এই বিশাল চায়না টাউনেও আমি একটা বিরাট রহস্য, এখানকার যে কোন চীনাকে জিজ্ঞেস করলেই বুঝবে।' •

'মরিসন আনতে পারবে না খনি থেকে,' বলল মুসা। 'ও খুব বেশি মোটা। সুড়ঙ্গ দিয়ে ঢুকবেই না তার শরীর, বোতলের গলায় ছিপির মত আটকে যাবে,' ফোরম্যানের দিকে চেয়ে মুচকি হাসার লোভ সংবরণ করতে পারল না সে।

'রোগাটে লোক জোগাড় করতে পারব…,' বাধা পেয়ে থেমে গেল মরিসন। 'হাত তালি দিয়ে তাকে থামিয়ে নিলেন মিস্টার হুয়াঙ। 'নাআ! তোমাকে আনতে হবে। আর কাউকে বিশ্বাস করি না। যেভাবে পারো ঢুকবে।'

'খুদে ব্যাঘ্রশাবক,' মুসার দিকে ফিরে বললেন তিনি, 'সুড়ঙ্গটা কতখানি সরু?' সত্যিই ঢুকতে পারবে,ুনা হোঁতকাটা?'

না স্যার, সত্যি পারবে না, বলল মুসা। নৈকলেসটা টর্চের মধ্যে ?

'হ্যা,' ঢোক গিলল মুসা।

'টটিটা কোখায়?' 'পাথরের আড়ালে।'

'কোন জায়গায়?'

কোথায় বলতে পারব না, তবে খুঁজে বের করতে পারব। ম্যাপট্যাপ কিছু এঁকে রাখিনি।

'হুঁ;' ভাবলেন মিস্টার হুয়াঙ। মরিসনের দিকে ফিরে বললেন, 'সহজ হয়ে গেল। ওদেরকে নিয়ে যাও। মুসা টর্চটা বের করে দেবে।'

্ 'কিন্তু তাতে্ বিপদ আছে,' বিন্দু বিন্দু ঘাম জমেছে মরিসনের কপালে। 'ওদের

খোঁজা হচ্ছে, যদি দেখে ফেলে…'

্রুকৈ নিতেই হবে। আগে সাবধাৰ থাকোনি, ভাই বিপদে পড়েছ। কিভাবে সামলাবে সেটা তোমার ব্যাপার। একটা কথা, ছেলেদের কোন ক্ষতি করা চলবে না।

'কিন্তু ফিরে গিয়ে সব জানিয়ে দেবে ওরা।'

'জানাক। আমি তোমাকে রক্ষা করব। নিরাপদে বের করে দেব দেশের বাইরে। তোমার সহক্ষীরাও গায়েব হয়ে যাবে, পুলিশ খুঁজে পাবে না। আমাকে এ তো পাবেই না। কাজেই ওরা বললেও কিছু এসে যায় না। বুঝেছ?'

জোরে জোরে শ্বাস ফেলছে মরিসন। 'হাা, স্যার,' গলা কাপছে। 'আপনার

কথামতই কাজ হবে। কিন্তু ছেলেরা যদি আমার সঙ্গে বেঈমানী করে?'

হাসলেন মিস্টার হয়ঙ। 'সেক্ষেত্রে আমার আর কোন দায়িত্ব থাকবে না।' ওদেরকে যা খুশি করতে পারো। তোমার নিরাপত্তার পথ তুমি বেছে নেবে। তবে আমার মনে হয় না ওরা কোন চালাকি করবে। প্রাণের মায়া কার না আছে? এই বুড়ো বুয়েসেও আমার বেঁচে থাকার সাধ, আর ওরা তো শিশু।'

মিস্টার হুয়াঙের কণ্ঠে কিছু একটা রয়েছে, শিউর্বে উঠল রবিন। মনে মনে সে আশা করন, সত্যি কথাই বলেছে মুসা, নেকলেসটা খুঁজে বের করতে পারবে।

মুসা ভাবছে, মিস্টার হুয়াঙকে মিথ্যে কথা বলেছে সে, এর পরিণতি কি হবে? জলদি করো,' মরিসনকে তাড়া দিলেন মিস্টার হুয়াঙ, 'দেরি হয়ে যাচ্ছে।' 'ওনের বেঁধে নিই….' বাধা পেয়ে আবার খেমে গেল মরিসন।

পমকে উঠলেন মিস্টার হুয়াঙ, 'নাআ! তার দরকার হবে না। ঘুমিয়ে ঘুমিয়ে যাবে ওরা। আরামে যাবে।' মিঙের দিকে ফিরলেন। 'খুদে ড়াগন, তাকাও তো 'আসার দিকে।'

মিস্টার হুয়াঙের চোখের দিকে তাকাল মিঙ, আটকে গেল দুষ্টি, চেষ্টা করেও আর সরাতে পারল না।

একঘেরে কণ্ঠে বলে চললেন মিস্টার হুরাঙ, 'খুদে ডাগন, তুমি ক্লান্ত, খুব ক্লান্ত।
তুম পেরেছে তোমার, অনেক তুম ক্লেকামল হাতে তোমার চোখে পরশ বুলাচ্ছে তুম,
তুমের রাজ্যে যাওয়ার জন্যে পাগল হরে উঠেছ তুমি, তোমার চোখ বন্ধ হরে
আসছে।'

অবাক হয়ে দেখল দুই গোয়েন্দা, সত্যিই চোখ বন্ধ হয়ে আসছে মিঙের।

ভীষণ অশ্বন্তি বোধ করছে মিঙ। জোর করে টেনে খুলল চোখের পাতা। আবার শুরু হলো একঘেরে কণ্ঠ, চোখ রন্ধ হয়ে আসছে! বাধা দিতে পারছ না তুমি, আমার ইচ্ছেই তোমার ইচ্ছে। চোখের পাতা ভারি হয়ে আসছে তোমার, বন্ধ করো, বন্ধ, অবন্ধ অব্দ অ

পুরোপুরি বন্ধ হয়ে গেল মিঙের চোখের পাতা। খুলতে পারছে না।

মোলাদ্মেম একঘেরে কণ্ঠ থামল না মিন্টার হুরাঙের, 'ঘুম আসছে তোমার চোখ জুড়ে। গভীর ঘুম। অন্ধকারের চাদর গ্রাস করছে তোমাকে। ঘুমের দরিয়ায় তলিয়ে যাচ্ছ তুমি। তোমার ইচ্ছাশক্তিকে দাবিয়ে দিয়েছে ঘুম। ঘুমিয়ে পড়ছ তুমি। ঘুমিয়ে থাকবে, আমি না বললে জাগবে না। খুদৈ ড্রাগন, শান্তিতে ঘুমাও . এখন ব্যাপ্ত ক্যাপ্ত ব্যাপ্ত ব্

হঠাৎ টলে পড়ে যেতে শুরু করল মিঙের শরীর। লাফিয়ে এসে ধরে ফেলল

তিন চাকর। একটা সোফায় শুইয়ে দিল।

'খুদে ব্যাঘ্রশাবক, এবার তুমি তাকাও আমার দিকে,' বললেন মিস্টার হয়াঙ।

দুরুদুরু করছে মুসার বুক। না তাকিয়ে পারল না। একবার চেয়ে আর দৃষ্টিও সরাতে পারল না কোনদিকে। জোর করে ঘুম ঠেকিয়ে রাখার চেষ্টা করল না মুসা, কেমন একটু যেন মজা পাচ্ছে, দেখি না কি হয় ভাব। অবশ করে ফেলছে যেন তাকে মিস্টার হ্য়াঙের একঘেয়ে মোলায়েম কণ্ঠ। এক সময় সে-ও টলে পড়ে যেতে শুরু করল, তাকেও ধরে শুইয়ে দিল চাকরেরা।

রবিন বুঝতে পারছে, মিঙ আর মুসাকে সম্মোহন করেছেন মিস্টার হুরাঙ। সে বইরে পড়েছে, রোগীকে সম্মোহন করে ঘুম পাড়িয়ে অপারেশন করা সম্ভব, কোন ব্যখা নাকি অনুভব করে না রোগী। মুসার মত ভয় পেল না সে। তার পালা এল।

'শক্তহ্বদয়, তাকাও আমার দিকৈ,' বললেন মিন্টার হুয়াঙ। 'তোমার ঘুম পেয়েছে, তোমার বন্ধুদের মতই। ক্লান্ত তুমি, ভীষণ ক্লান্ত, চোখ বন্ধ করো…'

চোখ বন্ধ করে ফেলল রবিন।

মিস্টার হুয়াঙের একঘেয়ে কণ্ঠ চলল থেমে থেমে।

পড়ে যেতে শুরু করল রবিন, তাকে ধরে ফেলল চাকরেরা।

মরিসনকে বললেন মিস্টার হুয়াঙ, 'কোন রকম গোলমাল করতে পারবে না ওরা। জায়গামত পৌছে ডাক দিও, জেগে উঠবে। নেকলেসটা নিয়ে ছেড়ে দেবে। আর যদি…'

অপেক্ষা করে রইল মরিসন।

'আর যদি,' বলেন মিস্টার হয়াঙ, 'গোলমাল কিংবা চালাকি করে, গলা কেটে ফেলে দিও কোখাও।'

পনেরো

'আকর্যবোধক চিহ্ন কেউ খুঁজে গায়নি?' বিশ্মিতই মনে হচ্ছে কিশোরকে। এই খানিক আগে ভারভ্যান্ট ভ্যানিতে পৌছেছে সে আর রবিনের বাবা।

জোরে জারে মাখা নাড়লেন মিসেস দিনারা কৌন। 'না। পুরো উপত্যকায়

খোঁজ করিয়েছি আমি। গাঁরে যত লোক আছে, সবাইকে জিজ্ঞাসাবাদ করা হয়েছে, বাচ্চারাও বাদ যায়নি।

আশ্রের্যাধক নিয়ে এত তোড়জোর কেন?' ভুরু নাচাল ভলফ টার্নার। মিসেস কৌনের মতই তাকেও খুব ক্লান্ত দেখাচ্ছে।

ব্যাখ্যা করে বলল কিশোর।

`মরুভূমিতে চিহ্ন দেবে কোথায়?' বলল টার্নার। 'আমি শিওর, ওদিকেই গেছে ওরা। কাল ভোরেই প্লেন নিয়ে খুঁজতে পাঠাব। মরুভূমিতেই কোথাও পথ হারিয়েছে ওরা। খনিতে আটকা পড়লে বাইরে ওদের ঘোড়াঙলো অন্তত খুঁজে পাওয়া যেত।'

্তা ঠিক,' সায়ু দিলেন মিস্টার क्रियरमाর্ড, ।বিষয় কণ্ঠস্বর । 'হাা, মিস কৌন,

কিশোর আপনাকে কিছু বলতে চায়। <mark>'</mark>

অপেক্ষা করে রইলেন মিস কৌন আর টার্নার। মন্ত হলঘরে বসেছে ওরা, চারজনই ওধু, অন্য কেউ নেই।

'মিস কৌন,' নাটকীয় ভঙ্গিতে গুরু করল কিশোর, কথার গুরুত্ব বোঝানোর জন্যে বড়দের মত গন্ধীর করে তুলল চেহারাকে, 'সবুজ ভৃতের ব্যাপার নিয়ে অনেক ভাবনাচিস্তা করেছি আমি। আমার দুই বন্ধু ওটাকে দেখেছে, চিংকার গুনেছে। তদন্ত করে আমি জেনেছি, চিংকারটা বাড়ির ভেতর থেকে আসেনি। খুব মজবুত বাড়ি, নিখুত করে তৈরি হয়েছিল, প্রায় সাউও প্রুক্ত, ভেতরের শর্ম বাইরে আসতে পারে না ভাল মত।

'একটা কথা আমাকে বলুন, ভূত যদি থেকেই থাকে, আর থাকে বাড়ির ভেতরে, শুধু চিৎকার করার জন্যে বাইরে আসবে কেন? আসেওনি। চিৎকারটা করেছিল আসলে মানুষে, আমাদেরই মত জলজ্যান্ত মানুষ। আরেকটা ব্যাপার, সে-রাতে যে ক'জন দেখতে গিয়েছিল, তারা কেন্টই শিওর নয়, দলে কতজন ছিল। কেউ বলছে ছয়, কেউ বলছে সাতজন। সবার কথাই ঠিক।

'চিৎকারটা ড্রাইভওয়ে থেকে গুনেছে ছয়জন, আর ঝোপের ভেতরে লুকিয়ে থেকে গুনেছে একজন, সে-ই চিৎকার করেছিল। তারপর কোন এক ফাঁকে বেরিয়ে

এসে যোগ দিয়েছে দলের সঙ্গে।

'কিশোর ঠিকই বলেছে,' একমত হলেন মিস্টার মিলফোর্ড। 'আন্চর্য! এই সহজ কথাটা আমার আর পুলিশ চীফের মাথায় এল না।'

মিস কৌন জকুটি করলেন।

'কথায় যুক্তি আছে,' ভুরু কুঁচকে গেছে টার্নারের, 'কিন্তু এই কাণ্ড কেন করতে যাবে লোকে?'

'দৃষ্টি আকর্ষণ করার জন্যে,' জবাব দিল কিশোর। 'পুরানো বাড়িতে ওরক্ম চিৎকার ওনলে অবাক হবেই লোকে। তাছাড়া ওরকম কিছু একটা ঘটবে, আশাও ফরছিল ছয়জন মানুষ। বলতে গেলে, একরকম জোরজার করেই নিয়ে আসা হয়েছিল ওদের পাঁচজনকে।'

'হুঁ। সাজানো ব্যাপার,' বললেন মিস্টার ফিলফোর্ড।

'একেবারে,' বলল কিশোর। 'একজন লোক ডেকে এনেছিল পাঁচজনকে, চাঁদের

আলোয় পোড়ো বাড়ি দেখতে যাওয়ার আমন্ত্রণ জানিয়েছিল। চাঁদের আলোয় অ্যাডভেঞ্চারের লোভেই রাজি হয়ে গিয়েছিল পাঁচজন, ছয় নম্বর লোকটাকে সন্দেহ করেনি ওরা, ধরে নিয়েছে নতুন কোন প্রতিবেশী। তার সঙ্গী তখন লুকিয়েছিল ঝোপের ভেতরে। ডাইভওয়েতে দলটাকে দেখেই চেঁচিয়ে উঠেছে।

চোখ মিটমিট করছে টার্নার, কিশোরের কথা বোঝার চেষ্টা করছে যেন।

মিস দিনারা কৌনের চোঁহে বিশ্ময়। 'কিন্তু ··· কিন্তু কেন? দুজন লোক কেন ওরকম করবে?'

'দলটোকে বাড়িতে ঢোকানোর জন্যে,' বললেন মিস্টার মিলফোর্ড। 'যাতে ভূত দেখে গিয়ে খবরটা ছড়াতে পারে। ভাল ফন্দি এটেছিল।'

'আমার মনে হয় না.' প্রতিবাদ করল টার্নার। 'এসব অতিকল্পনা।'

'তাই? কিশোর, টেপটা চালিয়ে শোনাও ওঁকে।'

রেকর্ডার রেডিই করে রেখেছে কিশোর। চালিয়ে দিল। কুৎসিত চিৎকারে ডরে গেল ঘর। লাফিয়ে উঠলেন মিস কৌন, চমকে গেল টার্নার।

'এটা শুরু,' মোলায়েম গলায় বললেন মিস্টার মিলফোর্ড। 'আরও কিছু আছে। সে-রাতে যারা যারা কথা বলেছিল, সবার কণ্ঠস্বর ধরা পড়েছে টেপে। চিনতে পারলে জানাবেন।'

ভারি-কণ্ঠের কথা শুনে হঠাৎ সোজা হয়ে বসলেন মিস কৌন। চোখ বড় বড় হয়ে গেছে। হাত তুলে বাধা দিয়ে বললেন, 'হয়েছে হয়েছে, আর শোনার দরকার নেই, বন্ধ করো। এই ডলফ, এ-তো তোমার গলা! ভারি করেছ ইচ্ছে করেই। সেই যে, কলেজে যখন পড়তে, নাটকে ভিলেনের অভিনয় করার সময় ওরকম করে কথা বলতে, আমি ভুলিনি।'

ই্যা, ঠিকই বলৈছেন, মাথা ঝোঁকাল কিশোর, মিস্টার টার্নারের গলা। প্রথমে ধরতে পারিনি, তবে চেনা চেনা লাগছিল। কোন ম্যানসনে ওঁর কথা গুনেছি তো। রদলে ফেলেছিলেন, তবে পুরোপুরি পারেননি। সে-রাতে নকল গোঁফ পরেছিলেন তিনি। অন্ধকারে ওইটুকুই যথেষ্ট ছিল। সহজেই বোকা বানিয়ে দিয়েছেন পাঁচজনকে।

মুখ নিচু করে সোফায় বসে আছে টার্নার, পুরানো কাপড়ের একটা দোমড়ানো। বাণ্ডিল যেন।

্চুপ করে আছ কেন, ডলফ?' বরফের মত শীতল মিস কৌনের কণ্ঠ। 'কিছু বলার থাকলে বলো।'

বার করেক ঢোক গিলল টার্নার, অযথাই নিজের হাতের তালুব দিকে চেয়ে রইল কয়েক মুহূর্ত, তারপর গুরু করল, 'গোলমালটা গুরু হয়েছে বছর দেড়েক আগে, যখন ঘোষণা করলেন, আপনার সব সম্পত্তি মিঙকে দিয়ে যাবেন। মথচ ও আসার আগে জানুতাম, সব আমি পাব,' গুঙিয়ে উঠল সে। কারণ মিঙ

অপিনার সব সম্পত্তির মালিক আইনত আমিই হতাম। নিজের জিনিস মনে করে ওহ আঙুর খেত আর মদের কারখানার উন্নতির জন্যে গাধার মত খেটেছি। অথচ শেষে কি হলো? মনে হলো, আমার জিনিস আমার কাছ থেকে ছিনিয়ে নেয়া হচ্ছে,' থামল 'বলে যাও,' কঠিন কণ্ঠে বললেন মিস কৌন।

হাত নিয়ে কপাল মুছল টার্নার। 'সহ্য করতে পারলাম না। একটা ফন্দি আঁটলাম। বন্ধুবান্ধব আর ব্যাংকের কাছ থেকে টাকা ধার করলাম খেত বন্ধক রেখে, নতুন মেশিনারি কিনলাম। মরিসন আর তার কয়েক দোস্তকে টাকা খাইয়ে বশ করলাম, আমার হয়ে গোলমাল পাকাতে লাগল ওরা, যন্ত্রপাতি ভাঙতে লাগল, পিপায় ফুটো করে মদ ফেলে দিল। ক্ষতি করে করে এমন অবস্থায় িয়ে আসতে চাইলাম, যাতে ভারডাান্ট ভ্যালির সবকিছু বিক্রি করে আপনি কৌন ম্যানশনে চলে যেতে বাধ্য হন।'

'হুঁ, তুমিই আমাকে কৌন ম্যানশন বিক্রি করতে বাধ্য করেছ, এখন বুঝতে পারছি। বলে যাও।'

গভীর অগ্রেহে শুনছে কিশোর। চিংকারটা কার, বুঝেছিল সে, অনুমান করেছিল, টার্নার কোন না কোনভাবে জড়িত, কিন্তু কিভারে, সেটা জানত না।

'বাড়ির অনেক দাম উঠল,' আবার বলল টার্নার, 'এত উঠবে কল্পনাও করিনি। বুঝলাম, ওই টাকা দিয়ে ঋণের বেশির ভাগই শোধ করে ফেলতে পারবেন। কি করব ডেবে ডেবে দিশেহারা হয়ে পড়েছি, এই সময় একটা মেসেজ এল।'

'মেসেজ?' বলে উঠলেন মিস্টার মিলফোর্ড। 'কি মেসেজ?'

স্যান ফ্রানসিসকোর যেতে হবে একজনের সঙ্গে দেখা করার জন্যে। পেলাম। বৃদ্ধ এক চীনা, তাঁর নাম মিন্টার হুরাঙ। চোখ বেঁধে নিয়ে যাওয়া হয়েছে আমাকে, তাই কোন পথে গেছি বলতে পারব না। তিনি আমাকে জানালেন, ব্যাংকের কাছে রাখা ভারাড্যান্ট ভ্যানির মর্টগেজ তিনি কিনে নিয়েছেন। বৃদ্ধবান্ধর যাদের কাছ খেকে টাকা ধার করেছিলাম, তাদের সব টাকা প্রিশোধ করে দিয়েছে। শুধু তাই না, মুখ বন্ধ রাখার জন্যে বাড়িত টাকাও দিয়েছেন তাদেরকে।

'কেন? তার কি লাভ?' জিজ্ঞেস করলেন মিস কৌন।

'আসছি সে কথায়,' জোরে নিঃশ্বাস ফেলল টার্নার। 'তাঁর বাড়িতে বুড়ো এক চীনা চাকরানী আছে, মিস্টার ফারকোপারের বাড়িতে চাকরানী ছিল গোস্ট পার্লের কথা সে জানে। জানে, মিস্টার ফারকোপারের স্ত্রীর লাশের সঙ্গে ওটাকে কবর দেয়া হয়েছে।' মুখের খাম মুছল সে। 'মিস্টার হয়াঙ যেন সবজান্তা। আপনার কথা, মিস্টার ফারকোপারের কথা, ভারড্যান্ট ভ্যালির কথা, সবই তাঁর জানা। আমার সামনে টোপ ফেললেন তিনি। বৃদ্ধিও বাতলালেন।

'বাড়িটাকে ভূতের বাড়ি হিসেবে বদনাম রটানোর পরামর্শ দিলেন তিনি আমাকে, কি ভাবে কি করতে হবে তা-ও বুঝিয়ে দিলেন। এতে বাড়ির খরিদার যাবে কমে, বাড়ি বিক্রি করতে দেরি হবে। গুপ্ত ঘরটা খোঁজার সুযোগ পাব, নেকলেনটা বের করে দিতে পারব। আমার কাছ থেকে দশ লাখ ভলারে কিনে নেকেন ওটা তিনি।

আরও কিছু চালাকি করতে বললেন তিনি। ভূতটা প্রথম দেখা যাবে পোড়ো বাড়িতে, তারপর রকি বাচের এখানে-সেখানে, সব শেষে ভারড্যান্ট ভ্যালিতে। গুজব ছড়াতে হবে। যাতে ভয় পেয়ে কাজ ফেলে পালায় শ্রমিকেরা। ঋণের দায়ে শেষে নিলামে উঠবে আঙুরের খেত আর মদের কারখানা। তখন নেকলেস বিক্রির টাকা দিয়ে সব কিনে নিতে পারব আমি।

'পুরো ব্যাপারটাই খুব সহজ মনে হয়েছিল আমার কাছে। মরিসনকে নিয়ে কাজে লেগে গেলাম। প্ল্যান করলাম, কবে থেকে কিভাবে ভৃত দেখানো ওরু করব। কিন্তু গোলমাল করে দিন কন্ট্রাকটর, এক সপ্তাহ আগেই এসে বাড়ি ভাঙতে ওরু করন। সমস্ত প্ল্যান বদলে তাড়াহুড়ো করে কাজ করতে হলো আমার। ছোটখাট ভুলচুক হয়ে গেল এ-কারণেই।

বাড়ি ভাঙার খবর শুনে মরিসনকে নিয়ে তাড়াতাড়ি চলে গেলাম রকি বীচে। কয়েকজন লোককে ডেকে নিয়ে গিয়ে ভূত দেখালাম। তারপর গায়েব হয়ে গেলাম দুজনে। সে-রাতেই চলে এসেছি ভারড্যান্ট ভ্যালিতে। পর দিন আবার গেলাম, আমি একা। আমার দুর্ভাগ্য, পুলিশ চুকতে দিল না বাড়িতে, তাহলে তোমাদের সঙ্গে দেখা হত না, আমার কণ্ঠস্বরও ভনতে না, ধরতেও পারতে না।

'পারতাম,' বলন কিশোর। 'সেদিন আপনার কথা ওনতে পেতাম না বটে, কিন্তু আজ তো পেতাম। রহস্যের সমাধান করতে আরেকটু সময় লাগত, এই আর কি। আচ্ছা, সেফ থেকে নেকলেসটা তো আপনিই সারিয়েছেন, নাকি?'

'প্ল্যানটা আমারই,' বিষণ্ণ কণ্ঠে বলন টার্নার। 'প্রেসিং হাউসে ভূত দেখানোর বন্দোবস্ত করলাম। গুজব বেশি করে ছড়ানোর জন্যে। নেকলেসটা রবিন, মুসা আর মিঙকে দেখালাম, সাক্ষী রাখলাম যে সেকেই ওটা রেখেছি। এই সময় খবর এন প্রেসিং হাউসে ভূত দেখা গেছে, উত্তেজনায় ভূলে যাওয়ার ভান করে সেফ খোলা রেখেই বেরিয়ে পড়লাম। তারপর হঠাৎ মনে পড়ে যাওয়ার ভান করে আবার তাড়াহুড়ো করে ফিরে এলাম। মরিসনকে দিলাম নেকলেসটা। সে আমাকে সন্দেহমুক্ত রাখার জন্যে আমার হাত পা বেধে রেখে গেল।'

তুমি এত বড় শয়তান জানলে প্রছিহ। যুণায় মুখ বাঁকালেন মিস কৌন। 'আর দশটা চোরছাচোরের সঙ্গে কোন পার্থকা দেখছি না তোমার। নেকলেস জাহান্নামে যাক, ছেলেণ্ডলোর কি হলো? ওদেরকে ফেরত পেলেই আমি খুশি। কোখায় ওরা?'

মাথা নাড়ল টার্নার। 'জানি না। সত্যি বলছি।'

'তোমার সত্যি আর কে বিশ্বাস করতে যাচ্ছে,' তীব্র কণ্ঠে বললেন মিস কৌন। কিশোরের মনে হলো, সত্যি কথাই বলছে টার্নার। বলল, 'আমার মনে হয়, ওরা মরিসনকে সন্দেহ করেছে। হয়তো অনুসরণও করেছে। তাই কোথাও আটকে রেখেছে মরিসন।'

মাথা দোলালেন মিস্টার মিলফোর্ড। 'হতে পারে। আজ সারাদিনে মরিসনেরও পাত্তা নেই। কোথায় সে?'

'ছেলেণ্ডলোকে না হয় লুকিয়ে রাখন,' প্রতিবাদ করল টার্নার, 'কিন্তু ঘোড়া? তিন-তিনটে ঘোড়া লুকাবে কোথায়? উপত্যকা চমে ফেলেছে লোকেরা, তাদের চোখে পড়তই।'

'কোথায় লুকিয়েছে সেটা আমরা কি জানি?' ঝাঁঝাল কণ্ঠে বললেন মিন কৌন।

'চোরে চোরে খালাত ভাই, সেটা তোমার জানার কথা।'

'কেউ যদি খালি আন্চর্যবোধক চিহ্ন খুঁজে পেত,' আফসোস করল কিশোর,'
'তাহলেই খুঁজে বের করে ফেলতাম ওদের। কিন্তু চিহ্ন রেখে যেতে পেরেছে কিনা,
কে জানে। থাকলে চোখে পড়বে না কেন?'

ঘরে এসে ঢুকল সুই। 'শেরিফ এসেছেন, ম্যাডাম। বললেন খবর আছে।' 'জলদি নিয়ে এসো,' বললেন মিস কৌন। ঘরে ঢকলেন শেরিফ। সঙ্গে একটা ছেলে।

ক খঁবর শেরিফ?' তর সইছে না আর মিস কৌনের। 'ওদের খোঁজ পাওয়া গেল?'

'না, ম্যাডাম,' মাথা নাড়ল শেরিফ। 'তবে আন্চর্যবোধক চিহ্ন দেখা গেছে। এই ছেলেটা দেবেছে।'

ময়না পোশাক পরা ছেলেটা এগিয়ে এন। 'হ্যা, ম্যাডাম। পাখির ডিম খুঁজতে বেরিয়েছিনাম, পিপাসা পেন খুব। কয়েকটা পিপা দেখে পানি আছে কিনা উকি দিনাম, দেখি চিহ্ন।'

'কোথায়?' আগ্রহে সামনে ঝুঁকে এসেছে কিশোর।

'মরুভূমির ধারে, পথে।'

'মরুভূমিতে, পিপার ভেতরে,' বিড়বিড় করলেন মিস্টার মিলফোর্ড। 'নাহ্, বিশেষ সুবিধে হবে না।'

'হত্তেও পারে,' উঠে দাঁড়াল কিশোর। 'চলুন দেখে আসি।'

িমিস কৌনও উঠলেন। 'আমিও যাব।'

'আমিও আসি,' বলল টার্নার।

'না,' ধমকে উঠলেন মিস কৌন, 'তোমার যেতে হবে না :'

তাড়াতাড়ি এসে শেরিফের পুরানো সিডানে উঠে গাদাগাদি হয়ে বসল ওরা। বাড়ি থেকে কয়েক মাইল দূরে একটা নির্জন জায়গায় দুটো পিপা পড়ে থাকতে দেখা গেল হেডলাইটের আলোয়।

'ওই যে, ওই দুটোই,' হাত তুলে দেখিয়ে বলন ছেলেটা। কাছে এসে থামূল গাড়ি।

পিপাণ্ডলো ভালমত দেখে বললেন মিস কৌন, 'পুরানো বাতিল জিনিস। এর মধ্যে আঙ্কর বা রস কোনটাই রাখা যাবে না। কিন্তু এখানে এনে ফেলল কে?'

পিপার ভেতরে ঝুঁকে টর্চের আলো ফেলল কিশোর। একটা পিপার তলায় সবুজ চক দিয়ে আঁকা রয়েছে বড় একটা আন্চর্যবোধক। 'হুঁম্, রবিন ছিল এর ভেতরে।'

'বুঝেছি!' চেঁচিয়ে উঠলেন হঠাৎ মিস কৌন। 'এখানে পুরানো পিপা এতই সাধারণ জিনিস, কেউই সন্দেহ করেনি। কল্পনাও করেনি কেউ ওগুলোর ভেতরে ভরে মানুষ নিয়ে যাওয়া হচ্ছে। এগুলোতে করেই ছেলেগুলোকে পাচার করেছে মরিসন। কিন্তু আছে তো দুটো। আরেকজনকে কি করে নিল?'

'কি শয়তানী বুদ্ধি!' বিভূবিভূ করলেন শেরিফ। 'কিন্তু এখানে ফেলে গেল কেন

পিপাণ্ডলো ?'

হরতো গাড়ি বদল করেছে এখানে, বললেন মিস্টার মিলফোর্ড। 'মরিসনের লোক আগে থেকেই গাড়ি নিয়ে বসেছিল, নির্জন জায়গার এসে পিপা থেকে ছেলেদেরকে বের করে অন্য গাড়িতে নিয়ে যাওয়া হয়েছে স্যান ফ্রানসিসকোয়। চলুন, জলদি বাড়ি চলুন। পুলিশকে টেলিফোন করতে হবে।'

ফিরে চলল গাড়ি। হেউলাইটের আফুলায় পথের ধারে একটা কাগজের টুকরো পড়ে থাকতে দেখল কিশোর। খানিক দূরে একটা, তারপর আরেকটা। চিন্তিত দেখাচ্ছে তাকে। কই, আসার সময় তো দেখেনি? নাকি বেশি উত্তেজিত ছিল বলে

খেয়াল করেনি? তাই হবে।

খানিক দূরে আরেকটা একই রকম কাগজের টুকরো চোখে পড়তেই গাড়ি খোমাতে বলল কিশোর। গাড়ি খেকে নেমে গিয়ে তুলে নিল টুকরেটা। টর্চের আলোয় দেখল, তাতে লেখা রয়েছে কিছু। আরে, রবিনের হাটুতর লেখা না! দুত্ত চলে এল গাড়ির কাছে। মিস্টার মিলফোর্ডকে ডাকল, 'আংকেল, দেখুন, রবিনের লেখা!'

ছেলের হাতের লেখা চিনতে পারলেন বাবাও।

লেখা রয়েছে ঃ ৪৭ খনি সাহায্য চাই!!!

'ক্রি মানে এর!' আপনমনেই বললেন মিস্টার মিলঞোর্ড। 'কিশোর, কিছু বুঝতে, পারছ?'

'না,' মাথা নাড়ল কিশোর। 'কিছুই বুঝছি না। হতে পারে সাতচল্লিশ মাইল দুরের কোন খনির কথা বলছে।'

'সাতচল্লিশ মাইল দূরে কোন খনি নেই,' বললেন মিস কৌন, 'যা আছে, মাইল

দশেকের মধ্যেই রয়েছে। এখানকার কোন খনিই খোঁজা বাদ রাখেনি।

স্থির দৃষ্টিতে কাগজটার দিকে চেয়ে আছে কিশোর, চিমটি কাটছে নিচের ঠোটে। দশ মাইলের মধ্যেই কোন খনিতে রয়েছে ওরা খনির উল্লেখ তাই বোঝাচ্ছে। কিন্তু সাতচল্লিশ মানে কি তাহলে?

ষোজো

গুহার দেয়ালে পিঠ ঠেকিয়ে পাশাপাশি বসে আছে রবিন আর মিঙ। পা বাঁধা। বাড়তি সতর্কতা হিসেবে ওদের দু'পাশে বসে আছে দু'জন লোক, পাহারায়।

গাঢ় অন্ধকার। কিছই দেখা যায় না।

স্টেশন ওয়াগনের পেছনে তুলে চাদর দিয়ে ঢেকে নিয়ে আসা হয়েছে ওদেরকে হ্যাশনাইফ ক্যানিয়নে। গাড়ি যতদূর আসতে পারে এসেছে, তারপর ঘুম থেকে তুলে হাঁটিয়ে এনেছে বাকি পথ।

মুসাকে নিয়ে নেকলেস আনতে গেছে মরিসন!

সূড়কের সঙ্কীর্ণ অংশটার কাছে এসে দাঁড়াল দুজনে। এর পর আর মরিসন যেতে পারবে না: মুসার হাতে একটা টর্চ, ধরিয়ে দিয়ে শাসিয়ে বলল, 'যাও। কোন রকম চালাকি করবে না। তুমি ফিরে না এলে তোমার দুই বন্ধুর গলা কেটে ফেলে দেব। সনে থাকে যেন।

না ফেরার কোন ইচ্ছে নেই মুসার। সেঞ্যা মরিসনকে জানিয়ে হামাণ্ডড়ি দিয়ে

ঢুকে পড়ল সুড়ঙ্গে।

দুইবার পৈছে-এসেছে এই পথে, তৃতীয়বার যেতে বিশেষ অসুবিধে হলো না।
, পেরিয়ে এল সঙ্কীর্ণ অংশটা। তার্নপর চিহ্ন ধরে ধরে এসে চুকল সেই গুহায়, যেখানে
লুকিয়েছে নেকলেস। সিদ্ধান্ত নিয়ে ফেলেছে, নেক**লেটা** দিয়ে দেবে মিস্টার
হুয়াঙ্গকে, কোনরকম চালাকি করবে না। অহেতুক ঝুঁকি নেয়ার কোন অর্থ নেই।

কিন্তু কঙ্কালটা যেখানে থাকার কথা সেখানে আন্দো ফেলেই স্থির হয়ে গেল। ডয়ের ঠাণ্ডা স্রোত শিরশির করে নেমে গেল মেরুদণ্ড বেয়ে। কৃষ্ণালের চিহ্নও নেই, গাধার খুলিটাও গায়েব। সে জায়গায় মন্ত এক কালো গর্ত, বড় পাথর ধসে পর্টেড় রয়েছে। নিশ্চয় ওঁড়িয়ে দিয়েছে হাড়, সেই সঙ্গে ভঙ্গর মুক্তোণ্ডলোও।

প্রমাদ গুনল মুগা। এখন কি করবে? মরিসনকে বিশ্বাস করানো যাবে না। কি করবে? ভাবতে ভাবতেই ফিরল সে। পাথরের আড়াল থেকে বের করে নিল কালো

টটটা। মরিসন কি খুলে দেখবে? নাকি না দেখেই হেড়ে দেবে তাদেরকে?

ঘটল কি করে এই কাও? মনে পড়ল মুসার, ছিতীয়বার সংশ্বীর্ণ সুড়ঙ্গ দিয়ে ফেরার পথে ভূমিক প হয়েছিল। সে-কারণেই হয়তো ধসে পড়েছে পাথর। একেই বলে দুর্ভাগ্য। পড়ার আর জায়ুগা পেল না, পড়ল একেবারে কম্কালটার ওপুর।

জন্মহাদয়ে কালো টর্চটা নিয়ে ফিরে চলল মুসা। জানে, না দেখে নিশ্চিন্ত হবে না মরিসন, তবু ক্ষীণ একটা আশা দুলছে মনে। যদি না দেখেই ছেড়ে দেয়?

সঙ্কীর্ণ সুড়ঙ্গ পেরিয়ে এল মুসা।

দুদেখেই পমকে উঠল মরিসন, 'এত দেরি কেন্? কই, এনেছ?'

নীরবে কালো টর্চটা মরিসনের হাতে তুলে দিল মুসা।

হাতে নিয়ে একবার ওজন পরীক্ষা করেই মাথা নাড়ল মরিসন। 'হুঁ। চলো, এগোও।'

কিন্তু দশ পা এগিয়েই থেমে গেল মরিসন। 'আছে কিনা দেখি তে? বিচ্ছুটাকে বিশ্বাস নেই।' টর্চের পেছনের ক্যাপ ঘুরিয়ে খুলতে শুরু করল।

দৌড় দিল মুসা। দুই লাফে এসে তার কলার চেপে ধরল মরিসন, ল্যাঙ মেরে ফেলে দিল মাটিতে। দ্রুত হাতে ক্যাপ খুলে টর্চের ভেতর থেকে বের করে আনল ক্রমালে বাঁধা পাথরের পুঁটলি।

গর্জে উঠে একটানে ছুরি বের করল মরিসন। উঠে দাঁড়িয়েছে মুসা। ছুরির চোখা ফর্লা তার পিঠে ঠেনে ধরে বলল ফোরম্যান, 'গোলমাল করলে কি করতে হবে বলেই দিয়েছেন মিস্টার হুয়াঙ। জবাই করব আমি তোমাদের। নেকলেসটা কোথায়থ

'নেই। পাথর পড়ে ভেঙে গেছে,' মিনমিন করে নলল মুসা।

ু চুপ! চালাকির আর জায়গা পাওনি! দাঁড়াও, দেখাচ্ছি মজা। তোমাকে কিছু বলব না, তোমার বন্ধুদের আঙুল কাটব এক এক করে। চলো, হাঁটো। সোজা অঙুলে ঘি উঠবে না। হাঁটো, ছুরির সাথা দিয়ে মুসার পিঠে খোঁচা লাগাল মরিসন। গুহাটায় ফিরে এল দু'জনে। টর্চের আলোয় দেখা গেল তেমনি বলে আছে রবিন আর মিঙ। তার পাশে মুখ ওঁজে বলে আছে দু'জন লোক।

'এই…,' বলেই থেমে গেল মরিসন। হঠাৎ লাফিয়ে উঠে দাঁড়াল দু'জন, হাতে

রিভলভার। তার রেখে যাওয়া প্রহরীরা নয়, অন্য লোক।

প্রায় একই সঙ্গে গুহার চারপাশ থেকে জ্বলে উঠল ছয়টা টর্চ। শেরিফের ধমক শোনা গেল, 'ধবরদার, নড়বে না, খুলি উড়িয়ে দেব!'

কিন্তু নড়ল মরিসন। চোখের পলকে মুসার কলার চেপে ধরে একটানে তাকে নিয়ে চুকে গেল আবার সূড়ঙ্গে। কেউ গুলি করার সাহস পেল না, মুসার গায়ে লাগতে পারে। এতই তাড়াতাড়ি ঘটে গেল ঘটনাটা, কেউই কিছু করতে পারল না। তবে দাঁড়িয়েও থাকল না। টর্চ আর রিভলভার হাতে ছুটে এসে চুকল সূড়ঙ্গে।

ঝাড়া দিয়ে মরিসনের হাত থেকে কলার ছুটিয়ে নিয়ে দৌড় দিল মুসা। এসে

পড়ল একেবারে শেরিফের গায়ে।

' কোথায় গেলং' জিজ্ঞেস করল শেরিফ।

আঙ্ল তুলে একটা সুড়ঙ্গ মুখ দেখিয়ে দিল মুসা, কথা বনতে পারছে না, হাপাচ্ছে।

'যাক,' বলন শেরিফ। 'আজ আর খুঁজব না। খনির মুখে পাহারা রেখে যাব। কাল সকালে এসে ধরব ব্যাটাকে।'

ফেরার পথে গাড়িতে রবিন জানতে চাইল, ওরা কোথায় আছে তা জানা গেল কি করে।

'কিশোরের কৃতিত্বু,' বললেন মিন্টার মিলফোর্ড। 'পথের ধারে তোমার লেখা কাগজ তার চোখেই পড়েছে। বোঝা গেল; খনিতে রয়েছ তোমরা। কিন্তু কোনটায়? যত খনি আছে, জানামত সব খুঁজেছে মিস কৌনের লোকেরা। শেষে তাঁরই মনে পড়ল একটা কথা, প্রায়ই নাকি মিঙ কোন্ এক খনিতে যেত, একজন লোকের সঙ্গে। লোকটার নাম ন্যাট বারুচ, স্যান ফ্রানসিসকোর এক হাসপাতালে রয়েছে এখন। অসুস্থ। তাকে ফোন করলেন মিস কৌন। জানা গেল, আরেকটা খনিমুখ আছে, যেটা খোঁজা হয়নি। দুটো হলদে পাখর আছে খনির মুখে। তখনই লোক জোগাড় করে ওটাতে এসে চুকলাম। তারপর আর কি? চুকেই দেখি তুমি আর মিঙ…' থামলেন তিনি। 'আছা, সাতচল্লিশ লিখেছিলে কেন? মানে কি?'

হাসল রবিন। 'কিশোর এর মানে বের করতে পারেনি?'

'না,' বলল কিশোর।

'তুমি বোঝো না, এমন জটিল সমস্যাও তাহলে আছে,' বলন রবিন। 'স্টেশন ওয়াগনের পেছনে তুলে নিয়ে যাওয়া হচ্ছিল আমাদেরকে। নোট বই থেকে পাতা ছিড়ে তাতে সংকেত নিখে একটা ফাঁক দিয়ে ফেলেছি। একটা মাত্র পাতা ফেললে লোকের চোখে পড়ার সম্ভাবনা খুবই কম। তাই একটার পর একটা পাতা ছিড়ে একই কথা বারবার লিখে ফেলেছি। সিরিয়াল নম্বর দিয়ে দিয়েছি এক দুই করে। ধরে নিয়েছি, বেশি পাতা ফেললে একটা অন্তত কারও না কারও চোখে পড়বেই। তোমরা যেটা পেয়েছ, সেটা সাতচল্লিশ নম্বর।'

'নম্বর দিয়েছ কেন?' জিজ্ঞেস করল কিশোর।

'এমনি। মনে হলো, তাই দিলাম।'

'খনির নাম-ঠিকানা লিখলে না কেন্ত'

'নাম জানি না। তাছাড়া বেশি লেখার সুযোগ কোথায়? চাত্তরের নিচে অন্ধকারে বসে লিখেছি, চলন্ত গাড়িতে। ওটুকু যে লিখতে পেরেছি তা-ই বেশি।'

সতেরো

পরদিন ধরা পড়ল না মরিসন। ধরা পেল না কোনদিনই। তার আর কোন খোঁজই কেউ কোনদিন পেল না। হয়তো এমন কোন সুড়ঙ্গ দিয়ে বেরিয়ে পালিয়েছে সে, যেটা সম্পর্কে আর কেউই জানে না। কিংবা হতে পারে, কোন সুড়ঙ্গ বা ওহায় বেকায়দা অবস্থায় আটকা পড়ে গাধাটার মতই মর্মান্তিক মৃত্যু বরণ করছে।

মিস্টার মিলফোর্ড ফিরে গেলেন রকি বীচে।

মিঙের দাদীমার, মেহমান হয়ে আরও কয়েক দিন ভারডান্টি ভ্যানিতে থাকল তিন গোয়েন্দা।

যেসব জায়গা দেখা হয়নি, ঘুরে ঘুরে সব দেখাল তাদেরকে মিঙ। চমংকার কেটে গেল কয়েকটা দিন।

ভূতের ব্যাপারটা ভূয়া, সব টার্নারের শয়তানী, এটা প্রকাশ পেতেই আরার ফিরে এল শ্রমিকের দল, শেষ মুহূর্তে রক্ষা পেল পাকা আঙুর, তাড়াতাড়ি তুলে পাঠানো হলো ওণ্ডলোকে প্রেসিং হাউসে, রাতদিন পরিশ্রম করে ক্ষতি পুষিয়ে নেয়া হলোঃ

টার্নারকে পুলিশে দেননি মিস কৌন, আত্মীয় বলে মাফ করে দিয়েছেন। তবে তাড়িয়ে দিয়েছে ভারড্যান্ট ভ্যালি থেকে। সাবধান করে দিয়েছেন, ওখানে আর কোন দিন তাকে দেখা গেলে সঙ্গে সঙ্গে পুলিশে দেবেন।

অবশেষে একদিন রকি বীচে ফিরে এল তিন গোয়েনা। খবর পেয়ে সেদিনই এসে তাদের সঙ্গে দেখা করলেন পুলিশ-প্রধান ক্যাপ্টেন ইয়ান ফুেচার। বার বার ধন্যবাদ দিয়ে বললেন, 'উফ্, কি মানসিক অশান্তি থেকেই না মুক্ত করেছ তোমরা আমাকে। নিজের চোখে ভূত দেখলাম অথচ ভূত বিশ্বাস করি না, রহস্টো রাতের ঘুম হারাম করে দিয়েছিল আমার।

পকেট থেকে তিনটে সবুজ ক্লার্ড বের করলেন ক্যাপ্টেন, এক্কেজনকে একটা করে দিলেন।

নেখা রয়েছে ঃ

এই কার্ডের বাহক ভলানটিয়ার জুনিয়র, রকি বীচ পুলিশকে সহায়তা করছে। এদেরকে সাহায্য করা মানে, পক্ষান্তরে পুলিশকেই সাহায্য করা।

সার্টিফিকেটের নিচে ক্যাপ্টেন ফ্রেচারের সই আর সীল ৷

আনন্দে নান হয়ে গেন কিশোরের মুখ। 'অনেক ধন্যবাদ আপনাকে, ক্যাপ্টেন। গোয়েন্দাগিরি করা এখন অনেক সহজ হয়ে গেন আমাদের জন্যে।' চেচিয়ে উঠন মুসা, 'থ্রী চিয়ার্স ফর…' 'ক্যাপ্টেন ফ্রেচার!' সমস্বরে শ্লোগান দিল কিশোর আর রবিন।

হাসলেন ক্যাপ্টেন। 'এখন থেকে কোনরকম্ অসুবিধে হলেই আমাকে জানাবে। যত ভাবে পারি, সাহায্য করব।'

বাইরে বোরিস আর রোভারকে খাটাচ্ছেন মেরিচাচী, চেঁচামেচি গুনে উঁকি দিলেন অফিসে। হাসিমুখে বেরিয়ে আসছেন ক্যাপ্টেন ফ্রেচার, ব্যাপারটা অবাকই লাগল তাঁর কাছে। কি ব্যাপার, চীফ? আপনার মুখে হাসি অবাক কাণ্ড!'

'হাসব না বলছেন কি?' হাসতে হাসতেই বললেন ক্যাপ্টেন। 'ভূতে ধরেছিল আমাকে, আপনার ছেলেরা ছাড়িয়েছে।'

'সর্বনাশ!' আঁতকে উঠলেন মেরিচাচী। ^{*}ছেলেণ্ডলো আপনার মাথাও খেয়েছে তাহলে?···যাচ্ছেন যে? চা খেয়েছেন?'

'না, খাইনি। বসবং'

বসুন বসুন, আমি এখুনি নিয়ে আসছি। তারপর ভূতের গল্প ওনব।

বড়দৈর কথায় আর থাকল ন্য তিন গোয়েন্দা, বেরিয়ে এল। রওনা হলো হেডকোয়ার্টারে।

তার পরদিন বিখ্যাত চিত্রপরিচালক মিন্টার ডেভিস ক্রিন্টোফারের অফিসে এল তিন গোয়েন্দা। তাদেরকে দেখেই বলে উঠলেন তিনি, 'এই যে, এসে পড়েছ, বসো। খবরের কাগজে পড়েছি সব। দু'মিনিট বসো, হাতের কাজটা সেরে নিই, তারপর শুনব।'

কাজ শেষ করে কাগজপত্র এক পাশে ঠেলে সরিয়ে রাখলেন মিস্টার ক্রিস্টোফার। হাত বাড়ালেন। ফাইলটা বাড়িয়ে দিল রবিন।

মন দিয়ে রবিনের লেখা রিপোর্ট পড়লেন তিনি। মুখ তুললেন। 'মিস্টার হয়াঙের খবর কি? তার কথা তো আর কিছ লেখেনি।'

রবিন বলস, 'আমার ওখানে থাকতেই একদিন সিঙ্গের দাদীমার বাড়িতে এল দু'জন চীনা। তারা বলল, নেকলেসটা কোথায় রেখেছিল মুসা দেখিয়ে দিলে মিস্টার হয়াঙ কিন্তিতে ঋণের টাকা নিতে রাজি আছেন। দেখিয়ে দিল মুসা। নেকলেস পাওয়া যায়নি, তবে ওখানকার সমন্ত ধূলো পোঁটলা করে নিয়ে গেছে লোকগুলো।'

'মুক্তোর ওঁড়ো মেশানো পুলো খৈয়েই নেঁচে থাকার ইচ্ছে। হুঁহ, কতরকম লোক যে আছে দ্নিয়ায় সুকু কুসংফার।' কিশোরের দিকে ফিরলেন, 'কিশোর, কুকুরের উল্লেখ আছে রিশোর্টে, কিন্তু ব্যাখ্যা করা হয়নি।খুলে বলো তো।'

্রিকুকুরটার কথা ভাবতে শার্লক হোমসের একটা গল্প মনে পড়ে গেল,' বলল কিশোর। 'আপনরে নিশ্চয় মনে আছে, স্যাব, ডক্টর ওয়াটসনকে শার্লক হোমস কি বলেছে, রাতে কুকুরের আচরণ সম্পর্কে?'

'নিন্চয়!' বুঁঝে ফেললেন চিত্রপরিচালক, চেহারার ভাবেই প্রকাশ পেল সেটা। 'ডক্টর ওয়াটসন বলছে, রাতে অদ্ভূত কিছুই করে না কুকুরটা। শার্লৃক হোমসের জবাব, করে না যে সেটাই তো অদ্ভূত।'

'বুঝেছেন, স্যার।'

রিপোর্টের পাতা উল্টে একটা জারগায় এসে থামলেন চিত্রপরিচালক। 'এই যে, এখানে লেখা রয়েছে, ছোট্ট কুকুরটা শান্ত ছিল লোকটার কোলে, চেঁচামেটি করেনি। কিশোর, না বলে পারছি না, তোমার ব্রেনটা অসাধারণ। এই অতি সামান্য একটা ব্যাপার থেকে রহস্যের সমাধান করে ফেললে?'

মুসা আর রবিনের চোখ বড় বড় হয়ে গেছে। কিছুই বুঝতে পারছে না। হেঁয়ালি মনে তাদের কাছে কিশোর আর চিত্রপরিচালকের কথাবার্তা।

ু 'কুকুরটা শান্ত ছিল, তাতে কি?' আর থাকতে না পেরে জিজ্ঞেস করন মুসা। 'কুকুর আর বিড়ালের স্বভাব জানো?' বললে। মিস্টার ক্রিস্টোফার। 'রাতের বেলায় ভয় পেলে কিংবা অদ্ভুত কিছু দেখলে কি রকম উত্তেজিত হয়ে ওঠে? রোম খাড়া হয়ে যায়, চিংকার করে। ছোট্ট কুকুরটা সেরাতে কিছুই করেনি, তার মানে কি?'

'ও, বুঝেছি!' চেঁচিরে উঠল মুসা। 'যেহেতু ভূত ছিল না সেটা, সেজন্যেই চেঁচামেচি করেনি কুকুরটা। আমাদের কাছে অস্থাভাবিক, কিন্তু তার কাছে ব্যাপারটা সাধারণ ছিল। ইস্, আমরা কি! এই সহজ কথাটা…'

'তোমরাং আর দশটা ছেলের চেয়ে বৃদ্ধিমান, সাহসী, রীতিমত দুঃসাহসী,' বললেন চিত্রপরিচালক, 'নেকলেসটা যেডাবে লুকিয়েছ, মরিসনকে ধোকা দিতে চেয়েছ, সেটা বৃদ্ধি আর সাহসের পরিচয় নয়ং রবিন থে ঘুমের ভান করে থাকল সেটা বৃদ্ধির পরিচয় নয়ং…'

'হাা, ঠিক,' হাসল মুনা। 'মিস্টার হুয়াঙকেও বোকা বানিয়ে ছাড়ল। সম্মোহিত হওয়ার ভান করে চোখ বুজে রইল। তারপর সুযোগমত সাহায্যের আবেদন ছড়িয়ে দিল পথে পথে। এটা ওনলে মিস্টার হুয়াঙের চেহারা কেমন হয় দেখতে ইচ্ছে করছে। হা-হাহ।'

'আজ তাহলে উঠি, স্যার?' ওঠার উপক্রম করল কিশোর।

'আরে বসো,' হাত নাড়লেন চিত্রপরিচালক। 'আসল কথাটাই তো জানা হয়নি এখনও। ভূতের ব্যাপারটা ফাঁকিবাজি, কিন্তু একটা কিছু তো দেখা গেছে। কি ওটাং'

ু কুকুরের ব্যাপারে ভাবতে গিয়েই ওটা বুঝতে পেরেছি। কুকুরটা তেমন বিশেষ কোন গন্ধ পেল না, বিশেষ কিছু দেখল না, তার আচরণ খেকেই এটা স্পষ্ট।···ঘরটা অন্ধকার করে দিই স্যার?"

'হ্যা হ্যা. দাও।'

জানালার সবগুলো পর্দা টেনে দিল কিশোর। আলো নিভিয়ে ঘর অন্ধকার করে। দিল। 'ডানে, দেয়ালের দিকে তাকান।'

রবিন তার মুসাও তাকাল। সবুজ আলো ফুটছে শাদা দেয়ালে। আন্তে আস্তে উজ্জ্বল হলো আলো। যেন একটা মানুষের রঙিন ছায়া, নড়ছে। দেয়ালের এক প্রান্ত থেকে আরেক প্রান্ত ডেসে চলে গেল যেন ওটা। স্নান হতে হতে মিলিয়ে গেল।

আলো জুলে দিল আবার কিশোর।

তাজ্জব ব্যাপার। বিশ্বাস করতে পারছে না মুসা।

'বুঝেছি,' মাথা ঝোঁকালেন চিত্রপরিচালক। 'আরও আগেই আমার বোঝা উচিত ছিল। এতদিন সিনেমা লাইনে আছি…'

'কী, স্যারং' কৌতৃহল দমিয়ে রাখতে পারছে না মুসা।

প্রোজেক্টর। মিনি প্রোজেক্টর। লাইটিং খুব কমিয়ে দিয়ে অন্ধকারে দেয়ালে ছবি ফেলা হয়েছে, আর কিছু না। রঙিন ছবি।

'কিশোরের হাতের ওই টর্চটা?' ভুরু কুঁচকে গেছে মুসার।

'হঁটা,' বনল কিশোর। 'এটা টার্নারের অফিসে খুঁজে পেয়েছি। জাপানের তৈরি। দেয়ালে ছবি ফেন্টেন টর্চটা যেদিকে ঘোরাবে সেদিকেই যাবে ছবি। ওপরে নিচে কিংবা পাশে দ্রুত নাড়ালে মনে হবে ছবিটা নাচছে। একটা সুইচ আছে, এই যে এটা, এটা দিয়ে লাইট কট্টোল করা যায়, আলো কমানো বাড়ানো যায়। মিস্টার হুয়াঙ দিয়েছেন এটা টার্নারকে।'

'কি করে জানলে?' রবিন জিজ্ঞেস করল।

'টার্নার বলেছে।'

'টার্নারই তাহলে ভৃত দেখিয়েছে?' মুসা বলল।

'সে-ও দেখিরেছে, মরিসনও দেখিরিছে। টর্চের মত দেখতে, হাতে নিয়ে ঘুরলে কেউ সন্দেহ করে না। পকেটেও জায়গা হয়,' পকেটে চুকিয়ে রাখল কিশোর। 'তিন গোয়েন্দার হেডকোয়ার্টারে সূতভনির রাখব এটা।' চিত্রপরিচালকের দিকে ফিরে বলল, 'তাহলে এখন য়াই, স্যার।'

'কিছু খাবে নাং আইসক্রীমং'

মুসার মুখটা হাসি হাসি হয়ে গেল, কিন্তু সেদিকে খেয়াল না দিয়ে উঠে পড়ল কিশোর।

'না, স্যার, রাড়ি গিয়ে একবারে খাব। চলি।' একে একে বৈরিয়ে গেল ওরা অফিস থেকে।

পেছনে তাকিয়ে রইলেন চিত্রপরিচালক। আপনমনেই বিড়বিড় করলেন, 'আন্চর্য এক ছেলে! শার্লক হোমসের কিশোর সংস্করণ। শুধু একটা কুকুরের আচরণ খেকেই…' হাত বাড়িয়ে বেলপুশ টিপে বেয়ারাকে ডাকলেন। লাঞ্চের সময় পেরিয়ে যাছে।



